

NATIONAL LIBRARY OF MEDICINE

Bethesda, Maryland

$$(12) + 11 + (2) + 367 + (4) + 289914$$

Complete. (2)

IOSEPHI DEMARCO

Medici Melitenfis Philosophiæ, & Universitatis Monspelliensis

MEDICINÆ DOCTORIS

DE LANA

Ritè in Secunda, & Adversa valetudine adhibenda.

OPUS, QUO

Villosæ Vestis nudi contactus Præstantia, & Actio Staticæ experimentis perspicuè, Utilitates fusè demonstrantur, Noxæ diligenter expenduntur.

Adjecta est ad calcem

DISSERTATIO DE USU, ET ABUSU CHOCOLATÆ

In Re Medica, & Morali.



MELITÆ in Palatio, & ex Typographia C. S. S. MDCCLIX.
Apud D. Nicolaum Capacium ejus Typographum. X Superior, Facult.

POSTED

BY

THE

OFFICE

OF THE



APR 10

EXCELLENTISSIMO
DOMINO

FRATRI

D. JOSEPHO
DE DUEÑAS

SACRI ORDINIS HIEROSOLIMYTANI BAJULIVO,
Et Commndarum de PAZOS, & de CUBILLAS

COMMENDATARIO,

Regioque Rerum Hispa-
nicarum in Melita

ADMINISTRO

JOSEPHUS DEMARCO

FELICITATEM.

EXCELENTISSIMO

DOMINO

FRATRI

D. JOSEPHO

DE BARRAS

et aliorum, qui in hac urbe
habitant, et in hac urbe

COMENDATARIO,

Regioe Reali Hip-

potamensis in Mella

ADMINISTRO

JOSEPHUS DEUM REGO

FRATRI

EXCELLENTISSIME DOMINE!



Ingularis amor, quò omnia literarum studia colis, totisque viribus foves, erigit me, certamque spem affert, Opellam hanc, quam Tibi offerre, ac dicare audeo, humaniter a Te fore excipien-

piendam, Tuoque auspicio decorandam. Multa mihi essent hoc loco dicenda, si juxta morem, veteremque consuetudinem, laudibus exornare vellem Antiquam, Præclaram, Eximiam Generis Tui Originem, & Nobilitatem; mitto tamen hæc; longo namque sermonum tuorum experimento didici, quod genus, & Proavos, & quæ non fecimus ipsi, vix ea nostra putas. Præterquam quod tale argumentum & vires superat meas, & longum nimis desideraret sermonem, quàm qui brevi Epistola possit comprehendì. At silentio præterire nequeo egregias animi tui dotes, virtutesque tuas, quibus æternum Tibi Nomen comparasti, omniumque, qui Te noverunt, amorem devinxisti. Profectò mira est acies mentis tuæ, mira Prudentia, Solertia, Sedulitas, quæque omnium caput est, recti constans ac perpetua Voluntas, mira quoque est Comitas & Pietas tua, mira facundia, & Fides. Nec reticere debeo præcipuos honores, quos tanta virtutum copia instructus, ornatus, ditatus hic atque alibi adeptus es. In ipso Juventutis flore a M. Magistro D. ANTONIO MANOEL e longinquo accersitus es ad fiduciarium munus Segretarii Hispaniæ, atque ab eodem Principe ad Invictissimum Regem Carolum pro felici ejus adventu ad utriusque Siciliæ Regna sui, ac totius Sacræ Militiæ Hierosolymitanæ nomine Legatus, missus es. Atque tanta cum laude utrumque onus perfecisti, ut tum a M.

Ma-

Magistro D. RAYMUNDO DESPUIG, ubi primum
fuit, Commenda Magistralis Gratia donatus, tum
ab Optimo, Sapientissimoque Principe D. EMMA-
NUELE PINTO, quem Deus nobis, universoque Or-
dini Hierosolymitano sospitem, atque incolumem diu
servet, eo ipso die quo ad tantæ dignitatis fastigi-
um susceptus es, denuo a Secretis Hispaniæ Episto-
lis electus es. Et ut amplioribus muneribus æquis-
simus hominum estimator virtutem tuam condeco-
raret, inter Sacræ Religionis Consiliarios te adsci-
vit, & Oratoris Extraordinarii munere publicis ne-
gotiis apud Potentissimum Regem CAROLUM gerē-
dis constituit. In quo quidem præclaro Munere quā-
ta cum Humanitate, ac Prudentiæ laude te gesse-
ris, quantumque Sapientissimi Regis animum con-
ciliaveris, adeo omnibus exploratum est, ut id
longiori oratione explicare necesse minimè sit. Il-
lud etiam ad absolutissimam tui Nominis laudem
accensendum est, (quod non ultimum tuæ Vigi-
lantia, Scientiæ, & Iustitiæ erit argumentum)
Te multis abhinc annis summo omnium plausu
Ministrum Regis Catholici gerere. Hæc sunt,
Excellentissime Domine, quæ rudi minerva delibare
placuit, ut quicumque Opusculum meum in ma-
nus sument, videant quàm benè sit mihi de
Patrono consultum. Superest nunc, ut hilari
fronte illud excipias, Tuoque Nomini inscriptum
prodire in lucem, ne dedigneris. Profectò hinc
ad

ad tot, tantaque beneficia, quæ in me, omnem-
que meam familiam incredibili humanitate con-
tulisti, maximus cumulus accedet.

Excellentiæ Tuae.

Dabam Sengleæ
Nonis Januarii MDCCLIV.

Addictiss. & Obsequentiss.

Servus

Josephus Demarco.

CENSORUM VOTA.

Opus hoc de Lana ritè in Secunda, & Adversa valetudine adhibenda, Auctore Josepho Demarco Medicinæ, & Philosophiæ Doctore, non oscitanter legi, nec aliquid in ipso contra nostram sanctissimam Catholicam Fidem, bonosque Christianos mores reperi: imò observavi in ordine naturali aliqua scitu digna, nempe multa & varia medicinalia experimenta, multaque & varia naturalia phenomena, quæ benè considerata, & comprehensa conducunt ad scientiam Philosophiæ Corpuscularis & Mechanicæ, quæ agitantur in Neotericis scholis. Quæ postea addit Auctor in calce libri de Cocholata, valde adjuvant, & confirmant sanam opinionem Auctorum Probabilioristarum, asserentium: *Cocholatam Ecclesiasticum jejunium frangere*. Cum igitur ista ita sint, meo videri, hic liber imprimi potest, si videbitur Illustrissimo & Reverendissimo Domino Melivitanæ nostræ Diœcesis Dignissimo Episcopo.

E' Conventu S. Mariæ Portus Salutis Ordinis Prædicatorum die 14. Septembris 1759.

Fr. Henricus Hercole Magister Exprovincialis Ordinis Prædicatorum, Examiner Synodalis, & Censor librorum.

Cum Opus hoc, quo *Villosæ vestis nudî contactus, præstantia, & actio Staticæ experimentis perspicuè utilitates fusè demonstrantur*, noxæ diligenter expenduntur, varia eruditione sit refertum, nihilque contineat, quod Catholicæ Fidei adversetur, prælo mandari potest unà cum Dissertatione *De usu, & abusu Chocolata in re Medica, & Morali*, si ita videbitur Revmo Dño D. Petro Francisco Griffi Cathedralis Canonico, & Tribunalis SS. Inquisitionis Proinquisitori. E Collegio Soc. Jesu die 22. Octobris 1759.

Ignatius Theuma Consultor S. Officii, pro eodem librorum Censor, ac Synodalis Examiner.

Cum ex commissione Illustrissimi Domini Vicecancellarii Fratris D. Francisci Guedes, Aquilæ Bajulivi, attentè perlegerim Opus, cui titulus est: *Josephi Demarco Medici Melitenfis Philosophiæ, & Universitatis Menspelliensis Medicinæ Doctoris De Lana ritè in Secunda, & Adversa valetudine adhibenda: necnon Dissertationem de Cocholata, ejusque usu, & abusu in re Medica, & Morali*, & nihil prorsus boni Regiminis Regulis, Statutis, ac Privilegiis Inclyti Jerosolymitani Ordinis in eo adversum invenerim; imò nedum varia eruditione illustratum, verum etiam sana opinione de Cocholata in re Morali, in adjecta Dissertatione refertum perpenderim: dignum proinde publica luce judico, si prælaudato Illustrissimo Domino Vicecancellario, a Serenissimo Principe, ac Eminentissimo Magno Magistro Fr. D. EMMANUELE PINTO ad hoc specialiter deputato, ita videbitur. Dat. in Conventu S. Francisci die 20. Novembris 1759.

Fr. Franciscus Samut Ord. Minor. Convent. Sac. Theol. Magister, & pro Illmo Dño Vicecancell. librorum Censor.



Imprimatur.

Imprimatur.


Imprimatur.

Fr. D. Bart. Episcopus
Melitenſis.

Petrus Francisc. Griſti
Proinquiſitor.

Bajul. Aquilæ Guedes
Vice-Canc. & Deputat.

I mò deſpectis , laudata proſuere minùs :
Eſt enim auxilii bonitas ſimplicitate cen-
ſenda , quum periculofa ex ubertate medici-
na ſit. *Boerhav Oration. III. de Repurgation.*
Medic. &c. p. m. 44.



PRÆFATIO.



Ripuit, tenetque hic tumor ætatem nostram, ut justò majora omnia pervelimus, & decrefcentibus in dies, mundi velut senio corporibus, proceriores tamen animos, elatioresque geramus. Considera, quibus immergitur, sæculum omnis generis intemperantias. Nam ut aliquos excessus attingam, Quid ornamenta domorum? Quid Aulea textili auro illuminata? Quid Vela acu picta præ foribus? Quid Rhædæ; & Currus pœnè triumphales? Quid peregrinantis Gulæ, inque succos omnes inquirentis industria? Quid Purpura? Quid Argentum? Quid domesticum Servitium? Quantum luxuria, fastuque superiorem ætatem antecellunt! Vestium, quibus hodie amicimur, idem est morbus. Quæ enim morum tanta Integritas, quæ tanta Frugalitas, magnitudo Animi, quæ Vestium mediocritas, & in ipsa mediocritate lepor, atque concinnitas in ullis fuit, ut sit cum Majoribus nostris comparanda? Antiquis ut pulpamentum Famès, & Cubile, solum; sic vestis, Scyticum tegmen erat. Hodie autem in coercervatis pulvinaribus, supini cubantes, quidquid terra marique conquirere licet, non ut vitam sustentent, sed ut Gulam oblectent, insumunt; qui nonnisi mollissimo vestiuntur lino; quos Purpura tegit; qui tenellulis Murium pellibus non contra frigus muniuntur, sed per delicias fulciri gaudent. Hi sunt, qui ad vulgaris panni attactum offenduntur; Sericum aliunde petunt; quorum cutis non fert nisi Milesium aliquod vellus, aut siqua sunt Milesiis (a) adhuc teneriora.

B 2

Atque

(a) Apud Textorium Ravisium p. m. memorantur Insulæ, & loca, in quibus Lana optimè inficeretur; allegatur Silli Italici, de nostra Melita Testimonium, ubi Telæ Lanigeræ conficiebantur magni pretii, & insigni colorum diversitate variegatæ; unde Romanis certatim conquirerentur.

Atque utinam istis uteremur laneis Indumentis, ut hujus pingeret Serici: Certè inter primavos homines sola extracta animalibus pellis vestimenta dabat. (b) Septentrionales Populi, sanctam in omnibus simplicitatem servantes, non alio, quàm ex Rangiferorum (c) pelle, vestitu uti solent. Olim laneæ erant Civium Romanorum, Togatorumque vestes. (d) Neque ad ullum opus, nisi lanificii obligabantur olim Romanorum uxores: (e) si solas Persarum Fœminas excipias, quæ luxu perditæ, non aliud magis in contumeliam accipiunt, quàm admo-

(b) Ad illa verba, quæ in *Cap. III. vers. 21. Geneseos*: *Fecit duas tunicas pelliceas &c.* Joannes Helu: Willemen, & Joannes Nuchterlein in *Thesauro Theologico-Philologic. &c. dissertat.* crediderunt, primorum nostrorum parentum vestes pelles fuisse Vervecinas, naturali Lana instructas, quæ usui esse poterant, tam hyberna, quàm æstiva tempestate: rigente enim bruma lanuginosa pellium facies nudæ cuti Adæ & Hevæ obvertebatur; & ardente Syrio, eadem lanigera superficies aeri exponebatur, ut hujusmodi vestis pelliceæ inversione eorum corpora modò calore laneæ foverentur, modò autem pelle sola frigidiori recrearentur. *Confer. Republiq. des lettres article v. Novembre 1701. p. m. 547.*

(c) Rangifer, Bestia tricornis est, inquit Olaus Magnus *de gentibus Septentr. l. c. xvii.* in Lapponia, & Botnia, de genere Cervorum, procerior, robustior, atque velocior; Rangifer duplici ratione dicta, unà quòd in capite ferat alta cornua, veluti quercinarum arborum ramos; Alia, quòd instrumenta cornibus, pectorique, quibus hyemalia plaustra trahit imposita, *Rancha*, & *Lochia* patrio sermone vocantur. . . . pellis deputatur pro tegumento humano, tam corporis, quàm lectorum; nervi loco lini, ad indumentorum usum, instar filii separati &c. *Confer hac de re Lineum in Flora sua Lapponica p. m. 158. sequent.*

(d) Præcipua, & propria vestis Romanorum fuit *Toga*; sicuti Græcorum *Pallium*. Erat autem *Toga* vestis Lanea rotunda, & clausa, sine manicis, unicoque injectu totum hominis corpus involvebat; ita ut dextrum brachium supernè exereretur, sinistrum imam; *Togæ* oram sublevaret: qua ratione efficiebatur illud, quod dicitur *Sinus*. . . . *Togæ* supponebatur *Tunica*, quæ etiam lanea erat, & alba, sed toga angustior, & brevior, ad medium circiter crus pertingens, nec olim manicas habebat. . . . Soliti autem erant Romani duas plerumque tunicas (nam sæpè pluribus utebantur) gestare; exteriorem, quæ propriè *Tunica*; & interiorem, quæ si Virorum esset, *Subucula*, vel *Interula*; (Recentioribus nempe, nam Tertullianus primus eam vocem adhibet) si Mulierum, *Indusium* dicebatur, & nonnisi posterioribus temporibus e lino fuit; atque ideo (quia scilicet vestibus nonnisi laneis utentes, levi negotio sordes contrahebant) frequentissimè balneis utebantur &c. Legatur Nieuport *Compend. Rituum &c. num. 1. & 2. p. m. 363. 364. sequent.*

(e) Lanificio etiam Feminas Principes, apud Romanos, deditas fuisse, discimus

admoveſe lanæ manus, ut inquit Q. Curtius *de reb. geſt. Alexandri cap. x. lib. v.* Quidquod Minerva, Architecturæ, Bellorumq. Præſes, Lanificii etiam inventrix habita ſit, ut ex Virgilio habemus *lib. v. Æneid. verſu 284. & lib. 8. v. 409.* ut inde, pro inventa hujumodi Arte, lanam in filum ducendi, texendique, honores divinos (f) promeruerit. Simile quid Lanificium, ſola edocti naturâ imitantur Indi, qui Arborum foliis decerpendo lanuginem, ex ſylveſtri vellere veſtes texunt. *Q. Curt. epiſt. Alexandr. ad Ariſtot. p. m. 4.* In ſumma, nec ulla Romanis olim commendatior, nec honorificentior, nec uſitatior, quàm *lanæa* veſtis fuit, vel quæ ex ſimplici lino bombiceque conficeretur. Demonſtrant hucusque Romanæ Statuæ integræ ſervatæ, quàm ſimplex Romanarum Matronarum veſtimentorum cultus fuerit. *Conſtantini Lettere Critiche tom. III. p. m. 209.* Aderant enim & verſicoloreſ calancticæ, & reticula auro intexta, & ridiculæ Teniolæ in capite noſtrarum Mulierum eminentes: Neque frontes ullis corimbis flavis, ſcœminis redimebantur, neque ſupercilia inania, de Pixide depromebantur ad ullarum, quàm meretricum uſum atque ornatum. *vide Petron. 6. Satyr. tom. II. p. m. 76. 77.* Hodie autem feminæ, ut fucum faciant, atque commendatorem vultum exhibeant, curioſius thecæ ſuæ indulgent, & mundi muliebris elegantias aſtutiùs conſectantur. Neque feminarum ſolùm vitium eſt pretioſa veſtimenta uſurpare, & ſerica teneriora, ſpumantia, & leni obſtrentia motu induere;

ſciſmus exemplo Lucretiæ, apud Livium *lib. 1. cap. 47.* & Ovid. *Faſt. 1. verſ. 746.* & Auguſti, Octavii ſcilicet, Secundi Imperatoris, qui non temerè alia, quàm domeſtica uſus eſt veſte, ab Uxore & Sorore, Neptibuſque conſecta. *Svetonius in ejus Vita. N. 73. p. m. 117.* atque inde etiam in *Æde Sanci* lana cum colo, & fuſo *Tanaquilis* Regiæ ſervata eſt. Hinc etiam proſectum arbitror, *Plin. hiſtor. lib. vii. c. 48.* quòd olim Romæ, præter cætera, Sponſam comitarentur Ancillæ cum colo, fuſo, & ſtamine, in laboris futuri argumentum. *Conf. Nieuport. ib. cap. 4. ſection. vi. p. m. 386.*

(f) In prima Virgillii citatione habetur *Olli ſerva datur operum haud ignava minervæ*; ideſt: *Illi* (intellige Segeſto) ſerva conceditur Artem lanam nendi, apprimè callens. Quod adtinet alterum verſum *lib. viii. verſu 409.* ubi ait: *cui tolerare colo* (ſubintellige: *placet*) *vitam, tenuique minervæ*: Sic alii vertunt, *vide: Opere di Virgilio &c. da Fobrini, Malateſta Edition. Vener.*

re; (g) lanæ verò ut vilis ejicere. Sed & omnium scabies est, sinuosis ex sericis, iisque aureis filis contextis togis, in publicum ut prodeant. Quàm diversos sæculi mores inde cernes. Sericum quippe olim, non tam vestimentum, quàm ornamentum fuit: adeout Valeriani Imperatoris tempore, sicut *Vopiscum* scribentem legimus apud *Famian. Strada prolus. accadem. v. lib. 11. p. m. 289.* libra serici penderetur auri libra. *Caligula*, vitiorum omnium congeries, aliquando in publicum processit sericatus, inquit *Svetonius 6. de Vita &c. cap. 4. num. 52. p. m. 229.* Ille, qui depictas, gemmatasque indutus pænulas, manuletus, & armillatus prodire solitus erat. idem *ibid.* Aurelianus numquam sericam vestem usurpabat, nec propriæ uxori, nisi ut unico (h) pallio blatteo serico

anno 1683. p. m. 215. tenui *minerva*, scilicet tenui illo, quod habetur in texenda lana, lucro: quodcumque autem sit, clarissimè constat, Deam illam *Minervam* ex ipso Jovis cerebro natam, *Nieuuport ibid. p. m. 171.* hoc ipsum Sapientiæ præfuisse, quoddam artem lanam texendi, inque humanos usus ducendi sagacissimè adinvenit.

(g) Optimè in Sericum illa verba quadrare ideo videntur, quoddam corpori admotum & gestatum, grato murmure aures percellat, fastumque undique spiret: lana autem, mollem, & ut ita dicam, placidam vestem Induentibus præbet: hinc Dii laneos pedes, vel lanatos habere dicuntur, *Manutius adagia l. c. p. m. 608.* quando tardè, & clam inopinantibus Nocentes veniunt. Possunt hinc in humili lana mysticè, quæ ovinus est habitus, inquit *Divus Hieronymus in proverb. comment. lib. III. cap. xxxi. p. m. 118. edition. Paris. anno 1623.* omnia pietatis, & simplicitatis opera, quæ Proximis impendimus, accipi.

(h) Sericum Antiqui ignorabant prorsus. Et quemadmodum consuetudo ingerendi medicamenta Naturæ vires obvelavit, & operam Medicorum necessariam nobis reddidit: sic Homo natura sat firmo tegmine donatus est, adversus aeris injurias, ad instar animalium; sed indumentorum frequentissimus, & constans ubique a nativitate usus, inquit *Baco de Verulamio Histoire universelle lib. III. chapitre 1. p. m. 132.* quod naturale erat, impossibile effecit. Itaque Sericum ignotum erat Veteribus operimentum corporis: adeout nonnisi Justiniani Imperatoris ævo *Serici Texta*, & Fabricæ in Europam inducæ fuerint. Ante autem illa tempora, & quidem multò, nonnullas subtilissimas ex serico telas ex Persia interdum adportabant. Tempore Græcorum, & Romanorum longè tardior a Populis *Seris*, qui ex Chinenſi sunt prole, *Sericum* veniebat, unde nomen mutuatum est. Quamvis nunnulis placuit, Europæos non ab Imperio Chinæ remotissimo suos pannos bombycinos retraxisse

rico uteretur, permittebat. Verùm consecutis inde temporibus, vulgatioꝝ aliquantò *serici usus*, & vilior fuit, diu tamen mansit apud Nobilitatem. Hodie Opificum vulgus ac Sclularii, sericati, & holosericati (i) translucent. Et quid non Adultus, ut verbis *Quintiliani* utar L. 1. c. 2. concupiscet, qui in purpuris repit? Nondum prima verba exprimit, & jam coccum intelligit, jam conchilium poscit.

Quemadmodum autem lanea indumenta ob sui simplicitatem, & mansuetudinem, effrenatam hodierni ævi, recotamque cultus superbi luxuriam meritò arguunt, & increpant: sic ob utilitatem, quam corporibus præstare & in tuenda valetudine, & in amissa restituenda consueverunt, jurè inter præstantissima dietetica, & domestica auxilia non infimum locum tenere debent. Quod quidem seriò consideranti mihi, & animo diu volventi, cupido incessit inquirendi quidnam ex harum vestium gestatione boni, malive in corporis sanitatem redundaret. Itaque scrutari primùm institui, quinam eam rem, conservandæ hominum valetudini pernecessariam, dedita operâ, copiosèque tractarint: Hinc ingentia *Mangetiana* volumina de *Scriptoribus Medicis* volum. III.

C

in

xisse primùm, sed ab Assiria, & omnium frequentissimè ab Insula Coe, quæ pars erat *Caria* [Provinciae Asiæ minoris] prope Rhodum. Hinc est, quod vestes illæ Coe apud Romanos *Constantini* *ibid.* tom. 3. p. m. 209. dicerentur.


(i) Vestes sericæ tenuissimæ nudum plerumque corpus ostendunt; unde pro signo impuditiæ olim a Meretricibus usurpabantur. Horatius enim distinguens Matronarum vestes, & Meretricum, dixit lib. 1. Satyr. 11. *Matronæ præter faciem nihil cernere possis: & de Meretrice: altera nihil obstat: cois tibi penè videre est, ut nudam* Martialis, quàm obscenum esset sericum induere, quod *Bombycinum* vocat, sequentibus verbis ostendit: *Fæmineo lucet, sic per Bombycina corpus.* lib. 11. Epigram. 50. Non sic autem e lana panni contexti, qui licet præcipui, & coloris optimi, & a *Mileto* petantur, ut olim ad nundinas *Tyri*, referente Divo Hieronymo, *Damascus* deferrebantur: in *Ezechiel.* cap. xxvii. verbo *Damascenus Negociator.* *ibid.* tom. iv. p. m. 414. nihilo tamen minus, honestiorem semper vestitum suggerunt, trans quem numquam inverecunda corporum nuditas apparet. Imò olim lana pro signo pudicitiae habebatur. Cingulo laneo, inquit idem *Nieuport* *ibid.* de *Nuptiis* p. m. 386. cingebatur, (*Sponsa*) quod Sponsus deinde in lecto nuptiali solvebat, idque faciebat taciturnus, & *taxim*; *Varro* p. 108. & hinc zonam solvere, pro pudicitiam mulieris imminuere dicitur; ex *Ovidio Epistola phil.* vers. 119.

in folio, in manus sumo, diligenter evolvo, neminem ex illa densissima Authorum sylva reperio, qui rectè, & de industria, (si auctorem Anglum Nostrum excipias, qui pauca tantum innuere videtur) & ex professo, ut ajunt, hac de re Tractatum ediderit. (k) Cumque vidissem aliquos vestium laneorum usus, velut sparsas identidem lacinias, a plerisque Scriptoribus obiter indicatos, ab aliis omnino prætermisso, nec inutilem Individui saluti, neque Lectori ingratam operam me præstiturum existimavi, si quæcumque diuturna observatione, & lectione collegeram, integro syntagmate in publicum emitterem. Non alia quidem impulsus ratione, quamquod operimenti lanei usum multis noxium, aliis autem proficuum fuisse animadverterim; idque vestium genus frequentissimè ab nonnullis Medicis, ægrotisve, vel promiscuè præscribi, vel confidentius indui, non sine valetudinis detrimento invenerim. Quamobrem ex paucissimis meis Inventis, & attento animo omnibus perpensis, quæ circa vestitus laneos dici possunt, cumque illis, quæ Authorum lectione excerpti, collatis; jùsto, quantum in me fuit, ratiocinii filo adhibito, præsens Tractatulus præter spem emerfit, quem tibi, pie Lector, in tot, quot vides, distinctum capita sisto, non ut ingenii, quo destituor, admireris acumen; non ut meliora discere paratum invidiosius, arrepta velut ansâ, carpas: sed ut improbum nostrum laborem in hocce tentamine exantlatum, prævisa susceptæ provinciæ difficultate, & ad disserendum inopia, aliquando cognoscas, utque tandem, si non placeant quæ hic sunt, tenuitati nostræ benignè indulgeas.



(k) In laudati Viri nomine *Winright* Opusculum de *Nonnaturalibus*, inscriptum Anglicè, & a Nobis latinè redditum anno 1748. Avenioni diligenter inquisivimus, & multis Notis (potius dixeris Dissertationibus) Elencticis illustravimus, quamprimum Typis excudendis.







DE CIRCUMSPECTA ET SALUBRI VESTITUS LANEI

Corpori appressi gestatione

TRACTATUS

CAPUT I.

QUID VESTIS LANA:

Ubi de consuetis ex Lana Vestibus edisseritur.

I.



E in quarendis nominis *Lanae* originibus, operam Nos ludere, quis putet, sedulò advertat, omnes *lanæ* ethimologias, si quas in Vocabulariis reperire datur, argumento nostro plurimum esse inutiles. Etenim sive per *Lanam*, vilum quemvis ex Animalibus, Vegetantibusque depromptum intelligas, ut gos-

sipium, delicatulamque xylî lanuginem, ut *Pappum*, quo ceterarum Plantarum semina coronantur; sive sub eodem nomine, & molliorem *Castorei* plumam, & teneros, eosque plumeos *Struthiocameli* circulos, & *Cameli* villosum tegumentum, & caprarum Asiaticarum, Africanarumque vellera rediges: perinde erit, modò rudia illa vellera animalibus, plantisque avulsa, imperfecta, crudaque adhuc committantur

Textorum manibus, semper Vestis *Lanae* nomen mereri, & usum habere possunt.

II. Verum, ne imposterum eandem *Lanae* vocem § 1. cum Lectorum fastidio repetamus, *Linuginem*, *Villum*, *Velus*, *Plumenum*, omne, modò neri patiat, in commune accipiemus. Quidquid in contrarium morosi nonnulli Lectores objicere possent, qui Grammaticum potius, quàm Medicum agentes, *lanam* illam tantum admitterent, quæ ex solis detonsis Vercibus usui publico destinatur; hinc telas ex gossipio contextas, pannos ex vellere animalium factos, ad *lanae* vestimenta referri volumus. Ea quippe omnia in usum cedunt hominum, iisque ab aeris injuriis defendendis inserviunt. Cui adde, eam esse operandi rationem, ut si gossipium spectes, sive *lanam* propriè dictam intuearis, utrumque arcendo frigori, & calefaciendo corpori cum fructu usurpetur. Nisi quod *lanae* veræ, multæ præviæ præparationes necessariae habeantur, priusquam in humanum vestitum evadere possit; gossipium verò simplicius sit in suis præparationibus.

III. Nam ex detonsa Majo mense, præcipuè inter cetera lanigera Vercum, oviumque Prole, candidorum floccorum undique cadentium, quod candidius, & in medio velleris avulsi latet, ad usum colligitur, [a] & inter primas *lanae* dotes, quæ nenda est præcipuum obtinet locum. Mox rudis illa *lana* fuso, vel rota peculiari torquetur; utique postquam pectine ferreo probè diducta, atque carminata fuerit. Porro *lana*, quæ tincta, quæ candida, ablui solet primò, mox super cratem aperta undique, vegetis virgarum istibus cædi, sicque disponi, ut inde in oleo vel aqua pecti possit. Quin *Lanae* quæcumque certis casibus solent prius oleo olivæ, vel alio [b] irrigari, quàm operi committantur. Deinde quidquid ea ratione adiposi, oleosique *lanae* corpori adheferit, peculiari mechanica eluitur, detergitur, ut nive aliquando albidior prodeat *Lana*. [c] Jamverò instrumenta, quibus *lana* didu-

[a] *Spèctacle de la Nature &c. tom. III. p. m. 30.* [b] *Idem ibid. tom. VI. p. m. 355.* [c] *Idem ibid. p. m. 356.*

diducitur ab Artificibus, multam in isthoc Opere differentiam pariunt. Est quippe ubi solum pecten adhîberi in illo negotio solet; & tum longa *lanæ* fila exire conspiciuntur, *staminum* futura primordia, ex quibus tenuis texturæ Panni conflantur. Est ubi serici dotes in *Laneis* operibus desiderantur: in quo casu tractam fuso lanam de industria ita contorquent, atque condensant, ut nulli pené pili extrorsum emineant; indeque impetentes Solis radii æqualiter reflexi, & pleniori jubare, quàm ubi fibrillarum scabram, pilosamque superficiem offendunt, telam, vel pannum inde confectum, manibus glabrum, oculis splendens, ad instar serici repræsentent. Est demum ubi prælonga, & prima *lanæ* stamina expetuntur, sed brevia, & residua, quæ in pectinis fundo reponebantur, usurpantur. Quod præ primis in *carminatione velleris* cernere est: sub qua transiens *vellus* in minimas partes frangitur, & quidquid tomentosum est rarefcit, & in maiorem molem excrescit. Eo pacto tractata *lanæ*, atque pectita, deinde in fila secedens, pannos laneos infimæ notæ, crassosque constituit.

IV. Et profectò, *lanam* hamato pectine divellentium carminantiumque finis est, ut materiem tumentem, laxam, & formando filo parùm coacto aptam subministrent, cujus foras educi pili, propria, vel insita elasticitate, a se invicem quouersum recedere nitantur. Nam capillamenta illa, quibus ducti *fili lanei* inornata superficies horret, dum per dentes pectinum in omnem sensum traducuntur, vix, ac ne vix quidem contorqueri, inque se flecti possunt, quin continuò ad mutuam sui separationem, & erectionem contendant. Fila ergo ex illis villis ita excultis constantia, & multùm crinibus horrida, atque parum torta futura sunt; atque, quod exinde sequitur, emergens subtegmen operis pannum tumentem dabit, & crassioris consistentiæ; necnon *lanæ* textilia instar veri panni densata, mediante illa innumerabilium pilorum, qui in superficie *telæ* eriguntur aculeorum more, multitudine. Quamobrem si *Stamina*, & *Subtegmina* æqualis superficiiei fuerint, texturam levigatam, (*stamina* vocant hodie) si verò *fila* illa promissa, quæ *stamina* audiunt, & brevia, quæ *subtegmina* dicuntur, ex *lanæ* carminata breviori,

laxiori fabricata fuerint, pannos laneos pilis hirtos setososque, & infimæ notæ suppeditant.

V. Inde §. *Supra*. III. iv. eruitur varietas, & jucunda illa pannorum laneorum differentia, atque diversa eorumdem nomenclatura, prout videre est apud eundem laudatum Authorem [a] Nimirum ex dissimili, & magis minusve æquali, binæ speciei filorum memoratorum *supra* iv. levigatione, atque copiosiori, vel parum numerosa pilorum erectorum quantitate, diversa panni, & texturæ laneæ, eaque plus minusve dedolata, & polita facies provenit. Verum non est hic finis Operis illius. Contextam ea ratione telam, in Fullonum officinam mittunt, qui non rudem, ut vides, *lanam*, sed pannum detextum tractant, eo fine, ut in fullonica officina *Staminum* corpus proculcatum magis, receptis intra se *subtegminum* crinibus, prematur, atque cogatur; utque intra pannum ipsum fortius insinuentur setæ, pressæque altius abscondantur, quæ primùm altera sui parte villosam textus, & hispidam faciẽ exhibebant. In summa repetitis malleorum ictibus, prominentes in Panno fibræ, quolibet instanti concussæ directionem mutant continuò, ut quæ antea a sociis flexæ discesserant, nunc elongatæ, distractæque accedant. Si igitur pili lanæ netæ in oppositas plagas contenderint, atque hi ad lævam, illi ad dextram horridi & eminentes aspexerint; verberantium malleorum in fullonicis, jugi percussui ita cedunt atque auscultant, ut sui mutuam insertionem, & promptiorem panni coactionem promoveant.

VI. Neminem autem futurum arbitror, qui pensitata hactenus dictorum utilitate, Me in *Lanariis* Officinis agentem, vel Fullonum artem scrupulosius insequentem potius, quàm ad Medicinæ spatia deflectentem coarguat, atque inertis veluti, vel inanis cujusdam eruditionis, non tam liberé, quàm illiberaliter accuset. Sciat enim non precariò, neque ad doctrinæ ostentationem prædictas veritates mox recensitas fuisse, utpote quibus, ut inferiùs edisseretur, *Cap. II. IV.* multa dilucidentur, Quæsitæ evolvantur, & difficilia referentur, quæ

[a] *Spectacle &c. tom. vi. p. m. 367. sequent.*

quæ circa usum, & abusum vestimentorum laneorum in praxi occurrent. Præ primis autem patebit, quare adhibitis hisce vel illis laneis vestibus, supprimi modò, aliàs promoveri contingat insensibilem transpirationem: item quare diversæ fabricæ, lanei habitus alicui corporis parti super inducti, quamvis ex una eademque in specie *Lanâ* conslentur, diversos effectus in corpore animali producant. Ut omittam quæ ex colorum diversitate, quibus medicatæ lanæ plerumque imbui solent damna, vel emolumenta scaturiunt, quæ & scitu digna, & observatu digniora infra sistemus, *cap. VI. VII.* quæque plurium morborum cutaneorum causis eruendis multum lucis allatura sunt. Quidquid autem impræsentiarum sit, vides ex superioribus locis, quantæ molis sit *laneam* conficere vestem, & quàm arduum, difficileque, ex succida *lana*, qualis in lanicio depræhenditur, splendidiorem Magnatum, vel molliorem delicatulorum quorundam hominum habitũ contexere, qui vel sericum æmulari, vel absque sanitatis detrimento nudæ carni injici possit. De hoc in præsentī Opere edisseremus vestis genere, quo nimirũ nuda corpora immediatè, ut ajunt, conteguntur, & quæ injustam fortè labem patulis cutis viventis poris, ut inferiùs dicetur *cap. VIII.* communicare valet.


VII. Istiusmodi verò corporis humani operimentum multiforme esse, consuetudo docet. Vestimenti enim quoddam genus appello, quod *pilei* specie quidam diũ vel noctũ cubitum ituri sibi induunt, quodque ex *laneo*, vel *xyolino* filo contextum est. Illud præcipuè usurpant, & quidem crassiori de *lana* factum Rustici nonnulli Melitenses, atque capiti ita imponunt, ut *alis* quibusdam *laneis* aures eorum contegat, (nostrates *Camauro* appellant) simile *Pallio* propriè dicto, quo olim Romani caput adversus frigus protegebant. Verè insuper, nomine vestis *laneæ* insignienda videtur, quæ thoracem, vel abdomen cooperit, atque ex peculiari vitæ instituto, ut in nonnullis Religiosis, vel ad præcavendos morbos, ut in quibusdam valetudinariis, induitur. Hinc industria *lanea*, hinc thoraces, hinc Loricæ *laneæ* ortum habent; huc etiam spectant aliæ vestes, togæ, vel Suppara, quibus diversæ

sæ pelles animalium attexuntur; huc variorum animalium vil-
 losum & lanuginosum corium, ut vulpinum, castorinum, le-
 porinum; huc demum plerarumque avium exoticarum deli-
 catissimæ plumæ, quæ muniendis vestibus adjici consueverunt:
 atque quidem in hujusmodi habituum genera, modò nudæ
 carni accumbant, præcipuus cadet sermo. Quamvis ut ni-
 hil omittamus, in hujusce vestium classem reduci quoque pos-
 sint Tibialia e panno, stamine, vel bombyce facta, quibus
 pedes & tibiæ cautè obvolvi solent. De hisce omnibus vesti-
 mentorum laneorum generibus pauca singillatim in subsequen-
 tibus Capitibus trademus, & dum usum & abusum gestatio-
 nis hujusce enucleamus, multa phænomena, quæ ex pileis,
 thoracibus, tibialibusque ex lana, vel huic affine gossipio
 textis, in partem, cui admoventur, proficiscuntur, deri-
 vanturque, attento animo, & in experientiam semper in-
 tento, pro viribus recludemus.





CAPUT II.
DE LANEIS EFFLUVIIS; EORUMQUE
EFFICACIA, VEL NOXA.

- I:  Hilosophis Experimentalibus dubium esse non potest, quin ex quacumque corporum, etiam in specie durissimorum, superficie invisibilia quædam corpuscula jugi continentique effluxu promanent, atque in circumfusum undique nobis æra exonerentur. Hinc est, quod aer *Chaos* sit omnium, horumque diversi generis fragmentorum e Terraqueo globo elevatorum ingens. [a] Quàm inde materiæ indefinita divisibilitas! Quantum effluviorum subtilitas, & multitudo humanum superat captum! [b] Lignum igni commissum, projectumque fumat, lignum jam non est; non solum enim ejusdem massæ corpuscula a se invicem separantur, verum etiam neccentia vincula, quibus instar glutinis corporum elementa illa uniebantur, actione ignis solvuntur. atque sub specie fumi, flammæque rapiuntur, vel cineris sub forma manent.

[a] Boerb *Chem. tom. 1. p. m. 229.* [b] *vide, Maniera d'insegnare &c. Rolin. p. m. 135., & Mazini, Mechanica Medicament. &c. dissertat. III. num. 41.*

nent. Infunde aquæ fontanæ lignorum quorundam Indicorū cortices, en tibi succis inde extractis tota dives lymphæ moles, quin corticum materia respectu voluminis ullatenus mutetur. Efflatus ex ebulliente aqua odorifera emanans, & conclavi receptus, quàm immensam atomorum odoratorum, intacta aquæ mole, divisionem sistit!, ut meritò dixeris, Naturam continuò admiranda uniformitate regenerari, neminemque esse sanæ mentis, qui particularum actu separatarum incredibilem copiam temerè negaverit, quæque numero, & tenuitate sua (a) omnem Imaginationis conatum eludunt. Quid ergo dicendum est de *lanæ* effluviis? An contraria omnirationi lege abjicienda? Non, inquam; *lana* enim corpus est, & ceterorum corporum legem sequitur, proindeque more illorum molleculas quasdam exhalat.

II. Qua verò ratione ex ceterorum corporum mole continuò avolat particularis vapor, eadem quoque ex vestimentis laneis jugis transpirat exhalatio; cum hoc discrimine, quòd primæ speciei corpuscula in circumambientem tantum aerem, causa communi, diffundantur; Laneæ autem vestis halitus potiori de causa exeuntes, intra cutis meatus insinuantur. Quippe ut subterraneus quidam ignis negari non potest; qui semper agit, numquam otiosus torpet; sic (b) certo caloris gradu adcumbens nobis aera imbuatur juxta diversa tempora, locaque variante. Quem quidem ignem Elementalem, probabile sanè habetur, in vacuo, & in meatibus intra solidissimas massas, vacuis relictis, contentum quiescere numquam, sed moveri, & agere semper, atque imprimis id conari, Elementa ut removeat a se mutuò, adeoque ut semet expandat æquabilius ipse ignis. Porro si ita incarceratus ignis corporum elementa separat, quid aget, ubi suæ spontis factus, & in libertatem assertus, liquida, solidaque in omnem sensum aggreditur corpora? Hæc enim volatilia dissipantur, & si sint fixa, continuata effluvi-
rum

(a) Confer *Leçons de Physique par Nollet. tom. 1. p. m. 7. 14. 25. 28.* (b) *Boerhav. Chem. ibid. p. m. 256.*

rum evaporatione magis figentur. [a] Intelliges inde, præcipuam ignis naturalis, & corpora ambientis actionem esse, ut massulas corpora componentes, leviores à se dividat, divisasque perpetim detrahat, & detractas quoquovorsum dispergat; Quod si ignis per omnia diffusus, majorem, vel minorem motus quantitatem in corporibus servat, quam proinde uberior, vel parciore perditio subtiliorum partium consequitur; quid mirum, si temporis lapsu, omnia pereant, atque nonnulla corpora immineantur mole, donec celerius solito evanescant? Ita sanè, Stagna paludesque siccarentur penitus, nisi imbribus continuo refarciretur evaporatio. Sed & scimus illud, quod corporibus in aere calido degentibus exsiccatis, sponte perit esse levissimum, & aereum. Plantas, quæso, inspicere, quæ æstivo maxime tempore in aere aprico ingentem effluviarum vim in circumdantem atmospheram emittunt; & inde liquidò perspicies, sola aquæ & spiritus deperditione vegetabilium machinulas calore adeo deperire, ut ingenti sub æstu proprio ponderi succumbant ad terram conflexa serò; manè autem adspirante frigidiori aura, partibus continuo renovatis, de sua matrice alacrius invigorata resurgant. Quid istud rerum est? Nonne præsentis caloris partium avolatio reparationem eandem excedit; atque noctis tempore, novo accedente particularum supplemento, pori replentur?

III. Sed ut diximus §. II., diffusæ corporum exhalationes, quamdiu otiosæ in aere manent, vix quidquam notabilis in subjecta corpora exercent: quamprimum verò intra corporis viventis corium admittuntur, mira producunt. Certè Solis valida actio in plantas excitat atmosphas miræ efficaciam per diffusos spiritus: atque ut ventorum motus in longinqua devehit; sic aer horum effluviarum vehiculum intra corporum nostrorum meatus eadem immittit. Nemorum densarum opacæ umbræ, vaporibus collectis, morbos varios sæpè, & mortem inferunt Sylvæcolis, ut in America venenatarum, feracissima arborum, tristibus experimentis constitit. [b] Hisce

E

obser-

[a] Boerhav. ib. p. m. num. 195. n. 21. [b] Id. tom. II. chem.

observatis, dicere liceat, ex veste lanea corpori applicata peculiarem, eamque volatiliorem, aeream, elasticamque materiem prodire, atque certa hac suæ indolis atmosphæra cutem contegere eandem lanam, quæ partes minimè sensibiles gerit, sed quæ stupendos, & vix observabiles effluviorum laneorum effectus producere apta est. Quæ omnia sisto, non eo quidem animo, ac si aniles fabulas, otiosorum gerras, vel credulorum commenta, & mendacium figmenta persuadere contenderem. Absit enim. Nimis novi, quàm arduum sit verba Lectori emunctæ naris dare. Verùm si per vim Analogiæ, mihi quod æquum est detur, continuò de stirpibus, sine ulla ferè ponderis jactura, invisibilem quemdam halitum in circumstans aera evehi, & osculis cutaneis bibulis resorptum, vires sibi proprias cum in solidis, tum in fluidis animalium partibus exerere; [a] Quis nobis effluvia isthæc fugacissima, & volatilia de corpore laneæ, jugi effluxu manantia, & nobis absque ullo fructu, noxave aliquando applicari, temerè negabit? profectò Napelli manu detenti, & calefacti læthalis commemoratur vapor. [b] Neque adeo fabulosis adscribendum statim quæ de corporum quorundam in distantia efficaciam tradi solent in historia Plantarum, & quæ a gravioribus Authoribus prodita sunt. [c] Tandem crocus regioni cordis admotus lætitia sensum, insensibili sui parte, communicare fertur. [d] Hujusmodi igitur sunt illæ aspirationes, quæ sive a laneis, sive lineis vestibus, modò mundæ sint, in corpus nostrum derivatæ, spiritus exilare solent. Mirum quippe est, „ *quantùm a vestium munditie*, verba sunt Ramazini, [e] *ac puritate spiritus animales hilarentur*, „ Quam observationem, etsi prima fronte in abundantiorē effectam inde, insensibilem transpirationem detorqueas, nihilo

[a] Boerb. *ibid.* [b] Emmanuel Konig. *Regnum vegetab. &c.* l. c. [c] Confer: Etmullerum *de Menstr.* cap. xxi. Institut. p. m. 133. Thes. xi., & de Cura magnetica in Appendice §. i. tom. i. p. m. 93. [d] Flavius lib. cap. [e] de Morbis Artificum l. c. xv.

hilo tamen fecius, re introspecta, in vestium quarumcumque nitore aliud quàm augmentum transpirationis corpus experitur. Non enim semper, etsi lotæ vestes induantur, objectos cutis poros aperiunt, & insensibilem halitum promouent: quin ut aliquando compertum est, & ut infra dicetur, cutis poros irritando, egressurum rorem corporis præcludunt. Adde, experientiâ constare, quos emundatum purgatumque indumentum tegit, in ipso convectionis momento, quamvis immundam, & lutulentam cutim gerant, nescio quonam hilaritatis latitiæque sensu perfundi, & solito agiliores se sentire; quin per oscula cutanea ullum insensibilis transpirationis incrementum accessisse, suspicari possis, quæ spurcitie, & naturali glutine obstructa supponuntur.

IV. Latet igitur, ut in aliis corporibus, §. II. III. sic in vacuolis indutæ *lanæ* quoddam aereum, spirituosum, elasticum ejusdem cum *lanæ* naturæ, illudque calore subjectæ cutis in motum adactum expandi more elasticorum corporum potest, atque in obvios canaliculos, qua data portâ, irrumperere. Itaque ingreditur patentes in corporis habitu insensibiles meatus, naturali calore jam laxatos. Neque est, cur aeris introitum, vel vicem hujus gerentis partis cujusdam subtilioris in sanguinem, hac via negemus; quoniam præ sensum nostrorum hebetudine vasa, per quæ idem fluidum subit, conspici nequeunt; tum quòd refragari videtur experientia illorum effectuum, qui a corpusculis cutis poris bibulis admissis proveniunt; & de quibus in paragraphis citatis dictum est; tum quòd alii ductus, qui liquoribus crassioribus deferendis inserviunt, non antea oculis patent, quàm eorum capillares canaliculi plures, post spatium aliquod emensum, in canalem quemdam notabilem coierint. Quæ enim oculi acies primas *lacteorum*, aut etiam venosorum ductuum origines umquam intuita est? Quantò minùs licet ductus istos aereos discernere, quos brevissimos, & exilissimos esse oportuit, ad hauriendas particulas quasdam vitales, & elasticas ab aere peculiari *laneo*, & certis principiis soli *lanæ* peculiari- bus, & incognitis divite? Nonne inde liquidò cernes, fore ut admissu harum particularum sanguinis, massâ diversis mo-

dis agitur, & imperceptibiles quasdam operationes experiatur? Quæ non tam ingesti aeris elaterio, quàm ceteris elementis, & aliis diversæ indolis spirituosæ partibus moli aeris commixtis debetur. Testes sunt atomi pestilenciales diu in *lana* degentes, & de quibus infra fulissimè dicetur *Cap. XI.*

V. Verùm meritò quaritur, quodnam sit, illius *supra* IV. aeris & fumantis continuò halitus genium. Cui quidem recludendæ difficultati satis erit in præsentia, originem & principia *lanæ* ab animali, cui nectitur, repetere, ut aliqua hic saltem lux affulgeat. Enim verò Pili in corpore humano, & *lana* in animalibus vix quidquam inter se differunt, nisi quod nonnullas externas qualitates adtinet. In homine juniore, totum corpus villis adpersum est, & puellæ recens nata, puerique a matre fumantis cutis, [a] si lente vitrea conspiciatur, mollicula lanugine pubescit. Nigritis *Zonæ Torridæ* incolis corpus leve, ipsi capilli pauci, breves, *lanæ* similes; & omnibus animalibus sub Austro degentibus rariores pili, & caduci; sub Borea pulcherrimæ, & densissimæ villosæ pelles Urforum, Vulpiumque. [b] Itaque juxta varias temporum, cœlique constitutiones, Pilorum natura, *lanarumque* indoles multifariam alteratur, neque coloris mutatio, organizationis, machinæque varietatem ostendit. Est enim Pilus, sive filum laneum, congeries nervulorum, internam medullam habentium, qui nactâ a cute vaginulâ in aerem modò sub specie pilorum, modò sub forma *lanæ* producuntur. [c] Inde titillatio illa mirifica, quæ a leni tractione pilorum oritur. [d] Pili subito albi terrore, vel alio vehementi pathemate evadentes, atque *lanæ* colorem emulantes, non indicant certè jacturam humidi internas capilli partes alluentis: avulsi enim pili; & diu detenti in aere sicco, pristinam nigredinem servant; neque in momento fieri posse, humidarum, mucilaginosarumque partium avolationē, ut vulgò sibi persuadent, nobis constat. [e] Restat, ut phenomenon illud
spiri-

[a] *Ruisch Thef. III. tom. II. num. 6.* [b] *Haller tom. III. p. m. 528. 529. not. 6.* [c] *Reg. lettre &c. p. m. 265.* [d] *Hall. ib. p. m. 531.* [e] *Reg. ib. p. m. 314. seq. in Collect. Consult. Dñi Chirac.*

spirituosi cujusdam laticis, *lanæ*, pilive internam compagem ultro citroque permeantis effectus statuatur; qui, mutata in temporis momento pili superficie, colorem varium gignere aptus est. Porro cum pili nutriantur, & crescant, hujusmodi incrementum vel ab ipsa medulla derivandum est, ut placuit *Malpighio*, vel ab aliquo gelatinoso humore proficiscitur. Accedit, quod ubicumque pili sunt, ibi glandulæ cutaneæ pingues copiosæ inveniuntur; ut in capite observatur, quod si per aliquot dies tectum servetur, totum oleo exundat. *Vide supra Cap. I.* Sed & exilissima foramina in *lanæ*, piloque allegantur a nonnullis, (a) per quæ ipsa interior medulla exfudet. Tandem nescio quid ignei, & corpusculorum *electricorum*, sub forma scintillarum e corpore pilorum proficiscatur, ut observatum est. (b)

VI. Hinc est §. v. quod materia aerea in syphunculis laneis hospitans, lævissima habeatur, & nescio, quo spiritu, oleoque volatili prædita sit; nam *Lanæ* ignem flammamque facile alunt. Neque illamet principia in *lanæ* Animali tantum unita admitti possunt. Non equidem inficior, in *lanæ* recenti & succida, præfata componentia copiosius, vegetiusque, porulos implere: verum id affirmo, quod si major componentium pars avolet, remanet adhuc aliqualis portio in textis etiam *laneis* observanda, quæ calore in nervum crumpat. *Supra §. I. II. III.* Non novum enim est, in cadavere, diu etiam post mortem, pilos germinare, & efflorescere. Cujus quidem probabilior causa videtur esse conceptus putrefactis in liquidis motus, tam quæ universum corpus perlustrant, quam quæ interna pili *lanæque* irrigando pererrant; quo fit, ut humidi, & salium aere abreptorum connubio in *laneo* vellere, lucta excitetur, partes oleaginosas indigenas attenuans, & mixti salia mirum exaltans: (c) idque eò facilius eveniet, quò *Lanæ* corporis utpotè rari, vacuola laxiora fuerint. Quidni ergo fieri potest, indumenta ut *lanea* corpori superinduta materiam illam elasticam volatilemque, & omnem sensum fugien-

(a) Haller *ibid.* p. m. 535. (b) Idem *ibid.* p. m. 537. in not.
 (c) Idem *Lettre ibid.* p. m. 308.

gientem, calore item corporis, majori calore ambientis percitam, & exaltatam humoribus nostris affundant? Quæ intus adacta vel elasticitatem salutarem in liquidis, peculiaremque tonus invigorationem promotura est, vel deleteriis oleis, salibusque degeneribus prægnans, morbosam diathesim iisdem tacite affricabit: jam verò si neque hæc sufficere videntur, Chemicorum disciplina consulatur: Hæc enim Cultores suos edocuit per ignem resolvere collectam capillorum copiam in laticem, spiritus, olea, sales volatiles, terram, cui suppetat ditior salium volatilium vis; nullamque corporis partem scateri spiritibus tam acribus; Vides, quàm occupata sit in minimis, certa finis Natura fabra! Specta quantæ molis, quantæ sapientiæ sit, unum capillum, vel velleris filulum condere! Nihil quippe (a) in hisce simplicissimis, & extimis Animalium particulis otiosum, supervacaneum nihil, nihil quod exercitatissimæ Mechanicæ subtilitas emendare, aut proposito impetrando commodius aptare queat; nihil demum quod numero, pondere, & mensura adorandus Naturæ Conditor, ad pompam usque hic non disposuerit: sed ad alia.

VII. Atque hætenus de prima effluviolorum laneorum origine dictum est. Datur & alia species, quæ non ex invisibilibus conflatur minutiis, neque penetrantissimis corpusculis emergit; sed quæ tamen plus mali, quàm boni in corporibus animatis producere apta est. Istiusmodi autem effluviolorum, classem constituunt infiniti propemodum villi, magis vel minus in superficie amictus lanei, juxta diversam texturam, *Capite* I. §. IV. V. salientes. Cum enim continuo attritu inter cutem sani corporis, & pannum vestientem solvantur fibrillulæ, atque simplicissimi pili, villique ex eadem superficie, jugi avulsione abradantur; fieri vix potest, quin pergente illius pressione affricu, aculeata illa ramenta abstracta osculis cutaneis infigantur, & vicem stimuli suppleant: tum quod durissima etiam corpora, ut aurum, solo tritu omnino dissolvi possint; tum quod ramenta illa lanæa celerrimè, & impetu quodam ad peripheriam corporis appulsa elastica cum sint,

(a) *Boerhav. chem. II. Oration. IV. p. m. 58. 59.*

sint, *Cap. I. supra* §. III. IV. resilient, & sese restituant, rursusque in eosdem sensiles cutaneos nervulos impingant, & sensum stimuli imprimant. Neque valet, *lanam* corpus esse molle, proindeque incapax itus & reditus, ex quibus energia elastici stimuli eruitur: Non, inquam: quippe illa tantilla fragmenta *lanea*, solo producta tritu, velut quadam ultima elementa filamentorum laneorum agnosco; proindeque licet composita, ex hisce elementis cuspide præditis *Lana* nexum partium minus habeat resistantem, sed facile cedentem; ipsa tamen elementa corpori calenti, eo quo diximus modo affricata, expansilia, & contractilia sunt propria indole; (a) indeque sensibilissimo poruli animati cavo inhærentia *Supra* §. VI. molestam titillationem producere valent. Rursus concipi potest, deciduis ea ratione *lanæ* corpusculis, omnem abesse nocendi, stimulandique potentiam, nullumque penitus inesse elasticitatis nisum; sed eodem tempore nocere Animali illa possunt & agere non modò sola occupatione meatuum cutis antea vacuorum, verum etiam actione extendendi a se invicem corporis cuticularis stamina solida vero, & reali dilatatu. Hinc sudore jugiter effluente, penetrati, humectatique villi lanei obstruentes expanduntur in omnem dimensionem: hinc mirifici fiunt, & morborum effectus ab ejusmodi laneæ substantiæ evaporatione, quæ intra pororum transpirabilem cava prius libera sese recipit: hinc quoquovorsum frustula illa *lanea* exiguisima intumescunt, sicque sese dilatando, faciunt sæpè mutationes in cute incredibiles, de quibus infra redibit sermo *Cap. IX.*

VIII. Mechanicam autem illam in vellere stimulandi §. VII. facultatem, præter cetera innuunt: & figura filamentorum laneorum in acumen vergens; & pruritus, quem excitant Pili, dum infarcta sordibus cutis oscilla frustra perrumpere nituntur, salutareque scalpendi motum in adjumentum flagitant, quo purgatur cutis; (b) & tandem Tussis, ab imprudenter, vel casu quodam aere abreptis *lanæ* villis, & Larin-


(a) Confer Boerhav. *Chem. tom. I. p. m. 106:* (b) Boerhav. *dissert. de comparando &c. Oration. II. p. m. 58.*

Laringis internæ tunicæ respiratu impactis; qui villi in Sole per fenestram, vel per hujus rimulam admissi, obvolitantes cernuntur ad instar atomorum; præ primis in officinis Fulonum, & *lanam* vel linum Carminantium illud contingit, in quibus Lanifici de stimulis in organis spiritalibus conquæri solent. Quod autem adtinet obstruendi singularem potentiam, quæ in hac secunda specie effluviis dominatur, illud solum notasse suffecerit, divulsam molleculam tomenti lanei, cum summè plicatili, & in omnem sensum flexibili pilorum constet mole, tam iners corpusculum, & quiescens, si in spiramenta tenuissima cutis sese involvat, aditum sibi præcludere, proindèque proprio pondere gravare, & infarcire vascula poterit. His addendum est, cutis siphunculos ex unguine, quo pilus, vel laneum stamen naturâ illinitur, & humescit, *Cap. I. §. v.* facillimè obstrui. Oleosa enim tenacitas inter causas obstructionis, & quidem inflammatoriæ, meritò recensetur.

IX. Denique ultimum effluviis *laneorum* genus confurgit multitudine tenuissimarum mollecularum corporum exoticorum, de foris advenientium, & interstitiis lanearum vestium, interceptarum. Quarum quidem particularum in spatiis *laneis* latitantium varia, confusaque permixtione, atque diversis earumdem indole & motu oriuntur, non solum omnia phenomena, quæ puram putamque vestem laneam, penès diversam texturam, tenuitatem, crassitiem pertinent; sed variæ quoque hic & illic *lanæ* in corpus vires ex calore, humiditate, siccitate &c. proficisci possunt, unde Indumentorum horum salubritas, vel insalubritas deducitur. Quemadmodum in aere contingit, ubi præter intrinsecas ejusdem qualitates, habito ad Solem & loca respectu, diversam tenuitatem, vel crassitiem, sanitatem vel morbum cernere est a diverso concursu particularum extranearum, quas atmosphæra a subjectis aut vicinis sibi corporibus excipit. (a) Hinc igitur infinita penè corpusculorum cujuscunque generis fragmenta abscissa, tenuata, vel pulsa sustentari intra panni lanei poros

(a) Confer Lancisium de noxiis Palud. cap. II. n. 6. p.m. 137

poros valent ita, partim ut recrementorum perspirationem impediunt; partim detrahant, quæ incolumitati suffragantur; partim multa ingerant, quæ sanguini, spiritibusque nostris, imò solidis etiam partibus peculiaria inferant detrimenta: Hinc tandem infinitæ istarum molecularum noxiarum classes, ut Pestilentialium, quæ mercibus laneis plerumque foveantur, & de iis infra; *Cap. XI.* ut quæ, ab elevata transpirationis, manantisque sudoris vaporibus desumuntur, qua de re consule infra; *Cap. VI. VII.* ut quæ, ab Insectorum, & animalculorum ovis proveniunt; qua de re vide infra *Cap. VIII.* ut quæ dissimiles colorum, quibus consuetæ laneæ vestes imbuuntur, impressiones in corpore nostro producant; qua de re vide infra *Cap. VI. §. XII. & Cap. XII. §. XIII.* ut quæ tandem ab rore, nebulis, vel alio humido humectata lana, quemadmodum in dormientibus sub dio videre est, in corpus traducuntur, non absque sanitatis læsione; quam rem consule infra *Cap. VIII.* Sed & neque prætermittenda illa consuetudo vestes laneas diversimodè suffiendi, dum ad præcavendum frigus, accensis prunis odoramenta superdant, quæ superimposita vestis lanea excipit; vel dum refrigeranti, eaque odoranti aquâ, humanos vestitus irrorant, ardente præ primis Sirio. (a) Neque tandem reticenda hodierna Medicorum praxis, pannos laneos calidos benè olentes ad frictiones instituendas, vel aromatico & fragranti decocto immersos ad *epithemata* eligentium, de quibus in decursu hujusce Tractatus pro re nata pauca trademus. vide infra, maxime *Cap. XII. §. XIII.* Hæc autem universa, juxta diversam, therapejam, multa commoda, penès dissimilia effluvia, atque incommoda, in corpus nostrum traducere consequens est.



F

CAPUT

(a) vide il Tesoro della Sanità p. m. 11. & 12



CAPUT III.

QUÆNAM TEMPERAMENTA

Gerendæ Lanæ opportuna sint; Additis cautelis, ratione & experientiâ ostenditur.

I.



On omnibus unus contigit vultus; neque singulis Mortalium eadem concessa est Animi, Ingeniique Indoles: sic temperamenta differunt inter se. Quin liquidò patet, aliam hominum temperiem fundamentum esse diversissimorum, dissidentiumque hominum eorumdem ad vitia, & virtutes propensionum, distinctarum quoque ingenii virium; quemadmodum basis illa est diversorum morborum. Quòd enim mores, difformitatesque animorum sequantur corporis temperamentum; quòd tam multa, tamque varia sint hominum ingenia, tamque dispares virtutes, vitiorumque fontes; quòd alii sobrii, ingenio acutiores, prudentiores; alii intemperati, ad intelligendum tardiores, & temerarii sint; non in eo arguenda est animæ natura: cum eadem Animæ essentia cunctis simplex, & individua insit hominibus. Verùm illa discrimina ex corporis naturali, aut potius adscititia constitutione repetenda, qua mediante modò segniùs, interdum expeditiùs functiones suas obit animus; qua mediante, modò temperatus, modò celerior, aliàs tardior fit sanguinis motus in circulum; qua mediante vasa ani-

mata

mata nunc robusta, & elastica cruorem, velut sub pralo, premunt, vividiusque flagellant, aliàs laxa, & debilia gravanti imperfecti cruoris moli obediunt; atque sub onere fatiscunt; qua mediante, ut paucis me finiam, consurgit illa Temperamentorum multiplex divisio, ad quam, etiam res nonnaturales, symbolum suam conferunt. (a) Sed erro: conflatur divisio *intemperierum*, ut ajunt, potius, quàm *temperierum*: nam si vim vocis spectes, temperies vel Temperamentum, a quacumque causa oriatur, miscibilium est concentus quidam, & harmonia. (b) Veteres ergo malè vocarunt temperamentum, quoties excessus major alicujus, ut dicebant, *elementi*, in humoribus animadverteretur, utputa *bilis*, vel *pituïtæ*; tunc enim nascitur *Intemperies*, seu morbosa *idiosyncrasia*. Sed hæc non sunt hujus loci.

II. Quidquid autem sit, non unicum, nec perfectè immutabile sanitatis æquilibrium omnibus individuis tribuit Sapientissimus Conditor. Cumque ferè infinitæ sint humorum combinationes, & temperamentum constituat omnium liquidorum animalis, & quoad quantitatem, & quoad qualitatem inter se ratio, partiumque fortè primigenia quædam dispositio, ut inde uberior unius alicujus succi secretio oriatur: quis est, qui individuos, certosque illos in unoquoque Mortalium concursus, perspectos; invariabilem partium rationem inventam, dissimiles hominum naturas ritè exploratas esse a se, gloriatur? Ille certè, qui a deò lynceus est, ut qua ratione commune è terra nutrimentum attractum singulæ plantæ in succum sui generis, & sibi proprium convertunt, Orbi Literario audacter patefaciat. Qui, qualis sit primitiva moles, figura, dispositio primigeniarum partium cujuslibet corporis; qualis debeat esse nova particularum facies, quam induunt quædam corpora, ut in certas *idiosyncrasis* mutantur; quavi, quove artificio, quo mechanismo a priori forma in aliam

F 2

novam

(a) vide *Frideric. Hofman. dissertat. de Temperament. tom. v. p. m. 103. Item Thesim Avenioni &c. An animi mores &c. anno 1729. (b) Castelli Lexicon. &c. verbo Temperies. p. m. 576.*

novam desciscunt temperamenta, ut uni puncto numquam consistat sanitas: Qui, inquam, hujusmodi cunctas apparitiones explicando moliatur, & si qua possit ratione demonstret, & cui tandem dulce est abditissimos Naturæ recessus ingredi, & imaginationis vividæ spectris larvisque sibi illudere. Nos, qui experientiæ tantum innitimur, satis ducimus, posthabita tot in specie diversorum Temperamentorum, altissimè latente, & intricatissima primaria causa, modò de effectibus certi simus; satis, inquam, habemus, incredibilem adesse in temperamentis varietatem, atque ex hoc fonte reverà oriri, ut ait *Keillius* (a) „ Quidquid est in Medicina „ incerti, & obscuri, non nisi accuratissimis, fidelissimis, „ ac sagacissimis observationibus, ac morbi historis, tollendi. Hactenus *Keillius*.

III. Illud autem Rem nostram proximè attingit, superfluum esse Antiquorum, & quorundam recentiorum; Temperamentorum divisionem. Priores quippè tot instituerunt temperamenta, quot humores. Posterioribus autem castigatior, & ad normam mechanices magis exacta temperamentorum multiplicitas placuit. Sed proposita Veteribus divisio, in *temperiem* nimirum *calidam*, *frigidam*, *humidam*, *siccam*, *biliosam*, *sanguineam*, *phlegmaticam*, *atrabilariam*, multis Neotericis arrisit, inter quos eminet Boerhavius. (b) At tanti Viri pace dixerim candidè, tot in Temperamentis si admitterentur differentiæ, eaque Practicis perscrutandæ offerrentur; ne in Medicina facienda magnam confusionem parent, atque inextricabiles difficultatum nodos medentibus ubique sisterent. Quantò melius ergo ad multò breviora capita dissimilium illa temperamentorum cohors recenseretur? Quantò commodiorem Medicinam facturi viam insisterent, si multiplicem, & difficile illam discrepantiam ad binas classes reducerent? Ut imposterum *stricta & laxa temperies* quoad solida, eorumque vires; atque *calida & frigida* humorum circulantium habitudo consideretur, & ab omnibus in praxi admittatur. Sed & calidus sanguis, & frigidus idem
cum

(a) *Tentamin. de Secretion. p. m. 86.* (b) *Institut. §. 889.*

cum majori tubulorum elaterio, & minori elasticitate ferè conjungitur, si excipias aliquas corporis affectiones, in quibus calor ab immoto cruore, sed salibus exacuato: & frigus ab eodem moto, & interiora corporis urente ortum ducit. Ne verò mea tantum sententià isthæc protulisse videar, quid fodes ipsemet *Boerhavius* pro omnium morborum, solida vel in origine, vel in decursu impetentium fundamento posuit, præter laxitatem fibræ, vasorumque cum suis differentiis, & eorundem nimiam elasticitatem, & rigiditatem? Quodnam opportunius ad firmandam nostram hypothesim argumentum adduxit, quàm ubi morbos circulationis, vel ab ipsiusmet circulationis celeritate, vel ejusdem tarditate omnes derivavit? Consulantur ejus Aphorismi. (a) Imò in ipsis Institutionibus, ex quibus numerosam illam temperamentorum differentiam excerpsimus, disertè monet, ad *temperamentum* imprimis *calidum referri siccum temperamentum, biliosam temperiem, & melancolicam; ad frigidum autem pertinere humidum, sanguineum aliquando, & phlegmaticum.* (b) Et sanè velociori factò humorum in copore circulò, quod fluidius est, in auras dissipatur; residuum dein acrius fit, ut bilis: sed per velociorem circulationem producitur caloris in corpore vehementia. E converso, dum tardè feruntur per vasa sua liquida nostra, frigus percipitur, atque humidior pars ex ipsis transudat, obviasque vasorum tunicas relaxat. Quare duplicis hujusce, quam statuimus, Temperamentorum speciei, patet ratio.

IV. Huc ergo propositæ in præsentī capite recidit quæstionis cardo, ut definiatur hominum temperies, cui gestatio vestimentorum laneorum competere absque noxa possit. Quoniam verò ad hoc juvantium & nocentium doctrina plurimum lucis allatura est, sanctè referam quid boni, quidve mali istæ vestium species diversis hominibus applicatæ præstitisse mihi visæ sint. Hinc semper animadverti, sicci, strigosique habitus homines. hisce pannis utentes, pejus se habuisse: phlegmaticos

(a) *de cognoscend. &c. §. 24. usque ad 49. & 92. usque ad 106.* (b) *Idem Institut. 890. sequent.*

cos e contra, quique exuberanti ferosa colluvie laborarent, cum adjiciendis mox cautelis, levamen sensitse non mediocre. In illis enim & accensum in præcordiis calorem, & celeriore solito circulationem, & humorum per vitalia viscera impeditum transitum, & in externis partibus pruritus cutis molestos, varii generis pustulas, cuticularium pororum inflammatoriam constrictionem, & id genus varia incommoda vidisse meminimus. Posteriorum autem hominum classis, per adhibitam ad corporis contactum *laneam* vestem, liberiori facta halituosa transpiratione, & humorum inutilium excretionem; hinc liberatis ab gravi, & interdum noxia sarcina rubris canalibus, atque expeditius per vasa fluente massæ residuo, agiliores fiebant, & absque virium dissipatione hilariiores. Hæc Sanctorii autoritate confirmantur, qui in peculiari Aphorismo scriptum reliquit: *Melancoliam* (intellige quæ ab inutilium humidarum in sanguine partium congestione oritur) *duplici via superari; (a) vel libera perspiratione, vel aliqua continua animi consolatione*. Verum animi consolatio, ex eodem (b) *largam perspirationem facit*; & utroque de nomine educit illud, quod corpori est inutile per cutaneam evacuationem, sine ulla notabili virium detractioe.

V. Ratio autem ab diversitate temperamentorum modo enarrata, (II.) petita, experientiæ nostræ §. 111. suffragatur. Siccis enim calidisque temperamentis, sive ad biliosam, sive melancolicam vergerint temperiem, videtur major in solidis vis, quàm in humidis partibus copia excedere; videntur esse vasa robusta, & contracta, viscera valida, humores valde moti densi, & acres; videtur tandem, data ingestorum quantitate, copiosior esse cutanea transpiratio. (c) Unde illis indicantur humectantia diluentia; calefacientia autem quæcumque quàm maximè nocent. (d) Ob eamdem rationem exulent ab iisdem vestes *laneæ*, quæ in genere non solum calefaciendi virtutem obtinent, verum etiam stimulandi, & spasmodi-

(a) *Aphor.* 472. *Edition.* Gorter. (b) *Aphor.* *ibid.* 474. (c) Gorter in *Aphor. Sanctor.* 174. p. m. 191. (d) Boerbav. *Instit.* 890.

modicè vasa constringendi potentiam habent. Videantur experimenta nostra *Cap. IV.* Qui autem tardum pigrumque cruorem sortiti sunt, qui solida, & cutem, debili prædita nisu, & elasticitate alunt; qui demum vegetiori cordis embolo humores debite attenuante, & ad colatorium universale trudente orbantur, quo in genere omnes Phlegmatici sunt, & qui ad eos pertinent: *supra* §. 11. 111. Hos, inquam, homines, frictiones, stimulantia, & resolventia prudenter adhibita, concretam humorum massam in fluorem redigentia, & ità amissum robur restituentia, juvarunt semper. Neque frictiones, & exercitia, quemadmodum biliosis, hisce subjectis interdicuntur. [a] Quamobrem vestium Lanearum usus, hisce hominibus convenire potest, tum quia calefaciunt, indeque celeriores in vasis circulationem efficiunt, tum quia majorem humorum consumptionem prolectando, siccando tēpestivè solida, tonum foenerant, & robur largiuntur, undè quamplurimum morborum medela.

VI. Quamvis autem ad liberiores reddendum per cutim transitum, dum ab imbibito humore in phlegmaticis hominibus iners, & sordida evadit; necnon ad augendam excretionem *Sanctorianam* tum ad evacuandum serum superfluum, ut in diversis *Anasarcae* speciebus; tum ad depurandum sanguinem particulis aquosis, ejusque compagem relaxantibus; tum ad multa alia præclara in corpore molienda, & quæ suo loco dicentur; usitatioris & utiliores, ceteris Topicis medicamentis, tunicas *laneas* arbitramur: Non exinde promiscuè, & absque ullo delectu, quibuscumque pituitoso temperamento donatis jubendæ sunt, nec eadem ratione, & in omni morbi statu indiscriminatim usurpandæ. Nullum profectò adeo tutum remedium est, quod imprudenter aliquando adhibitum non noceat; & quod, præmissis quibusdam cautelis, non profuit semper. Itaque cavendum imprimis est, ne statim, & inter morbi initia, *vestibus laneis* nimium asperis, densisque utamur, ne calore dein nimio excitato in liquidis impuris, hæc majori impetu ad vasa minima, & angustiora cutis ap-
pel-

[a] *Sanctor. ibid. Aphor. 587.*

pellant, atque stagnantia in distentis nimis *Sanctorii* tubulis, eosdem tenerrimos vel mole obruant, vel impetu frangant. Præterea frustra *laneos* amictus induas ad facilitandam superfluum succorum per corporis superficiem prolectionem, nisi corpus sit dispositum, idest nisi cutis tubulosa substantia satis patula, & relaxata sit, nisi etiam sufficiente humoris quantitate, sero impuro refertus sanguis, donetur. Accedit plerumque, licet copiosior transpiratio indicetur, sudorem tamen elici non posse, sive ob spasmodicam fistularum constrictionem, sive ob inertem meatuum cutaneorum laxitatem. In quo casu, admovendam corpori *lanam*, vel oleo quodam perfundere, vel aliquo accenso roborante thimiamate imbueri licet; quibus vasa constricta laxari, vel medicata corpuscula torpentibus succis sese immiscere possint, atque ea ratione prodesse.

VIII. Demum, ne multa congeram, quæ alibi enodanda reservo, insistendum esse puto aliquamdiu hisce præsiidiis, ut optatus aucti transpirabilis effectus haberi possit. Sed ne quid nimis. Qua in re placet aurea *Cheynei* verba apponere, qui de diuturno habituum *lanigenorum* usu ita loquitur: *Tenuis imprimis panni lanei nomine a lanula deformato (Flanel) Nostratibus noti, indusio qui se fovent, continuum sibi sudationem, morbum profectò Diabete nec absimilem, nec minis fere gravem accersunt: sudationem autem perpetuam, qui per spirationi liberæ, plenæque conservandæ studet, non magis sibi optaverit, quàm Diarrheam, qui adstrictam alvum fugit. Utraque verò æquâ curâ Infirmis vitanda, cavendaque est; & Diarrhea scilicet, quæ intestinorum: & nimia sudatio, quæ cutis, omniumque minimorum vasculorum fibræ remollitæ, & maceratæ resolvuntur. Ex eo autem quod lanula ista Eotis perpetuò cutis madeat, ipseque pannulus citissime inquinetur; satis patet, nimiam per cutis poros materiam excerni; quod cum præ nimio, quo corpus elixatur, calore, tum propter continuam cuticulæ a laneis panni villis frictionem fieri, verisimile est. Hactenus ille. (a)*

CAPUT



CAPUT IV.

DE EXPERIMENTIS, QUIBUS

Specialior Subuculæ Lanæ actio in Corpus patefcit.

I.



Ptimè quidem novi, & periculorum, cùm in Physica, tum præprimis in Arte Medica summam difficultatem, atque illationum inde deducendarum ad praxim veritatem dubiam. Verùm nec Philosophum, multòque minùs Medicum agerem, si in re adeo gravi, (qualis est quæ

circa usum, & abusum horum corporis tegumentorum versatur) scitu adeo necessariis, quas in me ipse expertus sum, & non absque sanitatis levi detrimento subii, quasque pluries Microscopii adminiculo tentavi, periclitationibus Lectorem vacuum dimitterem. Quod si optatam illæ non obtinuerint doctorum Virorum adprobationem, spes tamen est, nec ut plurimum vana, fore ut ex candida fide periculorum exposita serie, velut jacto dicendorum fundamento, peritiores, & prudentiores Medici quid verosimilius, vel ægrorum saluti utilius eruant, atque decernant.

II. Et quidem I. Diversam pannorum *laneorum* naturam atque fabricam, vitro mihi perlustranti in universum eorundem superficies, obtutui objecta, hirsuta, atque totidem as-

furgentibus setis, undique obrita apparuit: ad hæc crines singuli *lanei*, & omnino scabri, & diversimodè plicatiles, modò insufflato aere cedebant, & sibi invicem adcumbebant, iterumque, cessante causa impellente, resurgebant; modò tandem vicinis pilis eadem ratione agitatæ adeo implicabantur, ut tomentosam massulam constituerent, obturandis *lanæ* interstitiis, implendisque vacuolis aptam. Revera parum, ita affecta pilorum *laneorum* moles, imò nullatenus elasticitatis signum resiliendo præbere intuenti visa est.

2. Præterea contemplanti per globulos vitreos *laneum* aliquod pilum, antequam texendæ telæ adhibeatur, constat, ex multis simul concretis filamentis illum coalescere, & in cuspidem desinere: cum hoc tamen discrimine; quod in *lana* vestissimò pecudis inhærente adhuc, vel recens resecta, villi componentés molliores sint, longiores, laxiùs adunati, sparsique; atque coagmentatus inde villorum trunculus, parum, vel nihil erectus, sibi que relictus, mox cadere cernatur. In Textili autem *laneo* fibrillæ breviores, firmiùs inter se adnatæ, duriores, prominentes, assurgentes, sicciore, acutiores, graciliores, atque ideo ad pungedum aptiores visuntur. Verum quidem est, istiusmodi apparitiones in diverso pannorum *laneorum* genere variare. Nam per *fullonicam* tractata, *lana*, magis sibi adcumbentes, & inter se compressos crines habet; vide *supra* Cap. I. §. IV. crassior quoque & ponderosior eadem Fullonum arte evadit, quàm alia, quæ, levis texturæ cum sit, neque *Fullonis* torturam experta, eosdem crines, & numero plures, & indole acutiores, ab omni suo ambitu emittere, & exporrigere videtur.

3. Sumpsi ejusdem panni *lanei* duas portiones figuræ, coloris, & ponderis æqualis; aquam deinde extremo limbo unius portionis in aere aperto suspensæ admovi, illicò sicca ascendebat. Mox humectatam panni portionem, unà cum siccata, eodem tempore ad perpendiculum in subjectam, & contingentem aquæ molem suspendens, non absque admiratione vidi, portionem, quæ priùs aquam receperat, avidiùs, celeriùs, & copiosiùs humorem sustulisse, quàm quæ arida, & nulla prævia humiditate suffusa erat.

4. Maceravi in aqua per quindecim horarum spatium binas ejusdem ponderis, *puta dracmæ semisses*, ex thorace laneo desumptas partes; & transacto illo tempore, hæcce duo frustra inter se compensavi, ut viderem quodnam ex illis alteri præponderaret: reperi laciniam crassiore, & rudiorē dracmæ 3. & gran. 30.; alteram autem delicatioris contextus gran. 30. ultra solitum, & prius examinatum pondus exhibuisse. Dein graviores aliam laciniam aqua emolliendam curavi, & elapso eodem, quod supra, temporis articulo, ponderavit dracmas quinque cum semisse. Inde verum Keillii aphorismum lætus detexi, dum ait, (a) *aeris humidum*, intellige etiam de aqueo humore, *attrahere vestes ex quacunque materia compositas, & esse attractionem vestium superficie equalium, in ratione ponderum, & vestium similium attractiones esse, in ratione composita ponderum, & superficiæ*.

5. Quando verò ex præfatis in prima parte experimenti antecedentis (4.) duobus *lana* cōfecti panni fragmētis, absorptā humiditatē quodam prælo exprimere volui; tunc enim verò subtilius, laxiusque contexta lacinia, dracmam semissem aquei humoris absorpti intra se quàm pertinacissimè retinuit; altera verò, quæ magis compacta, duplum sui ponderis, (ponderabat enim, ut mox vidimus, dracmam dimidiam,) videlicet dracmam unam medicam ita imbiberat, ut omni expressioni reluctaretur. Advertendum tamen est, pannos Solis calori, vel igni expositos eò citius incallescere, & citius refrigerari, siccarique, quo nigriores fuerint; id ipsum post summum Boerhaviū, [b] expertus sum pluries.

6. Qua verò experientia fretus Illustrissimus Keillius, [c] vestibus *bombicinis*, & *laneis*, si cetera sint paria, eandem inesse vim attrahentem dixerit, non video; cū, iterata experientia, contrarium nobis apertè ostenderit: Nimirum arreptam ejusdem molis, & ponderis vestimenti, vel telæ

(a) *Aphor. Static. p. m. 178. ad calcem tentamin.* (b) *Chem. tom. 1. Experiment. XIV. Corollar. p. m. 119.* (c) *Ibid. p. m. 178.*

ex gossipio, & *lana* confectæ fimbriam seorsim maceravimus, & vaporì ascendenti desuper posuimus, suspensamque ponderavimus exactè: hinc quæ ex gossipio contexta erat, minus aquei laticis, vel aspirati halitus intra se receperat, quàm altera *laneo* vellere fabricata.

III. Sed jam tempus est, ut illud experimentis nostris persequamur, quod ad Medicos maximè pertinet, & de quo præprimis agere in præsentia decrevimus: illa ergo experimenta a nobis suscepta viam sternere videntur aptiorem, quam hactenus enarrata pericula physica, *hic* §. II. num. 1. 2. 3. 4. 5. 6. ad inquirendum diligentius in varium agendi modum, quem vestes *laneæ* nudato corpori accumbentes, tam in externa cute, quàm in internis animalis corporis partibus præferunt. Priusquam ergo de proposita indufiorum *laneorum* agendi methodo, quid iudicio nostro sentiendum sit, exponamus, æquum est, ut quas inde tulimus noxas, quos fructus inde percepimus, sincera animi fide, & absque dissimulatione, per instituta a nobis sequentia experimenta producamus.

Et 1. quidem cùm ex operum *Sanctorii*, *Dodartii*, *Keillii*, & *Gorterii* lectione, necessariam *statera* constructionem, cuiusque insensibilis transpirationis diversos gradus metiri voluerit; probè animadvertissem; cùmque vestimenta *lanea*, non alia in corpus animalis ratione, quàm insensibilem distillationē promovendo, vel supprimēdo, agere mihi compertum, perspectumque esset: ideo de comparanda mihi libra cogitavi serìo, ut commodius experimenta in me capere possem. Ergo examinato proprio ad trutinam corpore, ante decubitum, & post solitam (parcam videlicet) coenam, & in Æstate, pondus inventum sedulò notabam; mox subuculâ ex levissimi *lana* constructâ totam propemodum cutem ab scapulis ad ima usque crura obolvebam, mihique ad immediatum contactum adstringebam. Cavebam imprimis ea nocte, ne quidquam urinæ, sputique redderem: Rursus cum hisce insolitis corporis mei integumentis exonerata priùs alvo & vesica, me ritè ponderabam; manè verò surgens imminutionem ponderis non tam in effluvia ea nocte e meo corpore
manan-

manantia, quàm in eorum portionem vestimento *lanceo* adherentem, & illud humectantem refundebam. *Lana* enim humidi attractione uda redditur, & humido gravatur. *Supra* §. II. *num.* 4. 5. Quamobrem adauctum amictus *lancei* pondus, addebam quantitati insensibilis transpirationis nocturnæ. Hæc autem Æstatis tempore, & unius noctis spatio ad uncias viginti; vel viginti duo adscendere expertus sum. Superponendum autem vestimenti ab corporis exhalante humido perfectum, propter summum coeli, sub quo vivimus, æstus vix uncias duas dabat; utpote qua proportionem humiditas elevata e cute calente induta *lanæ* villos offendit, eadem ferè ab ficcioris, fervidiorisque aeris ardore abrepta exsugitur.

2. Fatendum est tamen, primis gestationis noctibus (nam de die amictulam exuebam, insueti indumenti prorsus impatiens) contextum ea ratione corpus III. *num.* 1. ingenti per totam cutim, eoque molesto, correptum fuisse ardoris, pruritusive sensu. Quibus acceperunt & corporis frequens in lecto jectigatio, & inquietudo, & insomnia, atque venerea spectra mentem undique terrebant. Ad hæc arteriarum temporalium pulsationes, rubor ut cutis summæ, ita maximè faciei, item ad urinam reddendam stimulus, præcedentibus symptomatibus, comitata, ulteriorem periculorum aggressiorem apertè dehortabantur. Usque adeo, ut ex reddito manè copiosiori lotio, atque majori, tam ad stateram, quàm ad vires, corporis gravitate percepta; insuper proludente *coryza* cum levissimo capitis dolore, ab ulterioribus tentaminibus imposterum abstinere decreverim: satius ducens aliorum periculis instrui, quàm in me ipso, cum sanitatis injuria experimenta moliri, horumque dubiam, incertam, & ubi *de corio humano* agitur, suspectam ferè semper sortem adire.

3. Hujusmodi infortunia (2.) animo volventi diù, atque experimentorum filum abrumpere gestienti, natæ quædam, & oblata intellectui difficultates, ne ab incepto desisterem, nutantem adhuc detinuerunt. Num [mecum ipse loquebar] cutis squallor, & certa pororum transpirabilium sordities deflationi obstaret? Annè [quod verosimilius mihi videbatur]

hoc

hoc ipso quod insolitum vestimenti genus induerem, suppressæ evacuationis noxas incurrerim. Utrumque sanè rectè rationi consentiebat, & sequenti experientia confirmabatur: quippe deterfa ritè naturali fuligine corporis, necnon balneari, dulcique aqua cute lota, successu temporis bonos prædicti operimenti effectus experiri cepi. Evanuerat enim & omnis cutis phlogosis, & acrimonia, & rubor. Cessaverant & anxietates, & fluxiones in variis machinæ partibus. Subsequuta est salubris ex toto corpore exhalatio, effluente ex omnibus cuticularibus punctis humore blando, tenui, vaporoso, ex cujus evacuatione corpus fiebat agile, leve; vires validiores evadebant, & me sentiebam solito magis hilarem in summa adeò non amplius suspectus mihi remansit illius velamenti *lanei* vestitus, ut potius firmior inde lætiorque valetudo affulisse videretur. Tantum possunt in corpore nostro mutando consueta jam, vel quæ pertinacia ægrotantis, consuetudinis vim, à multo tempore habent, ut etiamsi fuerint deteriora, insuetis minus (a) turbare soleant.

4. Cæterum huic subuculæ per aliquot noctes assuescens, sequentia in me animadverti. Manè surgens, grave corpus gerebam, & mœstum diem transigebam. Alvus parciore semper, sicciorque fiebat; urina flammea, sudor rarus vel nullus, appetitus dejectus, prostratæ quoque vires, faciliore ad levia animi deliquia propensio, extima cutis aridior, asperior, calor vehementior, pruritus tamen minor, pulsus debiles, languidi observabantur. Sed inter cætera inexplicabilis adeo erat frigoris impatientia, ut ne minima quidem, etiam ardente Syrio, frigidiusculæ auræ perceptionem ferre umquam possem, quin in imminentes catarrhos præstò inciderem, atque incautè demptæ vestis poenas luerem.

5. Angebat quidem Periclitantis animum malorum illa soboles; [4.] quæ ut parva scintilla quid funesti incendii præfigire videbatur. Utique postquam dolores quidam Rheumatici vagi, & nullibi consistentes, frequens micturitio, & calens sitis, somno veluti oppressum animum exsuscitarunt, incitaruntque ad quærendum auxilium. Sed quid dicam, *som-*

(a) *Hipocrat. Section. II. aphor. 50.*

no devinctum, an aliud agere non valentem? Ita sanè; quippe ex una parte intolerantiam frigoris inde profectam agrè ferebam; ex altera, ne præcipiti amictus *lancæ* derelictione quidquam pejus mihi contingeret, prudenter timebam. Hinc proprium corpus, multis malis ab ejusmodi integumentis fotu continuato profectis, obnoxium redditum ultrò deplorabam; illinc exigua adhuc spe pendentem animum, atque auxilio inhiantem agebam: Donec non contemnenda methodus mentem succurrit tandem, quæ huc recidere videtur. Nolui enim juxta opinionem Authoris Angli (a) balnea frigida adire, ut morbosæ meæ consuetudini remedium invenirem aptum: verum subuculam illam *lancæ*, de qua supra dictum est, *Cap. IV. num. 1.* breviorē usurpare cēpi, & quàm laxissimè cuti inducebam, itaut femora primū degerem, & aeri per corporis in lecto naturalem volutationem ultro citroque poros vestis transeunti viam sternerem. Transactis dein aliquot noctibus, magis curtam aliam amiculum adhibui, adeo ut abdominis Regio ambienti aeri pateret, & ea ratione, inter sindones laxè jacens, aeris impressiones impunè reciperet. Sed quid multis? Ut ergo paucioribus dicam, quò tutiùs, & citra corporis læsionem pravum illum induendi me morè defererem, breviori in dies interula utebar, atque plures corporis partes nudabam: hinc tandem, prudenti hacce methodo eò ventū est, ut recuperatis viribus, ad consuetū mihi, & linea materia contextum vestimentum alacriter redierim.

6. *Experientiā* autem edoctus, testari sanctè possum, saltem in hisce Regionibus, corpus obvelatum, & pannis *lancæ*is fotum eò meliùs perspirare, quò tenuiores, & spongiosioris texturæ compaginati fuerint panni; Item quò tempestas anni ad calidiorem vergerit, tandem quò ceteris paribus, vehiculo calidiori ingesto impleta priùs fuerint vasa. Nam aliquando accidisse, inter experiundum memini, ut vigente etiam bruma sumpto, & paulò largiùs in coena epoto vino, necnon eodem vestimento indutus, cubitum petens, ea nocte duplum perspiraverim illius, quod Æstatis præsertim tempore, eadem veste munitus transpirare solebam.

CA-

[a] *de Nonnatural. &c. p. m. 246.*



CAPUT V.

PRÆCEDENTIS EXPERIMENTA,

*Mecanica enodans, & corollaria, circa lanæ effectus
in corpore deducens*

I.



Nnatam cunctis corporibus elasticitatem, facultatem nimirum illam, in partibus firmis, qua figura mutata a causa externa propria, & insita vi, in pristinam rēdit; Quicumque admiserit, eandem villosis lanæ corpusculis facillè dabit. Hæc enim, ut ostendit primum experimentum a nobis supra allatum, *Cap. IV. §. II. num. 1. 2.* aere, vel quocumque externo agente, pulsa distractaque, iterum pristinam figuram recuperant. Porro cum elasticitas in hoc consistat, quod extendi possint corpora, & ablata vi extendente, ad primam longitudinem denuò reverti; videtur fundamentum hujusce corporum proprietatis esse tantum nixum, quo partes minimæ fibræ constituentes sese mutuò trahunt; dum per elongationem superficierum plus distant, manente tamen cohæsione. Hinc si a quocumque agente fibra sit nimis debilis, idest partes ejus sese invicem minùs valido nexu petunt, necessariò minuetur elasticitas. Hinc elaterium, robur comitatur, & minor elasticitatis potentia inertiam in fibris, laxitatemque producit. Hanc doctrinam, quã omnes hucusque, duce Boeravio, amplexi sunt, multa sanè dissuadent, ne animalis vasculis, tubulisve, qua vivis, qua abscisis aptare possimus. Nam 1. etsi inanimata corpora, vel quæ ab animalibus

num.

numquam desumpta sunt; eò firmiora censeantur, quò magis elastica fuerint, & vice versa; non inde tamen sequitur, eandem legem valere in fibris nostri corporis: dum enim distenditur chorda ex intestinis animalium, aliisque fibrosis villis emergens, spatia relicta inter partium extrema elongantur; & forsàn capaciora fiunt, minuitur contactus, quod idem est, debilitatis signum adest; interim tamen fibræ compages magis resistit, & distensionì validius renititur, quàm flaccida, & pendula.

2. Animalium canalibus inest quædam vis elastica, qua si paulatim sensimque dilatentur, & extendantur, sentim rursus sese attrahere valent. At quemadmodum magnam, & subitanèam dilatationem absque rupturæ periculo pati non possunt; Ita pristinum statum illicò, formamque resumere nequeunt. Illam autem motionem elasticitatis cum vitali motu conjungendam esse quis non videt? sed quotus, quisque est, qui non negabit in demortuis, & de Animalium corpore avulsis fibris motum vitalem superesse? Adeout quò fortior, & vegetior vita, eò firmior elasticitatis nifus in animatis corporis solidis statuendus esse, prima fronte videretur. Cui tamen respondeo: non adeo certum esse, tutumque ratiocinium illud, ut præstantissimi *Vvoodvardi* experimentis (a) confutari non possit; quibus apertissimè liquet, corporis quascumque fibras, modò sanguine adhuc irrorentur, licèt a corpore separatas, & penè emortuas, debilem tamen vitalemque motum edere. Quocirca si vita vegeta non consistit in circulatione sanguinis per corpus animatum, *de vita strictè sumpta loquimur*, si hanc ubicumque comitetur elasticitatis nifus; si rursus hæc facultas gradibus roboris fibræ non omninò conveniat, videtur idea *elasticitatis* ab roboris conceptu cautè semovenda.

II. Et profectò ne in aliis rebus extra propositum nostrum divagemur, crines *laneos* propiùs intueamur. Nonne pusillum *lanæ* filum nervus est, qui, dum animali implantatur, vita vivit, qui certatim huc ruentes arteriolas, venulasque ha-

H

bet,

(a) *Geographia physica, o Saggio &c. p. m. 264. sequent.*

bet, quæ tam cruorem, quàm laticem multiplicem & advehant, & revehant? *vide supra Cap. II. num. 5.* Nonne etiam post mortem, vitalibus quasi irrigata succis, pili massula propullulat, atque crescit? Nonne ut in vivo corpore aliquando contorquentur, & in cincinnos, omni elasticitatis nota orbat, abeunt; sic ab eodem subducti pili conglomerantur, & distenti priorem iterum figuram adipiscuntur? Nonne *lancei* velleris crinium soboles eadem ad sensum elasticitate [an potius dixerim motu vitali] gaudet? quod ergo in genere de corporibus ceteris diximus, idem de *lana* pexata & vestiendo corpori dicata repetimus. Illudque eò facilius, quò inde clariùs, edocemur, elasticitatem & robur sive in *lanceis*, sive in aliis corporis animati pilis, diversas esse prorsus proprietates. Siquidem 1. Filum contortum debilius est iisdem filamentis in fasciculum collectis, tum quòd non omnia simul trahantur filamenta; tum quòd directio tractionis obliqua sit; tum quòd ipsa contorsio filamentis componentibus vim inferat. Sanè licet primo aspectu certum videatur, chordam, quò magis intorta est, eò majus pondus sustinere, quia eò majorem diametrum habet, quàm diametri primigeniorum filorum: tamen acutissimus *Reaumur* credit, in eaque nos sumus opinione, torquendi actionem, chordæ vim roburque multum infringere, ut qua flexione complicationeque villorum plures, debilioresque filorum contactus rumpenti vi exponantur. Quidquid tamen ea de re sit, quod ad *elasticitatem* spectat, quantò faciliùs chorda convoluta, & in repetitos circulos abiens, quamvis languidior alia, in longitudinem protracta, distenta, & elongata illa fibra, pristinam, cessante causa distrahente, quantò faciliùs, inquam, priorem recuperat figuram?

2. Ad gratum dein, affluentemque capillorum ornatum, animum oculosque converte, qui jucundam Puerorum quorundam alunt comam: ut enim in cincinnos mirè circa calvariam ludentes abeunt! Ut coelestis annulis sinuati capilli, tamquam calamistro inustam infantilem casariam adornant! Quòd si capillorum descriptos cirros diducas, & elongari coegeris, cedent utique, & extendi se sinent; ut tamen post

post diductionis conatum, quàm celerrimè ad congenitam plicationem flexionemque redire videas. Jam verò quid Infantium corpore debilius, quid laxius cogitari possit? Adeout tenellæ huicæ ætati fibras laxiores, & inertiores tribuerit *Boerhaavius*. (a) Patet ergo, *elasticitatem*, & robur, & viceversa, immutatam *elasticitatem*, & inertiam fibrarum animalium, quæ pro diverso ortu varios producant effectus, diversa quoque definitione esse donanda.

3. Notavit, quem mox citavimus, summus *Reaumur*, (b) quod quando vertibulo laxè circumducuntur fila, ista crispantur, & villos elasticos undique proferunt, qui ubi strictiùs, & compactiùs inter se uniuntur glomeranturque, mox prolabantur, inque vicinos villos comprimuntur, amissa elasticitate. Laxioris ergo fabricæ panni, fibrillis magis elasticis muniuntur, quàm qui *fullonicam* pressionem experti sunt; qui que proinde crassioris substantiæ, densioris, & fortioris contextus censendi sunt: si verum est, cohesionem & robur fasciculi, compactu multarum fibrarum in unicam massam, superare robur omnium fibrarum. (c) Ratum ergo manebit, aliud esse corpus *elasticum*, aliud *robustum*; illudque in pilis quibusque verum esse, quàm quod verissimum.

III. Cum ergo filorum crispatio, capillorumque convolutiones *elasticitatis* dotes meliùs clariùsque obtineant; Vide supra §. I. II. Videndum nunc, quibus de causis, quodcumque pilorum genus, & ipsa *lanæa* fibra, in cincinnos evadere, atque elasticitatis potentiam exercere possit. Et 1. quidem ignis occurrit, qui succos humidos absumendo, crispationem promovet. Sic subodorata flamma, vel longiùs adstans candelæ accensæ capillus, cito torquetur: sic in Ganeonibus, qui comam suam egregiè, & luxuriosius, quàm modestum probumque decet, nutriunt crines ferro contorti calido, vel acu ignea crispati vibrantur. 2. Frigore mirum, quan-

(a) *Aphor. de cognoscend. &c.* 37. (b) *Memoires de l'Academie des Sciences* année 1710. p. m. 505. (c) *Gorter Compend. &c. tractat.* I. tom. 1. §. XVI. p. m. 8.

quantum adjuvatur presens elasticitas. Nullus quippè pilus ex cutaneo corporis animalis cribro egreditur, contortus, atque elasticus; sed bulbilli, ex quibus pilus componitur, molles mucosi, & tantum non diffuentes observantur. Verùm stamina pili substantiam efficientia, ubi primum cutis squamulas disrupit, jam durescere, gracilesce, & crispari incipiunt. *Cap. II. §. v.* Aer deinde nostra corpora ambiens, frigidior est sanguine nostro. Et hæc est causa *crispaturæ* filorum pilorumque naturalis. Sed qua proportionem, ex illa minima corporis particula diffatur quod humidius est, eò magis illa indurescit, ut ad *fragilitatem*, quæ species debilitatis est, propiùs accedat. 3. ut vitrum corpus fragilissimum, arte ductum in filamenta subtiliora Araneæ filo coheret, estque flexile quoquoversum minima vi in spiras absque ruptura; adeo ut fictitiam, ex vitro in fila ducto comam, viderit *Vanfuvieten*, (a) in qua vitrum absque solutione poterat in capreolos crispari. Ita eam esse causam puto, quare Infantibus adeo connaturales capillorum capreoli esse soleant, quòd scilicet singuli nascentes capilli summè subtiles sint, & infinita penè filum componentium adtenuatione in exilissima filamenta ducantur, adeo ut amissæ figuræ iterum suscipiendæ omnium corporum aptissimi meritò habeantur. 4. Major a locis cutaneis distantia causa est contorsionis; eà enim fit, ut extremitate sua capilli, pilique omnes, illâ præprimis, quæ corpus non contingit, capreolorum ad instar convolvantur. Id observationes quotidianæ illustant: longiùs enim, atque remotiùs a corpore animalis in glomerem abit *lana*, ut quo loci ab humidis fontibus, & succosa radícula §. II. distans, diffationi suarum partium favere videatur.

IV. Ratione contraria contingit, ut pilosi villi, sive *lanei*, sive *serici*, sive *bombycini*, *elasticitatem* amittant: ut I. si humidum inter eorundem interstitia abundantius niduletur, vel aliquo oleoso humore laxante textilia saturentur; hinc chordæ humidæ minùs crinitæ sunt; hinc qua parte exundanti cuticularibus fistulis, illinientique oleo patet *laneus* pilus in

ove

ove, ibi minùs contortus animadvertitur, & debilem elasticitatis nifum exhibet. Si 2. Calor, liquorem in cavitate flaminum *lanearum* exiguiſſima contentum adhuc, *Cap. II. §. VI.* juſto fluidiorem reddiderit, undè remotior fibrillarum villoſarum, a ſe invicem locatio, & ſumma flexilitas cum impotentia redditus. Si 3. fili, pilive componentia elementa, craſſiorem truncum effecerint, qui tantum abeſt ut flecti dein, contorquerique poſſit, ut potiùs faſciculatim collectas, & laxé inter ſe unitas fibras repræſentent. Demum ſi 4. origini ſuæ propior fuerit vellus; ea quippe in parte cùm repant nervuli cutanei, & antea involucris teſti, mox pandantur, & rete poroſum *Malpighianum* dictum efficiant; videntur ſanè majorem inſenſibilis ſudationis copiam proritare. (a) qua emollita, pili naſcitur, vel jam nati primordia in longum potiùs educantur, quàm in brevius cogantur.

V. Vidimus quid in *lanea* fabrica *elasticitatem* conſtituat, quidve eamdem imminuat; *Supra §. III.* IV. Videndum nunc quid eſt quod firmioris texturæ pannos efficiat. Profectò *Ars Fullonica*, de qua ſupra, *Cap. I. §. v.* interſtitia *lanea* complendo, crineſque acervatim addenſando varium gradum firmitatis imperiit. Inde enim futurum eſt, ut humidum inter partes *lanæ* contextæ reſtitans auferatur; ejuſdem elementa arctius ad ſe invicem compingantur; ſi quid glutinoſi in villis remanſerit, tenacius reddatur; augeatur vis attractrix inter ſolidas *lanæ* molleculas, & majore preſſionis momento pili antea recti complanentur; ſicque durius ad contactum, indumentum fiat.

VI. Ex hætenus dictis colligere eſt 1. induſia, & quodcumque veſtium genus, ex *lana* laxiùs pexa textaque factum, ad ſtimulanda cutanea vaſcula aptiſſimum eſſe: cùm enim ex omni ſuperficie ſuæ puncto, confertiſſimas ſetas, eaſque aſſurgentes, & aculeatas ejaculent; cumque frequenti corporis circum volutati motu, momentum aliquid ad agendum concipiant; cumque tandem vix in cutis, qua longe, latèque patet *Area*, ullum ſpatiolum concipere ſit, quod ſen-

(a) *Gorter de inſenſib. &c. Cap. III. §. VI. p. m. 11.*

sensu careat; non improbabile videtur, si prædicta istiusmodi Indusiorum *lancorum* species, & figura cuspidata qua instruitur, & rudi villorum cutaneorum contractione inter induendum, nervulos cutaneos huc affluentes, eosque maxime sensibiles, *vide supra in hoc capite* §. II. III. ingrato quodam sensu afficiat, atque molestè percellat. 2. Intelligentes crassos, & *Fullonum* opera compressos *pannos*, ad stimulandum irritandumque nervosum genus, impares prorsus esse; sed eosdem ad frictionis vicem sustinendam mirè idoneos. Cum enim fricari corpus ab alio nequit, nisi alternè prematur, & dein propria vi relaxetur, cum pori vacuo aere pleni fricandi premendive virtute destituantur prorsus: patet momentum *frictionis* in corpore, quo partes fricantur, a mole, & pondere massæ motæ pendere. Hinc cum pexe densè constructæ, & pilis singulis in unam planam massam congestis constantes, pauciora vacuola obtineant, graviores, & latiores sint, quàm qui tenui raroque, & transparente *lanceo* textili conflatæ sunt: Liquidò patet, prioris generis vestimenta, si induantur, posterioribus, *frictionis* munus præstantius obire posse. Inde rubedine cutem suffundi, & ab exutis etiam vestibus calorem, motumque in villis oscillantibus relinqui videmus. In summa acumen, quo operantur quædam vestes setis erectis lædentibusque constantes, *hæc* §. VI. *num.* 1. uni puncto applicatum, potius pungere, quàm perfricare aptum est. Defricant autem ea, quæ corpori detergendo admota, partes ejus immediato pressu tangunt, pressasque ire, atque redire compellunt. Sed hac de re copiosius infra redibit sermo. *Cap. XII. §. 1x. in propositiō. secunda.*

3. Habes utriusque speciei amictus *laneos*, corpori superinjectos cutem subditam *calefacere*; dum unius speciei vestimentis cooperta cute, sensitiva ejusdem vascula, ab receptis intra se figuratis *lanæ* apicibus stimolata, circumfusam nervulorum prole succutiunt, atque motum, qui princeps est caloris causa, incitat. Accedit huc, quod credibile est, calorem hominis, ut aera contiguous corpori ejusdem calefacit, (a) sic contegenti tunicæ calorem impertire eoque celerius faciliusque, quo pan-

(a) *Boerhav. chem. tom. 1. p. m. 104.*

nus indusii tenuior fuerit. Quoniam verò talis vestis corpus elasticum est, ut vidimus; II. §. *supra* 6. *Coroll.* 2. idcirco postquam vi vitæ calefacta fuerit, semel superinduta, possumus credere, diù dein retinere tales excursus, & introcursus in suis intropressis, & resilientibus particulis prominentibus, & elasticis, atque ita continuare motum ignis: Ut semel percussa chorda diù tremores, & ista campana etiam diutissimè retinet undulationes sonoras auribus percipiendas. Quem nonnulli panni *lanei* solo promiuentium suorum pilorum vibratili motu calorem in corpore animali producant; is alio genere vestis *laneæ* crassioris, ope solius affrictus generari potest; qui tritus, a frictione ortus, calorem dare natus est. In genere autem ab hac applicatione calor in corpore nostro percipitur; ut cujus prima causa est ablatio refrigerii, dum aer corpus animalis circumalluens, utcumque arcetur. Verùm hæc fusiùs infra edisseremus *Cap.* XII. §. VI. *in proposition.* I.

4. Evincitur, quæcumque, de *lana* ortum ducunt opera, modò rudi partium externarum corporis contrèctione frictionis officium adimpleant, *hæc* §. VI. *Coroll.* 2. variae molis corpuscula minima, velut quasdam velleris tomentosas molleculas exhalare posse, quæ sensim aggestæ cutis poros infarciunt; quibus oclusis, non modò sordes pingues supra cutis superficiem collectæ manent, verùm etiam canaliculi cutanei, mora aquosioris transpirationis emolliti flexilioresque facti, debiliores evadent, quàm ut transpirabile extrorsum urgeant: unde utroque de nomine *Sanctoriana* diffusio, parcius, tardior, difficilior futura est.

VII. Experimenta numeris superiùs citatis, *Cap.* IV. §. II. *num.* 3. 4. 6. allegata, communem esse, & angustissimis tubulis, & pannis *laneis*, sugendi attrahendique potentiam apertissimè ostendunt. Quis enim nescit, inter minutissima, quæ relinquunt fibræ *laneæ*, è quibus vestes constant, spatia humidum assurgere, dispergique; ut intra tubulos capillares, & laminas proximas olei guttula, vesti ex animalium partibus affusa, longè latequè diffunditur, & velut ab illis partibus exsurgitur? Neque ad hujusmodi *suctionis* apparitionem

opus est, ut ascensurus liquor cavum syphunculi benè efformatum offendant; de quocumque enim *Philtro* desumatur portio, oblatum liquidum semper trahetur, assurgitque semper. Dixi *philtro*: Plura enim prostant corpora, quæ etsi porosa sint, virtute sugendi carent omnino, nisi in capillares canaliculos conformentur. Alia dantur quamplurimis foraminibus pertusa, nullam tubuli trahentis speciem præferentibus; sed quibus tamen ille inest ordo, ea partium configuratio, & dispositio, ut *tubulorum capillarium* ritu, rapere sursum liquidum possint. Hujusce generis sunt vestimenta *lanea*, & *Bombicina*, & gossipio facta. Supponimus itaque, id vestium genus humidum inhalare, parum solliciti de natura, & indole *attractionis*; an scilicet phenomenon sit, cujus causa lateat, vel princeps, & altera post *Impulsionem*, omnibus innata corporibus. Neque illas de suctione quæstiones attingere, Nostra interest, cum de illis alibi sermonem instituerimus copiosorem. (a) Latus enim hic sese panderet campus, in quo lætiùs fortè quàm utilius exspatiaretur *Oratio*. Sive ergo *lana*, & ex hac fabricata palia, veluti totidem capillares tubi spectentur; *vide Suprà* §. II., & *Cap. II. §. v. vi.* sive informem pororum massam attollendo liquido aptam in sinu suo foveant, ut acervus arenæ, qui in superficie superiori, ascendente sursum aquâ madere videtur: perindè enim est, neque simbriis vestium harum, aqueo humori expositis, omnem sugendi liquida, virtutem nullus sanè mentis inficias ibit. Porro ratio *experimenti tertii* patet: nam quamvis impexa *lana*, & fasciculatim tantum ordinata, seriem tubulorum angustissimorum verè *capillarium*, & juxta se positorum repræsentet; nihilo tamen minùs constat experientia per illam staminum *laneorum* multitudinem, ægriùs parciusque assurgere liquidum, quàm si eadem filamenta, ut in textili *laneo* contingit, contorquerentur: tunc enim verò, contorsione illa filorum evenit,

(a) *Vide tractatum nostrum de balneis animadversion. VIII. §. II. num. 3. item in tractat. de hepat. animadversion. XIV. §. III. num. 9.*

venit, ut internæ villorum cavitates, serpentinos offerant meatus liquido ingressuro; quibus viarum gyris liquidum, quiescens, addito veluti virium robore idemtidem ad superiora staminum loca impellatur. E contra verò, ubi *lana* filatim, & in longitudinem ducta aquam tangit, aquæ V. G. jam elevata columnula, gravante & deorsum pellente suo pondere, nequit amplius attolli, sed fatiscente quasi ascensionis efficacia, mole sua corrui. Quod verò humecta fimbriâ *lanea* citiùs emergat supra libellam liquor, quam per eandem *lanam* siccata, id ex quadam analogia proficiscitur contenti in interstitiis *lanei* panni liquoris, cum ascensuro: eadem qua videmus ratione, vasi oleo, & vino pleno, si immergantur panni cujuslibet *laciniæ*, quarum una oleo, altera vino imbuta fuerit, priori oleum non vinum, posteriori autem vinum non oleum adhærere: qua etiam constat, binas aquæ guttulas, inter se citiùs faciliùsque coire, quam cum aliis exoticis corporibus. Quando autem *Analogiæ* nomen usurpamus, phenomenon intelligimus, cujus rationem, & causam profundè nos ignorare non diffitemur.

VIII. Ratio quarti experimenti, *vide supra cap. IV. §. II.* ex eo erui debet, quod eodem manente *lanea* compagis pondere, si superficies eodem tempore crescat, pori canaliculorum fugentium indolem æmulantes nascantur quamplurimi; utpote quod in tali casu elementa *laneæ* solida, debiliori inter se coherentiâ donata, magisque a se distantia vacuola variè intorta relinquunt, abripiendis intra se liquidis idonea; docent enim præfata a nobis supra, *Cap. I. §. III. IV. V.* ex filamentis, staminibusque *laneæ* primigeniis, multifariâ intertextis, & fabrica, telæ *laneæ* cõponi primordia, atque ex iis filis majores, eosque densiores, laxioresve filorum fasciculos prodire, ex quibus demum arte plicatis, ac contortis ad opus intextum poliri, absolvique vellera. Sed illa filamenta sibi invicem adprimi nequeunt, quin interstitia, meatus, porositatesque intercipient eò majores, vel potius numerosiores, quò rarior contextus latiore ejusdem panni copiosiori humido exfugendo parem superficiem obtulerit. *Dixi, numerosiores, quippe corpus omne non ideo magis po-*

rosam censetur, quia poros patentiores habet; interstitiorum canaliculorumque quidem copia sæpè compensat, imò excedit in hoc, eorumdem magnitudinem in alio corpore. Obturaculum ex subere factum, quantacumque vi collo lagenæ indatur, & comprimatur, non ideo densius, magisque compactum evaderet, quàm si ex ligno quolibet construèretur: poris ergo suberis major inest capacitas; & tamen nihil proprium, vel coercendis halitibus, ex liquore in lagena contento emisissis, conducibilius est, eodem obturaculo ex suberina substantia constructo. Verosimilius ergo videtur, pororum in alterutro obturaculo amplitudinē, ab horum frequentia in altero suppleri. Quando *Aqua Regia*, quæ aurum dissolvit in minima, argenti foramina respuit; dicesne qui hæc intueris, argenti corpus apertiores meatus gerere, quàm aurum? Si ita se res habet, cur ergo atomis menstrui prædicti, quibus in densissimum aurum patet aditus, iisdem in multo flaccidiorem argenti fabricam prohibetur ingressus? (a) An non præstat, confertiores esse, & numerosiores argenti spiracula asserere, neque fortè illis cognatos, qui in auri substantia continentur? Simile quid accidere arbitror, dum intacta duarum *lanearum* portionum latitudine, vel dimensione, adauctum pondus, majorem humidi copiam suctu elicit, ut in experimento præsentis ostensum est. Quippe quamquam, propter majorem panni gravitatem, corpuscula *lanæ* ad se propius accedentia foramina strictiora habere videantur; possunt ea tamen ad incredibilem copiam assurgere, quo impressis suctisque humoribus, si non amplitudinis, at saltem frequentia pororum respectu, majus spatium concedatur.

IX. Si autem Gossipium crudum cum infecta succidaque *lana* comparemus, inde recto adhibito ratiocinio detegemus, gossipii compagem laxiorem, molliorem, spongiosioreque esse non modò, verum etiam villis summè cedentibus, flexibilibusque construi: hinc duo sequi videntur. 1. Quod ratione majoris apertionis pororum, haustum humidum non retineat, sed vel debilius attollat, vel imbibitum, continuò elabi

[a] Noller: *leçons de Physique* tom. I. p. m. 110. *sequent.*

elabi è suo gremio sinat. *hìc* §. VIII. Quod 2. summa quæ gossypium pollet, præ *lana* villositate in apicibus filorum suorum externè prominentium, tenuissimam humidi partem Roris ad instar coerceat, quin ad ulteriora, & interiora adire eandem permittat. In *lana* verò etsi villi undequaque, setarum more, eleventur, penetrantem vaporem arcen-tes; *Cap. I. §. III.* probabile tamen videtur, post indicatum experimentum, *hìc num. 6. ad §. II.* eos non ità uberioros esse ac un *Xyllo*, ubi densissimo eorundem agmine, suctioni oblatae fortè humidi partes, in externis apicibus retinentur: non absimili ratione, qua roriferæ aquæ guttulæ super tomentosam foliorum quorundam faciem solitariae stare, vel inter se coeuntes, grandiores guttarum orbiculos formare videntur, sicca penitus subjecta folii substantia manente. Indè patet ratio ad experimentum sexto loco suprà recensitum.

X. Ex hucusque dictis colligere est: *hìc* §. VII. VIII. IX.

1. Cujuscumque speciei amictus *laneos* trahere humidum; laxiores equidem minus, quam densiores; & inter posteriores magis eos imbibere, qui *Fullonum* officinis extracti graviores in specie evaserint; vel qui tortis, diductisque staminibus, quæ innumerabilia spatiola comprehendunt, contexti cernuntur.

2. Ex supposita spongiosa pannorum *laneorum* textura, ea qua hìc explicavimus ratione; §. VIII. IX. opera corporis indè confecta, in aquam immersa, vel vaporis exposita, ex liquoris imbibitione, illicò tumescere.

3. Patere indè §. X. *Coroll. 2.* viam ab una panni facie, ad alteram; cùm liquidum a porulis staminum alterutram panni faciem necitentium emissum, in objectam, & aversam, porulisque pertusam alteram, nullo repugnante incurrat, atque sese insinuet: eodem prorsus modo, quo videmus loca, aquæ-ductibus subterraneis proxima humescere; quod supponit necessariò inconspicuas aquæ atomos illorum canalium meatus tacitè pervadere: quo cernimus, arenam aggestam inferiùs madidam, in summa actutum sua superficie humectari. Itaque in casu nostro nihil impedit quominus te-

nuiſſimæ Lympharum partes per pannorum ductus, quaſi totidem ſpiramenta, ultrò citroque meantes trajiciantur.

4. Poſita illa trajectione *Coroll.* 3. abſorpti cujuſcumque liquidi, ſi pannus concutiatur, nihil quidquam humidi reddere cernitur; ſed ſi *Texta ex goſſipio* vel *lana* toto ſuo vellore inſtructa, facta agitentur, adhærens humidum inſpergunt, redduntque; adeo ut ſi ſummis digitis contrectentur, liquorem dimittant, quàm facillimè, dum in internis partibus nihil adhuc humiditatis inſpiſſaſſe videantur. Dum autem, eodem villoſo cortice exuti *Panni* ad trahendum liquidum uſurpantur, altiùs idem combibunt, neque adeo facilè eructant.

XI. Quinti experimenti in eo capite recensiti *Cap.* IV. §. II. ratio patet conſideranti, in rariori pannorum fabrica, villos, utpote magis contortos, *Cap.* I. §. IV. majori *elasticitatis* niſu gaudere. *hæc* §. III. Hinc ubi a prelo comprimente ſemel liberati fuerint, ruſus a ſe invicem recedent; & poros, quos Tubis ſupra comparavimus *capillaribus*, *hæc* §. VII. capaciores exhibent, arripiendis, coercendiſque intra ſe aſſurgentibus liquidi globulis impares. Quippe clarum eſt, liquoris elevationem in tubulis eſſe, in ratione diametri canaliculorum inverſa. (a) Quoties verò Torculari craſſior pannus *laneus* exprimendus offertur; quoniam penicilli, & crinium *laneorum* glomeres comprimuntur undequaque, neque tanta elasticitate, quanta opus eſt ad reſiliendum donentur: *Cap. ſupra* IV. §. II., & *hæc* §. IV. fit, ut interſtitiorum, vel ſyphunculorum ſugentium cavitates tantillæ exactè impleantur, in arctiora ſpatia poruli cogantur, & diametrorum figuræ anguſtiores evadant; verbo maſſa tota magis conſolidetur, & prior panni moles, multùm imminuta appareat. Qua equidem obſervatione certum habetur, quantitatem tubulorum imbibentium in craſſiori, & magis compacto panno, per vim humidum exprimentem, majorem fieri; adeoque partes aquæ, adjuvante fluoris ponderiſque potentia per tubulos *illius panni* facillimè admitti, & tranſuda-

[a] *Nollet. ibid. tom. II. p. m. 406.*

dare, admissas autem difficillimè indè effluere, expellive posse.

XII. De facultate autem nigri *Panni*, supra memorata, *hic* §. V., non est quod hic rationem subjiciamus. Unus ad instar omnium sufficiet nobis Boerhavius inclytus. Ille enim expertus est; ignem a Sole determinatum, corporibus nigerimis, quæ reperiuntur, si excipitur, impressum hæere una cum suo calore in iis diù retentum. Observavit etiam quod si vestis exterior candida sit urente Sole, accumbens, corpus quàm optimè ab æstu defendit; ubi contra nigra vestimenta, suffocante calore idem infestant. Sed & notabile est observatum, inquit, (a) eorum qui *Pannos de lana conficiendo, victum quæritant, quod si eodem tempore, & loco madidi ii suspenduntur ad eundem Solem, Ater illicd calebit, fumabit, exsiccabitur; candidus quàm diutissimè aquam suam detinebit; reliqui verò tantò iterum desiccabuntur lentius, quò calore vivaciore fulgent*. Hactenus vir ille, cujus effata, licèt solis observationibus innixa sint, ratione tamen non carent, quam nos in sequentibus, ubi de colore *Pannorum laneorum* edisseremus, retegere conabimur.

XIII. Ex notatis modò §. xi. xii. intelligi potest 1. quare in universum præstat densiorem *laneam* vestem, quam delicatiorem, & contextus spongiosioris, sibi inducere. Prior enim plus a corpore animali subitè exhalante fugit, minus verò humidi excutit. Posterior autem, quod assumpsit semel, facili de causa è porulis suis elabi permittit; quòd si poros cutaneos, ut semper sit, apertos inveniat, nullo negotio iisdem humidum immittit, cum subsequenti auctæ corporis humiditatis noxâ. Deinceps 2. scitur, cur ceteris paribus, vestimentis *lanam* rudiorum excipientibus, tantò faciliùs, & citiùs perspirabilis jacturam experiamur, quantò illa nigriori *colore* fuerint imbuta. Nam talia indumenta longè citiùs calent ab eodem corpore animali; imò quoque, & fortius incalescunt per vitalem ignem; omnium etiam citissimè exsiccantur, ubi aqua, vel aquea animali evaporatione fuerint madefacta, quod observatis quotidianis constat.

XIV. Alteram experimentorum classem, quæ in me, ipse

cepi, jam tempus est; ut explicandam aggrediar. Fatendum quippe est, *experientia duce*, calidiorē aerem humidiora corporis nostri absumere, adeoque clarescere *a posteriori* rationem, qua in experimento superiori, *Cap. IV. Experim. I. ad §. IV.* absorptum ab Indusio laneo sudore, circumfusus ambientis calor adeo hauriebat, ut rectum inde de insensibilis transpirationis copia judicium ferri minimè possem. At verò hujusce phenomeni, si *a priori* ut ajunt, ratio indagetur, oportet aeris circumstantis massam, velut spongiam considerare ad suctionem liquidorum comparatam. Neque enim aerem fluidum esse compressibile negabis umquam. Quamcumque figuram ejusdem spiris impertias, numquam illæ inter se conjungentur ita, ut inania spatia excludant. Adsunt ergo per totam fluidi aerei massam, spatiola se mutuò excipientia, continua, & ex quibus tubulorum quorundam congeries emergit, variè contortorum, plus minusve implicatorum, & in diversa anni tempestate *Capillarium* munus obeuntium, juxta diversam aeris densitatem, atque demum multiformi materia replendorum. Non mirum ergo si aer corporis nostri, dum *lana* se induit, respectu, canaliculorum capillarium (a) vicem supplendo, trans *lanei* tegumenti spiracula means, exsudentem halitum absorbeat, illumque dissipando, corpus adsiccet. Quod si non placet ratio *absorptionis* in aere, ex indole, & proprietate *tubulorum capillarium* desumpta, aliam ineamus, quæ ab alio fonte deducitur; nimirum ut ignis elementa corporum a se invicem removet, & ipsa metalla in omnibus suis particulis recedere cogit; sic aerem rariorem efficit, capaciorem, vacuolis ingentibus conspicuum: hinc talis aer corpori applicatus, unde non levi virium momento perspirabile effertur, villos *lanæ* pervadit, promptius copiosiusque halitus recipit, & quoquoque diffundit.

XV. Deduces inde 1. adspirationē hujusmodi aeris crescere in ratione ejusdem caloris: Quamvis enim nemo in aere se ipso calidiori vivere possit, idem tamen aer justo calidior aliquando notatur, quàm ad rectè tuendam valetudinem requiritur.

(a) *Nollet Leçons de Physique tom. II. num. 1. p. m. 449. 445:*

ritur. In quo casu, eodem integumento *laneo* carne velata, conditiones memoratae adaugentur, *hæc* §. XIV. & aer ad absorbendum è *lana*, quidquid halituosum eidem inheret, aptior futurus est.

2. Emissionem diffilationis insensibilis trans filamenta induta *lanæ*, & ejusdem dispendium per vastum aera, adaugenda fore ceteris paribus, prout corpus tenuiori rariorique veste vestitum fuerit. Elati enim e corpore jugi ploratu vapores, cum per ampliores, ut supponuntur, *lanæ* meatus transeant, nulli parti villorum adherent; sed ut sunt volatiles, & quietis nescii, nec ab inanibus spatiis coerciti, simul atque effluunt, nulla morâ in diffusum aera sparguntur.

3. Imminuendam pari passu istam inconspicuam sudationem, & absorptionem ex parte aeris, quò *pannus laneus* magis fuerit crassus. Quo enim momento materia perspirationis per villos aditum in aera querit, eodem, variè complicata fibrillarum *lanearum* stamina impingit, egressum lapsumque morantia; inde difficilior avolat, & deperditur, sed per laterales sinus, & fabricæ cuniculos pergens, *pannum*, *Confer. hæc* §. XI. magis humectat.

4. Aerem calidiorem, ex saturatis exhalante materia vestimentis, eò magis auferre, quo illa materia volatilior fuerit, & ipsi aeri miscibilis, minus verò absorbere, quo perspirabile, ad fixiorem indolem vergerit. Perspirationis enim animalis aliqua pars levior avolat, ponderosa verò adheret, inquit Sanctorius; (a) levior item perspirationis materies solo afflatu coinquinat, ut in *Morbillofis*, *Variolosis*, *Pestilentialibus*, *Endemicis* morbis videre est; gravior autem, & crassior, immediato tactu sanos inficit, ut in *Lue venerea*, *Scabie* &c. hinc *panni lanei* densiores, dum omne perspirationis crassius, & majorem partem tenuioris retinent, *Corol. III.* ad propagandam corporis infectionem in Sanos aptiores videntur.

5. Non ideo tamen censendum esse, *pannos laneos*, rariùs laxiùsque contextos, omnem quam in se receperunt semi-

[a] *Aphor. static. 75. 76. 77. edition. Gorter.*

minii inquinantis materiem; in circumlitum aera evomere. Etiamſi enim virulentum miasma, corpore emiſſum per vilorum *lancorum* intercapedines liberè, volatile cum ſit, permeet, videndum an aer, cùm illo cognationis analogieque fœnus habeat. Compertum enim eſt, poroſa corpora non omnia indifferenter attrahere. Aurum duriffimum attrahit hydrargirum; Lapis Magnes, ferrum: ſed ſpongia rariſſima, nec ferrum, neque hydrargirum allicit trahitque. Quare fieri poteſt, ut aeris ſpongioſum corpus halitibus imbibendis peſtiferis, quamvis ſummè volatilibus, ineptum ſit, quo tempore longè craſſiores molleculas, ex Regno triplici eductas, intra loculos ſuos coeracet.

6. Inferes tandem quid ſentiendum ſit de iis, qui Phthiſicorum Peſte, & ſimilibus morbis correptorum veſtimenta ſola præmiſſa ventilatione purgari, mundarique poſſe cēſent, ut abſque ſanitatis detrimento a Sanis dein impunè geſtari poſſe arbitrentur. Errant enim toto Cœlo, neque Conci-vium ſuorum tutelæ ſtudent ex animo: tum quòd ob indefinitam materiæ diviſibilitatem, etiamſi continui miasmatum ab infecto integumento prodeant rivuli, non avolant tamen ut in totum eoſdem abſumi poſſe credamus. Exemplo ſunt odores, qui illèſo plerumque odoriferi pondere diutiſſimè ex eodem exhalant in aera; Tum quòd ex diſtis, *hæc Corollar. 5.* non omnes, & cujuſcumque generis aromas promiſcùè allicit aer; quare effluviis v. g. peſtilentialibus parcere poteſt, quin eadem combibat, inque Sanorum corpora derivet; Exemplo ſunt Merces infectæ, virus peſtilentiale diu foventes, non obſtante ſuffitione, quæ in hiſce caſibus fieri ſolet. Sed hæc prolixiùs infra edifferentur. *Cap. XI.*

XVI. Poſtquam primi periculi a nobis tentati æthiologiam dedimus, ad explicationem ſimptomatū, quæ primos geſtę *lanę* dies comitabantur, accedamus; quæ ſi attentiori animo perſcrutentur, ſuppreſſam ex indumento hoc, corporis ſalubrem perſpirationem oſtendent univerſa. Inde ex cohibito illo ſalutari effluxu augetur ultra modum in vaſis fluidorum moles. Sed inde potiſſimùm afficiuntur vaſa ſanguinea, quòd moles ſanguinis cutanei, quæ priùs ob jaçturam portionis per hia-

tus cutaneos plurimùm imminuta per venas ad cor revehebatur, nunc ferme tota, quæ per arterias ad cutem appulit, ad cor reducitur. Inde difficulter transeunte cruore ob sui orgasmum, cutaneorum canaliculorum distensio, & a molesto calore, ingrata nervulorum intertextorum vellicatio oritur, *pruritus & ardorem* sistens. Retenta dein acri illa evacuationis *Sanctoriana* materia, tota turbatur machina, cum per diversos corporis alveos ingressa, & diversis laticibus immixta, eosdem in abnormes motus cieat. Ex lege postea unionis irregulari facta, ut in cute sic in reliquis locis sanguinis circulatione, hujus ita abruptæ, intercissæ, & inæqualis infortunia magis in cerebro, partibusque vicinis manifestantur; unde inordinatus spirituum motus, & exleges eorumdem in organa sensuum undulationes. Sed præprimis ad Renum vascula, & vesicam, noxæ impetus fluidorum decurrentium manifestæ sunt ex eo, quod ibi supposita acris perspirabilis retenti intima cum sanguine ejusque sero unione, advocato dein impensiori partium illarum calore per totum asperioris duriorisque solito operimenti, vix fieri possit, quin urina, sponte acris, acrior inde effecta, loca, per quæ transitura erat, ad *Dysuriam* usque stimulet. Porro vesiculæ seminales adsitæ fervorem, & calorem vicinum immoderatum conceperunt, unde expanso semine, & turgentibus ejusdem conceptaculis, præ nimio æstu, ille spirituum ad sensorium communè refluxus factus est, qui Veneris illecebram in simili casu reluctanti, & Christianæ etiam menti obtrudere consuevit. De reliquo, sive *arteriarum* temporalium pulsationem insolitam, sive natam inde *coryzam* spectes, ubique videbis & tumentes citatosque sanguinis illac prætereuntis fluctus, & lateralium lymphaticorum mucum excernentium ab tumefactis pleniori sanguine *Narium* vasis tumultuariam compressionem; indeque Naturam corporis tutelæ invigilantem ita admiraberis, ut quòd salubri in tali casu perspiratione, ex emissariis cutaneis dilatatis, expansis, & multifariam vellicatis effluere desiit, benigna urinæ largiùs fluentis compensatione supplere tentaverit. Non enim exactè, & satis *urina* profluxit, ut sensationem *gravitatis* inde ortam in corpore su-

stulerit; vel si urinæ copia quantitatem solitam transpirationis æquavit, gravitatis ille sensus ad spirituum in illa corporis turba imminutionem, & vigiliam vires dispergentem potius, quàm ad aliam causam referri & potest, & debet.

XVII. Colliges inde, subuculas istiusmodi inter auxilia dietetica recensendas meritò esse, quæ *Calefacientium*, *Moventium*, *Stimulantium* titulo, & virtute pollent. Nam quòd postremam stimulandi efficaciam adtinet, quæ villis *laneis* congenita est, nihil addere interest, postquam ea res in superioribus nostris, *Cap. II. §. VII.*, & *hic §. VI. per totum*, luculenter comprobata fuerit.

XVIII. Quò autem eventus, supra recensiti phenomeni, *vide Experim. 3. ad §. III. in Cap. 10.*, ratio reddatur, adnotandum volo, eum non tantùm cutis propriæ sordibus, quàm contractæ consuetudini esse tribuendum. Neque enim cute contaminata, in totum suppressi insensibilem corporis distensionem crediderim; cùm & in secunda quoque valetudine fruentibus, vix perfectè illa nitida, & deterisa observetur. Porro cùm ob insolitum vestimenti genus, tenera in ambitu vascula antea stringerentur, & pluribus contracta modis morbosas illas noxas inferrent, de quibus mox actum est; *XVI. XVII.* dein autem ob diutinum vestis *laneæ* usum, tali tensioni, & motui assueverant, ut retento intùs perspirabili exeundi libertatem concesserint; inde factum est, ut optima evaderet *Sanctoriana perspiratio*, atque liquidorum facilis fluxus, canalium permeabilitas, liquorum in alienos canales aberrantium felices reditus, & per laxatam cutem faustus exitus, tutam, malorum ab fluidi stasibus ortorum dissipationem prædicerent. Sed, & præprimis *latitia* inde subsequens & *agilitatem veram corporis*, & *agilitatem ad sensum* pro causa agnoscit. Levitas enim, sive membrorum *ad sensum* agilitas, non semper exigit evacuationem: cùm ad stateram absque immutato pondere, numquam levius reddatur corpus. Sufficit ergo spirituum excitatio ad dexteritatem hanc producendam. In casu autem nostro adfuit insensibilis egestionis, quæ materiam ponderosam ablegat, restitutio; unde corpus ad Stateram *levius* fuit inventum. Verùm ex conspiratione anim-

corporisque functionum factum est, ut *leviori* reddito corpore, & humorum massa multò liberius circulante, spiritus animales vividius propellerentur; quare recuperatæ, merentis quasi languentisque animæ vires, torpidos antea oppressosque, retentæ perspirationis pondere, spiritus instigarunt, incitaruntque, ita ut *agilitatem* ad sensum produxerint, & moderato animum oblectamento gaudioque perfuderint.

XIX. Fidelis illa observatio memorata superiori loco III. *ad num. 4. Cap. IV.* summam liquidorum tenacitatem, quam continuata villosi Tegminis usurpatio induxerat, ostendere videtur. Quandoquidem si vasculorum modica, eaque non interrupta tensio, ultima corporis secretiora calefaciendo, & siccando, superfluos absomit humores, fovetque spirituum naturam, quietis & ocii impatientem, unde corporis *levitas* mentisque alacritas petuntur: [xviii.] ubi autem propter diuturnum, & prævum indumenti morem, insolitam patiuntur tensionem, & liquida nimis adtenuantur, facillimè hinc per quoscumque ductus effluxura; sit ut plus solito humor corpore decedat, & boni quoque humores auferantur. Accedit, quòd opportuna vestimenti *lanei* gestatione, frigoris accessus prohibetur, vapor ex cutis animalis manans, laneis staminibus super incumbentibus *hæc* §. vii. viii. ix. x. coercetur, externa tubulorum excretoriorum superficies servatur laxa, & oscula aperta. Verùm si hujusmodi liquidi consumptio, eadem manente causa, perseveret, calidiori circumfluo aere, vel sicciori, continuo deperdetur humor ille *Cap. IV. §. iii. num. 1.* & nimis citò, sic ut desiccantur pori bibuli, & expirantes, cutisque fiat magis dura, & ab eodem impetu non aperiantur ut priùs, tenuissima exhalantia vascula. Sed quid dicam *ab eodem impetu*? fallor; Fracta enim vi cordis, ob detractam liquidi copiam ejus cavæ subeuntis, accidit, ut viscidiores redditi succi tardius, difficiliusque per canales truantur; inde agrius ad cutem perveniant, quamobrem liquido humectante destituta vascula, concepto calore immoderato, arescent. *Pruritus fere nullus* animadvertitur; non quòd liquidum blandius evaserit, sed quòd ad exilissimos cutis ductus stimulandos, ob sui lentorem

rem pertingere nequeat. Insuper liquidi tenuioris, blandique jugi & copiosa exhalatione, atque ex instituto inter corporis evacuationes commercio, adauctâ ut una, alteram imminui necesse sit, proveniunt, & *evacuationis alvinæ paritas, & urinae ardor, & sudoris raritas, & appetitus defectio*. Porro, defectis uberiori perspiratu viribus, & fatigante cordis potentia motrice, pulsus debiles, & exiles emicuerunt, qui alternatam illam constantemque in cava cordis humorum confluentiû, indeque effluentîû actionē, brevi sufflaminandam esse ad syncopis apparatus inducendû ostenderent. *Impatentiam autem frigoris*, omni fide superiorem, ex eo censemus, quod nimia relaxatione emolliti villi cutanei, & in perpetuo tamquam balneo vaporoso constituti, vel levissimæ auræ frigidiusculæ incursum ea ratione ferre recusent, qua omnis instantanea mutatio perniciem asferre Cunctis videtur. Quo enim canales animati molliores, & teneriores sunt, ut in Delicatis, & umbratilem vitam degentibus evenit, eo difficilius aeris externi impressiones tolerare consuecunt: indè momentum contractionis, & dilatationis ab alterno aeris incursum, qui modò frigidus, modò calidus est, notabiliorem, & sensibiliorem effectum, producturum est in tali mollietate, & ita dicam vasculorum *ignaviâ*. Sed quò animalis canales in eodem situ pertinaciùs quiescunt, eò majori labore ad aliam positionem contendunt, seseque restitunt: inde ergo *frigoris*, quamvis insensibilis, molesta nimis sensatio est his, qui *pannis laneis*, diutiùs quàm par est, cutem suam foverint; quòd scilicet diutissimè humectata cutis, & exquisitissimo sensu donata, frigidi stimulantis coarctationem quasi a longe prævideat.

XX. Præceptum inde proponitur asciscendæ & conservandæ consuetudinis, exemplo *vestimentorum laneorum*; Si enim non temerè, & certa sub cautela iisdem utamur, vix, ac ne vix quidem fieri potest, quin fructum insignem in morbis, quibus competunt, inde colligamus: si verò eadem cum virium, sanitatisque offensa geri, quamvis solita, & consueta sint, deprehendamus, subitò de hisce mutandis cogitare debemus. Licet enim, ut dixi, ratione *contractæ consuetudinis*,
& lon-

& longo usu, congrua, & amica naturæ facta esse videantur, cum tamen contra *Naturam*, continuata reddantur, tantum abest ut harum vestium consuetudo retineri, quin potius omnino amoveri debeat.

XXI. Ad cunctas res nonnaturales, quæ & morborum causæ, & sanitatis præsidia audiunt, pertinet; quod numero sequenti *supra ibid. num. 5.* protulimus periculum: si enim magna fiat, subitaque ab una in aliam institutionem mutatio, vix fieri potest, quin corpus aliquem inde concipiat morbum: sensim ergo, & modicè mutationes omnes in corpore nostro fieri optandum aut procurandum est. Qua usus methodo, ut pravā illam *consuetudinem* procul arcerem, non *aquæ frigida* me commisi; ea enim deliberatio plurimum difficultatis laborisque habuisset, & morbos mihi peperisset: sed paulatim, & quasi per gradus detectis corporis partibus, easdem aeris externi injuriis ita confirmari curabam, ut moderata, & tempestiva habitę dudum *consuetudinis* permutatione, pristinum valetudinis statum recuperaverim. Memor legum divini Senis, qui omnem subitanæ immigrationem damnat: (a) Nam præterquamquod illa medendi norma tuta, & secura vulgò, & jure censetur, si in principiis morbi cujusvis idea non omnino pateat, per hasce innoxias moras tandem elucescet, & quid opus est facto citra hęsitationem indicabit. Quæ omnia in me ipso expertus sum; cum enim ob tardigradum fluidorum motum, conceptamque foccordiam in fibris muscularibus *rheumatici dolores* vexare incepissent; cum ob ingentem humidi dissipationem, sitis per molesta urgeret, & febrilis velut calor, pravam *illam consuetudinem* in aliam, & *naturæ* magis consonam, vertendam esse admoneret; Cumque demum festinationem omnem, ut in omni alia agendi ratione, sic in medicina faciunda, improvidam, & cæcam esse scirem: præmonstratam artem consultò amplexus sum, ut quæ, retusa vi aeris occurrentis, vel congruo ejusdem in delicatissimas cutis fibras impetu, mollius villos feriendo, contraxerit, & æconomiam animale in-

sensi-

sensibili, & cauta illa vestium mutatione, recreatam instauravit.

XXII. Cur autem, quòd postremo loco enarravimus experimentum subuculæ, ut & aliarum vestium lanearum tenuitas; tempestatis anni calor, & liquidi calentisque vehiculi potus, perspirationem, quam efficiunt indumenta istiusmodi, promoveant, non arduum est exponere. Nam 1. certum est, *vestes lanigeras* tenuius delicatiusque coherentes, villos magis extantes, & a se longè dissitos habere; hinc sive quòd cum molliores ad tactum sint, arctius subjecta circumambiant solida, quæ idcirco melius perspirant; sive quòd ad pungendum sensitiva cutis nervea vascula aptiores sint, undè affluxus humorum ad corporis habitum copiosior; sive quòd, cum amplioribus hiatibus dehiscant, illectum in corpus humidum, velocius abliguriant: perindè inquam est; semper enim abundantior futura est insensibilis materiæ difflatio: 2. Quamvis non me lateat, corpus in aere frigido veste protectum, plus perspirare, quàm nudatum in aere calido; (b) nulli tamen dubium esse potest, quin ceteris paribus æstate plus expiret corpus, quam hieme, undè ratio anni temporis habenda est. Tandem 3. si aer calidus est, si eodem tempore *laná* vestitus homo incedit; sed materia per cutis siphunculos eliminanda glutinosior est, quàm ut in minimas, & halituosas molleculas secedere queat; tunc frustra salubrem transpirationem ab huiusce vestimenti genere sperabis. Prima enim conditio ad tutam *perspirationem* est, ut humor probè elaboratus sit, quò huic excretioni aptus evadat. Illud autem egregiè præstant calida liquida internè sumpta, quæ cohesionem mollecularum fluidi tollant, æquabilitatem circulationi restituant, crassa diluant, & attenuent, & futura per corporis habitum exhalationi, felici cum successu coaptent. Norunt Practici.



CAPUT

[a] Gorter. de insensib. &c. Cap. XI. §. xxxvi.



CAPUT VI.

QUID SUDOR, ET TRANSPIRATIONIS MATERIA,

pro diversa Indole, contaminandis Laneis vestibus, coloratis conferant, exponere.

I.



Eliquum nunc est, ut explicemus, quo pacto cutis Animalis diversæ Aspirationes, tam ex sudore idemtidem inde erumpente, quàm ex perenni *Sanctoriana transpiratione* proficiscentes ad varia superinjectæ nudato corpori *lanæ* vitia inducenda possint. Quod sanè Rei quam tractamus præcipuum, & insigne caput, ut pro virili enodemus, juvat sedulò sudorem multiplicem, & transpirationem, sive penès motum, & quietem, sive penès varia componentia diversam, excutere primùm, quo dein clariùs dicenda innotescant. Enim verò, cùm perspirabile in singulis suis partibus non eandem indolem servet, sed ex variis humani corporis humoribus coagmentatum sit; liquet effluvia ex liquidorum massa prodeuntia, non quidem promiscuè in singulis individuis, juxta diversa temperamenta, & dissimilia Regionum; victus &c. genera ejusdem omninò esse naturæ; sed inter se longè diversam componentium naturam adepta, varias, secundùm dissimiles, quibus constant, vel inficiuntur liquidorum qualitates, atque difformes mixtionum gradus, & gritudines iis inurere posse arbitramur, qui corpora sua hisce tegumentis obvolvere solent. Nam.

II.

II. Ut ex omni Telluris puncto, tempore Æstivo Solis ardore, multigena corpuscula aquosa, spirituosâ, salina, oleosa, atque exhalationes siccæ cujuscumque generis in editiorem aeris, rarioremque raptâ Regionem, futuri *Roris* incunabula præbent: ut dein remittente Solis irradiatione, & frigefacto vespertino, vel matutino aere, dispersa primùm, mota, & invisibilia corpuscula mox congregientia, adherentia inter se, visibilis sub forma *Roris* in Terram dilabuntur arefactam excoctamque, plantas irrigant, & animalia, aridumque, & jam rimis fissile solum reddito humore adaquant: ut insuper flante aliquando *Ventorum* vi, ambitui telluris vicina rorifera illa atmosphæra aliò transfertur, & sudum valdeque siccum aera relinquit; sæpissimè verò, ut in locis aquosis fossulisque videre est, sursum evectæ mollecule, & in terram deciduæ albis, coactis, densis, humidis opacisque eam nubibus implent: ut dein pars potissima *Roris* aqua est, sed ceterarum inexplicabili multiplicitate rerum chaos est; neque de ejus natura propria aliquid boni potest ita dici, ut illud ubique verum esset: ut *Roris* indoles mirè quoque, & in qualibet singulari Mundi plaga variat, & pro inæquali particularum, quas in aere reperit associatione, alia, atque alia habetur: ut inde in salubri aeris, Solique constitutione, productus Ros, moderato abstergendî, alvumque solvendi robore, gaudet; ubi verò depravatus, & a blanda sui indole desciverit, per alimenta sese insinuat, & vitalia organa subeundo, potissimarum *epidemiarum*, afflictionum scilicet certo districtu grassantium, perniciofa causa evadit: ut tandem dum multæ exoticæ mollecule, e Terraqueo Orbe elatæ, & per aerem undequaque avolantes, salibus aereis corrosivis sociantur, & modo nobis imperceptibili, in liquorem postea decurrunt, qui sub specie *Roris* depluens, & Plantis inharens, easdem *maculis* diversi coloris sugillat, & ab animalibus ingestus, eadem *pustulis*, *scabiosisque* ægritudinibus inquinat. Consulatur de hac re *Boerhavius*, (a) *Arbutnot*, (b) item

Fri-

(a) *Chem. tom. 1. p. m. 251. & 394.* (b) *Essays sur l'air. p. m. 7. & 86. §. 2. Chapitre IV.*

Fridericus Hofmannus. (a) Item *Ramazinus* (b) & alii.

III. Ita non absimili ratione ratiocinandum mihi videtur de Animalis exhalatione, quæ invisibilis, & pura, putaquæ aquâ constans, a vestium superincumbentium *lanearum* densitate repulsa, in patentia vivæ cutis foraminula jugi adfluxu relabitur: Corporis enim sani & diversus calor, & diversa constitutio, sudoris materiam diversam facit: moderatus calor humidiora expellit; ingens verò, salina, & *alkalina* corporis animati corpuscula everrit, quæ si operaimenta evaporationis animalis fumum sugentia, ut sunt *lanæ* omnia, offendunt, hisce approximantur, & continuo corporis madore soluta, in vitalem laticem cum noxa iterum adiguntur. Quòd si varias colorum, quibus *lana* imbui solet, mutationes sibi uniant, atque associent, quæ a corpore effluunt transpirabilia, variæ tunc *salium dissolutiones, mixturæque* oriuntur, quæ, adjuvante naturali humido, in animalis vascula receptæ perniciem afferre poterunt. Quamobrem de sudore, atque transpirationis materia loquens, eam non alterius criminis, *si crimen est*, ream esse contendo, quàm ut *sale* quo pollet iisdem dotibus, ac *urina* gaudeat; (c) at qui una cum sudatione naturali miscentur, extraneos tum *exoticos* sales, sive quos prava corporis diathesis genuit, sive quos *lanarum* de more cutem operientium tinctura infudit, hosce ego alterationum omnium, quæ ab hoc capite profluant, morbosarum aliquando parentes agnosco. Diffusionis siquidem materia aquea ut plurimum, & limpida est, tum cutis flexibilitati, corporis mobilitati, humectationi nervearum, papillarum conservandæ maximè necessaria, ac opportuna. Si quam verò transpirabile alterationem concipit aliquando, hanc utique ab extraneis corporibus, tum ethereis particulis, quæ unà cum illo commiscentur, assumptis, iisque labefactatur. Illam *alterationem* quidem triplicem facimus; prima quæ in quantitate excedente consistit, quæ cutis

(a) *Tom. v. dissertat. de Tempor. anni insalubrit. §. xvi.*
 & *xvii.* (b) *Constitution. Epidem. anni 1690. Dissertat. i.*
 §. xxxiv. *sequent.* (c) *Haller. tom. III. p. m. 568. not. A.*

tis vascula summè urgentur plena, & de qua in sequenti Capite agemus; altera, quæ in diversa ex ipsis animalis liquidis, solidisque emanantium noxiorum aliquando, & venenatorum crasi reponitur: Tertia tandem, quæ a dissolutis *salibus* dependet, quibus pannosæ cutis poros ad colores inducendos impleri oportuit. Quæ binæ considerationes in præsentia nostro examini subjiciuntur.

IV. Profectò si attendas discrepantis *texturæ* pannos, liquidi absorptu diversimodè humescere posse, *supra* Cap. IV. §. II. num. 2. 3. 4. 5. si transpirationis animalis inexplicatam adhuc, integram, & intimam compositionem advertas, quæ cute exeuns, aerem circumsum imbuit, & onerat, ut aliquando in altissimis terræ cuniculis, quasi fatalis, fossoribusque incumbens, nebula coacta instar observata fuerit; *vide Arbutnot*; (a) si corporis nostri superficiem meatibus undique perviam quodcumque humidum avidè haurientibus; si aerem clausum ab pondere, & gravantis amictus *lanei* mole coercitum, vaporis dein, corporisque innumeris exhalationibus foetum, minùsque elasticum; si talem demum aerem, humidum factum, *colorum* tingentium, quibus vestimenta nudatò corpori obducta non semel colorantur; particulas abradere, divellere, sibique indissolubili nexu unire posse, ita observaveris, inde ut absterso colore *panni* emaculentur. Si enim hæc omnia attento revolvās animò, sedulò, & diu mediteris, nonne nitidam *Roris*, de quo *supra* *ibid.* §. II. descriptionem habebis in illo, qui jugi perpetique e cute aspiratione, eaque insensibili, vel sensibili, effluit humor? Nōne inde liquido futurum cernes imbutus ut ille variis exoticis partibus, & ab operimentis *laneis* detentus, mutatus inde degener factus, inque vasa nostra vectus sevissima quandoque mala prodat. Quid enim clarius, quid luculentius dici concipique possit, quam *Roris* humana ex cute manantis, sive ex innatis abreptisque secum molleculis, sive ex adscititiis, & ab indusiorum labe deductis noxis pravum ingenium & perniciosam indolem sese in machina nostra efferri; dum denuò in-

(a) *ibid.* p. m. 26.

tra vascula receptus calentia, humida, *hiulca*, & sales acres præter morem elatos, stimuli que vicem agentes, secum in liquidorum massam adsportans, eandem commovere, succos turbare, febrem accendere, mox quoque, perniciofa interdum symptomata invehere potest? Inde enim præternaturalis humorum dissolutio oriri poterit, quorum vincula discindi, vel alio modo affici poterunt: inde tot fortè aliàs imperscrutabiliū malorum soboles, quorum causa vulgo latet, facile quidem indagari, edomari que posset, si Medicis probè esset perspecta.

V. Ne verò hæc omnia gratis, aut dictatoriè me pronunciasse, quis credat, decet paulò altius huiusce variæ depravationis sudoris originem, & causas inquirere; necnon aliqua de colorum, quibus *lang* utensiles inficiuntur, diversitate rimari, quæ plurimorum morborum, ut vidimus §. IV. origo esse possunt, ac incrementum. Atque primo, quemadmodum pro Coeli, Soli, Sexus, locique, corporis & victus, & coctionis, differentia, sudoris materia differt in singulis subjectis, ita quoque à diversis hisce subtilissimè *transpirationis Sanctorianæ* fontibus discrimen repetendum censemus. Eadem enim vascula & exhalant, & sudant in Animalī, atque solus major Fluidorum impetus, sola que tubulorum excernentium apertio faciunt, ut qui vapor aqueus, & sensibus inaccessus esset, nunc in guttulas, undique stillantes coeat, oculisque se sistat intuentium. Hinc ediscimur *transpirationem* hanc occultam, modò plenius uberiùsque, modò parcius strictùsque effundi; modò fetidiorem, vel peculiaris odoris, ut in *Nigritis* exspirare; modò acriùs olere, ut in *Feminis*, ubi nisi amore benigniùs excipiantur odor ille sit intolerabilis; *Virginum* tamen hic deterior conditio est, aliquando enim non *acidum* tantùm, aut *sulphuratum*, sed *castorei* quid aut *Galbani* redolent; quid quod Virgines *Pecklinus* vidit, quæ quocumque pedem efferrent, allii odorem secum haberent. (a) Castarum quoque *Monialium*, ubi somno expergiscuntur, Dormitoria intolerabili nescio quo odore, propriæ exhalationis Nares feriunt. Alia deindè natura est,

fluidorum effluviorum, quæ de axillis exeunt; alia ex pedibus emissorum, hæcque diversitas penes odorem, & saporem est. (a) Vix tandem sunt homines, qui acidum sudorem emitterent. (b) Ut omittam, quæ a morbis liquida polluentibus, & istam universalem evacuationem alterantibus provenire potest, varietatem.

VI. At sunt aliæ quoque, & hæcenus minus compertæ *Atmosphære humanæ* differentiæ, quas curiosior Practicis, interdum experientia objecit. Gaudet peculiari nidore infantum *atmosphæra*, & penè acido, quod adstantium naribus exceptum djudicari potest. (c) Sua sunt Adolescentibus; sua viris effluvia, quibus mutatum corporis habitum ex facili prodant. Quæ quidem non ex *homogenea* simplici que aqua conflata esse credideris, sed ex subtilissimis particulis, latentis idolis, vel quæ non facile calculo iniri possint, & cuique *Individuo* propriæ ac singulares habentur. Exemplo sunt *Canes* odorisequi Dominos. in denso, confertoque hominum agmine ex paucissima expirante materie distinguentes. Exemplo sunt *Vervæcum* corpora, testiculis seminantibus prædita, molestum, & indelebilem ferè odorem spargentia. Adeo est Transpirationum, quæ atmosphæram corpora animalia alluentem constituunt, singularis quædam, & specifica non tantum, sed & *individualis* discrepantia.

VII. Crescit autem illud admirabile tacitæ sudationis discrimen, discolorque transpirationis indoles *suprà hic* §. VI. prout a varia corporum superficie admittitur, iisque insinuat. *Rorida* noctis exhalatio, cui non temerè cuticularem excretionem *suprà* comparavimus §. III. ubi diversæ corporum fabricæ occurrit, longè etiam diversa evadit. Interdum enim corpora *Rorido* vaporibus obnoxia magis; interdum minus saturantur, aliquando nullam ejusdem portionem imbibunt. Vitra crystallosque præ ceteris eligere solet *Ros*, quibus abundantius adhærescit, *metallicos* poros intactos relinquit; vasa dein fictilia *Sinica* (*Porcellanas vocant*) grandioribus

[a] Haller in Boerhav. tom. III. §. ccccxxv. [b] Idem ibid. p. m. 570. [c] Petit. traité des os. tom. II. l. c.

ribus guttulis distendit, quo tempore mercurium subjectum immune, siccumque animadvertitur, ut nuperioribus observationibus constitit (a) Sic dum per occulta cutis foramina, plorans animalis humor vestium inductarum nudo corpori stragula, liberamque ejusdem exhalationem impediencia reperit, per sinuosa tunc, tortuosaque villorum voluminula repens, peculiarem villorum simplicem, & innatam, vel ab immixtis extraneis corpusculis adventitiam dispositionem, contrahit. Sic in universum plus attrahunt velles e partibus animalium compositæ, quàm quæ e vegetabilibus conficiuntur: (b) Sic *lanea* usitata tegumenta, pro majori superficie, & pondere, diversa quantitate, oblatum fluidum sugunt, trahuntque: Sic obsoletæ, & usu tritæ *laneæ* in pannosis hominibus amplioribus poris instructæ, in aera vicinum copiosius exhalant, quàm recentes, & villosis undique staminibus tumentes. *Vide supra Cap. V. per totum.* Quæ autem ex *lino* texuntur corporis Tegmina, cohibendo sudori, retinendæque transpirationi non adeo opportuna videntur, ac sunt *lanea*, quibus adpersus humor magis affigitur, & summis prominentium setarum apicibus adherens, pendulus cernitur; non secus ac *Pluvia* quibusdam foliis ita insidet, quin eamdem ullo pacto foliorum poros penetrare dici possit. Aliter evenit in *lino* vel telis ex eodem confectis, quibus ut plurimum liquor inspersus ita imbibitur, ut prorsus evanescat, vel saltem difficile manuum motu decutiatur. Hinc factum esse reor, quod in Sacris paginis (c) jusserit Moises. „*Sacerdotibus Vittas lineas in capitibus eorum, & feminalia lineæ in lumbis eorum, & non accingantur in sudore*„. Adstrictè nimis, inquit, Dubamel [d] ut ad ministeria sint expediti, & ne, quod nos hîc subjungere possumus, si laneis vestimentis uterentur, concitato in liquidis orgasmo, & effluente indè copiosiori sudore, qui ab occurso indutæ *laneæ* non disper-

[a] Du Fay *memoires de l'Accademie &c. année 1736. histoire p. m. 5.* [b] Keillius *tentamin. p. m. 178.* [c] Ezechiel. Cap. XLIV. vers. 18. [d] In caput præsens tom. II. bibl. p. m. 212.

dispergitur, balneo veluti suæ transpirationis immerſi jacerent, minufque inde qui *Sacra* attentè peragerent, pares fierent *Ministri Altaris*.

VIII. Non ſolum autem, quod craſſius eſt in materia e corpore animali continenter expulſa, coercitum *laneis* pannis inſidere poteſt, ut vidimus; VII.; non ſolum indumento *laneo* adhibito, præ ceteris veſtium generibus, majori quantitate colligitur, velamen inter, & cutem, humoris excreti e cute vapor; non modo pravæ qualitates, quibus degener transpirationis liquor effectus eſt, oppoſitæ amiculæ cooperatoris ſuperficiæ communicantur: verum etiam vitia illa individualia abſcondita illa cujuſque transpirationis principia, §. IV. V. VI. occultiſſimum, & ferè ſpirituale ejusdem evaporationis, in ſingulis genium, nescio quo Mortalium fato, *lanæa* celerius quacumque alia veſte abſorbentur ita retinenturque, ut diutiſſime inhereant. Suffocatio, animalium, & candelæ accenſæ extinctio, ex vaporum ſulphureorum copia dependens, in terræ profundis hiatibus tutiſſimè præcaventur, ſi Artiſcēs trans *Flanula laneæ* lacinias aerem reſpiraverint. Hinc cubicula peripetasmaſibus ex *lana* factis inſtrata ſalubriora cenſentur, inſalubri vagante conſtitutione, quod animalia effluvia, (a) eaque noxia, dum in aere quoquò obvolitant, ab reliqua fluidi mole veluti ſecernant, atque retineant. Peſtilens virus, *laneis Pexis* incarcerationum, & ad alias Regiones advectum pluries fuiſſe, non eſt quod multis probem. Ipſum *Celticæ luis* fomitem in lana nidulari poſſe opinati ſunt quamplurimi authores, dum ad præſervationem ab infectione cum muliere ſœda commendant Goſſipium novum molle, fidibus concuſſum, & glandi Penis optime lotæ applicatum, detergentibuſque obvolutum. Quin *Joannes Benediſtus* ſuadet, ut poſt coitum pudibunda, panno lineo abſtergantur. (b) Quanto inde ergo utilior, & efficacior Penis abſterſio ſucceſſura erit, ſi *lanæa* lacinia, ad

[a] *Arbutnot ex halles Eſſays* §. XIV. p. m. 135. 136.
[b] *Vide Gabriel Fallop. de morb. Gallic. Cap. XVIII. & collection. Luſini tom. I. p. m. 159.*

ad instar *Condi*, mollior adhibeatur? Hæc enim fortius, quam linum, virulentam materiam imbibit, vel diutius, halitum aphrodisiacum moraretur. *Vide caput supra IV. §. II. num. 6.*

IX. Neque huic nostræ opinioni quidquam refragari *Sacra Scriptura* auctoritatem crediderim, dum in *Levitico*, de modo tractandi leprosos fit mentio. (a) Præcipitur enim eo capite [b] *vestem laneam* deponere, sive lineam, quæ *lepram habuerit in stamine, atque subtegmine, aut certe pellis* &c. cum exinde non aliud inferre liceat, quamquod istiusmodi vestes suscipiendo contagio pares habeantur. Imò audemus asserere, *laneum leproforum amictum* priori loco commemorari, quod sistendo miasmati e cute leprosa conscendenti aptius esse videatur. Quæ autem sequuntur in eodem capite *Levitici*, lanea tegumenta, virus intromissioni, & asservationi opportuna demonstrant: *habebit inquit Moyses (c) vestimenta dissuta, (quod virus exhalans dispergi possit, nec vestes inquinet) caput nudum, (quod effugiens inde calidus infestusque vapor evanescere in auras possit.) Os veste contextum,* cum ad alios propius accedere oportebat, ne Infectus halitu suo pestifero sanis noceret, quod innuit noxiam, & deleteriam evaporationem ab adversa, & contegente veste, retundi obsepique posse, ut expiratus, & per tegminis contextum præterlabens, æra defecetur. (d) Quod si ex *Sacra Scriptura* Testimoniis philicas veritates deducere pudeat, vel pigeat, adeamus quæso locupletissimum Rer. Medicæ Scriptorem, & in praxi versatissimum omnium Fridericum Hoffmannum, qui aperte testatur (e) „ omnes pustulosos, & pruriginosos subcutaneos, inter quos lepram nominat, affectus, contagio maxime serpere, & insicere, ideoque facile per contactum, per lectos, per indusia, sedo pingui sudore imbuta, maxime verò omnium per pelles animalium, & vestimenta ex lana contexta propagari. Lana enim, pergit ille, aptissimum est medium, quod raritatem laxam atque porosam,

impu-

[a] Cap. XIII. versu 45. [b] Versu 23. & 32. [c] *ibid.*
[d] *Vide Dubamel tom. I. part. I. p. m. 137.* [e] *Tom. III. Cap. vi. §. x. p. m. 427.*

impuras istas exhalantes particulas potest absorbere, & diutius retinere, ne mox in auras dispergantur. Sicut enim odores a quocumque etiam fragrante emissi, linteaminibus, chirothecis, & vestibus diu inherent; ita quoque in morbis contagiosis, ut peste, variolis, morbillis, potechiis &c. effluvia putrida, quæ fermenti vicem obtinent, rebus istis porosis, presertim ex lana confectis, altius sese insinuando, per longum temporis intervallum sepe delitescunt, prius quam infectionis potentiam exserant.

X. Hucusque tuta forent omnia, si graves, & exitiosæ quæcumque transpirationis particulae ex corporis calentis perimetro prodeuntes, vestium, quibus afflantur substantiæ, quasi per adactos clavos, æternum occluderentur. Verum quæ proportionem ex infinita, & occulta cuticularium pororum, sobole, in superinjectum pannum, continuis rivulis egressæ impingunt; eadem, & quoque ab iisdem *Lanigeris* vestibus copiosiores, & sensibiliores redditæ *transpirationis* partes, in strata & subiectæ cutis calentis cribrum, nunquam intermittenti scaturigine, depluunt. Et quidem huic resorptioni favet corii sensus perspicax, absorptioni exercendæ peraptus: favet corporis reticularis *Malpighiani* spongiosa textura, quæ vaporibus facilem viam facit, & imbibitum difficile deserit: favet patulum, & calido humido madescens, osculum innumerabilium ipsius *cutis* meatuum, qui, veluti totidem hiantia & esurientia ora, sugendum aliquid avidè præstolantur. Inde quamvis major halituum animatorum pars, ad *lanæ*, vel indusii contegentis hiatus illidat, & implicetur; longè quidem eorundem major portio retrocedens, & veluti fluitans, cutis vascula subit, & in liquidis illac labentibus erroris sui notas designat. Quæ ratione si *lanæ* panni portio veneno gallico recipiendo aliquando profuit, eandem tamen telam ex eadem materia contextam non rarò traducendo, in sanos contagio idoneam esse censemus; tantum abesse, ut pro evitanda contagione a Nonnullis glandi *Coli* imponatur. *vide supra IX.* Contagii enim qualitas, ut obiter moneam, non est sensibilis; neque juvat aliquando observari in coitu impuro, telam saniosam, pallidam, citrinam, nigram fieri,

fieri, quæ priùs eidem parti obvolveretur; quia idipsum in puro congressu, eodem adhibito *loricæ* præsidio, contingere animadvertimus, quæcumque demum fuerit liquidorum, vel naturalis, vel morbosa constitutio.

XI. Non secus ergo ac variæ formæ indolisque, & ex terræ facie adscendentes vapores, pro diverso caloris gradu, diversis anni temporibus corpora, quibus sese dant, diversimodè afficere possunt, prout multis, iisque dissimilibus, aquosis, salinis, oleosis, compositis, aer impregnatus fuerit; ita ut aliquando vestibis ille adhærens, easdem peculiari macula deturpet. (a) Ita quod interdum videamus, habitus *laneos* ab exeunte animali *transpiratione* in varios colores transire, atque macularum diversa genera contrahere; meritò illud concludendum nobis videtur, difflato jugi e corpore vapore, atque *lanatæ vesti* superstanti, & quoquomodo coloratæ, vel viru infectæ, occurrente, peregrina, & salina pigmentorum corpora dilui, inque vaporem solvi, aptum qui denuò cutaneos ductulos ingrediatur, qui sylvestres tincturas intra corpus nostrum vehendo, per certos quosdam gradus incommoda valetudinis, vitæque pericula hominibus intentet. Quamobrem fateri necessarium est, vapores, a fracescentibus sudore vestibis *laneis*, dum actu induuntur, assurgentes, noxis, & plerumque malignis nubeculis corpori transitum concedenti similem labem adfricaturas esse: sed singulos vapores expiratos sub una eademque specie comprehendendi non posse; ac propterea Medicos illos a vero quàm longissimè abire, qui unam semper, certamque in omnibus ejusmodi effluviis particularum naturam aut quærunt cum spe invenienti, aut se jam invenisse existimant. Plura enim sunt, quæ ex vestitu *laneo* sive communia, sive propria manant in corpus effecta, de quibus consulantur ea, quæ in superioribus locis ostendi, Cap. II. §. I. II. III. IV. &c. Quamvis autem omne effluviorum *laneorum* genus ad triplex caput in præsentī Capite redegimus: §. III. Verùm diligentius inquirentibus nobis in variam naturam *laneorum* halituum colorem,

M

pecu-

peculiarem imbibentium, eosdem ad duplex Caput revocare lubuit: alia enim sunt effluentia, quæ fundendi solvendique; aliæ, quæ coagulandi, densandique liquida humana facultate pollent. Hæc namque omnia corpuscula *colorem*, quo medicantur *lanæ* fovèntia, atque in rarefacto cutem calidam, inter & immediatè contingens indumentum, aere magis minùsque exaltata, necnon intra vitæ hospitia iter carpentia, vitiatam in fluidis diathesim inducere queunt, unde diversa aliquando morborum soboles enascitur. Porro universam seriem singulorum symptomatum, quæ ex talium aspirationum in corpus animalis actione profiscuntur, evolvere, atque explicare in eo Capite supersedemus, quod nobis in subsequenti, tamquam opportuniori loco institutum sit, eruere.

XII. Ut autem ejusmodi lædendi ratio [XI.] a Tyronibus faciliè intelligatur, utque in re admodum dubia aliquid ratum compertumque habeatur, observanda sunt nonnulla, circa methodum *Pannos laneos colorandi*, ex ipsa Tinctorum arte desumpta, atque nonnulla scitu fortè non injucunda, brevi subnectenda sunt. Inde enim sedulò cavebit Medicus, ne aliquo *lana fucata colore* labem corpori inurat, neve atomos colorantes cum noxa sensim, & tacitè in corpus transfundat; & præterea plura alia ad praxim sponte deducet, quæ, nisi præeunte hujusmodi face, vix clarescere possunt.

XIII. Itaque notandum est, *tincturam lanarum* eò magis duraturam, quò decoctum colorans, cui immerguntur, calidius fuerit, atque diducti pori *lanæ* admissas coloris massulas diutiùs retinuerint, Solis & pluviae injuriis resistentes. Salia in vehiculo dissoluta in arte *Tinctoria* adhibentur, quò interstitia corporis tingendi laxiùs pateant, & colorata corpuscula cunei ad instar textum pannorum penetrare intimiùs queant. Sic in præparationibus, quas Artifices ad flavos, rubrosque colores inducendos præmittunt; *tartarum* crudum, & *alumen* dissoluta usurpare consueverunt. Post aliquod inde tempus extrahitur *lana*, & leviter expresso humore, sacco illa humido servatur, quò adherens ejusdem staminibus *sal*, aperire, & dilatare effugia pergat. Postea ut colorem potentiùs contrahant *lanæ*, balneo coloribus pigmentisque solutis

soeto,

foeto, eoque ebulliente, committuntur. Itaque oportuit *lanam*, prævia salium intromissione *lanea* vacuola diducentium, prius disponere, quam ad coloris receptionem admittere. Porro impensè calens hîc balnei vehiculum id efficit, ut repetitis ictibus, corpuscula *colorata* intra prædictas *lanæ* porositates fortius trudentur, jam salium virtute, & præsentis caloris efficacia patentes. At ubi *lana*, post sufficientem in balneo moram, in ambientem atmospharam frigidiorẽ protrahitur, tunc frigoris aerei præstantiâ spiracula *lanarum* interspersa constipantur, & ad se mutuò accedunt; idque magis quò dein ab artificibus in aquam frigidam de industria paratam demittuntur *panni*. Ea ratione pigmenta, & colores intra villorum *laneorum* spatiola recepta, quam altissimè, in pannorum substantiam defiguntur; adjuvante tunc temporis fibrillarum *lanearum* virtute, quæ sua elasticitate ad pristinum proximitatis statum accedunt.

XIV. Quòd si præter dictam villorum *laneorum* elasticitatem hîc §. XIII. superius propugnata, Cap. V. pororum *laneorum* cava, strato liquidi salini oblinita, intus supponantur; habebitur & aliud longevæ & perennis tincturæ argumentum. Quippe dum succubi coloris portiuncula Textus abdita ingressa jam est, crustam illam *salinam* calore vehiculi supra descripti [XIII.] liquatam fusamque offendit, & cum illa veluti in visco quodam implicatur, atque coharet. Ubi autem refrigeratur *lana*, salium elementa antea dissoluta coguntur, adunantur, & viscedinem quamdam constituunt colore foetam, & diutius perennaturam. Porro linimentum salinum, quo interior *lanarum* fabrica oblinitur, experientia confirmatur; ut qua exploratum sit, evanidum fore *colorem*, quem corporibus imprimere decrevimus, si prius irretita *salia aluminosa & tartarea*, & jam in porulis villosis morantia, ebulliente aqua, diluta foras avocentur, quam ita *salibus* illis divites panni in *balneum* tingens demittantur. Econtra si eadem opificia per illam disponentem *salium* mixturam graves pigmento tinctorio calido, ut sit, inficiantur, colores penitus in *Pannos* intimari, & in iis perpetuam figere sibi sedem experiuntur. Infectores, ut caloris, humidique receptacu-

la, *lanæ* impoſterum evadant. (a) Ut enim Infectus in *lana* aliſque pannis colore aliquo tinctis immoretur, neceſſum eſt, ut nec frigida ablutione elui color, neque Solis irradiantis calore *ſalia* ſufficientia calcinari poſſint; oportet quoque, ut in ſingulis *lanei* panni foraminibus ſingulae, & minimae colorum maſſulae nidulentur, iſdemque æquabili firmitate adhæreant.

XV. At inter huiusmodi *ſalia*, quibus Tinctores Panni ſubſtantiam præſternere ſolent, præcellunt *Cryſtallus tartari*, & *Tartarum vitriolatum*. (b) Itaque quoties *Alumen*, & *Tartarum*, ſolita Infectorum medicamina, unà in *Abeno* ebulliunt, præter impreſſionem, quam filamentis *laneis* viſ corrodentis *aluminis* imprimit, atque conſignat; ipſum nihilominus *tartarum aluminis* mixtione nitescit, purificatur, & ſalis quoddam genus componit. Hinc hiulca pannorum interſtitia, efficaciâ *aluminis*, *Cryſtallo-Tartari* inde obveſtiuntur intus fluente adhuc, propter conceptum calorem. Illa autem incruſtatio fluxa adhuc, admiſſo dein frigore XIII. aquæ concreſcit, & duriorem in cruſtam abit poris *laneis* fortiffimè intus adhæreſcentem. Neque omittendum eſt, *lixivium* acerrimum *lanæ* fabricam ita deſtruere, atque comburere, ut vix colorari deinceps illa poſſit; verum *lixivium*, ut vulgò uſurpatur, moderatum, & ſalis alkalini ſufficienti copia donatum *lanam* textam diſponere ita poteſt, luminæque ampliare, ut ſaturi illius, quem voluerit Artifex, coloris ſpeciem præſeferat. Similiter compertum eſt, colorem *cyanæum* eo vividiorẽ futurum, quò indito tum colore materiem tingente, & panno jam refrigerato, *lanam* citiùs calidæ immiſeris: quippe tunc colorum corpuscula, quæ *laneis* fibrillis debiliùs affigebantur, efficaciùs abraduntur; quo tempore ſuperficieculæ apparentes granorum colorantium, & in poris *laneis* quieſcentium diſſolvuntur, & liqueſcunt, ut atomos, ſuccoſque pingentes magis diaphanos oculis intuentium objiciant.

XVI.

[a] Videatur *Hellot. Memoires de l'Accademie &c. 1740. p. m. 194. ſequent.* [b] Conſer *Helliot ibid.*

XVI. Ex quibus nonnulla phenomena illustrantur, quæ in applicatione panniculorum *lancorum* colore aliquo imbutorum, & nudæ carni superincumbentium observantur, quorum hucusque causa latuit. Nam 1. Accidit, ut candidus spumeusque pannus contactu corporis flavescat. Sudor enim continuo emanans flavus est, unde ab interstitiis *lanati* indumenti receptus colorem flavum pannis impertire potest. Sed & alia subest ratio: compertum enim est, principium *sulphureum* vel *oleosum*, quod magis cum *salibus* miscetur, eò colorem saturationem fieri, eò quod ea omnium *salium* natura est, ut principium *sulphureum*, quod matrix coloris & odoris est, mirificè exaltando eum intendant. (a) Quod autem sudor ex sanguine mutuetur particulas *sulphureas*, *calidas*, *oleosas*, ex eo patet, quia ab assumptis suaveolentibus pinguibus sudor suaveolentem odorem reddit; fetidum verò ab *allio* ingesto. Quæ cum ita sint, patet, posse aliquando *sudorem* naturali corporis constitutione nimis exaltatum principium *oleosum* gerere, quod in particulas *salium* tingentium, vel tincturæ Telæ famulantium impingens, easdem dissolvat, rarefaciat, atque eadem flavedinis labe inficiat, quam abnormi olei immixti, & flavescentis consortio acceptam refert.

2. Nonnulla videre est corporis tegmina ex *lana* contexta, diu usurpata pristinum, & fere languidum antea colorem, in longè vividiorum pulchrioremque mutatum exhibere. Ratio in promptu est: nam perenni effluviis insensibilium corporis humani evaporatione villosæ operientium vestium eminentiæ mollescent, & quasi macerantur, et si quid colorati iisdem in villis superlit, quos nimia pigmenti ubertate obruit, veluti illud elotum sudore dissipatur, remanente atque colorantium parte illa, quæ ut in poris altè incuneatur, ita diluenti *sudori* resistit. Quamobrem imminuta eadem ratione panni crassitie plus solito opaciori, diaphana & pellucida vestis redditur, quo postea color imbuens floridus magis, & nitidus appareat. Ut nihil dicam, hic indolem acrem, & *alkalinam* transpirationis animalis multum confer-

re

(a) *Hofmann. Frideric. tom. 1. cap. XIV. section. 1. §. x.*

re ad illustrationem coloris; utpote quâ atomi salium antea coeunt; & obscuram fortè coloris speciem prætendentes, dissolvantur, a se mutuò recedant, & gratiorem colorem exhibeant.

3. E' converso Velaminis *lanei*, & indusiorum ex eadem materia factorum, vividus auctusque color perit, ut plurimum, vel obscurior in illis evadit; simulatque cuti accerrimum, & urentem, insensibilem undique liquorem effundenti immediatè admoventur, & arctè stringuntur, ut in hominibus *scorbuticis lana* utentibus consuevit; in hisce namque subjectis omnia fluida causticis peregrinisque salibus exundant, quorum cum major pars cutaneo incerniculo filtrata in superficiem *laneam* incidit, villos delicatulos, & molles tamquam fortè *lixivium* adurit, XIV. *supra*, interstitia confundit, reliqua filamenta corrugat, poros hos destruit, illos constringit, tincturam ejusque effectus interpellat, succum pigmentumque colorans, vel diluendo omnino enervat, vel calore dissipat; vel combustum concrematumque tactu suo opaciorem reddit; quàm ut possit amano, splendentique natura sua colore, corpus tingendum, cui adglutinetur, probè inficere: ea inde ratione *lana* color, qui prius saturatus vividè lumina perstringebat, & pertinaciter insidebat, istius generis vestitu dilutus, nubilus, & obsoletus cernitur.

4. Fortè hujusce decolorationis XVI. num. 3. vestium causa in suppresso aeris nudi liberi ad cutem comméatu, post multas experientias, reponenda esse videtur. Quandoquidem periculis in hanc rem multis captis ab clarissimo *Nollet* edocemur, Tincturam coccineam cujusdam heliotropii (a) colorem deperdere, interdito ei usu externi aeris, quo tempore in *thermometri* tubo continetur: eandem autem purpura vivaciore splendere, quoties cum aere externo communicat; Ita ut apertus atmospherici aeris contactus, causa hujusce, ut ita dicam, *reviviscentiæ*, immediata, vel circumstantia necessaria esse videatur: ad hæc tincturam

(a) *Orsel Gallicæ; vide Lemerî des drogues p. m. 863.*

cturam hanc aqua paratam, quam, ubi cum vino fuerit, citius colorem amittere: nec præterea pondus aeris, neque ejusdem *elasticitatem* ad *tincturæ* nitorem de novo inducendum quidquam conferre: nec moto, neque silente aere, phenomenon istud ulla ratione alterari: verum fluido aereo antiquum cocci colorem redire, quatenus illud suarum partium tenuium configuratione, vel materiam aliquam vehendo, & inter *tincturæ* molleculas admissum, nitorem rubrum reficeret: Itaque in isto insectu aera agere, ut fluidum inter humoris tinctiglobulos disseminatum. Quid plura? Notavit quoque ille Vir, aeris vulgaris ad coloris istiusmodi reproductionem tanti esse commercium, ut si *tubus* in opaco obscuroque loco fuerit, & amplioris orificii, superior *tincturæ* superficies pristinum colorem diutius retineat, quo tempore inferioris liquidi nitor evanescit; atque si aer externus in liquorem tinctum ita admittatur, lentius decolorem evadere *lanam*. Exploravit etiam deduxitque, non communi vulgatoque aere, sed ope cujusdam ignoratæ & subtilioris materiæ fieri, ea ut præsentem renascatur *tincturæ* prædictæ rubicundus color; ea verò absente, obscuretur, & dilutior fiat: quin exposito tubo radiis solaribus, æquè vividum de novo *tincturæ* induci colorem, ac si hyberno soli *tubus* exponeretur. (a) Quæ omnia si nostræ *theoriæ* accommodemus, non erit ut miremur, gestatos quàm diutissimè a corpore nudo, & exhalante amictus *laneos* dilui, eorumque colorem detergi, detrahique; quo nempè inde, nedum liber aeris accessus usque in apertam cutem prohibeatur; verum etiam omnis illa ætherea substantia cum aere vecta absit, ex qua colorum generatio, & nova productio oriuntur.

5. Quandoquidem in pingendis, obducendisque colore aliquo pannis *laneis*, necessaria est *aluminis*, *Tartarique*, vel aliorum consimilium salium miscela, ingressus, & mora intervæua staminum loca, ut supra ostensum est; XIII. XIV. mirari nequaquam debemus, si corpora vestibus hisce diù protecta,

[a] Conf. *memoires de l'accademie année 1742. p. m. 290. ad p. 313.*

teſta, *pustulis*, variisque *exanthematibus*, & *effloſcentiis* in cute conſiſtentur: Id quod licet inter initia elatiſcis *lanæ* villis carni appreſſis, indeque repreſſis adſcribendum videatur; locum tamen non habet, ubi diutiùs corpori inhe-
rente *lanæ*, vel ex eadem fabricato induſio, villi prædicti ſubſederint, & partim ſubmiſſi, partim deficientes, perenni uſus adritu, complanatam veſtimenti ſuperficiem, qua parte corpus ſpectat, aſpectui obijciunt. Verosimilior autem ratio eſſe videtur, quæ ab inſinuatione corroſivarum molle-
cularum *ſalinarum* intra ſanguinis flumen proficiſcitur. Cum enim colorari *lanæ* nequit, quin priùs infinitis *ſalium* cuneis reſerta, imbutaque quàm confertiſſimè ſit, fieri non po-
teſt, quin accedente calido rore, perpetuo ex omnibus *peri-
phæriæ* corporis punctis fluxu manante diſſolvantur medica-
minis inſicientis, colorantiſque figurata corpuſcula, quæ at-
tenuata, & in libertatem aſſerta, in ſubjectos *hiuſcoſque* tran-
ſpirationis ſiphunculos clam illabantur, illapſaque tacito gref-
ſu, atque itinere ultrò procedant, donec ſanguinem ſubeun-
tia, miris illius *diætheſim* modis corruperint.

6. Demùm, quò hucusque *Tinctoria* theoretica Tractatio, quatenus ad noſtrum inſtitutum pertinet, clariùs aſſulgeat; *Rubiæ* Tinctorum exemplum ſumamus, cujus tantùm radice *Inſectores* uti ad inducendum *lanæ* rubrum colorem ſolent: quamvis non adeo rutilus ille ſit, ac qui ex *Cocco*, vel grano *Kermes* elicitur, tamè *Rubiæ*, ſive quòd minoris ſit præti, ſive quòd molleculas ſui coloris tenaciores adepta ſit, inſectorio il-
li grano ita præfertur, ut quibuſcūque vulgaribus laneiſque pan-
nis colorandis adhiberi ſoleat. Itaque ut ſupra vidimus, ad feli-
ciorè coloris ex *Rubiæ* extricationem opus eſt, ut pori panni tin-
gèdi dilatentur; exoticas coloris rubicundi partes admittant, at-
que ita cuſtodiant, ut nec aqua pluviâ, neque Solis calore ſedibus ſuis dimoveri illæ poſſint; præterea ut coloris divi-
tes ſeligantur particulæ, quæ ſua tenuitate inviſibilia *lanarum* vacuola pervadere, ibidemque coerceri valeant; ut prædicta interſtitia, calore aquæ ebullientis priùs patula, frigore dein conſtipentur, & *ſalium* ingreſſorum viſco quodam irretian-
tur: hinc obſervatum eſt, atomorum coloris parentem ad-
ſtricto:

strictoria vi præditum esse debere; ideoque colorem *Cocci-*
neum præstantem esse, æquipararique cum *Rubia* in duratio-
 ne posse, quòd *Insecta Illicis glandifera* adstringente succo
 nutriantur, quòd *lana* in balneo imbuta possit dein in aerem
 educta arctius, & pertinacius colorem impressum tueri. *vide*
supra hìc §. XIII. (a) Sed & illud scire oportet, non suffi-
 cere, opicam *lanam* probè priùs ab omni animalis transpira-
 tionis materie hærente purgatam mundatamque esse, quàm
 destinatum *rubia* colorem combibat; sed ulteriùs requiri, ut
lana primoribus sufficiens *salia* dura intra se admittat, qui-
 bus *tinctilis* evadat: hinc est, quòd saponaceis adhibitis bal-
 neis, vel solutione *salium alkalinarum*, purpureus *lanarum*
 color eluatur, (b) Jam verò, quid est sudor Animalis, vil-
 los superdati vestimenti *lanei* impingens, ibique hærens, quàm
 liquidum ad summam *alkalinamque* indolem evectus? *hìc* §.
 XI. Quid transpirationis materia, quam *urinofus*, & *sapo-*
naceus liquor est? Ut ergo *alkali* fixum, cum *tartaro* crudo,
 vel *alumine*, intra *lanæ*, *rubia* tinctæ villos stabulante con-
 grediens, sal *neutrum* constituit aqua dissolvendum, & ab-
 ripiendum, pereunte illicò colore; (c) ut animalis oleosa cu-
 taneaque purgamenta coloris durationi, & soliditati resi-
 stunt: quid mirum si *lanæ* indusia, hominibus ita coopertis,
 extremo *Rubia*, vel *Cocci* colore infecta, in alium colorem
 a purpureo vivido longè abludentem commigrant, & macu-
 lentur? Tum quòd vapor pingui *alkalino*, animali jugiter
 avolanti exposita, madescant, fordescant, atque succida e-
 vadant: Tum quòd contentus, & extraneis animalis par-
 ticulis aer prægnans non multum (uti in magnis urbibus ac-
 cidere solet, in quibus *lanæ* vestes *murice* tinctæ decolo-
 rantur) nativi (d) mutuatique a *Rubia* radice, *Coccique* in-
 fectorii grano coloris permanentiæ faveat. Sed heus Tu, qui-
 cumque hujusmodi *phenomena* sedulò rimaris, intuere, ea
 ratione super injectam fumanti corpori *lanam*, quæ ex vivide
 rubro in pallidum deflectit, quæ, corporis exhalantis *peri-*
 phe-

N

phe-

(a) Et eadem acta Accademiæ p.m. 50. 61. 69. (b) Hellot ibid.
 p. m. 59. (c) Idem ibid. p. m. 60. (d) Idem ibid. p. m. 83.

phariam constringit: quid putas de illa *Coccinei* coloris materia jam ex lana emigrante fieri? Quid globulis *colorantibus* de continuo corpore *lanæ* abscedentibus contingere? Avolant ne perenni effluxu per rimas *lanæ* panni in auras? Non videtur; cum cutis; eodem quo *lana* immediatè corpus tangens fuco, & pigmento obliniatur. Penetrant ergo minuta colorum corpuscula perviam, & calentem cutim; eoque magis quòd compertum jam sit, *Rubiam* intùs sumptam ad usque corporis animati *Cartilagine* pertransire, quas rubras efficit; quin in experimento, ipsa durissima ossa (a) rubescere visa sint: argumento evidentissimo, tenuissimas inesse *tingtoria* radici massulas, quæ quocumque locorum etiam remotissimorum, & pororum angustissimorum locula percurrere, & transfluere possunt solutæ. Quidni cutem illæ laxiorem longè ossium substantia, jam in fluorem, ut vidimus, redactæ *rubia* molleculæ pretervolaturæ sint? De *grano* autem *Insectorum* quid dicam? Nonne patet, *sericum* crudum eundem rubrum colorem contrahere, sicque in *epithemate*, *pro corde*, ut ajunt, usurpari cum fructu? Ita sanè, cùm inde ebulliente vehiculo, nitens *cocci* purpura liquecens ad ingressum per cutis meatus sese promptissima paret, eosque summa celeritate elabatur, vitalem *tingturam* succis affusura. Ita docet trita, & longo usu comprobata praxis, cui & nos meritò adstipulamur. Sed hæc clariùs distinctiùsque in mox sequenti Capite edifferantur.



CAPUT


fa) *Memoires de l'Accademie &c. année 1738. p. m. 1. usque ad 17.*



CAPUT VII.

DE EFFECTIBUS DIUTURNI

Vestitus Lanei usus in corpore Humano.

- I.  Idimus, diversam sudoris cuticularibus spiraculis exeuntis naturam opacitate vestium *laneorum* incarcerationam velut, denudò in easdem cutaneas diametros immitti posse; iterumque labem, quam natura vel morbo contraxit cutanea excretio, solidis fluidisque humani corporis communicari. Videndum nunc est quodnam sit illud, quod ex huiusmodi iterata sudoris ingressione in corpore externo oriatur. Verum sudoris vitia plurima esse, quæ vel in quantitate, vel qualitate consistunt, norunt Pathologi. Idem de insensibili, & *Sanctoriana* transpiratione dicendum est. Nimirum si sudor, vel transpirabilis liquor nimius sit, ut in *febris sudatoriis*, vel in *hecticis, tabidisque* contingit; hæc ad immoderatam spectant quantitatem. Qualitas autem multis modis vitiatur; Si sudor nempe crassus, viscidus, glutinosus sit, sicut in febribus *colliquativis*; si solito acrior, falsior, nimisque *muriaticus* fuerit, ut accidit cum acrimonia, & *falso-muriatica* salia in sanguine ex pravo regimine cumulantur; aut cum prægressis *febrilibus incandescentiis* diu durantibus generantur, ut in *febris hecticis*, & *marasmodicis*: si sudor colore flavescat ex bilis in sanguine redundan-

dantia, ut in *Ictericis*: si sudor odore foetidus, & graveolens fuerit. Verùm præter hujusmodi naturalia, vel a morbo contracta sudoris inquinamenta, possunt vestimenta lanea ipsi aliàs puro, & ab omni impuro consortio immuni liquidorum cutaneorum latici, etherogeneas & morbidas partes, quibus foeta sunt, communicare, qui exinde gravem modò *acidum*, modò *acrem*, modò *urinosum*, modò *biliosum* &c. odorem spirat, hasque pravas dotes retropulsas liquidis interiora vasa percurrentibus affricare. Huc spectant colorum pigmenta, quibus saturantur *lanæ* in usum hominum: huc spectat omne *Virus*, quod & si odoris saporisque expers, *lanæ* obstinatè aliquando adheret, utputa *scabiosum*, *purulentum*, *sypiliticum* &c.

II. De quorum postremo loco indicatorum (I.) virus venenique generum veritate si dubitas, nescis profectò, *Scabiem* retroactam quacumque de causa, & nullis remediis foris eam prolicientibus auscultantem, nullo negotio sese prodere, quàm communione *lecti* cum scabioso, vel induendo Scabiosi amiculum; nescis præterea *Variolarum* fermentum, per fomitem traduci apud *Turcas*, si guttulæ aliquot puris, gossipio, vel linamento exceptæ superficiariis cutis summæ incisuris insinuentur; nescis tandem *luem* veneream per traducem Sanis communicari, dum scilicet in iisdem linteis jacent, vel sibi eadem vestimenta obducunt, vel os, & labia iisdem mantilibus extergunt, quibus Infectus priùs jam usus est. Quem contagionis modum, quamvis ut probabilem admiserit *Astrucius*, (a) multorum tamen exempla illustrent. Quæ cum ita se habeant, quantò efficacius celeriusque venenum *lanæ* affixum intra corpus animalis insinuabitur? Præsertim *lanæ* fabrica spongiosa cum sit, faciliùs humorem noxium imbibit, & dilutum per sudationem dimittit, quà patet abripiendum. Ita sanè futurum conjicies in casu nostro: dum enim *lana* immediatè corpus contegente, calescit idem, partes externæ, quæ contactu cum *lanæ* textura junguntur, madent humore, qui cujuscumque *veneni* vehi-

[a] *De morb. vener. lib. II. Cap. I. p. m. 124.*

vehiculum habetur; ad hæc mollia, laxa, & *veneno* facile permeabilia sunt vascula cutanea; quæ tandem frequenti infri-ctu calefiunt magis, & rarefcunt; atque adeo *venenum*, tantò faciliùs imbibent, & notas pravas eorundem vasculorum liquidis inquilinis impertient.

III. Inde evidens est, ex indusiis *laneis*, humore, vel aura vitiosa refertis avolare quid subtilissimi, spirituosive *miasmatis* quod eas corporis partes primas omnium afficit, quas tangit: sic in *viru venereo* genitalia in utroque sexu corripuntur, si concumbendo; mammarum papillæ, si sugendo contagium concipiatur: sic in casu nostro, amictus laneus villosus suo involucre omne pollutum aera abdit, non antea in actum deducendum, quàm ubi minori ad cutem nudam distantia intra *peripheriæ* corporis foramenta commodiùs sese ingesserit: sic alia occasione dicetur, *infra Cap. de Peste. XI.* amictum ex *lana* factum, pestifero halitu infectum, quamvis improprie dicatur *peste* affici, verè tamen, & proprie eos afficere, quos tetigerit: nimirum *venenum pestilentielle*, ad instar *morbillofi* & *variolofo*, volatile esse debet, aerique mixtum, cum solo afflatu sanos violet; (a) Sed inde tamen non sequitur, substratæ cutis immediato attactu *miasma* illud, ut ut volatile, deperdi; quin integris viribus feralibus in sanguinem eò efficacius regeri, quod cum aereum sit, sudoris vehiculo facile consocietur, ejusque ope cutanea spiramenta pertranseat; maximè si consideremus, ab vestimento incumbente prædictum seminium ubique coercitum prohiberi, ne in totum avolare possit. Et profectò subtilitas *veneno* non adeo propria censetur, ut cuiquam ex animali erumpenti vapori non conveniat. Videntur enim perspiranti ex Animalium corpore materiæ inesse subtilissimi spiritus, ultima in sanorum corpore concoctione elaborati: Docent hoc tot nervorum ad cutaneas glandulas decurrentium furculi. Verùm quæ partium transpirabilium tenuitas facit, ut visus aciem effugiant; eadem fit, ut qua data inspirationis cutaneæ porta, corpus vivens subeuntes miras in idem mutationes invehant.

(a) *Gorter: de insensib. &c. in Aphor. LXXVII. p. m. 155*

vehant. Neque alia certè subesse, corporum præ debilitate interiturorum, refocillationis causa potest, quamquod subtilissima illa exhalantia de valido juvenili corpore insinuantur debilissimis corporibus sub iisdem stragulis decumbentibus. (a) Neque alia excogitari, *Marasmi*, de quo ibidem mentio fit, curatio potest: dum enim exsucca *Tabidorum* corpora juvenulæ Nutricis pulcherrimæ in eodem lecto jacentis ubera ducendo, vires recuperabant; illud non tam lacti, quod ingerebatur, quàm subtilissimo de corpore florentis feminae exhalanti spiritibus diviti attribuendum erat, quod in poros cutis infirmorum, ab lecti stragulis comprehensum facillimè ingrediebatur, intempestivè fortè Veneris jacturam resarciens. Huc referes *Davidis* notum exemplum, qui filicernium factus, fovebatur sanissimè *Sanamitidis* (b) in eodem lecto decubitu; adeout, juxta *Vallesii* opinionem (c) *Prophetae* effoetum corpus, a subtilissimo exhalante e corpore Puellæ rore, eoque intra se, & vivifico recepto incalesceret, viresque resumeret potius, quàm a multiplici circumdante vestitu. Contraria ratione fit, ut quæ senio confecta corpora in eodem lecto cum Juvenibus jacentia foveantur, incalescant, alantur, recreentur; Juvenum tamen exsiccentur, refrigerentur, contabescant, & in eundem marasum incidant. (d) Quæ quidem omnia, & alia quamplurima, quemadmodum siphunculorum exilissimorum inhalantium in ambitu cutis existentiam mirè comprobant, per quos omnis generis materies sive mala & deleteria, sive bona utilisque, iter moliens, miras mutationes in corpore producit; ita sanguinis *transfusionem*, elapso sæculo, dubio tentatam exitu, in hoc antecellere videntur, quòd longè multùmque efficax, elaboratissima, & dives corporū materia in infirmorū vascula trāsfundatur, nullibi cespitans, nulli parti nocens, sed ab omni periculo tuta, cūcta, & inaccessa corporis loca procurrat, spirituosū laticē vitæ, & virium fontem sibi amicè confociet, & lassas, vel detri-

(a) *VVanfsvieten in Boerbav. Aphor. 28. tom. 1. p. m. 30.*
 (b) *Regum lib. III. cap. 1.* (c) *Philosoph. sacr. cap. xxix.*
 (d) *Confer Carolum Curtium. Discussioni anatomico-prattiche &c. p. m. xxxvii. in not. 3.*

detritas vires tacitè corroborando reducat. Utinam, omiffa periculofa & alea plenæ fanguinis *transfusionis* præconcepta, methodo, quæ jam ferè obfolevit, unicam hanc tenerent omnium fimpliciffimam viam Recentiores Medici: Invisibili fcilicet halitu ergaftulis alicujus corporis fpongiofi, ut innocentis *lana*, emiffio, & intra corpus admiſſio, vel effuſio, & illicò traduſto ea ratione vapore, Infirmorum valetudinis tuendæ, & amiſſæ recuperandæ! Sed in viam.

IV. Simili quoque ratione, diſcurrendum eſt de coloratis corpusculis, medio ſudore liquatis, & externo corpori inditis. Quippe ſalia *tartari*, & *vitrioli*, idque generis, ad colorem adhibita, ut & *alumen*, cum inter ſe analiſi conveniant, necnon *ſale acido vitriolico* ubique ſimili, & terra *bolarum* conſtent; (a) ſequitur, ut aquea tranſpirationis parte ſolvantur, & eundem cum ipſa fluiditatis motum retineant. Cum autem ſalina hæc principia ſolida ſint, rigida, aculeata ſpinarum ad inſtar, mirum non eſt, ſi omnium, fere corporum poros ſubire, eorum partes tamquam cunei dirimere, mixtorumque diſſolutionem promovere valeant. Verùm ut rationem hujusce noxæ ab colorum in *lana* deliteſcentium dilutione oriundam conjectura quantum fieri poſſit, aſſequamur, ſupponere licet, plures coloratas atomos, hinc inde ſudoris eruptione, & contactu ſolutas, decidui ad inſtar *Roris*, ſibi invicem adglutinari ope terræ *aluminofæ*. Quamobrem pro diverſo *tartari*, vel *aluminis* prædominio diſformis indolis ſuccum roriferum conſtituunt, qui a liniammenti tomenti divulſus, & ſtillans, in obvios, & contingentes cutis meatus, eoſque patentes, continua deſtillatione devolvitur, ſalina qua pollet acrimonia, confertiſſima nervulorum cutaneorum ſtamina vellicat, & ſibi, vel ſtimulo, & coarctatione tubulorum, vel adſtrictionis momento ad ulteriora aditum obſtruit: unde in arctiſſimis tubulis liquidorum maſſa ſubſiſtens mole ſua, ardorem, & calorem pruritum, & inflammationem producere poterit, quibus humores difficilius adhuc fluentes, & magis coerciti frequenti
mol-

[a] *Geoffroy de foſſilibus* Tom. I. Cap. IV. p. m. 139.

mollecularum aggestione glandulas *miliares* in tubercula attollunt, & mora acriores facti, molestum scalpendi desiderium uná excitant. *Confer supra Cap. V. §. XVI.* Vt enim lanatæ vestes detectæ cuti impositæ, partes, quas tangunt, simili colore tingunt; *Cap. VI. §. III. IV.* ita *salis* molleculis, quibus eadem vestes armatæ sunt, transpirabili liquido dilutis, & corpori ingestis, multa incommoda parere possunt. Remedium ergo est, vestis, vel *subuculæ* permutatio.

V. De conjecturis hactenús; nunc verò de præcedentis doctrinæ confirmatione pauca trademus, observatione sequenti fulti. Mulier obscuri generis colicis doloribus a multo jam tēpore cōflictata, cūm morbus inveterasceret, neque ullis auscultaret remediis, consilium a me petiit. Ipse autem egrotantis inopiæ cōscius, malū oppugnaturus, nō ea selegi remedia, quæ splēdidis pharmacopolarum oculis vulgò efferuntur, & quæ Infirnam certé ad summas Rei domesticæ angustias coniecissent: sed dedi operam, quantum in me fuit, ut ad auxilii genus sese converteret, quod & opere prætium facturum, & noxæ inveteratæ præsidium unicum foret. Itaque *laneæ interulæ* usum suadeo, ægramque jubeo, toti Abdomini eandem ita circumducatur vestem, ut nullus aeri pateret ingressus. Arripuit ergo illa Thoracem quemdam *laneum* coloris nigri, qui fortè domi erat, quo imum ventrem contegit, ductoque circum cingulo, arctè constrinxit. Quo facto, tormina remisere, sedatique dolorum tumultus, donec effluxis aliquot diebus, denuo me acciri curaverit, nescio, quo de pruritu conquesta: nudari tunc Abdomen jubeo, & en tibi totam ventris peripheriam, densissimis tuberculis miliaribus, calentibus, scalpentibusque oblitam: Hinc reperio intervalla pustularum rubra, & levi affecta *phlogosi* offendo; Inde in *Pannum*, vel linteum jam corpore gestatum oculos conjiciens, videbatur illud, qua aream imi ventris immediatè contegeret, ita maculatus, ut niger, aterque pristinus color prorsus evanuerit. Quare, quis imposterum erit, qui re benè considerata addubitare velit, immania isthæc exanthemata, quæ abdominalem Regionem fatigabant in nostra ægra, ab *salibus vitriolicis* ex contextu *subuculæ* derivatis, & in
poro-

porositates externas abdominales incuneatis coniectisque, ibi inde stagnantibus, nervosque vellicantibus suborta fuisse? Quæ mala utique *vestis amotio* potuisset avertere; quemadmodum reverà imposterum præcavit candida, & nullo expressa colore vestis, quæ ipsius ægrotantis abdomen cooperuit innoxie, protegitque adhuc usque in hanc diem, felicissimo, simplicissimo sanationis exitu; ope Gymnastici, ita dicam, remedii (a) peracta.

VI. Devolvimur autem jam ad peculiare indispositiones, quas retrovergens sudor in cutis spiracula, ob difficilem aliquando avolationem ex *lanæ* vestitus superficie, corpori communicare potest. Et quidem imprimis, præ nimio sudoris effluxu, *lanæ* sudaria cuti propiora velut macerantur, atque idem sudor diutius quàm par est in *lanæ* contactu consistit: cum enim altius & velocius humidum *lanæ* imbibant, nec qua liquorem exsugunt, eadem ratione in aera dissipent, fit, ut aquosus, & exuberans humor eodem semper emollito indumento circumfundatur, neque ullo flexu, fugaque propriere sese ab topica vestis pernicio possit. Quamobrem perenni ac diutina infusione, eaque aliis atque aliis sudoris rivulis idemtidem renovatâ atque adauctâ, desides in *lanæ* cancellis sudores non putrescent modò, sed in corpus relapsi, idem vitiabunt. Illud autem eveniet, vel 1. quòd majorem liquidi aquei copiam humoribus nostris infundant; unde relaxationis indicia, patentior ductulorum transpirantium diameter, solidorum inertia atque flacciditas, temperatio motus, caloris mitigatio, siccitatis medela, lentoris solutio; quo quidem modo operantur *emplastra*: Vel quòd 2. in ista quiete, & sudoris, hærentia multa strigmenta ex *lanæ* superficie jam emollitæ abradantur concursione mollecularum fortuita, & mutua earumdem cohæsiōe, externis cutaneis meatibus crassitie sua & oleositate adhæreant, eosque supra cutis superficiem sordibus collectis conspurcent, obstipent, & humorum effluxum inhibeant; unde multa mala producuntur: Vel quòd 3. diuturna abundantis sudationis inter *lanæ* stamina perma-

O

nen-

mentia vitium capiant, ni moveantur puri illi transpirationis fontes, adeout singularis inde morantis sudoris putredo oriatur, quæ corpori animato ingesta, & liquidorum oceano mixta, tabifico contactu eadem maculare, & inficere poterit.

VII. Quod si parcius solito cutanea materia effundatur, quia sanguis humido spoliatur, phenomena tunc oriuntur adauctæ inflammationis: calorem enim excitat *lana* carni proxima, & sudorem prolicit, *Cap. IV. §. III. 1. 2. 3. 4.* cujus si materia deficit, liquida nimis agitantur, magis excandescunt, torrentur, citiusque in malignam transeunt qualitatem; præterea omne quidquid tenue est, exhalat, nihil nisi crassum, quod laboriosa vitâ subigitur, intus relinquitur; sed de his in alia occasione dicemus, *infra cap. IX.* ubi *De cautelis in usu lanearum vestium adhibendis*, sermonem instituemus.

VIII. Humorū vitalium adauctam tenuitatem in febribus colliquativis *hic §. 1.* crassum viscidumque generare sudorem, nemo miretur, qui circumfusum cruori adipem, nimio æstu colliquescere, & qua data porta exire noverit: qui quidem oleosus humor, dum per circulationis semitas abripitur, tenuis; quando verò extra circuitus viam ejicitur, ut in summa cute, & in urina, denuò in massam cogitur, & glutinosior evadit. Hic ergo, quem dico humor, ubi primum exceptus, atque obseptus *lanæ* vallis est, iisdem conglutinatur; sed crescente calore corporis, & impedito fluidioris portionis per contextum *lanæ* egressu, solvitur iterum, & in fluorem oleosum calentem mutatur: qua ratione itinera circulationis cutanea vel intrare, vel acrimonia qua pollet vellicare, multisque modis afficere potest. Causa horum erit, lentior *sudoris* visciditas in *lanæ* superficie interclusa, eamque cœno quodam obliniens, ita ut licet tenuior portio a corporis subiecta area erumpat, non possit illa tamen ultra, propter villorum *lanæ* impervium gluten, meare; quare subsistat necesse est, & in extremis cutaneis sese occultet, quo oleosum crassum, pingueque *lanæ* fluidum adjuvante calore resolvat, cuti, unde exierat, iterum ingerendum.

IX. *Salsedo* autem jacturæ cutaneæ, quæ operimenti *lanuginosi* staminibus irretita supponitur, si sensibiles cutis tubulos,

los, unde manavit, contingat, periculum est; ne subita canaliculorum constrictione liquidi cursum sufflaminet, & vicinas partes inflammet, *hæc* IV. V. quam primum ergo salibus quibuscumque sudore liquatis, Tegmina animalium infarciuntur, possunt eandem corrosivam labem in corporis animalis solida immittere; vel si *salina* hæcce inquinamenta sanguini immediatè non communicentur, at saltem nervulos extremos occupare possunt, ibique exitialem vim suam satis eminenter exercere, eos irritando, vicina loca rodendo, exulcerando, & corrumpendo. Sic sudores illorum, qui in *Calcanti mincris* laborant corrosivi, & linteamina exedentes observati adeo fuerunt, ut in minutissimas molleculas facili negotio discerpi possent; & sicubi ipsam *cutim* impeterent, ejusque minimis canaliculis infererentur, potenter vitiabant. Testis est *Fridericus Hofmannus*. [a] Porro familiare est Scorbuticis, sanguinem salibus muriaticis habere, quæ proinde a corpore avolantia, & in *lanæ* spatiola conjecta, ut vestimenta corroduunt, atque maculis contaminant; *hæc* §. V. ita in poros proximæ animatæ cutis patulos ingressa, in sanguinis lacum irrepunt, eumque coinquinant; vel parietibus tubulorum impacta exulcerationem intentant; unde *vibices, maculae, pruritus, dolor &c.* De *Phtisico* autem sudore ita sentio, eum *lana* ita foveri, ut post annos etiam sopitum in actum erumpat. Dum lucri gratia, vel parcendo sumptui, Phtisicis adstantes horum vestimenta clam surripiunt, & induunt sibi, phtisicum venenum inspirant incauti, quod cutis madore solutum, calore reviviscens, osculis vitalibus receptum, ad sanguinis usque oceanum pervadit, quem simili ferali miasmate afflat. Quod Ehu quàm sæpè damno suo experiuntur, qui spreta, vel occultata de industria hujusmodi causa, morbo jam adulto, serò medicinam parant. Quàm inde ergo sancta, & salubris est, vestimentorum phtisico sudore, vel halitu infectorum combustio, ne quid de veneno hocce supersit, quod nimium confidentes fallat; & innocentes op-

[a] *Dissertat. de metallurg. mortif. Tom. VI. p. m. 217. sequent. §. 7. 15.*

primat; quodque timorem, vel saltem prudentem suspicionem, *vide supra Cap. V. Cap. XV., num. 6.* inferat.

X. Contra verò, si animalis transpiratio biliosis, oleosisque partibus ita turgeat, ut panni proximè ad cutem admoti filamentis copiosior immoretur, periculum est, ne ibi longiori, quam par est, tempore se sistens, pravam indolem concipiat, & sanguini indigenæ transfundatur: inde enim obvium est deducere, affectus calidos cutaneos, vel excretoriorum cutaneorum varia incommoda in *lanigeris, seu pannosis hominibus*, quòd inde eosdem conflictari certum sit, *calore, prurigine, Varis, erispelate* imò *furunculis*, propter diuturnum bilis incolatum, & ejusdem in cutanea vascula remigrantis acridinem, vel inhibita perspirationis moram. In summa *biliosus* iste humor, quocumque modo cutaneas femitas obsederit sive madore, sive halitu, sive circulantis lymphæ adminiculo, pari prorsus ratione, guttularum tenuitate, fluiditatis motu, calore cutis quo æstuat, mutua partium, quas tangit, fricatione, primò semper introducit per poros minutissimos quidem, sed fermè innumeros, quibus *cutis* densissimè pervia est, & permeabilis, quibus non modò intus foris, sed *foris* intus patet aditus. Verùm ne bilis, hujusque pinguis tenacitas, istiusmodi intra vitalia ingressum difficilem tibi reddat, cogita quæso ad utilitatem emplastrorum, *hic supra §. VI.*, non levem olei vim admittentium, quæ idcirco ad tumores *skirrosos, exostoses, gummata &c.* in parte quadam particulari resolvenda feliciter admoventur; cogita quid in *unguento mercuriali* valeat axungia, quæ utcumque crassior molleculis mercurialibus sit, divisa tamen, & adtenuata, una sanguini adeo altè immittitur, ut malè de industria, finita quavis frictione, extergas, quod cuti illitum superest: adeò ut in plenioris *hydrargirosis* infortuniis, necesse sit, detrahare extemplo indusia omnia mercurio tincta, mutareque lecti lintea; imò si commodè fieri possit mercurialem sorditiem, quæ cuti inherescit, detergere, ne mercurio intus furenti (a) tacitas ferat suppetias. Cogita dein

[a] *Astruc. de morb. vener. Tom. I. lib. IV. Cap. VIII. §. 1. p. m. 476. num. 2.*

Balsamicorum, quamvis tenacissimæ indolis, penetrandi in vascula *lactifera* capillaria, exilissima, invisibilia virtutem alibi a nobis demonstratam. (a) Cogita tandem bilis viscedinem non tantam esse, ut parte sua fluidiori non queat resolvi, & resoluta, corporis penetralia adire, præsertim si calor humidus accesserit bilem diluens, & magis perspirabilem reddens. Docet biliosus *Duodeni* intestini, & *vesiculæ felleæ* color a transpirante bile: Docet ejusdem liquidi præstantia in resolvendis, detergendisque ulceribus glutinosis, callosis, fordidis, (b) item in cœcitate, & albugine curanda, ab humoribus crassis: (c) Docet odor violaceus, ex assumpta therebentina in urina absque mora conspicuus. Ut proinde dubitare nefas sit de reditu, & reductione partium oleosarū biliosarūque, pānis indusisq̃ue *laneis* implicitarū, in liquida vitalia, dum ratione dicta adeo adtenuatur, ut aquæ instar fluat, & cum aquosiori sudoris vehiculo intus resorbeatur. Memini, Chirurgo, dum scrupulosius, *dysentericas*, & omnino biliosas excretiones alvi, oculis propius perlustraret, & digitis identidem contrectaret dysentericum affectum supervenisse: hausto scilicet, per salivæ aeris cutisque itinera subtiliori biliosoque miasmate.

XI. Verum enimverò non negaverim, bilem gestatis indusis accrescere, itaut si identidem in cutaneos ductus depluat, eosdem potiùs oppleat, stipetque, quàm permeet atque pervadat. Quod duplici de causa fieri opinamur. 1. Ex acriori & vetustiori, ita dicam, ejusdem natura, ut in protracto indusiorum laneorum usu contingit. Inde enim futurum est, ut molleculæ biliosæ, dum vestis immediatè cuti affricatur, ad pilorum latera, subtus cuticulam latenter illapsæ, formâ inconspicua cellulas reticularis plexus, in quas irrepunt, acedine sua suffodiant, & in papulas circumcirca fastigient: inde *pustulæ* pruriginosæ rubræ, *flogodeæ*, *erysipelatodes* homines istos

[a] *Animadvers. de Phitisi in Vvinright de Nonnatur. c. III. animadv. III.* [b] *Boerhav. de virib. Medic. part. III. lib. III. lib. v. p. m. 409.* [c] *Forestus apud Haller tom. I. p. m. 443. not. 34.*

istos sollicitantes, agentes, & somno prohibentes. 2. Ex tenacitate summa excretionis hujusce biliosæ, quæ tamquam simplex viscidum cutem infercit, ejusdemque spiramenta densat, quibus pertusa est, unde suppressa perspiratio biliosicrementi, quod ab hisce emissariis præclusum intra corpus jam retinetur, & retentum liquidis iter agentibus molitur insidias, idque vel cruoris celeritatem intendendo, vel febres biliosas producendo, vel alia consimilia mala patrando, non eventura certè, si circulationis motu pingue abreptum, eadem cutanea via sordibus biliosis nequaquam scatente, latentèr evanesceret, tacitèque sine objecta, & reflectente, *lanea* amicula, in auras exhalare dispergique posset. In hisce ergo casibus corporis cultus ac vestium mundities commendanda. Dum enim linteamina, & quodcumque linteorum genus bilioso excremento, adiposisque partibus sordida, & inebriata corpori detrahuntur, cessat causa humorem unguinosum perspiratum prohibens, suggerens, porosque cutis infarciens. Et dum ex alia parte infarctus cuticularis a sorditie biliosa dulcis aquæ lavacro eluitur, cutisque summa probe curatur, exhalatio animalis in viam redit, abestque periculum, nequa bilis portio in cute reliqua prædicta infortunia multiplicet, vel æquo diutius protrahat. Ita unctio Athletarum in Palæstris immoderatum sudorem comprimebat. (a)

XII. Progredimur jam ad ultimum contaminatæ transpirationis vitium, quod in foetore supra diximus consistere. *hic* §. 1. Quacumque ratione transudans per cutis meatus transpirabile malè oleat, cavendum est, ne denuò in sanguinem retrogressum eundem magis coinquinet, & certius quàm si libera sui exhalatione evanescat in auras. Porro in casu de quo agitur, & ubi eodem indusio *laneo* vestimur amicumque, non levis subesse videtur scrupulus, halitum nempe, putridum diu latiare in villis *laneis* posse, & accedente intromissionis causa, in sanguinem reduci: simili prorsus ratione, qua odore imbuta *lana* eundem diu servat, atque *therbentina* ore sumpta, lotio odorem violaceum extemplo com-

communicat. *hic* §. X. Itaque vestibis hisce, putido sudore gravibus, dum sanorum corpora obvolvuntur per cutem, quam latè longèque aditum indumentum contingit, veneficum illum odorem, & impudicam auram abliguriunt, quæ in intimum sanguinis, humorumque vitalium admissa commercium, putredinis signa in corpore dabit, puta *convulsiones, dolores, calorem ardentem, carbunculos, anthraces &c.* licet bovilli cadaveris halitu Viator interemptus legitur: [a] Sic tenuissimus ex *peste, febre petechiali, variolosa, hectica*, & quoquo alio morbo ex putredine orto, [b] Infectis expiratus vapor, & a sanis corporibus aeris vehiculo susceptus, partim immediatè per obvios oris nariumque tubulos ac poros ad ipsam sanguinis massam; partim etiam cum sudore iterum absorpto ad ipsa liquida cutanea transit, celerrimè sese multiplicat, atque vel totam humorum massam inficit, vel in emunctoriis cutaneis stagnans pessima symptomata producit. Hinc est, quòd in *putridis febribus* tanti habeatur aeris renovatio, indusiorumque mutatio, ut omne *alkali volatile*, & oleum volatile putrefactum auferatur, ne volatilia isthac putredinem conceptam magis foveant, atque illibatos latices conspurcent. Absit ergo omnis timor instaurandi vestimenta, & stragula putredine *variolarum* inquinata. [c] Sic in casu nostro liæret homo, sudore putrido ex sui corporis ambitu jugiter profiliante; hæret, inquam, in sufficenti aere ambiente, eoque putrefactis exhalationibus onusto; hæret iterum ita ut nec aer regenerari ab interularum lanugine implicatus, neque sudor liberè transire queat: Unde binæ causæ putrefactionis, *calidum* scilicet & *humidum*, quæ corpora non putrefacta etiam deturpant; quod non fieret, si omni momento novo accedente aere, & amota subuculâ, ea effluvia auferentur. Quid si sanguis jam in putredinosam corruptionem valde pronus, atque proclivis animadvertitur; quot & quanta inde mala non oriuntur? Siquidem per vitales cutis canaliculos

[a] *Lancisus oper. tom. II. p. m. 11.* [b] *Frideric. Hofmannus tom. VI. dissertat. de Putred. §. 24. 25. 26. p. m. 122. 123.* [c] *Gorter in Aphor. Sanctor. cxx. p. m. 172.*

los remeans tabificus humor, putredinem augeat, & repleto sanguine, putrido oleo, *urina rubra*, *Stranguria*, *Scabies*, *Catbarri*, *Tusses*, *Rheumatismi*, & quod ultimum est, *spha-celose* sanguinis Stases, mortis prænuntiæ, enascentur.

XIII. Tantam autem putredinem [xii.] usum diuturnum vestium *lancarum* corpori semper ferè adjacentium inducere, non is sum, ut credam; sed illud tantum assevero, Animantia, eorumque partes tantummodo putrescere, numquam verò in acidam fermentationem abire posse; oleosas præterea humorum animalium molleculas progressu temporis ad summam acrimoniam evehi, nisi temperentur; vaporem in corpore nostro generari posse adeo sulphureum, ut flammam concipiat; [a] foetorem ab oleoso sulphureo principio proficisci; [b] item, cutem totam tubulosam, & porosam, universale & quasi publicum esse corporis animati cribrum, quo ferosæ & sulphureo-salsæ, sub humoris specie, excrementitiæ partes foras proscribuntur; ex *cantharidibus*, *hydrargiro*, purgantibus, venenis multis corpori viventi applicatis, & similes effectus producentibus, ac si per os fuissent assumpta, talem fieri in nobis absorptionem, ut vaporis specie corpori externo, nullo interjecto propinqua, intus subeant. Et sanè si torpidiores liquores, cæcos cutaneos ductus ingredi inficiaris; at saltem non erit, quòd de subtilissimo humore, qualis in *putrefactione* gignitur, addubites: Nam cum aere ambiente ille commixtus in cutanea vascula irrepit, qui ibidem restitans, non potest ex sua natura non mixtionem liquidorum nativam & benignam turbare, atque destruere. Jam verò fiunt similes absorptiones malignæ, & quotidie fiunt, neque advertentibus nobis, curam facile nostram effugiunt. Hecticis, Tabidis, Scorbuticis, & *maligna febre* correptis, vel lue aliqua, aut peste laborantibus periculosus gravisque insidet animalis halitus, qui pulmonum, oris, cutisque via ad sanguinem delatus, hunc simili viru corrumpit, vel diu durat aliquando, & commoritur. Quamobrem foetidissimus ille vapor natu-

[a] *Caprices d'imagination &c. lettre vi. l. c.* [b] *Hofmann. supra ibid. p. m. 119.*

naturæ humanæ inimicissimus est, utpote qui ob ætheream suam substantiam intimè ad fluidum, quod membranofas ac nervosas partes animat, motusque & sensationes gubernat, accedens, inficit, contaminat, ac penitus pervertit. Quot enim & quantos in praxi videre contingit, qui intactis humoribus, & de reliquo rectè se habentibus, venefica aura afflati illicò occubuerunt.

XIV. Nimirum agilissima putredo [xiii.] ad intimiorem succorum vitalium contactum penetrans, spirituum animalium spirituascentiam deprimendo, homines jugulare actutum potest. Illos enim primariò tangi in foetoris communicatione, illasa adhuc humorum crasi, & secretionibus, aut excretionibus nondum interruptis, satis patet ex dolore caput gravante, quo statim corripuntur, *maligna febre* decumbentium animam excipientes; ex summa item virium prostratione, dum pulsus est adhuc aqualis &c: Adeo ergo malignitas tetra exhalationis hominibus pernicialis existit, ut absque liquidorum, succorumque vitalium mixtura in solos nervos se exerens, mortales enecet. *Placentæ corruptæ* frustulum utero adhuc inhaerens matrem de medio sustulit. *Gravidæ* putredo foetui intacto hætenus exitio fuit. *Candelæ* fumus abortum procuravit. (a) Non requiritur ergo, ut noxia influentia in cuticulares poros, ex *laneis*, *xilinis*, & hujuscemodi indumentis depluens, humoribus circulantibus immediato contactu confundatur; sed sufficit, aliquam sensibilem corporis partem impetiisse, & proritata convulsione, quasi ex insidiis emergendo, *Tragediam incipere*. Quæ funestior evasura est, prout imbibens cutis porosior, & inductæ vestes, compactiori lanugine contextæ supponentur. Quippè crescit transfusio virus impuri in transpirationis ductulos, quò illi patentiores extiterint. Quam ob rem, qui spongioso corporis habitu præditi sunt, maximè verò omnium Femina præ Viris, profectum ab operimenti *lanei* fabrica vitium prædictum facile concipiunt, citiusque aliis contrahunt, qui densiorem cutem, & strictius sudoris colatorium nacti ad absorbendum minus apti sunt. Quod

P

autem

(a) *Ephemerid. anno 9. observation. 205. &c.*

autem crassiores, & rudiores *panni* virosorum halitum multiplicent, eumque in cutem prorsus effundant, quàm tenuiores, & politiores hanc subesse rationem putamus; quòd collecta velut in acervum animalia, & nidorosa effluvia, & motu vitali excitata in liberum aera sese ejicere, atque liberrimè expirare nequeant; sed densiori, & confertiori velleris contextu irretita, continua aspirationum cutanearum accessione multiplicata, concludantur, & in se quasi redeuntia, & circumgirantia motum intestinum putredinosum accelerent, tantum abest, ut eundem imminuant. Nihil enim magis *putredinem* à rebus corruptibilibus arcet, & incipientem aufert ac dissipat, quàm liberioris aeris frigidi præsertim, & sicci afflatus, & liber commeatus. Quod neutrum in casu nostro obtinetur; quin è converso, aer inter vestem, & cutem quiescens, calidus & humidus censetur, indeque ob mucidi *lanei* amictus substantiam egredi, & in auras evanescere nequit.

XV. Odor ergo foetens sudoris, & transpirationis insensibilis, vestium tomento impactus, quamdam præviam (XIV.) dispositionem requirit, ut intus cutis via susceptus morbos pariat, sine qua irritus sit, atque innoxius. Pariter quædam est corporis constitutio, quàm mephiticus, & inspiratus vapor non lædit: in qua fortè peculiare balsamum adest, quo repellere, aut emendare communicati aeris virus possit; aut attritæ jam aeris vehiculo, & motu particula, tincturam malè olentem amittant. Hinc est quod sine ullo contagii incommodo, homines non in aere solum putido incolumes feruntur, verum etiam inter alios olentissimam animam effundentes, & propius adstantes, impunè versentur: Audiamus hæc de re *Peklinum*: (a) „novi, inquit, olim Matronam *hætticam*, viro nuptam robustissimo. Hic conjugis miseræ sanè, & malè olentis contubernio delectatus, etiam inter basia & animarum misturas, quibus amor delectari solet, non tantum incolumis mansit, sed & octoginta annos natus, ex marasmo senili, ne quid a consuetudine illa traxisse videretur, occubuit. Liberos autem omnes, numero sex, hættica intra

30. *etatis annum erumpens absumpsit. Mater ipsa trigesimo quarto etatis anno, liberorum partu defuncta, tandem & ipsa defecit, quæ quotidie mori visa erat; Hactenus ille.*

XVI. Porro præter illa infortunia, quæ relapsus, & in cutanea capillaria irrepens sudor sive quantitate, sive qualitate peccans, in solidis fluidisque nostris ingenerat, dantur alia, & fortè imperceptibilia, & cognitu difficillima phenomena, quæ ex effluviis inorganicis vestium *lancarum* conficiuntur, quæque supra *Cap. II. passim* fusiùs pertractavimus. Ecquis enim dubitat, compacta, firma, & densa corpora, ipsaque metalla indivisibiles atomos exhalare, quæ fluidissimo aere receptæ, mirabilem sapè efficaciam, & eximios effectus, ad oclusas olim a Veteribus *qualitates* damnatos, in corpore nostro exercent? Ita sanè si durissimæ substantiæ metallis id contingit, abrafa ut jugi effluxu ramenta, & ambienti illata, cùm eodem aere organa vitalia subeant, & vitæ infensissimas interdum struant insidias: Quanto potiori jure, in illo continuo pannorum *lancorum* ad cutim positu, perenni illos inter & cutem immediatè subjectam attritu, corpuscula quædam deradi asseverare possumus, quæ aere, omnium exhalationum seminario intra corpus vecta, atque insinuata mira certè in humorum massa producant? Quamobrem apertissimam videmus causam, quare qui indusiis, amictu, vel aliis vestimentis nudam cutem contegentibus, sese diù multùmque assuefecerint, neque umquam de illorum mutatione solliciti sint, bis patiantur morbos, nimirum ut alii homines; & ut sunt *lanigeri*: Familiares utpote, & sibi proprios habent morbos, a *lana*, vel *Xilii* contexti, quòd sibi induunt, & pertinaciter ad cutem admotum retinent, effluviis, vel solis, & inorganicis, vel prædictis sudoris vitiis commixtis, maximam, *hæc* §. VI. VII. VIII. &c., partem derivandos.

XVII. Quod dein aerem spectat, qui diutiùs quam par est, a superficie vestibus *lanei* foedi coercitus, numquam renovatur; quæstio non inutilis oritur, an ille inde noxius corpori esse possit. Aer corpora nostra circumalluens, & qui intra vitalia salivæ opæ & respirationis penetrat, vector est va-

riarum exhalationum, & diversissimorum corpusculorum, quæ pro sua diversitate corpus nostrum variè afficere possunt. Cognitum dein est, subtiliorem tantum aeris portionem, cui vis elastica inest, non autem crassiorem, in animatum corpus transcolari. Exploratum est quoque, longè subtilissima effluvia cum aere fluitantia, & naribus tracta, fluidum nervorum præprimis immutare, & alterare posse, *vide supra* XII. *sequent.* Ad hæc compertum experientia est, omne quod tenue est, corpus nostrum transpirabile facile subire, & pervolare posse. Ulterius nemo non diffitebitur, cutis purgamenta maximam partem *oleosa* esse, vaporesque *sulphureos*, aerem minus elasticum, hoc est conservandæ vitæ, & perennandis functionibus minùs idoneum reddere. (a) Denum experimenta clarissimi *Merii* (b) Aerem ultro citroque in sanguinem meare ostendunt; imò ex eodem habemus, a matre in foetum aeri regiam patere viam. (c) Rationes dein Illustrissimi *Keylii* de ingressu aeris (d) per cutis incunicula omnem dubitationem adimere nobis videntur. Ut planè illud inde confici videatur, aerem corpori circumfusus, atque operimentum *laneum* coriumque interjectum, depravatis recrementorum tam animatorum, quæ ex cutis peripheria prodeunt, quàm *inorganicorum*, quæ a villis *lanæ* detergantur, qualitatibus refertum, in poros cutaneos, & illac meantia liquida magnum Jus habere; imò aliquando eadem spiracula subeuns idem aereum fluidum, & vehiculo sudoris abreptum succis vitalibus noxam affricare, & damnum non leve adferre. Quare ut aer exhalationibus quibuscumque, præsertim animalibus effluviis impurus, scatensque naturalem respirationis circulum sistit, quamvis sanguini non immediatè communicetur: Ita deperdito ejusdem Medii aerei renixu, quod habitum corporis circumstat, & numquam purgari supponitur, amissa inquam ob varias etherogeneasque particulas, sive confertissima, eaque exitiosa effluvia, elasticita-

[a] *Arbutnot Essais* *ibid.* p. m. 131. & 149. [b] *Memoires &c.* année 1707. p. m. 196. [c] *Idem* *ibid.* anno 1693. p. m. 194. [d] *Tentamin.* l. c.

tate cessat, vel hoc solo de nomine, benefica illa actio, quam ex ejusdem puri fluidi in cutem vibratione, ejusque ventilatione deducendā esse, cū sanioribus physiologis arbitramur. Quemadmodum tandem aer vaporibus specuum subterraneorum densis inebriatus, itemque fumis lampadum teterrimis repletus, transpirationem pulmonalem impedit, circulantium ibidem humorum motum sufflaminat, atque stimulum, violentę inspirationi similem excitat; ita inquinatus ille, in casu nostro, invisibilia cutis spiracula infercit, & cutanei sanguinis *subtilisationem*, ejusque motum promptiorem coercet: unde parcior exhalatio, & morbi a forditie & illuvie foeda, pendentes.





CAPUT VIII.

MULTA INSECTA CUTI INNASCI,

Atque a cœnosis & sordidis vestibis laneis foveri.

I.



I quis Insectorum conceptionem, generationem, & in aere tantum aperto exclusionem consideratè contempletur, profectò colliget, aerem, ut infinitorum corpusculorum chaos est, ita per ipsum aera deferri ovula impregnata genitali foetura suorum animalium. Suspensa caro, & clauso undique servata loco, vermiculos generat. Apud Nigritas guttæ pluviae labentes corpori non solum horrore incusso nocent, sed & insecta continent innumera. (a) In rore aeris maximam partem constituyente, animalculorum minorum invisibilia ovula circumquaque moventur, quæ ubi Plantas attingunt, vestibisque cohærent, excluduntur. *Confer supra Cap. VI. §. 11. 111. IV.* Ergo mira, eaque diversissima, animalcula in oceano aereo undique natant. (b) Sed & suos vermiculos connutrit Tellus; suos quoque, & diversi generis, Vegetabilia habent aluntque; suos in sinu gerit fovetque aqua, præcipuè stagnans, atque collecta. Suos fovet humanum

(a) *Gautier Bibliotheq. des Philosoph. tom. III. p. m. 247. apud Arbutnot ibid. p. m. 14.* (b) *Confer Boerhav. Chem. tom. 1. p. m. 261.*

manum corpus. Intra Insectorum ovula vel minima pusillus vermiculus latet; qui paulatim sese explicans, & veteris vermis formam exuens, *papilionis, muscæ*, aut alterius animalculi alati sub forma prodit. (a) Ne igitur tantoperè stupeas, si cum clarissimis Viris (b) dicas, hominem quoque ipsum sub vermiculi specie priùs delituisset, quàm elegantem suam formam fortitus conspiceretur; cum guttula feminis optimè constituti decies centena millia & ampliùs animalculorum contineat: (c) sic spirare in lucem editus incipit, ex verme factus homo, cujus *metamorphosès* vide apud *Kirkerum*. (d) Sic tandem in oviparis similem servat *Natura* harmoniam, dum, ovulo calore foto, *papilionum* formam speciemque concedit. Non ergo mirandum est, si spoliis *laneis* determinata animantium ovula innascentur. Certè *panni*, qui in hominum exuvias cedunt, diversos continent vermiculos, non secus ac quibus sordium inquinamenta accrescunt; juxta illud, *Sicut enim vestimentum, sic comedit eos vermis, & sicut lanam, sic devorabit eos tinea* (e) Tinea enim eadem, qua operimentum *laneum*, lana nutritur, vellerisque fibrillas tinctura solutas in stomacho digerit, (f) sicque tacitè pannos consumit.

II. Tam multiplex, tam varia in multis, ne dicam omnibus, viventibus vermiculorum progenies, naturali quidem constantique rerum ordine procedit; sed fortuitam & ex legem Insectorum sobolem, quæ producit *Putredo*, quis umquam mente assequitur? Nihil ad illorum generationem mirificè promovendam aptius ipsa putredine est, ut huic tamquam primariæ causæ [g] animalculorum conceptionem & foecundationem tota Vetustas tribuere non dubitaverit: donec Recentiorum stupenda hac de re industria omnem generationem ex ovo vel semine proficisci, ipsa luce meridiana clariùs ostenderit. Est tamen quid in *putrefactione*, quod *entomatum* evolutioni mul-

(a) Reaumeur *histoire des Insectes* &c. lib. cap. (b) Vide Geoffroy *question. Medic.* anno 1704. §. v. p. m. 136. (c) Ibid. p. m. 128. (d) lib. cap. [e] *Isaiæ* cap. 51. vers. 8. [f] Reaumeur *histoire* année 1737. p. m. 18. [g] *Fridericus Hofmann. de temporib. ann. insalubrib.* §. XIII. tom. v. p. 66.

multum obsecundet. Fortè humidum atque calidum excessivum, quod non ineptè Philosophi Veteres, & Aristoteles ipse salutarunt materiem *putredinis*. [a] Dum pluviis congestæ liquescunt nives, aquarum indomita volvitur illuvies; dum flumina tument, argines superant, & vaga per campos, per urbes expatiantur, ebriaque tandem arva in paludes convertunt: Quanta hinc putredo, [b] quantus foëtor in aerem vibratur? Quanta Insectorum ex foëtidis cœnolisque paludibus elevatorum strages editur, quorum corpuscula dum resolvuntur, teterrima in aerem effluvia diffundunt? Quot *Myriades* vermiculorum generantur, qui densissimis agminibus aerem infestant, & diverso itinere animatis corporibus ingesti (c) popularium morborum tristem plerumque faciem ostendunt? [d] Quàm ingens ovulorum seges per auras disseminatur, novorum, & inauditorum malorum præludium?

III. Unde similibus de causis nunquam ferè (II.) spoliata vestes *laneæ* Insectorum seminarium esse possunt, & debent. Quippe corpore iisdem velaminibus semper induto, fieri nequit, quin fumi, halitus, vaporis, vel exhalationis e corpore viventis affatim erumpat, quod permixtum aeri circa corpus quodcumque existenti, hoc alteret, atque corrumpat. Imò accedente de novo transpirabili immotus aer diu circa corpus movetur, moraturque ab eodem corpore continuò effluentes substantias: Ad hæc jugi maceratione emollita industria perflationem cutis, ejusque abstersionem inhibent. Tandem in tanta excrementorum cutaneorum multitudine intergerinum aera, effluviis animalibus variis impletur, & fordes sordibus accumulantur; præsertim ubi nunquam ferè corpore deponitur *lana*, eaque succida reddita, aeream ventilationem excluderet, & prohibuerit. Ut ergo verbo dicam, ingens putredo in superficie *lanei* indusii, quâ corpus tangit, orietur, secunda Insectorum mater futura, *confer supra Cap. VI. & VII. §. XIII. XIV.* sive quòd humiditatem cum calore
fo-

[a] *Apud Hofmannum ibid. §. XII.* [b] *Lancisus lib. I. par. I. de noxiis &c. cap. XVI.* [c] *Idem ibid. cap. XIV.* [d] *Hofmann. ibid. §. XIII.*

foveat vermiculorum facundationi faventem; *hic* §. II. live quòd *matres*, nescio quam in putredine dulcedinem invenientes, ad hanc allec[t]a convolent, atque in *putrefactis* corporibus subsistant, nidumque suis ovulis seligant. Certè verminosum genus non causa, sed effectus rei, quæ corrumpitur, existere videtur; qua de re consulatur caput nostrum, de *Peste infra cap. XI.*

IV. A longo tempore gestata indumenta quæcumque, præcipuè verò *lanea*, & *bombicina*, in illa diuturna hominis sudatione semper macerata, tandem tabescere posse, nemo non videt. De Sericis opificiis ob foetorem nocentibus, sic ad *Lancisium* scribit *Bartholomæus Traversarius*; [a] „ *absoluta fuerunt serica opificia, quæ odore gravi Pisauriensium saluti, ut reor, magnoperè adversabantur; utinam* pergit & *imposterum hujusmodi ars longè a Civitate ablegaretur: urbanum enim aerem a noxiis incoctorum, corruptorumque bombycum miasmatibus vindicatum cerneremus.* „ Hactenus ille. Putredo autem *Insectorum* exclusioni favet. (II. III.) Dum in Turmis, Castrisque, ob inhumata animalium hominumque cadavera, foetor immanis exoritur, en tibi muscarum, ceterorumque animalculorum optimum sanguinem hominis fugentium turbam. Dum idem pannosus miles a deponenda veste, multis fortè concurrentibus, prohibetur, sordes generantur, immunda vestimenta evadunt, corpus redditur minùs transpirabile; hinc in propria sui atmosphæra numquam renovata continetur sordidata vestis, emanantes expirationes succidarumque purgamenta adaugentur; inde habebunt *Insecta* tot nidos, in quibus ovulorum incubationi vacare possint, indè major futurus est vermiculorum proventus, & abundantior pediculorum ad crines pilosque nidificantium copia; & ex his iterum vermiculorum uberior multiplicatio, frequentius & ob foetorem nares militis infestantur, & ex squallore vestium putrida pellis, animalculorum aculeis vulnerata multis modis afficitur. Quamobrem qui de militis in Castris sanitate tuenda scripserunt, Palliorum lacernarumque internarum mutationes

Q

ma-

(a) *lib. II. epidem. IV. cap. VI. p. m. 237.*

magni faciunt, neque immeritò. Vide *Portium*; (a) consulantur item ea quæ suprà diximus in hanc rem. *cap. VII. §. IV. sequent.* Quod dein sordes cuti innascentes vermiculorum generationi conferant, si experientia destituaris, at saltem Doctissimi *Friderici Hofmanni*, egregio dicto ausculta: ait enim: „ Qui verò ex omiſſa lotione, vermiculos in cute *Neonatorum* generari statuunt, quos *Comedones* vocant, magnamque boni nutrimenti partem subtrahere credunt; hi me eò adducere non possunt, ut ipsis penitus fidem tribuam, quia novam hanc adsertionem sufficienti experientia nondum satis habeo confirmatam. „ (b) Hactenus vir Ille, cujus candidam confessionem oppido demiror, similique ratione persuasum habeo, aliter illum loquutum fuisse, si experientia a nobis infra recitanda, *infra VI. VII. explorata* habuisset, vel ab aliis fideliter enarrata legisset, & attentè perlecta, ut solent prudentiores Medici, comprobasset.

V. Bellè, & invictè huc usque regeret fortè aliquis; sed quis vel parum sanæ [perget] mentis est, qui *laneam*, *Xylinam*que subuculam semel indutus, eam nonnisi transacto longo temporis intervallo deponat, patiaturque, uberem adedò pediculorum segetem suo sudario innasci? Et nonnè magis expediat, [inquires] inter fabulas, vel potiùs Vigilantium sônia referre istius modi vermiculorum nidificationem, cum nulla experientia confirmetur, quin potiùs contraria observatione refellitur? Verùm hasce difficultates impræsentiarum diluere, nostri officii est atque instituti, cùm alioquin non levem nostræ opinioni labem inferrent, atque oriundam inde sanam, de vestium mutatione ubique necessaria, therapæjam non parùm infirmarent. Et quidem ut quod primo loco propositum est, dubio occurrā, non is certè sum, qui omnes Mortales adedò dementes esse existimem, ut incommoda, quamvis levia, sanitatis omni quo possut studio avertere, & ab se amovere non adnitantur: Sed certissima, & crebriori experientia edoctus ut quisque socordix aliquorum gnarus, testa-

(a) *de militis*, tom. II. part. III. cap. v. p. m. 74. (b) *Idem de tabe infantum* tom. III. §. VII. cap. VIII. p. m. 489.

testari possum; Nonnullos reperiri, quos nulla tuendæ propriæ valetudinis tangit cura; qui non modò effusissimis habent, in quæque flagitiorum genera sponte ruere gestiunt; verùm etiam belluarum ad instar, (si non hisce Brutis stultiores) effractis omnibus dieteticis legibus; vitam arbitratu suo componunt, hi sunt, quos vel gulæ irritamenta alliciunt, vel torpentissimum ocium effeminat, vel placidissimus, & pinguis somnus opprimit; vel quos nulla vitæ oblectamenta percellunt, nullive casus commovent: hi sunt, qui ut semper, Suum ad instar, cæno suorum vitiorum immerguntur, sic eodem vestium inquinamento conspurcati diutissimè jacent. Sed quid amplius moror? Quosdam, inter præcipuè Plebejos reperire est, qui omnibus infortuniis vexati, nisi thoracem unum *laneum* gestandi opportunitatem non habent, neque cutis munditiei studere volunt. Illis enim, dum vilissimis operibus addicti, omnia promiscuè putrida tractant, & si qui sint, qui lanionū vices sustinent; his enim inquam sudore foetido, & putrida sorditie incrustata indumenta, noxium non modò virus eructant, sed & infestis aculeis armata gignunt animalia, quæ in Miserorum corpora densissimis agminibus involant. Quid autem dicam de Viris singulari, & eximia virtute præditis, quibus semel injecta strigilis lanea ad operimentum corporis, vel ex voto electa, vel penitentia ultrò suscepta, vel ex instituto Religionis admissa, ita immutata intactaque, & ad cutim quasi immobilis manet, ut *inconsutilis* esse videatur? Quid tibi videtur? Dubitas ne futurum inde ut in putrescenti tali amictu, post diuturnum tempus, concurrente cutis calore humido, novæ Rerum mixturæ fiant, fermentationes putrefactivæ oriantur, Rerum semina, Insectulorumque ovula undequaque vagantia per orbem, & velaminis villosò illapsa contextui, & ibidem detenta, fota foecundentur, & sui generis animalcula pariant? Dubitas rebus sic stantibus fore, futuræ ut feturæ primordia, fertili in ovulo torpida, & inertia prius, nunc excitentur, fermententur, ac veluti primam vitæ auram, calore illo putrefaciente, eisdem futuris animalibus inspirent? Certè non dubitabis, neque ullam unquam, hesitationem movebis, modò ad nostram, quæ mox sequitur

experientiam sedulus attendas.

VI. Cùm enim utroque de genere hominum, quos nunc memoravimus, [V.] subulcularum, vel aliorum vestimentorum *laneorum*, quæ nudo jam corpori diutissimè inhæserant, portiones palmi unius sumpsissem; neque nudis oculis, quantum aciem visus intenderem, ulla pediculorum, acarorum, vel aliorum exilissimorum animalculorum vestigia in ea *Pannorum* ora reperirem, quæ liberè cutim denudatam subditamque operiens, exhalatum recipiebat: Animum subit aliud periculum tentandi. Anceps enim hærebat experientis animus; hærerent ne ulla in prædictis Interularum laciniis animantium ovula; vel potius jam affixa linis, & in proprio velut nido posita calorem expectarent excludentem? Neque certum mihi exploratumque erat, utrum in Pannorum illorum, fimbriis evoluta jam animalcula essent, quæque microscopii adminiculum exigèrent, ac illorum tantum ovula reperirentur, non in lucem adhuc edita, animalcula continentia. Ergo dum in dubio est animus, & paulo momento huc illuc impellitur, lacinias binas, quas dixi, jam numquam intermittente sudore imbutas, & putrefactivis hominum sordidorum effluviis jam diutissimè maceratas lagenæ vitreæ indidi, hujusque foramen exactè clausi, ne qua, de illapsu ovulorum, quæ in aere natant, eorumque ingressu suspicio daretur ulla. Ita instructam lagenam calori fimi, quod ad manus esset, imposui, & post circiter viginti quatuor horarum spatium eam intuens, atque diligenter observans, vidi, [jucundum dictu, sed multò jucundius visu] vidi, inquam, nulla adhibita lente, infinitam propemodum Insectulorum foeturam, quarum nonnulla alas jam adepta, hæc illæ in fundo lagenæ obvoltarent, inque focia insilirent: non absimili ratione, qua dum camarina movetur, vel dimovetur lapides, qui senti situ purgamentis, viarumque sordidis excrementis diutissimè superincubuerunt, innumerabilium *papilionum* agmen erumpit, & in adstantium faciem & oculos impetit.

VII. Diversum tamen nostrum ab doctissimi *Lancisi* tentamine, variumque esse, facile liquet binas experientias conferenti. Ille enim vir partem *lanei*, aut gossipini *Panni* cerato

rato linteo contegit, complicavitque; alteram verò explicatam libero aeri ad Regionem, in quam ex palude ventus spiraret, exposuit: Hinc apertis, evolutisque utrisque panni segmentis, vidit microscopio partem illam tantum, quæ evoluta paludis verminosæ halitus liberè excipiebat, plenam vermibus diversarum figurarum; contrà verò portionem panni cærata tela contactam, nullis prorsus foedatam vermibus, vel ovulis deprehendit. In nostro autem experimento [vi.] Indusiorum superficies, qua cutem hominis contegebat, vermiculis referta apparuit, dum adversa panni portio nulla Insectorum vestigia ostenderet: argumento certissimo, quemadmodum ex palude quaquavorsum in *Lancisiano* experimento, favente vento, Insectorum ovula cum ceteris effluviis panni portioni subdiali exeuntia admovebantur, intacta alia portione; sic in nostro experimento, ex malè lanati hominis habitu, vel aliorum advecta ovula, in *lanam*, præsertim pilosam, villosam, porosamque subito illapsa, arctiusque inter villos detenta, & assidua commoratione ibidem velut in hospitio forta fuisse, ut tandem adjuvante fimi humido calore, ruptis corticibus involucrisque in lucem eruperint. Accedit aliud inter gemina pericula discrimen: Siquidem ex animadversione Summi *Lancisi* [a] liquet, vermiculos, qui aperta phialâ mirabili agilitate movebantur, mox eâdem diligentissimè per ceram, quam dicunt *Hispanicam*, clausa, brevi motum omnem amisisse: e contra nobis observantibus videre non antea animalculorum ex *lanæ* portione evolantium motum contigit, quàm ubi exactè obfirmata lagunculâ, justum ovulorum ut videbatur tempus, exclusioni concessimus.

VIII. Equidem similes experimento nostro observationes occurrunt, quæ ratiocinio prædicto fidem facere videntur. *Hiacynthi* flores contusos primùm, mox ampullæ immisos, si in eodem loco ritè clauso per aliquot septimanas asservas, infinita propemodum *Insecta* agilissima cernes, quæ post duos dies in totidem *chrysalides* vertuntur, ex quibus ruptis exuviis *Papilioes* diversicolores exeunt; [b] Dum perfectè maturi, &

(a) *lib. 1. part. 1. cap. xvi. §. x. & xi. p. m. 151. 152.*
 (b) *Observations de Physique tom. 1. p. m. 458. 459.*

putrescere jam incipientes, *Fungi* intra phialam reconduntur, quæ Solis radios liberè excipiat, nigris animalculis pleni reperiuntur. Quin putrida jam *fungorum* substantia liquidum in vasis fundo aterrimum, & verum atramentum reliquit, quamplurimum Insectorum seminarium. [a] Præterea ex inclusis intra vitrum quorundam animalium facibus, omni aeri inhibito aditu, innumeram *Acarorum*, propter corporis exiguitatem, prolem vidimus ortam, post *Levenoeckium*, [b] quæ diversa figura, & agilitate prædita in libero vasculi spatio ultro citroque moverentur. Quamobrè ex cùm interclusa omni aeri in hisce experimentis via liquidò pateat, nulla, fluidi illius ope, adferri de foris potuisse animalcula ovifera; superest ut dicamus, *putrefactionem* velut matricem quamdam suo calore ovula quacumque de causa ad se allicere, allecta in incubatum exercere, & fota suo tempore excudere ad sobolem. Quid ergo mirum, si inhærenti vestium *lanearum*, quæ rarissimè exuuntur, pædori, & squallori quadam *matrum* electione semina animata irretiantur? Ex quibus dein suo tempore sui generis vermes propullulent, & mira fœcunditate propagentur? Quid opus est aeris hic commercium comminisci, cùm constet, absque illo nihilominus concipi animalcula, & in auras vitales erumpere posse?

IX. Fac autem, dicta hæcenus, [VII. VIII.] non ea, quam proposuimus, ratione sese habere: fac de obscurissima hic quæstione agi, quæ forsan numquam solvetur: fac non modò rara esse illa, quæ a nobis visa sunt, sed & eadem dubia, vel saltem difficili experientia, comperta: fac denuò, si lubet, meras nugas esse, (si nugæ sunt, quæ sensus ipse Judex decernit) neque ad veri speciem satis aptæ confictæ: quid tum? An vestes, tunicasque sordida illuvie squallidas incultis & horridè viventibus umquam detraxisti, vel detractas exutasque umquam vidisti? Nonne in istiusmodi hominum spoliis fœtore gravibus numerosa pullities animalculorum cernitur, agillimorum,

(a) *Metamorphoses &c.* par M. Codart *memoires des Trevoux.* année 1701. p. m. 89. [b] *Observations &c.* tom. II. observ. xv. p. m. 343.

rum, vivacium, multiplici prole foetificantium, quæ semel admiffa, & aliquo calore fota multa progenie sobolefcant? Nonne, fi acutiùs infpicias, & microfcopii præfidio utaris, diverfam illorum naturam a *pediculorum* effe comperies, qui ad pilorum interftitia, ad crinium vacuola, & in veftium ftamine vulgò nidificant? Certè fi fides microfcopio adhibenda, & quam experientiæ noſtræ candidè expofitæ deberi, nullus dubito, infecta illa, de quibus in fuperioribus prolatum eſt, *hic* §. VI. afpicientibus nobis, & attentiffimè perluſtrantibus pannoforum laciniam, in qua deliteſcebant, non *pediculorum* vulgarium, non *culicum*, non *acarorum*, non *tinearum*, non *terèdinum* partum pullationemque, fed peculiarem foeturam, & fingularem ſpeciem, corporiſque armaturam referre viſa ſunt: non abſimilem illi, quæ in *ſcabioſis* vermiculis animadvertitur, & qui delineati proſtant in *Bianchi* figuris. [a] Et fanè, quantum memini, homines illi, quos vidi, & exuere ſquallida tunica *lanea* jam a longo tempore geſtata, & carni nudatæ ſuperimpoſita ad capienda pericula debui, cutis univerſali pruritu *ſcabioſo* tentabātur, ut inter ſcalpendum furfuræ ſquamulæ undique ex eorum cute abraſæ deciderent. Porro dari vermiculos *ſcabioſos* peculiaris naturæ, & determinatæ fabricæ, quos Itali *Pellicelli* vocant, poſt memoratum *Bianchi* [b] nemo in dubium revocare poteſt; præſertim cum videamus in praxi, retropulſam ſcabiem, adhibito Scabioſi operimento, certius foras prolici, quàm remediis ingeſtis; aliquas dein *ſcabies* contagio a veſtibus ſuſcepto contrahi, & abſente eodem ſeminii commercio, penitùs fugari.

X. *Gratam* rem hætenus Phyſicis feciſſe arbitror, quod mihi obſervaffe contigit, candida exponendo fide, ſed multò gratiorem facturum ſpero, ſi patiantur Medentes, ſanctè ingenuèque referam, quod ſentio de noxiis in corpus hominis traductis effluviis, quæ ex aſiduo veſtium *lanearum* ad cutem accubitu exoriuntur. Proſectò omnium verſari debet ob oculos, in caſu de quo loquimur, applicitam diu corpori ſpoliato
lanam

[a] *de natural. in human. corpor. vitioſ. &c. figur. xxix.*
[b] *Ibid. p. m. 384.*

lanam in deside omninò sudore ad putrescendum damnari; villos ejusdem ad contactum corporis transudantis positos assidue perlui, dilui, macerarique; unde quidquid lanuginosi, & fibrosi, inque coenum jam conversi, huic vesti inest, laxetur necesse est, dehiscat, deradatur, & cutaneis apertisque osculis insinuetur: hæc enim induta *lanæ* purgamenta tenaciora sunt, & muccidiora; quo fit, ut divulsa *lanæ* ramenta magis inter se vinciantur, ac proinde intra nostra corpora, recepta difficilior discludantur, ac dissipentur. Sed & in illa vestium putrida emollitione non diversa solum corporum exoticorum mixtura emergit, quæ cum abradis *lanæ* filamentis, sordibusque in cutem conveniunt, verum etiam variæ feturæ multiplices partus, qui sive ibidem orti, sive alibi disclusi, atque aliunde advecti, sorditiei illi tamquam pabulo inhærescunt, & proprium hominis indusium veluti putidum *Viventium* seminarium, promptuariumque efficiunt. Inde fit, ut non solum aeris cutem circumambientis atmosphæra fæda diluvie onusta valetudini officiat, hominesque isti infamis aeris hujusmodi effecta perpeti cogantur, cutaneis morbis, & similibus ruptionibus tentati, verum etiam, ut alia de causa, corruptela, quæ in illo corporis animati humore conspurcato excitatur, iisdem istis *laneis* operimentis utentibus propter hujusmodi incubatum penitus exitiosa evaserit; eoque magis, quod permanente ejusdem morbiferæ *vestis* inquinamento, augeatur cutanei laticis, & transpirabilium quies, propter quam impedimenta corruptionis minimè removentur, quin esca uberior natis jam *vermiculis* paretur; tum quod pertingentia quacunque de causa ad *lanæ* superficiem, ibique detenta animalculorum semina humido amico leniantur, incubationi facilius committantur, atque in multigenos *vermes* numquam abjectæ vestis hospites facile manifestentur; hæc §. VI. VII. VIII. IX. Tum quod tandem, juxta partis animatæ diversum calorem, nunc citius, nunc tardius *fermentativa* animalculorum fecunditas & multiplicatio promoveatur.

XI. Hisce positis, atque demonstratis (X.) obtegens corpus lana, eique quam diutissimè adsidens contactu suo, collectis undique cujuscumque generis vaporibus, fetidisque effluviis

rum animatorum. unâ computrescentium aspirationibus, atmosphæram, quæ cutem illius hominis ambit, contegitque, ignavam, languidam, elatere destitutam efficit; quæ tantum abest, ut liquidi in summa cute peragrans circuitui obsecundet, ut potius fibrarum cutanearum sistema relaxet, easdem flaccidas reddat, & liberiori sanguinis per illa loca meantis motui strenuè reluctetur; inde pigriori reddita sanguinis orbita, pari passu secretiones & excretiones animales retardandas, pravos humores in corpore cōgerēdos, ad putredinē dispositionē fieri consequens est. Inde enim egestionum tarditate, & languido fluidorum motu, corporis excernenda intus coercita, novam fermentationis luctam incunt, *putredinem*, & subsequētem foetorem ex fluidorum mutua in se reactione & quiete sobolescentem, mirum in modum adaugent. En quo pacto ut insalubres anni tempestates morbos generant *ex Friderici Hoffmanni sententia*; (a) Sic cum supra ostenderimus *cap. VII. sub finem*, ex varia congerie halituum graveolentium, & diversè mixtarum corporum mollecularum, quæ in putido, & vitiato amictu immorantur, evehi in corpus particulas omnino exitiales; sequitur, ut statuta a nobis animalculorum obsoleta *lanæ* innascentium, & ibi nidificantium, pullities, exortus, interitus eorundem, tetrum & putentem aerem multiplicando, eundem in corporis calentis habitum ingerant, quam proximè; qui, eadem ratione qua de *effluviis* inorganicis, & inanimatis diximus, corporis interna vitalia simili foetore vaporat, crasim limphæ sanguinisque, & spirituum animalium invertendo, motumque diversimodè labe factando, necem insidietur, morbosque cœcos inferat; quorum interdum causas adeò tritas, sed diligentiori paulò examine evolvendas, ne Cordatiores Medici perspicere quidem queunt.

XII. Ita sanè ratiocinandum videtur de halituosis corpusculis iisque labe aliqua tactis, quæ ubi intra animalium cutē aditum sibi cuderint, ad ulteriora corporis loca eadem prava qualitate imbuenda accessura sunt. Verum quamobrem *pediculorum*, & animalculorum ipsa proles corporibus sanis no-

R

ceat,

[a] de temporibus &c. tom. v. §. xi. p. m. 65.

ceat, paulo obscurior indagatio est. Nimirum an per se ipsa irritando, & mordendo membranas sensu præditas vellicent? An quod forte deterius est, pravum, & deleterium succum infundant liquidis nostris? An potius perniciem adeo certam afferant, quod ad usque sanguinem irrepant, cumque eo misceantur? Triplicem istiusmodi lædendi actionem in hisce, quæ sistimus, *Insectis* a vestium diuturna immunditie profectis, ut amplectamur, sequentes rationes suadent. Nam

1. Liquet animalculis hisce, quæ in lanatis ita hominibus verant, & pelli exquisitissimo sensu pollenti admoventur, universali naturæ lege singulares aculeos concessos fuisse, quibus partem, cui inhaerent, irritent, vulnerent, & exiguisimis plagulis confodiant. Id quod innuerat clarissimus *Bellinus* ita de vermibus loquens: (a) *Sed & punget, scilicet vermis, admordendo membranas, vel easdem vellicabit allabendo, rependo, hærendo; ab hoc solo sensu universi corporis perverso fieri poterit, & primò propter doloris sensum refluxus mille . . . spirituum &c.* Id quod etiam confirmavit Illustrissimus *Lancisus*, qui (b) irritationes, & vulnuscula *culicum, crabronum, que* e paludibus elevatorum somnum ac liquidorum cursum turbare, nervorumque compagem multum alterare in accolis meritò existimabit. Id quod tandem suo damno experiuntur, qui eadem veste *lanea* operti semper incedere necessum habent, vel qui elegantia *laneæ* parum dediti, in propria sorditie, tamquam in coeno sues, immerguntur. In hisce enim ea quæ ostendimus *Insecta, laneo, vel gossipino* contextui facilius hærebunt, calore naturali fovebuntur, perque lene exhalans humidum crescent; quæ, ut summatim dicam, eodem connutrita corio repetitos morsus tenerrimis, quibus oblita est, cutis, nervorum furculis evibrant; unde succussio corporis, externarum partium *frigus, & horripilatio, inquietudo, jectigatio* intra eandem vestem circumvoluti corporis, *vigilia, & alia* mala.

2. Minora profectò essent, si sola vermiculorum latitantium

(a) *de febribus propositio. 29.* (b) *lib. 1. part. 1. cap. xviii, vii. p. m. 153.*

irritatione orirentur; XII. num. 1. sed multò deteriores effectus prædicta *animalcula* in sanis corporibus producant. Dum enim stimulo suo cutis stamina sauciant punguntque, non solum; ut credidit etiam *Lanciscus*, (a) ovula sua ibidem ad incubationem deponunt, verum etiam per inniissos aculeos, & inflicta vulnuscula virûs partem semper infundunt, quæ humores præcipuè cutaneos afficiat, atque contaminet, & dein contigua loca inflammet, erodat, exulceret. Neque illud in Medicina novum est, virus scilicet conceptum singularis ingenii esse humorem, vel liquidum intra corpus receptum, & per morsum, sive vulnusculum quacumque ratione factum in sanguinem delatum. Constat enim, variolas pure pauculo e pustulis extracto, & incisæ cuti instillato; *Pestem*, tabo ex bubonibus manante, & vulneri cujuscvis animalis inserto, (b) *scabiem* aut *lichenes* ichore quod e cute morbosa depluit, & sanæ cuti infigitur; *hydrophobiam* salivâ canis rabidi in demorsam partem intromissa; agritudinem tandem, quam *Tarantula* infert, humore quem hocce *phalungium* puncturâ in cutem introducit, ceu fermentis totidem peculiaribus in corpora sanorum traduci; unde conjicere possumus, *laneos* habitus ita verminosos subditis hominum corporibus, permixtione quoque *virûs* cujusdam, succive exitialis, obesse plurimum posse.

3. Neque ad instillationem *Virûs* requiritur, ut ferale liquidum, quod interula v. g. *lanca*, eaque fumanti cuti obvoluta, præfatis vermiculis morsum minantibus, turgida gerit, in sanguinem usque, inque nervorum cavitates permeet; sed sufficit, ut seclusa etiam omni cum vitali liquido miscelâ eas undas contaminet, & eodem halitu afflet, in quibus primò velut irretitur virulentia ejaculati succi, & intra quas constantem nidum sibi peperit, ultra quem pervadere certa quidem analogiâ prohibetur. Quippe non desunt in re Medica exempla, quibus edocemur, inter certa venena, humoresque certos, certam quoque reperiri proportionem. Sic venenum *hydrophobicum* XII. num. 2. salivæ; venenum *variolosum*, puri pustularum, *venenum viperinum* humori felleo, qui ad radices den-

R 2

tium

(a) Ibid. VIII. (b) *Relation de la Peste de Marseille lib. 6.*

tium uncinatorum latet &c.; tamquam propriis reticulis retinētur, aliòque transabeunt: (a) Sic, ne lōgius ab instituto nostro digrediamur, *Culex tinnulus* non morfu nocet tantum, verum etiam verisimile est, (b) sanguinem in vicinia circulantem, quem primò irrepit, fluidiorem reddere, eique venenati liquoris non nihil inspirare. Non ergo mirandum est, si in cutaneam provinciam animalculorum cohors, quæ flocculis *induta lanæ* confertim interspersa aluntur, vim suam eatenus exercent, quatenus nescio quid humoris venefici indigenis cutis liquidis inferunt; unde *cutis* variæ morbosæ affectiones oriri facile possunt.

4. Obvium hinc est, vanum *Delicatarum* metum aspicere, qui, dum vestitum *laneum*, vel ex gossipio contextum sibi nudis apponunt, stimulo, quem rudior, & magis constipatus villus creat, admoniti; imò interdum, nescio quo pruritu externo, scalpendique voluntate perculsi, & fursurum inde squamularumque abrasione perterriti, non modò de deponenda veste illicò cogitant, sed eandem subitò extractam infami contagii nota fugillent, quasi illius indumenti ope malignum aliquod virus latitans prius, nunc autem extricatam conceperint; quasi omni teterrima *scabie* imbutam vestem imprudenter sibi obdlexerint. Absint, inquam, vana hæcce terriculamenta, quæ ut somniantium Hypochondriacorum mentes summo per angunt, ita nulla argumentatione opus est ut rejiciantur. Loquor enim de imaginaria aliquorum affectione. Munda enim interdum est eorum cutis; munda vestis suscepta, & nitida cuti adjuncta; munda intus labentia liquida; munda vascula, per quæ jugi lapsu pererrant. Cerebrum tantum in hujusce temperamenti hominibus laborat, abnormis est spirituum motus, qui exleges ubique vagantes, inconditas ideas intra *sensorium* excitant: Verbo, immundis tetrisque ideis tota eorundem veluti absorpta jacet mens; quo fit, ut levissima in partibus externis creata molestia, qualem concitare solent *lanæ recentes*, cuticulares papillas nerveas asperius contrectantes, subitò

(a) *Astruc de morb. vener. tom. 1. lib. II. cap. II. num. 6.*
 (b) *Reaumeur Memoires &c. année 1738. histoire p. m. 47.*

bitō animos demittant, despondeant, fingantque, ut adagio dicitur, *hostem quem feriunt*. Simile quid accidit in ceteris venenis, quibuscū virosus latex, quē *laneæ* vestis trita & muccida inquilina eructant animalcula, comparari potest; *xii. num. 2.* 3. quæque menti potius, quàm corpori obsunt aliquando. Audiamus *Zaccariam Patnerum*: (a) *Rarò virulentus est*, inquit, *scorpionis morsus*; nec *rabidi animalis morsum hydrophobia sequitur*; hæc enim res plures decepisse videtur, qui varii generis, variisque medicamentis, & aliis auxiliis, quibus in hisce casibus usi sunt, multum tribuerunt; & plures, qui ex inani persuasionē eandem curandi rationem ingressi sunt, ceperunt; sæpè enim aliisque persuaserunt, se medicamentis adjutos fuisse, qui etiam sine iis incorrupta sanitate fuissent.

5. Proximum est, ut posse animata corpuscula computrescentis continua in sudatione vestitus lanei partus, extrinsecus, intrò sub cutem ferri paucis comprobemus. Quid enim obstat, quominus pusilla illa animalcula aciem visus effugientia ovula sua, infinitè etiam exilia, abscondant, quæ semel inflicti vulnusculi itinere, *xii. num. 2.*, intro acta viam cum liquidorum pergant mole? Quid impedit, quin patentia in cutis foramina tantò facilius delabantur, quantò viva isthæc ostiola, latiora fuerint illorum corpusculis? Quin vermiculari, & insito motu gradientia, in exiguissimos cutis canaliculos, & exhausto fuctoque liquido vacuos furtim irrepant? Non video sanè cur illud negari possit vel debeat; maximè si ad ea, quæ de *Dragunculis*; *Crinonibus*, & *Cironibus* (vermiculorum cuti innascentium nomina) in Medicorum libris proferuntur, attendas. *Dragunculi* enim vera animalcula sunt, quidquid dixerit *Ambrosius Pareus*, (b) quæ crura hominum adoriuntur ita, ut si quando per convolutam acum foras avocentur, eorundem vel minimum frustulum in vasis relinquatur, nulla curationis spes affulgeat; argumento scilicet, *Insecta* esse, quæ sive integra, sive discissa fuerint, aliorum *Insectorum* more (c) vitam perennant, neque viru suo spoliuntur. Quòd *Crinones*,
vel

(a) *Institutiones Chirurgicæ* &c. §. 494. (b) *livre 8. chapitre dernier*. (c) *Memoires d'Edimbourg livr. chap.*

vel *Comedones* dictos spectat, quos primus omnium se observasse gloriatur *Pareus*, [a] vel quos ad vivum saltem depinxit *Etmulerus*, [b] videntur tales esse, quæ internum corporis emunctorium tamquam proprium domicilium sibi arrogent; planè ut si Infantes contabescentes paulatim insomnes redditi, in balneo ritè tractentur, præfati vermes veluti automata densa e poris corporis promineant; quæ quidem corpora, microscopii interventu, pro veris animalculis loca cutanea inhabitantibus meritò habentur. *Sirones* autem, seu *Cirones*, vermiculi sunt minuti, quasi *pediculares*, in pustulis serosis prurientibus sub *cuticula* manuum imprimis, & pedum subsistentes. [c] Tandem scabiosi vermiculi facilè visibiles, *vide supra* §. ix., cutem non tantùm confodere videntur, inque plagulis delitescere, quin longius & ulterius spatium emensi, in sanguinem ascendunt, quod in retropulsa *scabie* contagiosa videre est. Hanc autem nostram considerationem fulcire videtur nonnullis admissa animadversio de *verminatione* sanguinis in peste, [d] cujus seminum sunt virulentissimi vermes. Confirmat aliorum experimentum, in sanguine febrientium infinitam propemodum seriem vermiculorum reperientium. [e] Ostendunt tandem alti, & adolescentes, & residentes in cordis *ventriculo* anteriori interdum vermiculi. [f] Ut proinde nulli dubium videri debeat, vermiculos in contemnerata a longo usu, pollutaque jam *lana* evolutos, vel subtus cutem ex ovulis jam editos, absque ulla universali causa, atque infonte plerumque singulari illa aerea *atmosphæra* cutem spoliata obvolvete, per corium hominis porosum & villosum, utpote minutissima, in sanguinem elabi, cujus succis potissimùm gaudent, atque pascuntur: Vel detrita horum animalculorum corpora, & in tabum versa, cumque aliis demortuis confusa, & numquam intermissâ liquidorum hæc illâc discurrentium agitatione concussa, per cœcos denuò cutis meatus, vel alias sensibiliores vias, cer-

tas

[a] *Ibid.* [b] *Observat.* 1. in fine tom. 1. [c] *Idem ibid.* p. m. 914. [d] *Lancisus ibid.* cap. xix. §. II. [e] *Nouvelles de la Republique &c.* année 1687. p. m. 1285. [f] *Experiences de Phisique* tom. III. observation. v. p. m. 335.

tas aliquas crises in morbis moliri poterunt, quæ, ut causæ obscurioris effectus, ita intellectu difficiliores erunt; mirantibus interea Medentibus, egregiam Naturæ vim, ejusque indefessam in morbis abigendis solertiam, neque omnibus notas curationis vias, quibus morborum intricatiorem aliquando causam, multò perplexiori conamine, felici adeo sydere subactam eliminat.





CAPUT IX.

DE RELIQUIS EX IMPRUDENTI

Vestimenti Lanei usu Valetudinis noxis.

I.



Ux laneo indumento diu protectis solent mala accidere, numero multa, & natura dissimilia sunt, quorum nonnulla cuti immediate insident, & velut toti externo corpori communia habentur; pleraque determinatæ corporis parti, quæ lana xylove contacta fovetur, tantum propria sunt, eamque peculiari noxæ genere afficere solent. Hactenus, se pro rei dignitate paucis de infortuniis pertractavimus, quæ si-ve Medentis culpa, si-ve Infirmi intemperantia, lana præcinctis evenire solent. Nunc paulò fusiùs delictorum genera persequemur, quæ in usu vestimentorum laneorum, pannorumve quamlibet corporis partem contingentium observari solent, & poenas, quas ex illa se induendi ratione luere corpus in illa parte testæ fotaque solet. Cùm enim nihil in praxi occurrat, quod ex omni parte a periculo tutum sit; inde simul evenit, ut innocentissimum hujusce generis vestimentum, quamvis ab omni noxa vacare videatur, perutilia tamen, & salutaria monita in Medente adsciscat sibi, quorum ope obortis fortè malis, vel enatis quibusdam corporis molestiis, citò mederi, vel consulere possit. Itaque operæ pretium est, non latentes modò causas laneæ tam sæpè viru infectæ, sordidæ, vermium prole
sca-

scatentis antea percepisse; *vide Caput antecedens VIII. passim*; verum etiam modum simul indicare, quo imposterum ea valetudinis detrimenta cavere liceat, quæ ab inconsulta *lanæ* convectione, vel ab imprudenti pannorum ordinatione, Infirmos, Valetudinarios tenent. Ægotantem enim & Medicum attendere in hac re debemus. Priorem, ut quispretis *lanæ* incommodis temerè & inconsultè se gerat. Posterior, ut qui ad agrorum, qui se illius fidei dedere, temperiem statumque; ad *lanæ*, quam super induendam jubet, latentia fortè infausa seminia; ad tempus, ad locum, adque cetera adjuncta fatis cautè in isthoc indumentorum genere non animadverterit.

II. Rarum, ne dicam rarissimum, est, hominem, quo seipsum semel induit, operimentum numquam deponere, nisi abjectissimos illos de Plebe excipias, vel nonnullos Poenitentes, de quibus supra mentionem injecimus. *Cap. VIII. §. v.* Sicubi ergo idipsum acciderit, cavendum quàm maxime est, ut quàm citissimè fieri possit, immundæ vestes corpori detrahantur. Dum enim eodem munimento, præsertim *lanæ*, calidè ambiuntur corpora, & sub eodem tegmine moventur, necessarium est sæpè illa multumque sudare, & illuvie, multisque sordibus obsideri. Hæc dum cutim undequaque occupant, progressu temporis non solum constipandis obstruendisque porulis valent, non solum variis, perniciosisque sibi intermixtis particulis vias, cavitates, vasaque pænè omnia in extimo colatorio conspurcant; non solum calore humido e corporis superficie manante cutaneas, & musculosas fibras laxas, & flaccidas reddunt, atque excretionem, quæ in cute peragitur, valde & usque ad excessum interdum adaugent: verum etiam aptum hominem efficiunt, cui exterius per aerem sparsa halitiosa miasmata facilius inharescant, sicque toti corpori tradantur. Quod ipsum tantò facilius succedet, quò per continuam corporis contermini ad malè olentem subuculam motitationem, *lanæ* superficies multis in locis dehisceat, deteratur, & ampliòra spatia offerat, quò putridos, & diversi generis aereos vapores altiùs attollat. Inde ex hujusmodi pravi aeris per dilatata contextus *lanæ* spiracula insinua-

tione fluida, ac solida objectæ cutis, atque denudatæ ener-
vantur, & de impresso motu multum remittunt; vel e contra
validius premuntur, atque constringuntur, quod perinde est,
ac si libera ibidem perspiratio repelleretur; vel tandem in
illa sorditie *lanæ*, variæ humorum *colliquationes*, *tabescen-
tiæ*, & vitiosæ *fermentationes* excitantur, quibus statim, af-
fluente aeri, & cuti adnato vitium induci possit: prout ni-
mirum liberè & promptè excurrans in corpus per *lanæ*os hiul-
cos pannos aera elaterio defectum, vel pondere adauctum,
vel consistentia crassius, vel immixtorum corporum præsen-
tia morbidum evaserit. Ea viâ deterrimi morbi *Populares*,
epidemicæ, vitiatam aeris temperiem agnoscens, multò
facilius in sanorum corpora traducuntur, quàm si aer conti-
nuò corpori adstans, idemtidem mutaretur, & cutis num-
quam satis commendanda purgandæ cura haud negligeretur.
Sic enim circumtegens internè *lanæ* haud ignobilem locum,
inter *conservatoriæ* facultatis partes sibi vendicabit, dum cau-
tè, prudenterque, & pro ratione loci temporisque usurpatâ,
& ad avertendos futuros ex torpente cutanea excretionè,
morbos, & ad custodiendam præsentem sanitatem, & ad va-
letudinarios reficiendos incredibilem utilitatem afferre va-
let, prout nos uberrimè demonstraturi sumus, ubi hæc in-
fra distincto Capite declarabimus. Hinc de vestium mutatio-
ne quod cecinit *Antonius Felici*, (a) idem *lanæis* indumen-
tis aptari meritò poterit; sic enim habet ille:

Pallia crassa decent, Boreas dum spirat iniquus,

Dumque Auster perflat, pallia laxa decent.

Lux eadem tennes poscit modò fervida vestes,

Frigida mox eadem vellera densa petit.

More nec errantis fas est incedere belvæ;

Unica quam vestis non varianda tegit;

Hac tegitur, fuerint seu tempora fervida messis

Æstivæ, fuerit seu glacialis hyems.

III. Si ergo ea vera sunt, duo præsidia adversus penden-
tes inde (II.) pravyos hujusce vestitus effectus nobis concessa
sunt:

sunt: alterum, ut indusia hujusmodi *lanae*, quæ sudorem multum exceperunt, & aerem multigenum admiserunt, crebro demantur: alterum verò, ut, data occasione, corpora *lana* spolientur, spoliata laventur sæpè, mundenturque. Dici vix potest, quantum illa bina auxilia militum in castris degentium (*Hominum genus, cui vix interdum copia sufficiens renovandæ vestis datur,*) sanitati conferant. Dum enim in urbe commorantur, vestes exuant, dormiantque in lecto, sicque abactis vestibus semper aliquantulum hæc illæc moveantur; ut mundi ab contracto pelliculæ squallore fiant, & corpus magis perspirabile reddant. Dum verò militari exercitio incumbunt, ne ejusdem longo operimenti usu morbos sibi pariant, horis subcivis detergendo mundandoque corpori studeant, & sese identidem abluant, ac sibi perfricent membra, perungantque se aliqua (a) pingui substantia, ut insitas, vel adventitias aeris externi impurique noxas declinent. Proficuum hujusmodi tegminis *lancæ* frequentem innovationem experiuntur Religiosi, quibus solemne est, subuculam ex *lana*, interdum constipata, diu noctuque nudæ carni apprimere: incuriæ enim sive negligentiae in vestis depositione dare poenas solent, quod eorum cutis numquam puro aere refocillata, & eadem pannosa telâ obvoluta, pustulis varii generis conflictetur. *confer supra cap. VII.* Tanti est vestimentorum, præcipuè quæ lanam accipiunt, crebra mutatio ad sanitatem!

IV. Tuta hætenus adversus madidæ, & putrido sudore, emollitæ *lancæ* noxas remedia præscripsimus; ast paulò major cautio requiritur, ne corpori calenti vestimenta ex *lana* confecta citius quam par est decedant. Solent enim quamplurimi, auræ frigidiusculæ captandæ desiderio flagrant, sese subito denudare, vestèque abjicere; sed non impunè semper. Cùm enim labore, exercitio, vel pilosæ *lancæ* stimulo, externa hominis periphæria ferveat, & in hanc plenius celeriusque liquidum feratur, largius quoque per sudoris for-

[a] *Portius ibid. de Milit. in castr. Capite I. §. VII. p. m. 14. 21. Item Cap. IV. §. X.*

mina erupturum; nihil perniciosius esse potest, quàm subita illius suppressio. Atque si ex *Sanctorio* habemus, *Ob aerem frigidum supervenientem calori, vestibus denudatum, minus duabus libris circiter diei cursu perspirare solere;* (a) Multò majorem sanè insensibilis diffilationis injunitionem experietur, si sudario *lanceo* citò sese spoliaverit; tum quòd in genere omnis prepes mutatio, desuetudo noxia censetur, & si quid mutandum in valetudine, sensim a more decedendum sit; tum quòd cutis lana diù tectè, & quasi madentis vascula laxiora, & flaccidiora cùm sint, debiliora ea ratione evaserint, quàm si indusio *linea* materia factò protegerentur. Proinde ut prohibita perspiratio, ex improvisa frigiditate, magis nocet debilibus, quàm robustis; [b] sic externa cutis asperitati *lanæ* assueta, seu quod eodem recidit, aeris injuriis minùs obnoxia, easdem ægerimè fert, & non absque sanitatis discrimine. Quippe ab isto nudoque aeris incursum, dum nulla interjecta mora in obviam, & æstuantem cutem irrumpit, pori cutanei, iisque subjacentia vascula continuò arctantur, constringuntur, & liquida contenta contractionis impetu aliorsum depellunt; vel si retinent, stagnant illa, cumque canaliculis suis concrenent. Utroque de nomine futurum est, ut cohibita imperceptibili *Sanctoriana* perspiratione, liquidorum moles adaugetur in vasis, in loca corporis minùs resistentia irruat, ut encephalon, vel per alia sensibilia machinæ colatoria exitum quærat, vel in sanguivehorum systemate circulans, in *cachecticam*, vel aliam morbosam indolem degeneret. Non ineptè ergo te cùm hisce hominibus geras, si post hujusmodi errorem in vestitu commissum, ad præcavendas humorum *metastases* ad interiora, & avertendas eorundem in cutaneis canaliculis tristes stases, cutem cito perfricari jubeas, ægrum ad ignem succensum se fovere, eidemque strigilem aliquam siccam supersterni: sic dato intùs etiam calido, & aromatico vehiculo juxta superiùs a nobis dicta *Cap. III. §. VII.*

[a] *Aphor. CLI. edition. Gorter.* [b] *Sanctorius ibid. Aorif. CL.*

VII. corpus ad retenti expulsionem tutiùs dispones: Sic enim impendentes a repentina frigidi irruptione noxas feliciùs avertes.

V. *Xilina* vel *lanea* vestimenta, ne corpori, cui semel immediatè adstricta sunt, eidem diutissimè inhereant, sedulo cavendum est. Illud monitum non modò petendum est ab panniculorum contracta illuvie, ut cùm diù corpus intra easdem induvias conclusum jacet; verùm etiam a continua sudatione, cui obnoxii vivunt, qui amictus hosce *laneos*, per annos gestant. Inde enim fit, ut humores calore externo adaucto, & numquam iinterrupto nimis agitentur, magis tunc excandescant, crassescant, citiùsque in malignam transseant qualitatem; vel tenuior liquidorum pars avolet, crassior relinquatur. Unde iidem in corpore produntur effectus, ac si actu calidiora corpori semper applicarentur; quorum origo, copiosior perspirabilis emanatio, & humoris tenuioris inopia habentur. *Alvus* præprimis, & *Renes* inde affici solent. Illa contracta siccitate, hi minorem lotii copiam percolantes. Confer. *supra* Cap. IV. §. III. num. 4. Quod si ut malo obvias, citam hisce hominibus pannorum *laneorum* derelictionem præscribas; efficies, ut humores, qui priùs *lanea* caliditate exagitati, in minimos canaliculos trudebantur, subitaneo superveniente frigore ibidem sistantur; sicque ex illa momentanea repulsione periculosos humorum decubitus advoces. Quamquam enim ea consideratio, proximiùs ad illos pertinere videatur, qui textam lanuginem, corpori suo obvolvunt, vide hìc §. X. & *supra* Cap. III. §. VIII. Valet quoque pro illis, quibus mos est tenuissimis *linenis* subuculis corpus immediatè operientibus, ceteras vestes, ut *Mastracas*, *Dipnetrasque*, & alia id genus indumenta, villosa pelle obsita superinduere. Sunt enim vestes hæ nostrum institutum spectantes, *suprà* Cap. I. §. VII. & eadem planè, quæ diximus, effecta in corpore pariunt, ablatione scilicet causæ refrigerantis. (a) Pergant verò indefinenter

[a] Confer. *Gorter de insensib. transpirat.* Cap. XIII. §. XVIII.

nenter hujusmodi *lanam* induendi consuetudinem tenere, quibus continuò sudare præstat, quàm *febri* ardere. Sola, superflua ingestorum sive cibi, sive potus copia sudationis præsidio, & levamine eget. Quo in censu sunt *Germani*, qui multum tenuis subtilisque, & facile viam per minimos quosque meatus aperientis vini bibunt, quo per cutem sudoris specie percolato, nihil ab eo amplius periculi imminet. (a) Quamobrem jugis amictus *lanei* usus, si ullis, certè his conferre videtur, qui vino, & potui spirituofo quotidie indulgentes, passiones ex ebrietate orituras præcave-
re, vel jam ortas profligare volunt.

VI. Verùm enim verò effugiendum est ab hocce indumenti genere, neque imprudenti præcipitantia Inassuetorum, cutis *lanea veste* velanda est. Indè enim ferendis aeris mutationibus inepta redduntur corpora, quæ *lanam* numquam induerint. At cum ea sit humani corporis conditio, ut perpetuò variè afficiatur, variis assuescendum est, nè lædatur vicissitudinibus: alterius enim naturæ vices gerit consuetudo. Num quid nudatis, facie manibusque, aliquo subsequenti incommodo vivimus? Aeri summè frigido impunè mulieres debiliores pectus collumque etiam rigente hyeme, exponunt. Assuefacta igitur corpora, & quæ *lanei* æstus incommoda experta sunt, præ illis, quæ numquam *lanam* sibi assumpserint, robustiora meritò censentur, quòd pravos indè fortè proficiscentes in corpus effectus facilius superare nata sint. Et sanè ubi primùm vestiarium hocce similesque panniculos internè admovisti, sensus, quidam frigoris per universam cutem obrepit; maximè si tenuiori, & *levidensi lana*, subucula constructa fuerit, quàm longioribus magisque horridis villis compaginata. Vide *suprà* Cap. V. §. V. VI. Indè cutanei pori exhalantes non possunt non constringi, & omnia oscula in minorem sectionem cogi, quàm quidem naturalis est: uti experimentum illud notum est, frigore incautè suscepto, eosdem meatus omninò claudi, ut retentus vapor cutem in *tubercula* elevet. Quamobrem quamprimùm

Inex-

(a) *Cheyne de morb. acut. cap. VII. p. m. 235.*

Inexpertis *lanā* injicitur, ratione stimuli, frigoris sensus accidit, dein *pruritus*, quem inquietudo sequi solet: quæ quidem molesta acrisque sensatio si vividior fuerit, siphunculorum in corporis periphæria degentium spasmodum advocabit, & eorundem a materia effluere solita, retenta, *tubercula* accerset. Inde extrema illa vascula immeabili liquido infarcta, neque emollita, impervia fiunt, & omnium in corpore præstantissimam excretionem interturbant. Ut omittam varia corpusculorum genera, quæ ab *lanea* superficie in vascula cutanea tacite demitti, quæque ab dissimili fabrica coloris atq. morumque diversorum corpori *laneæ* inhærentium origine derivari possunt. Utique postquam cessaverit in cute sensibili agendi illa acrimonia, solida & fluida validius moveri inceperint, tum tubuli liare, & exoticis *laneæ* effluviis sugendis aptiores reddentur; quæ vide supra *Cap. IV. V. VI. passim*; Ubi ergo vel necessitate aliqua morbi, vel tuendæ valetudinis gratiâ corpora præprimis imbecillia *laneæ* gerendæ assuefacere volueris, attende sedulò, ne maturius crassiorem tenuioremve subuculam *laneam* induendam consulas: Difficile enim mutationes ferunt: idipsum in Virginibus cernere est, quæ Deo sempiternam virginitatem voventes, ad quæque *Monasteria* confugiunt. Illis enim, quibus instituti est *lanea* interna convestio, atque delicatula pellis, & tenelli corporis habitus contegenda sunt rudiori aliquo panno, si temerè & inconsideratè id generis amacula amiciantur, vagi per cutem oberrantes horrores ingruunt, accedit *inquietas*, cutis exasperatur, tumet, & aliquando, ut in *Monialium* praxi vidimus, *erisipelate* afficitur, ac exhantematum suppurationem minantium agmen molestum ubique erumpit.

VII. *Laneæ* operimenti usurpatio circumspecta sit in contagii suspitione, quia subesse possunt gravium morborum initia, quibus singulari consilio prospiciendum sit. Dum enim advoluta illa corpori subucula, præcipuè si mollior neque *pæna* sit, allabenti quocumque modo fabo virulento, & contagioso, quo madet, pervia fit, fricatione hinc contexti corporis iterata emollitur, ac corporis, si quod inest, venenum altius imbibit. Quæ singula ceteris paribus frequentius animad-

madverti in indusiis radiori *lana* debent, quàm ex tene-
riori confectis; utpote; quò porosior *lanæ* contextus fuerit,
eò humoris aquei, spirituosive tractioni, retentionique mi-
nus apta censeatur: e contra verò crassiores panni, & qui
fullonum exercitio compacti sunt, quod liquidius est cele-
riùs fugant, diutiùsque adservent. *suprà Cap. V. §. IX. num.*
1. 2. 3. 4. In quacumque autem materia contagiosa, coinci-
nato de corpore emergente aliqua reperitur *seminii* por-
tio, quæ & sensus fugere, & in auras abire consuevit. *Pe-*
stis, Morbillorum, Variolarum, & quorundam morborum
contagiosorum virulentiam non moror, quoniam omnium
consensu solo afflatu inficiunt: *Peste affectus* halitu homi-
nem corrumpit. *Virus morbillosum, variolosumque* volatile
est, aerique miscetur. Legitur tandem de *phtifico* contagio
casus Ancillæ, quæ per contagium hære suæ, cui diù noctu-
que ministraverat, in *phtisim* incidit. [*a*] Confirmatorum
phtisicorum sputa ita sunt contagiosa, ut Medicus illa olfa-
ciens factus inde sit *phtificus ex Pschenchio.* [*b*] De illis,
& similibus contagiis subtilioribus dubium non est. Superest
tamen quæstio, utrum morborum cutaneorum pestilen tia,
ut *Lepræ, Psoræ, Scabiei, Hydrophobiæ &c.* aliquid crassi-
us sit, fixiusque, quàm ut possit solo spiritu inquinare; ego
verò neutiquam vereor hoc asserere, & si *Gorterus* postre-
morum morborum virulentam materiam fixam debere esse,
asseveranter dicat. [*c*] Neque illud volo malignam aded esse
prædictorum *Miasmatum* naturam, ut e longinquo, & quasi
subitaneo impetu homines adoriatur. Sed illud probabilius
mihi videtur: omnium *Petechiarum, ulcerum, ac scabiosa-*
rum affectionum, imò ipsius *celticæ luis* virus activum sub-
tile maximè esse; atque si attactu, vel intima corporum com-
municatione indigere videatur, ut in sanorum corpora tran-
seat, illud ejusdem mirabili, acri, & multiplicativæ indoli
non officit, ut potiùs colligi inde debeat venenum hocce
in

[*a*] *Riverius centur. I. observation. XCIX.* [*b*] *Apud Hof-*
mannum tom. III. §. XVIII. p. m. 287. [*c*] *De insensib. &c.*
in Aphor. Sanctor. 75. 76. 77. p. m. 155.

in aliqua materia solidiori recondi, quàm primùm calore, frictione, vel alio contactu, velut è suis latibulis excitandum. Et quidem nè longiùs in hanc rem excurram, nonnè vulgari observatione constat, vel maximè firma, & constitutione corporis optima præditos, vix umquam in eodem lecto, ubi *Scabiosus* unà decumbit, aut nuper decubuit, impunè dormire; nec ita tantùm, quin & *Scabiosorum* sudaria, aliis in eodem lavacro lotis, ejusdem sæpe affectus contagium impertire? (a) Nonnè immediata animarum, halituumque in *Bastiatione* communione, dicto citiùs concipitur sæva *Lues* venerea? (b) Nōne salutaris in *Epidemicis petechiis* prolektus diù sudor odoris fracidi, & summo cum languore conjunctus demonstrat *Petechiarum* materiam diffabilem esse? (c) Nonnè post animalium venenatorum morsus bonus semper habitus est sudor, qui receptas in sanguinem virosas partes eliminat? (d) Ex quibus omnibus colligitur, veneni cujuscumque actiuosa principia magis, vel minus insensibilia esse; nonnulla *etherea* penè, & medio tantùm aere; aliqua aquea, & volatilia simul, ac ope *Sanctoriani* transpirabilis sudorisve è corpore scaturientia; nonnulla licèt subtilitate polleant, in aliqua tenaci materia ita incarcerari, ut tamen data occasione in nervum erumpant, & medio icore, furfuribus, aliisque id genus è cute stillantibus, vel deciduis, sanorum corporibus communicabilia. Quæ omnia diversi virus corpuscula in *laneis vestimentis* retineri, foveri, majorem energiam acquirere, indeque sanè valentium intra corpora per traducem insinuari posse, nō est quod multis prosequamur. Et profectò.

VIII: Bis vidisse memini, infinitam *pediculorum* inguinalium pullitiam, post indutam subuculam *laneam*, id generis ovulis pregnantem, quæque ab homine animalculis hisce vexato detracta fuerat. Si ergo semina, vel Insectorum ovula, duriora scilicet, & omni tinctili materia longè tenaciora, *hic* §. VII. adedò inter *laneæ* stamina illèsa servari possint,

T

ut

(a) *VWillis oper. postum. section. III. Cap. VI.* (b) *Astruc. De morb. vener. passim.* (c) *Frider. Hofman. Tom. II. Constitution. Hale.* (d) *Haller Tom. III. p. m. 574.*

ut perfectò extus admota, a poris sueta, humoribus nutrita, calore loci lenita, tandem excludant suæ speciei animalcula; quid futurum est, si *lanæa* velamenta corpori intimo contactu approximentur, quæ intra sua spatiola, exitialia semina, & summè virulenta tegant, vel sudoris aliarumque cutanearum ejectionum morbidarum reliquias latentes recondant, vel ichoroso pustularum quarumcumque tabo diffuant? Annè dubitas, integram antea cutem multifariam indè ledi? An non illicò homo inficitur, qui ab eo *lanæ* vitio non adest, nisi villosa substantia, subtili, bibula, permeabili, & fermento morbofo turgida? Ita sanè; præprimis si animadvertamus, inter pilosum tegmen, nudo, & sano subjecto superstratum, ipsamque carnem subditam totamque, præsertim iis, qui vitam sedentariam agentes, squaliori insuper, & pectori assueverunt, aerem coerceri minimè eventilatum purgatumque, qui novo aeris *alkalini* volatilis, quem cutis continuò amandat, accessu magis, magisque corrumpitur: si consideremus ab ejusdem amiculæ *lanæa* superficie ingentem effluviorum copiam comprimi, quæ sudoris transpirationisque vehiculo foras excluderentur, quæque proinde constipata *atmosphæram* alioquin invisibilem, visibilem reddunt, ut in cuniculis subterraneis videre est. (a) Porro quæ perspirant videntur esse particulæ ad summam *Alkalini* volatilis oleosi naturam evectæ, quæ in vivo quidem corpore nasci possunt, & venenatæ interdum sunt naturæ: si contemplemur tandem corruptelas, & recrementa pustularum ex toto corpore salientia, & humorem acrem salsum contagiosum in *lanæa* interstitia evomentium, qui non facilè evaporabilis pertinaciter *lanæis* filis irretitur, quàm primùm data occasione abripiendus: Si inquam hæc omnia attentè rimemur, infectam *lanam* contagio, corporique superindutam, huic eandem labem affusuram esse eruemus.

IX. Cùm inquam prædicta (VIII.) certa sint, facilè liquet, miasmatum quorumcumque defluvia, ubicumque corporis sani loco cuivis externo impingentur, imprimis humorem, tan-

(a) Haller. in Boerhav. *ibid.* p. m. 577. not. D.

tantum eo loci confitum vitare, cum quo affinitatem habent. Si enim penetrantissimo veneno turgeant implicita contagia, illud per coecos etiam cutis meatus ingressum, viam ad usque ipsum sanguinem facile reperit, quem idcirco coinquinet: Quandoquidem per singula corporis puncta continuus ferè aeri facilisque patet ingressus, atque egressus. (a) Ita *pestilentielle virus* vel è longinquo quasi Mortalium corpora afflare solet, ut postea fufius patebit. Si verò *fermenti* componentia in sudoris, exhalantisque humore innidulentur, cognatione quadam cum sudore sanorum, & ipso ad *alkalinam* putrefactivamque indolem prono jungantur; quocum a patulis cutis illius osculis admissa, inque humorum molem tendentia, ea qua diximus ratione, in capite superiori, *Confer. Cap. VI. §. II. III. IV. item cap. VII. passim* vitalium succorum crasim conspurcant. Accedit etiam ex eodem Keilio: (c) Quæ in aere, sub vaporis specie natant aquæ particulae, easdem a cute nostra attractas cum sanguine confundit, & corporis pondus adaugere. Quod si demum panni *lanei*, multiplicis cutis affectus materia sicca, fluente, *furfuracea*, *pustulosa miliari* exedente, altius subvecta intra suos villos graves fuerint; tunc enim verò mucosus, & sebaceus, cutis illibata humor vario malorum generi patebit. Dum enim connubio veneni pustulosi in *lana* relidis inquinatur, majorem inde acrimoniam contrahet, qua summam cutem vellicaturus est; unde pruritus frequens, & *Impetigo* oboritur; vel erosio inde fibrillis cuticulam cum cute alligantibus, laxatam *epidermidem* in vesiculas miliares sero falso plenas inflaturus est, quæ in ulcuscula leviora dehiscet, hinc *scabiosi* generabuntur affectus; vel crescente malo, & depascente altrius cutem ulcerum cohorte, ex siccata undique cuticula squammæ *furfuraceæ*, & multigena deflviorum ramenta excident; vel stagnatione tantum intra canales suos humor ille degenerans, supremam cutem in tubercula elaturus est. *Sudorem* namque, & invisibilem exhalationem, in hac contagii enarrata specie, de industria iccirco omisimus, quod cum humores illi tenuiores

(a) Keil. aphor. 556. ad calc. Gor. de insen. &c. (b) ibid. aphor. 557

iores sint, subtiliores, & nimis aquei, virus indè descriptum, vel memoratos virulentiae loculos nidosque, crassos viscidofque nec imbibere, neque asservare queant.

X. De Hisce §. VII. VIII. IX. jam multa, & fortè plura, quàm a nobis poscere instituti ratio videretur. Jam verò ulteriùs progredientes, opportunè hic eos monemus, quotquot *laneis* tegumentis sese induere solent, ut quàm maximè possint a somno, & quiete sub dio, & nocturno tempore sibi caveant. Persuasum est nobis, homini lanato, & dormienti magis esse noxium per noctem aerem, quàm si eadem veste indutus evigilaret. Hujus autem phenomeni rationes censendæ sunt partim a dormientis corpore, quod somni tempore ad labem concipiendam facilius evadat; partim etiam ab aere externo, qui per noctem, tum intensitate frigoris, tum effluviorum gravitate, & virulentia, magis pestiferus emergat; partim demùm ex ipsa indumenti natura, quod utpote *lanea* mollitie constans, aëria *lue*, & immixtis vaporibus, profundius, copiosiusque saturatur, quàm ubi *ex lino* factum fuerit. Illud enim cum prævia, & diutina Cannabis in aquis maceratione confurgat; è contra *lana* ex aridis, omnique udo orbatis villis ab vestissimo pecude desumatur: Colligitur, quæcumque *lanea* texta sicciora præ aliis magis attrahere recens admotum humidum, vel oblati aqueis succis magis impregnari, quod nempe laxiora interstitia, poros ubique obvios, eosque crebriores, & parte fluidiori ablata magis vacuos possideant, hinc aquosis molleculis faciliior erit ingressus, quæ propria gravitate, atque aeris concurrente pressione, in mollem cedentemque pannorum fabricam majori copia penetrabunt, & incuneatè consistent. „ Nisi Miles, inquit *Portius* „ (a) sub noctem vestimenta deposuerit in loco, qui sit ab „ imbre, a nebulis, vel a rore tutus, aliquando manè ex „ perrectus inveniet illa humore gravia, atque iisdem hac „ ratione uvidis indutus facilè, vel ipsa eadem die, in qua „ id accidet, vel sequenti haud leviter ægrotabit, „ Hac sufficiant, quatenus facultatem spectat, quam habent vellera adplicatum imbibendi humidum.

(a) *Idem* II. Cap. V. p. m. 74.

XI. Ex parte verò ambientis vespertinique aeris crescit ille humidi linctus, & inhalatio, atque in vicinos cuticularès meatus *lana* humida fotos receptio. Quod tam ex aeris adhaerentis pondere, quàm ex multiplicatis humidis noctu exhalationibus deducendum arbitramur. Cùm enim Terraquei orbis aerea Regio, occidente sole, coelesti igne ac luce movente destituatur; cùm vapores emissi, quos solis calor diurnis horis divisit, in motum egit, altiùsque evexit, accedente nocturna quiete condensentur, ac mutuò inter se coeuntes, in terram delabuntur, lentoque tractu per integram noctem distillant: eam ideo ob rem luculentum videtur, antelucanum aerem graviorem, frigidiorē, & irrumpentibus confluentibus undequaque innoxiiis, noxiisque effluviis saturationem esse diurno; proindeque corpori *lanæ*, vel *lanam* induto incubare consequens est, itaut faciliùs, copiosius, efficaciusque per villosam compagem *laneam* in dormientium corpora sese altiùs introcludat, illisque vitium adspergat. Nutrices, & si pingui, & duplici interdum tunica *lanca* convestitæ, & quicumque ad ægrorum lectulos vigilare solent, plerumque hydrope tentantur, & quamplurimi pereunt. Impedita scilicet perspirabilis materia, (a) aliorsum derivata, exilissima cutanea vascula rumpit, & *hydropem* gignit. In calidis Regionibus unica nocte, quæ sub dio dormitur, nascitur dirissimus morbus ex *convulsione*, & *paralysi* compositus: (b) cùm strenuus Annibal, licet non æstivo, sed verno dumtaxat tempore, paludes incoluisset, *nocturno tamen* humore, inquit, Livius (c), palustrique Cœlo gravante caput, & quia, medendi tempus, nec locus erat, altero oculo captus fuit. Hęc attendenti ab aere nocturno frigido, & humente, ac perspirabili materiæ exitum obsepiente, & ad ima usque corporis leniter influente, tantum malorum agmen Infirmis instare comparebit, ut nihil magis corporum tutelæ, aut longævitati obesse videatur.

XII. Fieri autem omnia hæc (XI.) in dormiente, nec
inte-

(a) Cheine §. 3. Cap. III. (b) Bontius apud Haller tom. III. in Boeravv. p. m. 599. (c) Detad. histor. 3. lib. 2.

intecto corpore, nemini dubium est, cum veste omni exutis, somnum capere periculorum adeo sit, ut in dormientibus absque stragulis magis impediatur cutanea excretio, quam in vigilantibus denudatis, (a) & qui in Europa juvenes somnum ceperunt, sibi senibus *dirissimos* rheumatismos, (b) sibi pepererunt. Accedit etiam illud, quod supra monuimus (§. IX.) corpora nostra vapores cujuscunque generis per aerem fluctuantes sive salubres, sive insalubres ad sese alligere, intro roris ad instar guttatim infundere, & per patentes in cute meatus indefinenti haustu abligurire, aut potius in causa esse, ut quodcumque humidum vasculis subcutaneis accedens per hæc porosa, & bibula altius ad ulteriora corporis prorepat; Quod brevissima dictione complexus est Medicorum Coryphæus *Hippocrates* ubi inquit (c) *corpus ab interioribus ad exteriora, & vicissim ab exterioribus ad interiora perspirabile esse*. De hisce enim nullū occurrit dubium. Quod verò Lectorū animum incitare, anxiumque tenere posset, illud est quod in præsentia explicandum est. Contendere enim, & opponere opinionibus nostris possunt difficultatē, quam habet externū aera, quamvis nocturnum & humidum, vestis corpori adjacentis densam compagem pervadendi, ut sese viventi corpori ingerat, esse summam: ad hæc, si intima lintei exteriora corporis cooperientis superficies *pergunt*, aeri externo subducta, est, qui fieri poterit, ut ibi dimittat olidus aer inquinamenta, quibus sordere creditur, eaque usque in vitales latices adsportet unaque abripiat? Quas ego adversariorum timidas voces sequenti rationum vi opprimere constitui. Dicunt ergo, vestium *lanearum* operâ adire intra corpus aera adeò non posse, ut potius septum ibidem lanugine se condat. Sed quid illud, per earumdem vestium villos, anfractus, & septa è corpore exeuns, cum insensibili materia facile prætervolat, ut præterfluere vidimus in nostris experimentis? *supra Cap. IV. §. III. & passim*. Neque illud moremur, aërem tenuitate, ac fluxu aquam superare, adeoque *lanam*, quæ aquæ allabentis cursum adjuvat, neque vetare aeris flu-

(a.) *Sanctor. Aphor. 359.* (b) *Haller in Boerhav. §. cccxxx.* (c) *In epidem l. c.*

xum posse. Non inquam, cum obijci possit, aquam ingredi, ubi aerì impervium iter est, ut in coriis: Sed sumere illud ipsum coriorum uvidorum exemplum liceat, ad demonstrandum ipsa *coria* aquæ commeatui ultrò patere, quod etiam, supra de *lana* firmavimus. *Cap. IV. §. II. numero 3.* 4. Si ergo aquosus latex contextus *lanei* foramina clam sese indat, itaut ex una in alteram pannorum faciem promptissimè secedat; *vide supra Cap. V. §. x. num. 3.* quidni aer indivulsus aquæ comes eandem quoque viam insistat? Præcipuè cum gravitatis pondere aucto, indeque crescente frigoris elastici nifu, in obvia *lanæ* oppositæ filamenta, & interstitia fortius irrumpat, irrumpens in arctius cogatur, & coactum denuoque resiliens, adjuvante villorum *lanam* constituentium elastica vi, *ibid. §. I. II.* altius in corporis penetralia sugatur, influatque.

XIII. *Gossipium* autem, *lanæque*, nè propositi argumenti (XII.) robur declinasse videamur; *gossipium* inquam, & similis quæcumque villosa fabrica venenò, vel quoquo modo impuras, præsertim crassiores molleculas intercipere, atque involvere nata sunt. Per ea enim corpora, quodam velut qualo percolatus quicumque latex exuit perniciales atomos, & inde molli placidoque motu præterit. Non absimili fermè ratione, qua Juncorum, calamorumque vimineo textui allisus, fractusque Amnis limosam materiem affigit ita, quo inde dilapsus, purus nitidusque decurrat. Et quemadmodum abjectum a primis undis fluminis, juncisque aliisque ripam obsidentibus impactum limum, sequentes eodem impetu lymphæ diluunt longequè agunt; & quemadmodum inter ramos, frondes, & truncos densissimi etiam nemoris sive deciderit largus imber, sive fluviis exundaverit, numquam hæret residetque aqua, ut non elabatur, utique, & diffuat, vel quoquo modo sugatur: Ita quid simile par est credere in nocturno aere, *lanæ* vestimento, quo indutum jacentis corpus est, incumbente, qui ubi primùm multiplices halitus in obversam panni superficiem adpersit, perenni dein subsequente guttularum decidentium rore, inquinatas, quas habuit molleculas, isthic nidulari non sinit, sed eluit, solvitque, & ad motum impellit, quò dein placido influxu, tenui & rorifero vapore

ad vicina subcutanea patentia excurrant vascula, atque in advenas liquores penetrent. Neque enim exitiosæ istæ *atomi* è sinu aeris nocturni ejectione intra *Lanea* stamina se occultant tenentque ita, ut coloratæ particulæ, *Cap. v. §. XIII. XIV* quæ prævia artis tinctorum præparatione humido solventi resistere natæ sunt; & quas nihilo secius ab corporis sani effluviis humidis solvi, & dilutas ad cutanea vascula contendere & in eadem prosperare, superioribus locis, *ibid. §. XVI.* posse vidimus.

XIV. Hisce positis, quæ ad faciliorem, & efficaciorē *lanæ* suctionem, necnon aeris nocturni malitiam spectant, *hic §. X. sequent.* ordine prosequemur, quæ in corporis recubantium periphæria ad hujusmodi imbibitionem promovendam conducere possunt. Et quidem nocturna quiete præcipuè si profundo somno obruamur, 1. augetur motus cordis, pulmonum, arteriarum; viscerumque (a) hinc humorum vitalium circulus validior; æquabilior, secretio præsertim ad cutim aucta, reliquis imminutis; (b) Hinc expeditior sanguinis per arterias cutaneas motus, harūque inflatio. Quid enim rubor faciei dormientium est, nisi liber per arterias aditus sanguinis in vasa cutanea? Quid augmentum *Sanctorianæ perspirationis*, quàm mutuus inter solida fluidaque cutanea adritus increscens, vel quod eodem recidit, ebulliens intensusque in corporis ambitu calor? huic considerationi ideo insistere decrevimus, ut *Gortorum* adversus *Præceptorem* suum pugnantem, erroris redarguere jurè possemus, qui disertè pronunciat; (c) „tàm „ interiora, quàm exteriora Vigilantibus magis calere, dormientium verò refrigerari, ob quam rem semper curamus „ *inquit* dormientibus omnes partes tectas esse, quod tam sedulò in Vigilantibus non est curandum. „ Facile enim *Gortero* concederem, vigilanti calere magis ambitum corporis ad *thermometrum*: sed ille calor adscititius est, & totus à musculis voluntariis productus; è converso nocturno tempore,

&

(a) *Boerhav. instit. §. 590. num. 5. 6. 7.* (b) *Idem §. 597. num. 1. 4.* (c) *De insensib. Transp. aphor. ccclvi. p.m. 249*

& dum somnus obrepit, unitur calor influens innato, [a] & sanguis paulò fervidior ducitur suapte natura ad externas corporis partes; adeo ut ipse dormiens motu quodam automatico, stragula lecti tantillo etiam onerosiora, impatiens æstus plerumque dejiciat. Sileat ergo in praxi erroneum, vel ad indagandam hujusmodi veritatem ineptum *thermometri* criterium, ubi ipse sensus de caloris æquabili excessu in dormiente abundè testetur. Quod autem addit *Gorterus*: somno detentum, contegendum esse ne refrigeretur; illud non tam quiescentis refrigerationem innuere videtur, quàm quod, pergente somno, incallescens magis corpus, irrupturi fortè antelucani, & longè diurno frigidioris aeris noxas tantò ægrius sustineat, quantò faciliùs sensibiliùsque, quàm in vigilia, [XII. XIII.] percipit. Tandem subjungit idem, [b] „ Si quis iisdem tegumentis tectus dormiat, quibus indutus est vigilans, & satis munitus ad frigus externum, „ non solùm exteriora refrigerantur, sed & interiora etiam, „ adeoque ut sentiant interiora viscera tremere præ frigore „: Illud inquam causæ nostræ tantum non officit, ut potius eandem magis illustret. Vel enim homo non solet veste indutus somnum capere, & tunc ob mutatam consuetudinem retardatur cutanea exhalatio; hinc frigus, *non consuetæ enim retardant perspirationem*, ipso consentiente, *Gortero*: [c] vel eadem, quæ in vigilia habuerat, cubitum iturus, corporis opera gerit, atque in simili casu, quoniam ob incumbentem vestium molem, vaporis in quo dormientes suspendimur, *atmosphæra* minus occupat spatium, quàm ut calore illo humido influum calorem ad cutem alliciat; fit ut cum balneis promovetur insensibilis halitus, calor extrorsum urgens opprimatur, & imminutio ejusdem, seu frigoris sensus succedat. Tanti est propriæ *atmosphære* in somno tuitio, ut in dormituro milite, linteum aptè extensum circa proprium corpus, atque ea ratione, ut aliquid aeris spatium inter corpus, & operculum intercedat, volue-

U

rit

[a] *Sanctor. ibid. aphor. 352.* [b] *Ibid. p. m. 249.* [c] *Cap. XII. §. XXIII. p. m. 65.*

rit Peritus, hac in re *Judex Portius* [a]; sed de his satis.

2. In balneo velut quodam exiturientis cute continuo vaporis, animalium corpora somno sopita jacent, nimirum in propria *atmosphæra* a stragulis lecti coercita: Quamobrem in somno vascula subcutanea emollita, & maximè meabilia fiunt, quia perspiratio est omnium maxima. *hæc* XIV. num. 1. Id autem non solum de tubulis illis exhalantibus arteriosis, verum etiam inhalantibus venulis intelligendum est, quæ fugendis de foris advenientibus noctû præcipuè aspirationibus aptiores sunt; tum quod ampliata perspiratione, & imminuta liquidorum copiâ, liquida in somno ad venam *Cavam* celerius recurrant; vel si non citius at saltē rarioribus fluctibus perveniant, aliter quàm sensit *Lancisus*: [b] Tum quod propter prægressas diurnas operas, cum fluidis tum solidis, in nobis cursu motuque exercitis, multa extrusa sint corpora, quæ, ubi sanguis ob defectum motus muscularis, & spirituum languorem resederit, subvacuos porulos, & inania cutanea vasa relinquent: Tum quod demum dormientium corpora plantis comparari meritò posse videantur, quæ inhalationem nocturnam celeriore uberioremque adeptæ sunt; [c] nam plus attrahimus dormientes, [d] quàm vigilantes.

3. Liquere ergo debet, perspirantem corporis cum aream suis omnibus canaliculis, dum viget somnus calidiorem quam vigilantibus esse, venulas præterea summè pervias, & humidæ inspirationi aptissimas. Sed illud quoque innotescere debet, somni tempore cutem summo, & exquisito sensu donari, quod perpetuò, & abundantiori exantlato humore noctu irrorentur pulposæ medullæ furculorum nerveorum cutis ab exhalante illo vapore perspirationis. Porro hic idem vapor cutis regionem non flexibilem modò reddit, verum etiam organum tactus exacuit, & sensibilitatem partis adauget. In vigilia autem, quamquam nervi sentiles sint, jugi-

(a) *De milit. sanitat. &c. tom. II. p. m. 73.* (b) *De noctis &c. Cap. XX. §. IV. p. m. 157.* (c) *Hales vegetable staticque l. c.* (d) *Keilius ibid. aphor. 559.*

jugiter tamen contracti, motivè siccescunt ferè: hinc est quod in dormiente, una, vel altera corporis parte denudata non perspiretur; Itaut dormientem exiguum frigus magis lædat, quam vigilantem; (a) contractis scilicet per universum corpus partis spoliatae consensu, reliquis villis, & perspirabile exire prohibentibus.

XV. Mala, imò exitialis censenda itaque est nocturna dormitio, & corporis in illa lathifera *atmosphæra* cunctatio, præsertim si lanuginosa inter lintea involuti cubemus; tum quod ope illius indumenti circumambiens aer, in cutim facilius, & copiosius depluat, cumque illo major quoque effluviorum *suprà* §. xi. i. malignorum vis liquida nostra petat; tum quod patentiores, laxiores, & multò quàm in vigilia sensibiliores cutanei dormientium tubuli *xiv. num. 1. 2. 3.* confertiores influentis aeris vespertini morbosas molleculas altiùs attrahant; tum quod operimenta *lanæ*; prædictæ functioni, præceteris ex quacumque alia materia factis, *si pelles excipias*, mirum in modum faveant; (XII.) sicque inhalata aeris nocumenta proximæ cuti quam facillimè impertiant, iisdemque sanguinem defœdent. Quamobrem monitos vellem, quotquot vigiles noctes traducere necessum est, ne aperto nocturnoque aeri sese incautè committant, hujusque suspiciosam aspirationem excipiant; vel si qua sub dio cubandi necessitas urgeat, inter cetera munimentorum genera, adversus aeris inclementiam inventa, *lanæa* tegmina sedulò vitanda etiam atque etiam intelligant, quæ citiùs, & intimiùs madefacta, ab influo, & perenni inhalationum rore nocturno, morbosam quam conceperunt contagionem, estuantis cutis hiulcis vasculis ultrò ingerunt traduntque.

XVI. Ne corpora, temperamento bilioso, sanguineo fervidiori prædita, *lanam* ad cutem sibi advolvant curandum est. Qua de re consulantur ea, quorum superiori loco meminimus. *Cap. III. §. v. vi.* Non omittendum tamen est, quod crebriori experientia didicimus, ex imprudenti *lanæ* abusu, in corporibus sanguine turgidis, & biliosis succis scatenti-

(a) *Sanctorius section. IV. aphor. 12. 14.*

bus, per universam cutis, cui *lana* adpressa est, superficiē, *peti-
culas*, & varia *exanthemata* oriri; quæ de *erisipelatis* natu-
ra participant; hinc interiorum æstus augetur, molesta cor-
poris jactatio torquet, & vires, aucto malo, nisi in cogni-
tionem hujus rei *nonnaturalis* veniat Medicus, in dies lan-
guent, partes dein *lana* contactas calor præternaturalis ad-
urit, pruritus supervenit, cutis *inflammatio*, & aliquando
dolorifica exulceratio succedunt; quæ omnia refundenda sunt
in abundantiorē sanguinem, ab injecta calidiori & stimu-
lante *lanca* veste, *supra Cap. V. §. vi. num. 2. 3. 4.* nec-
non emissaria cutanea subtilissima, suo tomento obturante,
intestina agitatione fortiter commotum, valde rarefcentem,
vasaque distendentem; hinc stagnationem atque subsisten-
tiam, inde graves suscitantem spasticas *stricturas*, perinde
ac impetuosas ad partes congestiones. Qua de re ex concit-
tato in liquidis jam calentibus æstu, expansæ undē cruoris,
vascula sua nimis inflaturæ sunt, diducturæ, viæque sibi præclusu-
ræ; sed & turgentibus ultra modum sanguiferis, ac *erisipelatosū*
calorē jam præferentibus, exhalantia adsita vascula prementur,
& trāspirationis naturalis cursus reprimetur: Binis ergo hisce de
causis incrementum liquidorū plenitudo, & vasculorum obstructio
ad *phlegmonem* accedens, & quod inde sequitur fluidorum cuta-
neorum mora, acrimoniæ genitrix. Rectè ergo dixit Sanctorius;
(a) *perspirabile retentum ut acre febres, & erisipelata facit*:
Erisipelatis enim humor tenuis est, acer, calidus, icorosus,
cujus proindē ingenium cum biliosis partibus adtenuatis, &
ad insensibilem eruptionem paratis congruit: Hinc Biliosi si
pinguedine, vel *aere externo frigidiorē* inquit Gorterius (b)
prohibeatur perspiratio frequentissimè erisipelate tentantur.
Quod in nostro casu non ideo contingit, quia frigus exter-
num ad *cutem* appellere permittitur: sed contraria prorsus
ratione, quia, vel contractis perspiratoriis tubulis subsistit flui-
dum; vel quia per tunicam calidam poris foraminibusque cu-
taneis ultra modum apertis, serum tenue affatim diffiatur,
unde molleculæ in sanguine minùs dilutæ, crassiores red-
ditæ

(a) *Aphor. 191.* (b) *Ibid. Cap. XII. §. xlviii.*

ditæ sanguinem in concretiones pronum efficient; vel quia tandem majori affrictu, quem asperior panni conditio ciet *supra ibid. num. 4.* vascula rigidiora, & sicciora evaserint.

XVII. Ordo autem postulat, de cautelis aliqua ut in medium adducamus, quæ in Medente requiruntur, quoties affectibus cutaneis mederi *admota lana* debet. Cum enim ex frequenti *lanei* vestitus usu jugis fiat ex corpore difflatio, *supra* III. §. VII. cùmque omnis cutanea ægritudo a præpedita universali evacuatione dependeat; apparere primò quidem aspectu posset, cunctis cutaneis pathematibus, nisi periculum urgeat, nihil præstantius abigendis, *lanâ* applicatâ esse. Sed in re adeo gravi lentè festinandum est. Monendi itaque sunt clinici, ne id generis affectiones, *laneâ* methodo promiscuè tractandos umquam suscipiant, nisi certi sint materiem morbosam jam ad excernendum, delicatulo isthoc auxilio, jam inquam aptam promptamque esse. Quæ quidem dispositio in liquore cutaneo morbofo eliminando necessaria multa includere videtur: 1. enim ut sit verè *perspirabilis* videlicet tenuis, & ultimam corporis elaborationem passa; hæc enim *Sanctoriana* materies non per quævis colatoria excernitur, sed sibi speciale *cutis incerniculum*, per quod eliminetur, nata est; (a) item nostra consulantur *supra* Cap. V. §. 1., & §. xv. num. 4. 2. ut difflationis insensibilis materies fluidior sit, & motui expellenti auscultans. Hoc, quamvis *paradoxum* nonnullis videtur, a Celeberrimo tamen *Gortero* demonstratum supponimus; qui conceptissimis verbis pronuciavit, (b) insensibilem materiem cutis, defectu motus, & actionis corporis, crassiores fieri atque accumulari. Porro concrescit invisibilis vapor, si vis, qua ad mutuam cohesionem nituntur ipsius particulæ, actione canaliculorum non superetur; vel si è contra adaucta vasculorum oscillatione vaporosa effluvia ita cogantur, ut ad intimiorem contactum, tenuissimarum partium inducta jacturâ reducantur: Qui Bini effectus in materia perspirationis si obtinètur, actioni *laneæ mechanicæ* strenuè reluctabuntur. Cum enim id

gene-

(a) *Gorter p. m. 3. §. v.* (b) *Idem ibid. Cap. XII. §. xlvi.*

generis vestimentum, calorem, & siccitatem partium, quibus adheret, intendat, periculum est, ne dimisso tenuiori liquido, residuus concretus cum organo in durissimam massam coeat. Quod si verò concretio liquidioris dissipationem pro causa agnoscat; eadem quoque ratione, & propter indictum inde stimulum amoveri a corporis partibus quàm citissimè hic §. xvi. *lana* debet. Valent autem hic *sudorifica* equidem, & *diaphoretica*, sed quæ humidum adjunctum habent, quò felicior harentis dilutio, ejusdemque evacuatio obtineatur, „ in tumoribus, inquit *Sanctorius*, (a) *perspiratio utilis, si fiat, humidis actu, & potentia, secus in-* „ *Skirrum* loquitur hic de omni concretionum genere, cedunt, „ tenue resolvendo, & crassum relinquendo; Aqua enim materies, quas pervadit, fluxiliores reddit, contentum glandulis cutaneis humorem diluit, adtenuat, & ex ipsis elicit.

3. Ne materia utcumque evaporabilis copiâ propriis in canaliculis exuberet. Id enim vel languidas naturæ vires, vel ceteris paribus occalescentia *syphunculorum* oscula; utrumque autem, *Naturam*, materiam retentam insensibiliter evacuare non posse ostendit. Methodus ergo usurpandæ hîc *lanæ* noceret prorsus, utpote qua major massa liquidorum movenda, calore urgenda, inque vaporẽ resorbenda sit; *major* dico, quàm ut a *Natura* debiliori, se domari patiatur; hinc minùs conquassatur, minùs adteritur, seu quod idem est, *cutaneæ excretioni* minus idonea evadit.

4. Ut *blandior* sit, neque mora, æstu, vel alia accedente mutatione acrior fiat: aliter enim approximans corpori *lana*, quæ fervidiorem parti calorem conciliat, intestinam partium perspirabilium luctam excitaret, inde liquores a priori indole degenerantes aliam, & malignam induerent; unde major contenti perspirabilis *putredo*, longior mora in vasculis quibus asservatur, & periculosior *transpirationis* suppressio futura est.

5. ut *pustulosæ*, & quæcumque cutem corripientes affectiones materiam utique invisibili eliminationi aptam, sed *criticè* eo loci depositam præferant. Plerumque enim accidit, ut hisce tuberculis similia,

(a) *Aphor. C. edition. Gorter.*

lia alia numerosiora interna viscera afficiant; ideoque ab illis benè, vel malè affectis, de totius habitudine (a) iudicium sumant. Quare in *symptomaticis* hisce cutis excretionibus ad *therapejam* laneam confugere, quid aliud esset, quàm in glandulosa subcutanea vascula impetuosiores sanguinis fluctus advocare, ductulos jam infractos unâque sub onere materie pressos vexare acrius, & salubrem antea viribus Naturæ commissum morbosâ materiæ exitum, cum malis agri rebus *accelerare*? Præsertim cum ex *Sanctorio* habemus, (b) perspirationem insensibilem factam in non purgato corpore plus attahere, quàm resolvere.

XVIII. Propterea, ut clariùs, & brevius per exemplarem expediamus: Corpora eorum, quibus cutis maculis variè deturpatur, vel alio modo languet, laneo velamine contegendi abusum, tamquam damnosum in praxi, seriò coercendum esse remur. 1. in cutis *erisipelatosa*, *inflammatoria*, *edematosa* affectione, *Gutta rosacea*, *Zona ignea*, variisque tuberculis a stagnante humore sebaceo mucosoque cutaneo ortis. §. IX. *supra*. 2. In *Phlictenis*, *Psydriacis*, *Epynictidibus*, *Therminto*, *Sudamine*; item in *purpura alba*, & chronica, in cunctis tumoribus cutaneis ad *Skirrum* accedentibus, corii indurationibus, *scrophulis*, ceterisque id genus parvis obstructionibus. Huc referuntur, quæ quod dilutius est expellunt, & crassius in corpore relinquunt, ut sunt tubercula inflammatoria cutis mox memorata in numero præcedenti. 3. In cutis *edemate pellucido apostematibus*, *tuberculis cacheticis cutaneis*; (c) ubi insensibilis eruptio sudore non refarcitur, (d) solet colligi, perque innumera cutis cola dispergi aqueus humor, eadem in tubercula fastigians, similia iis, quæ a suscepto frigore in sanorum cute manifestantur. *vide supra* hîc §. VI. In morbis acutis inflammatoriis, postquam per initia sevierunt, aggeritur occulta perspiratio, & uberior fit, sed satis tenuis manet, ut

sub

(a) *Tozzi in aphor. 15 lib. 11.* (b) *Vide Aphor. cIII.* (c) *Sanctor. ibid. aphor. cxcI.* (d) *Idem ibid. aphor. ccccxI.*

sub sudoris specie sensibili educatur. (a) Huc referes Pueros; quorum occulta exhalatio major est, (b) & cutanea fabrica flaccidior, quàm ut majorem invisibilis humoris aquei copiam emittant; qui proinde, *emphisemate* cutis, & *hydropico* carnis tumore corripì solent. Huc Senes, qui ob tubulorum cutis strigosam temperiem, intacta quoad cetera, humorum massa, *papulis* variè tentantur. 4. In omnibus *pustulosis*, & *pruriginosis* [vide §. xv 11.] varii generis affectibus cutis; ut scabie tum *secca* cum *humida*, *impetigine*, *scabie maligna venerea*, *herpete miliari*, dolorifica cutis exulceratione, *elephantiasi*, & si quod sit cutis vitiũ acri pruritu stipatũ. (c) 5. In *variolis*, & *morbillis*, idque genus morbis, quæ, quæ internas, quæ externas corporis plagas pari laniena excruciant. Hinc homines *variolis* laborantes, ab superdatis lecti stragulis frequentius *petechiis vesiculisque ichorosis* corripuntur, quàm si in paulò frigidiorè aere versarentur. (d) Ad hæc 6. in morbis *acutis*, quæ suppurantem materiem ad corporis habitum ablegant cum signis caloris; in *putridis*, *nigris*, *gangrenoides*, *sphaecelosis pustulis* ab ingente putredine exortis, circa finem *variolarum*, quodcumque de *lana* factum corporis tegmen officit. Hinc in *putridis* hisce cutis efflorescentiis renovatio linteorum, stragulorumque *ad ventilationem* excitandam magni est (e) momẽti. 7. Quoniam experientia certũ est, præternaturali sanguinis motu, sive ob morbum, sive ob anni tempestatem, universa totius corporis vasa sanguifera, tum *organica rarefcentia* nimium distendi, tum celeriori liquidorum impetu fortiùs impeti; unde compressiones, *infarctus*, *hærentiæ*, *phlogoses*, *inflammationes*, &c. intus extusque corporibus impendent. Ex his ideo consequens est, animi corporisque quietem summam temperatum hyberno tempore cubiculum, æstivo verò subfrigidum, puroque aeri pervium, utramque curationis paginam implere; cum è contra

stra-

(a) Gorter *ibid.* Cap. X. §. ix. (b) Sanctör. *ibid.* aphor. civ. (c) Confer. Hofman. Tom. III. Cap. V. p. m. 426. sequent. (d) Gorter Cap. XII. p. m. 71. (e) Sanctör. *ibid.* aphor. cxx.

stragula, ceteraque corporis indumenta, quæ vel pondere graviora, vel lanea mollitie justo calidiora fuerint, nocerent prorsus. Nisi tamen *sudor*, ut inquit *Astrucius* (a) *exituriens efflorescentiaque cutis, & exhantemata contrarium jufferint*; Tunc enim cutaneam emanationem, criticam suppressere minimè tutum esset.

XIX. Quorum dictorum hætenus, nè longior, quam par est, contexatur oratio, sequenti cautela caput præsens claudere visum est. Ea hùc scilicet redit, ne amictu laneo ponderoso corpus nimis obruatur. Si enim simplex licèt tunica, gravior tamen solito sanitati officiat, quantò nocentior corpori futura est, si ex laneæ valde crasso contextu fabrefacta fuerit? etenim 1. corpus assuetum tali vestitus generi, non fert tantam aeris frigiditatem sine damno, quare levissima de causa homo in morbum incidit? Verùm hoc in usu laneæ vestis plerumque accidere vidimus supra, ubi de experimentis ageretur. *Cap. IV. §. III. num. 5. item Cap. V. §. XIX. 2.* Cùm partes tectæ diù, & sub rudiori panno collocatæ, mox denudatæ, multò minus perspirent, quàm si numquàm fuissent fote, sequitur, lanam corpori circūdatam illud magis, quam aliud vestimenti genus disponere, ut deinceps, vel tantillum exutum, retenti halitus noxas incurrat; quod congruere cum illis quæ de dormiente, & lana vestito commentati sumus, hùc §. xiv. num. 2. 3. atque aphorismo *Sanctorii* quadrat, ubi inquit: (b) *Quodvis frigus minimè quidem, quod noctu dormiendo patiemur, impedit perspirationem.* 3. Verùm enim verò ne dum corpus, graviori mole circumstricta, pressaque lanea vestis morbis obnoxium reddit; verùm etiam perspirationi impedimento erit: Quidquid dixerit *Gorterius*, qui in eundem (c) putat, partes magis tectas, magis exhalare, neque limites evacuationis hujusce, à cooperientibus vestibus inductæ intelligere vult: Quandoquidem contextas ab immani stragulorum vestiumque pondere partes, in repulsa *Sanctoriana*, & halituosa humiditate necesse est humescere

(a) *Therrapeut. p. m. 363. num. 7.* (b) *Aphor. ibid. L.*
(c) *Aphor. p. m. 146.*

scere ita, ut cutis secretoria laxata, & collapsa evacuationē istam agrè moliantur. *Vide supra cap. VII. §. VI. & passim.* Deinde crescente stimulo calorifero, pro ratione densitatis *lune*, qua corpus velari supponitur, juxta enarrata a nobis supra; *Cap. ix. §. v.* liquet sanguinem violentiùs, & frequentius inde in sanguifera cutis adigi, & eadem ratione, sudantes perspirantesque exilissimos vicinos ductus comprimere, cum minores, & exiliores sanguineis sint; vel perspirantia vascula, recepto sanguine *errore*, ut ajunt, *loci* expandi, & *phlegmone* tentari; Porro ubi est *phlegmone*, non perspiratur, neque maximus sanguinis ad cutem derivati fervor, sudoris, multo minus spirituosius perspirabilis prolectionē permittit; unde utroque de nomine, *pannos* nimis graves qui adhibent, seu quòd idem est, nimis calidos, adeo non auctam perspirationem cutaneam, ut potiùs minutam habent. Novi Moniales, quæ numquam, hyeme præsertim, paulo crassius *laneum* tegumentum sibi induebant, quin pustulas *miliaries*, *phlegmonodeas* in cute paterentur illico, *Hic §. VI. XIV. XVI. 4.* majori crassitie donati contexti panni si cuti propius affigantur inassuetum vestis genus constituunt; præprimis si exercitiis solitis incumbens, homo majori labori se dedat, vel dormitum iturus, palliis ejusdem constipatæ materiæ corpus suum imprudenter oneraverit. Verùm consuetudo multū hic facit ad perspiratum promovendum, retardandumve. *Hic §. VI. „ Qui milites somnum capturi villosis operimentis se „ obvolvunt, corpusque gravant, si hanc habeant consuetudinē, „ inquit non semel laudatus Portius, (a) & nihil incommodi ex „ hoc accipiant, non malè sibi consulunt. „ 5. Sed esto loca corporis quò magis conteguntur, eò copiosius exhalare, ut vult Gorterus; Quid demum futurum conjectas ex hac perenni, & uberrima corporis transpiratione? Nonne debilitatem virium repentinam, & naturæ labantis ad expirandum impotentiam? Nonne perspirationem *Sauvastianam* longè imminutum iri cernis, quam si aptæ Naturæ suppetere fumo huic evaporando vires? Confer supra *hic §. XVII. 6.* Omitta-*

(a) *Ibid. p. m. 72.*

mittamus tamen hæc, consideremus tantisper coercitam abundantiorē a densiori graviorque *lanæ* accubitu, cujuscumque exhalationis materiem, prout in superioribus exposuimus *Cap. VII. & VIII. passim*; videbimus certè aerem rectè constitutum animalium humoribus multum prodesse, & medicamento loco esse, cùm multiplicis é contra vestitus grave onus excretæ e corporibus, nec ultra utilis materiæ, *atmosphæra* quadam condensatâ nos stipet, salubrisque aeris efficaciam (a) intercipiat. 7. Tandem sola incumbentis *lanæ* tegumenti moles solitò densior, vasculis exhalantibus inhalantibusque eatenus obesse videtur, quatenus compressis inde cuticulæ squammulis, perspirationis ductuum orificia clauduntur, atque retentum perspirabile squammularum commissuras, per quas hiantes exonerantur perspirantes ductus, occupat; Unde parcior, tardior, difficiliorque effluviolum (b) cutaneorum emigratio; sensimque crassis, pinguibusque supra cutis superficiem sordibus ab *lanæ* ramentis emollitis detritisque, necnon a corporis proprii halitus, *supra Cap. II. §. VI. VII. VIII. Idem Cap: VII. passim*, collectis conspurcabitur cutis, & meatus obturabuntur.

XX. Revera multa sunt, quæ sola gravitate physica corpori animato admota nocent, quæ sua qualitate profutura essent, quæque in usu, *Practicorum* requirunt sagacitatem. Ipsa aqua quid præstantius ad duras, imò osseas partes emolliendas, quidve efficacius? Hæc tamen, quamquam calens, membrorum rigiditati medendæ adhibeatur ab omnibus *Clinicis*; gravitate quàm in subjectas partes exercet, mala semper censetur: idipsum nuperrimè observatum est in cutis nova, & inaudita rigiditate, qui morbus anno 1752. *Neapoli* primum apparuit. Dum enim rei novitate allekti *Xenodochii* Excellentissimi Practici, & Candidatorum manus accurrunt; dum increbrescente rarissimi spectaculi famâ turmatim ad invisendam eò loci decumbentem undique confluent, ut tota penè Civitas effundi videretur: Sapientiores,

(a) *Cheyne ibid. Cap. VII. §. VIII.* (b) *Noguez in aphor. Sanctor. 54. Section. 1.*

& præclarissimi Medici stupent, cutem, qua latè pateret, adeo duram, renitentem, & constrictam in scœmina illa evasisse, ut ad instar ligni rigidi induruisse videretur. Sed postquam deferbuit curiositatis æstus, de inveniundo remedio, quo cutis emollita suorum ductuum obstructorum oscula leniret, & suppressam omnino perspirationem restitueret, cogitare coepit *Carolus Curtius*, qui magnorum virorum more candidè fatetur, quod jam in animo erat, adhibitum balneum non tantum sibi prosperè successisse, quin potius affecta cutis multò durior inde evaderet, & pectoris oppressiones, & convulsiones orirentur. (a) Quamobrem factum est, ut egregius ille Medicus aliam curandi methodum instituerit, cujus ope indurata cuti solita flexibilitas atque mollities accederet, absque ullo perceptæ gravitatis damno. Ergo hominis corium durum, atque resistens balneo vaporoso per aliquot dies exposuit, quo tempore serum intus diluens sumebatur, & ægrotanti in cubili calido moranti lenes cutis frictiones ad alliciendum sanguinem instituerentur. (b) Tunc enim verò, & non antea præruptis emissariorum cutis obicibus, apertisque veluti cataractis, re-tenta quæ prius fuit materies prorumpere, eructarique, grandioribus guttis sudor, donec obsequiosiori in dies reddita cute, pristina flexibilitas redierit omnino. Quippini ergo pari quoque modo vestis *lanea* vel ipso balneo præfertur, & sive stimulo, sive calore, sive repulso, & coercito sudore, eadem quæ vapor cute admissus prestat? Atque ratione contrariorum, damnum idem asferre poterit quoties densiori crassiorique materia constans pöderosius cutaneis villis incubit, non absimile illi quod ab aquea Balnei mole derivatum in prædicto morbo fuisse nocumentum vidimus?

XXI. Sanè, quoniam opportunus hic incidit locus, pauca delibemus, quæ ad libri, vel opusculi præcitati (XX.) *analysim*, & *epicrisim* spectant. Quare aberranti fortè parcendum est. Et quidem pauca in eo libello habentur, sed quæ egre-

(a) *Idem discussioni Anatomico pratiche di un raro &c. da Carlo Curzio p. m. LI.* (b) *Idem p. m. 57. 61. 63. 72.*

egregia, & notatu maximè digna censeas alia sunt, quæ de natura corporis reticularis longè diversa, & a cute subjecta, & ab *epidermide*, copiosè, & nitidè evicit *Curtius* contra *Albinum*, & *Boerhaviū*. (a) Quæ de nigredine, mororum edisserit: (b) quæ de mercurio vivo, ore sumpto, & nihilo feciūs, quàm si esset illitus, operationes suas mire exercēte, observationibus practicis persuasus Author addidit ad calcem. (c) At verò hæret in salebra dum in illa extrema cutis rigiditate doloris sensum, quem in subcutaneis puncta nervulis ægra percipiebat, explicandum aggreditur. Quid enim? In *convulsiva* adeo cutis spastica strictura; in omnium ejusdem excretoriorum contractione violenta, eò usque ut nec *Miliares*, neque *sebaceæ glandulæ Morgagni*, (d) neque halantes transpirantesque ductus tantillum homoris subtilissimi unctuosi, humidive dimitterent, quòd cutis humiditatem, obsequium, molliemque tueretur, in tanta inquam cutis ariditate, & cujuscumque humidi penuria, quam pro causa morbi immediata ponit *Curtius*; (e) Quidni etiam cutanei nervuli comprimerentur, & compressi exarescerent prorsus, omni spirituosissimo latice orbati, ut sensationi dolorificæ excitandæ impares fierent? In causa est inquit *Curtius*, (f) eorumdem imperceptibilis exilitas, ab compressionis molestia servans. Sed quid, obsecro, ductulis exhalantibus subtilius in corpora, tenuiusque excogitari inveniri que potest? Adeo ut in spatio unius arenæ granuli pori 150000. prostant. Quid spirituosius anima halituve, vel ex eo quod expiret sponte vitæ de humani corporis quacumque parte? Adeo ut qui fumantis ex pulmonibus agitatæ halitus in massam visui sensibilem cogere tentarunt, omni spe exciderint? (g) Quos autem cunctos invisibiles ductulos obseratos, obseptos, & obrigescentes in eo morbo negare non potuit *Curtius*. Quid si ipsos expirantes canaliculos, nervulos esse dicamus, quibus con-

(a) *Ibid. p. m. xx. sequent.* (b) *Ibid. p. m. xxii.* (c) *Idem ibid. p. m. lxxii. sequent.* (d) *Epistol. anatom. III. num. 3. 4. 5.* (e) *Pag. ibid. xl.* (f) *Ibid. p. m. xxxviii.* (g) *Boerhav. Epistol. ad Ruisch chem. Tom. II. p. m. 123.*

confertissimis donatur cutis; (a) liquidò constabit & *etiologi-*
am morbi corruere, dum vascula quæ obstructa, & indurata
 creduntur, ipsissimi sunt nervi, vel nervi qui patentés adhuc
 censentur, ipsissima sunt vascula liquidum emolliens extillā-
 tia, unde juxta *hypothesim Curtii*, vel sensus perire in in-
 firma cute debuerat, vel pergere halituosus humor ex ipsa
 cute efferri, eamque humectare; Quod neutrum tamen in
 illa inquisitione admittitur. Accedit, cutem in eo casu, quā-
 vis ad summum duritiei gradum rigentem, non omni vita
 fuisse privatam. Non *circulationis*; aliter numquam revivi-
 sceret ejusdem flexibilitas, quæ tota canaliculorum mobilita-
 ti debetur: non *vita sensus*, quandoquidem ille vigebat.
 Restat ergo, ut servato aliquali humorum cutaneorum itu
 redituque, aliqualem etiam mollitiei, & flexibilitatis um-
 bram retineret; seu quod idem est tantillum perspirationis
Sanctorianæ, quo humesceret corpus, foras extruderet. Non
 ergo omnimoda fuit omnium tubulorum vitalium, quæ ini-
 bi sunt obturatio, atque contractio. Demum papillæ nerveæ,
 tactus organum, ex nervorum ramusculis in spiras convolu-
 tis, atque tricas implicitis inextricabiles, cum sint compa-
 ginatæ, facilius a causa constringente comprimerentur, &
 subtilissimo elabente humido destitutæ promptius exaresce-
 rent, quàm exquisitissimæ perspirantes fistulæ, quæ recta ab
 ultimis arteriolarum extremis proveniunt, absque ulla omni-
 no (b) fabricæ glandulosæ ambage interposita aut remorā-
 te.

XXII. Tutius nonne erit in descripto morbo (XX.) liqui-
 dorum crasim everfam meritò culpæ, quàm solidorum cutē
 contextentium insuperabilem contracturam arguere? Probabi-
 le enim videtur, & effatum, miliari de glandularum gene-
 re laticem, & egressum adiposum pinguemque *sebaceis* aci-
 nis humorem, & evaporatum extremis arteriarum, perspira-
 tionis halitum adeo difficili aliqua mechanica intra vascula
 sua herere, & coire potuisse, ut corneam consistentiam adi-
 pisceretur. Quod ne pluribus, quàm par est verbis prosequa-
 mur,

(a) *Gorter Cap. III. ibid. §. VI. p. m. II.* (b) *Boerhav. ibid*

mur; ob oculos sequentia ponere juvat. Ipse vapor cutaneus tacitè in sanitate, manans in subitaneo frigore, herentia capax est, ut aliquando crassescat penitus; (a) Humor narium pellucidissimus, limpidissimus in *tophos* interdum concrevit; & humor sebaceus glandularum subcutanearum vi morbi in spissitudinem cogitur plerumque varia tubera efformans: (b) mucosus tandem corporis reticularis *Malpighiani* liquor in concretionem pronissimus est, teste humore ex periosteo exudante, eoque mucilaginoso, qui callum in fracturis egregiè coactus promovet. (c) Nonne dein, ut ossa emollescere possunt, vitio alluentis liquidi, ut in *Rachitide* (d) & in *lue gallica*; (e) sic carnes molles, & ductilis naturâ cutis, strictius constipata, obdurescere summe possunt? Exempla, prostant frequentissima, ut supervacaneum sit eadem referre. Atque quidem indicat prænarrati mali historia, vitiatum fuisse fluidum, finitimam cutem, ex multiplici fonticulorum emittentium sobole humectaturum scaturiens: Quippe non subito, & in universam cutem debaccata est rigiditas, sed a jugulo incipiens, sese ad alias partes extendebat. (f) Non dispari ratione, qua Nigredinis propagationem, ac in vicina loca progressû, ipsemet *Author* in Ethiope nato explicat: incipit enim, inquit, (g) color ater ab extremitate preputii in universam cutim diffundi: neque ab simili modo, quo *Ossificatio* in cranio oriri, progredique consuevit, ut ab uno puncto, velut centro, ad confines in periphèria partes irradiet. In hisce enim omnibus phenomenis, liquidi condensati, non solidi verò constricti culpa esse videtur; cujus postremi ea proprietas inesse videtur, ut tacto convulso puncto, constricto, vel quomodolibet in una sua extremitate affecto continuò, & nulla interjecta morâ, in altero extremo eandem affectionem concipiat. Non ergo mirum, si in raro hujusmodi

(a) *Gorter supra XVII.* (b) *Boerhav. ibid. p. m. 126. 130.* (c) *Memoires &c. année 1742. p. m. 130.* (d) *Petit maladies des os Tom. II. p. m. 419.* (e) *Astruc. de morb. vener. Tom. I. lib. iv. Cap. 111. §. v.* (f) *Idem Curtius ibid. p. m. IX.* (g) *Ibid. p. m. XXIII. in nota.*

di morbo, de quo loquimur, liquidum colli cutaneum, *corp-
neum*, ut ita dicam, factum esse aliquo vitio auguremur, il-
ludque per continuitatem columnularum fluidi, longe late-
que, ut factum est irrepsisse. Sed hæ meræ conjecturæ sint,
neque hisce adharere lectorem jubeo: sua cuique sententia
maneant.

XXIII. Verba, quæ excidere in numeris præcedentibus
(xxi. xxii.) de morbi raritate, suspicionem non levem mi-
hi afferunt de incognita, & incomperta hætenus ut credi-
tur ibi illius morbi vi. Persuasum enim ipsi est, *nihil sub
sole*, ut ajunt, *novum esse*; vix quidquam dici, quod non di-
ctum prius; quæ modò sunt fuisse pridem, ac futura postmo-
dum esse. Et profectò, multa, ne dicam omnia, in Antiquo-
rum Medicorum libris observata prostant, quorum pleraque
a Recentioribus neglecta prætermittuntur, vel si legantur,
& animadvertantur, pro novis, Imperitis obtrudi solent,
quod negant esse ingenui Medici, & Probi Viri. Dum enim
cernunt occupata majoribus magnam partem ingenii spatia,
rarumque jam superesse, qua usquequaque glorientur inven-
tioni locum, & uberrimam inauditorum morborum segetem
in vetustissimis artis Medicæ codicibus extare; *Philautia*,
vel scribendi *cacoethe* incitati, pro inventis, pro invisibilibus ven-
ditant, typisque excudendos cutant, quos candida, in anti-
quorum libris fide exaratos legerant morbos, suppresso In-
ventoris nomine. Sed ne longius ab instituto nostro abripi-
ar: Nonne *Elephantibus* cutis durissima, & callosa cernitur?
(a) Nonne cutis asperitas, & ossea quasi consistentia, ita *le-
pra* affectis communis est, ut illius morbi non univocum, sed
equivocum signum esse videatur, scilicet (b) ut ceteris e-
tiam cutis affectibus communis sese aliquando videndam ex-
hibeat? Sed quid ego vel a recondita vetustate morbos no-
tos observatosque mendicem, ad oppugnandam futilem de
novitate hujus *Neapolitani* morbi credulitatem. Vivit adhuc
Melitæ, & eadem cutis rigiditate affecta vivit, habitioris
tem-

[a] Haller in Boerhav. §. cccxxxxii. p. m. 610. [b] Con-
fer Astruc. de morb. vener. Tom. I. p. m. 8. 26.

rēperamenti mulier, iisdemque symptomatibus, quæ in *Curtii* æ-
 grotante observata jam fuisse didicimus: Nisi quod prædicta
 contractura, & inflexibilitas non universū corporis habitū occu-
 pet, sed a vola dexteræ manus incipiens, per *aponeuroseos* mu-
 sculi *Bicipitis* latā fasciā processit, extenditque se ad usque *A-*
cromion, quo in loco subsistere visa est, subsistitque adhuc cū do-
 loris, ubi acu laceratur, sensu. Cujus spectaculi novitatē, meden-
 tium Melitensium scribere nemo, ac posteritati tradere, aggressus
 est, morbiq̃ue rarissimi historiam grandi verborum ambitu
 jactare. Ita enim naturā facti cōparatique sumus, ut quæ aliquan-
 do in propatulo dicta, vel gesta, vel observata vidimus,
 quā citissimē in vulgus edi spargique curemus, quæque au-
 dientes mirabamur, eadem legentes videamus. Quod præ-
 primis in illis Xenodochiis usuvenit, quæ ob urbium cele-
 britatem, confertissimis Decumbentium agminibus stipantur,
 & Præsidum verē Christianorum charitate reguntur; si quid
 Medentibus, non dicam novi, sed minus frequentis, sæcun-
 dæ Praxeos Fortuna objecerit, quod a præsentē tunc Guber-
 natorum corona animadversum sit, & secunda adstantium
 murmuratione exceptum; tunc enim verò arrepta occasione,
 rei novitatem causantur, spectaculum numquam visum, dignum
 ut typis prodeat, ad futuram Nepotum memoriā clamitant: eo
 finē ut quos Illustres Præcones feliciter sortita jam sit novita-
 tis sigillo munita observatio, Patronos constanter habeat impo-
 sterum; & quæ sive in agris, sive in cadaveribus fortē semel oc-
 currere observanda, Populi admirationem mereantur. Non sic
 autem in privata Praxi medica cōtingit. Sanctē enim asseverare
 possum, Excellentissimorū Practicorum ipsi notorum fide, quā-
 plura a privatis Medicis privatis in ædibus deprehendi, cæro
 sanē digna; sed quæ vel præconceptā nonnullorum modēstia, in-
 ter Adversaria sepulta jaceāt; vel insita timiditate, agrē profe-
 rantur in lucem; vel *Mecenatū* defectu in Medicorū umbraculis
 sepeliantur; vel rei domesticæ angustia impressionem jam ab-
 soluta desiderent: Quæquæ si in lucē emitterentur, de hisce tam
 multis, tam variis præclaris, & perutilibus inventis, authoribus
 merito cōgratulatione esset ætas sera. Durū profectō Ingenuo-
 rum, & privatorum Medicorum fatum. Sed de his hætenus.



CAPUT X. DE SINGULARIBUS PARTIUM

Corporis Noxii ex Lanei Tegumenti Abusu.

I.



Illic *laneisve*, vel consimili materia extructis habitibus, circumcincta nuda Animalium corpora multis cutaneis affectionibus, opportuna fieri in præcedenti capite vidimus, & pro virili demonstravimus: nunc autem dicere incipiamus damna, quæ speciatim ex partes

experiri in corpore vivente solent, quibus interdum temerè, & inconsideratè *lana* intimo contactu admovetur. Sunt enim ea multa, & pro partium corporis diversitate varia, quæque penitiorem disquisitionem mereri videntur. Quamobrem, & nos e capite exorssi, quid huic, *laneo* pileo, vel tegmine imprudenter tecto, mali supervenire soleat, in limine hujusce capitis indigitabimus; singillatim dein ad ceteras inferioris corporis partes descendentes, istarum morbosas dispositiones enarraturi, quatenus ad argumentum nostrum spectaverint. Itaque mirari subit, apud delicatissimos quosque, præprimis inter Feminas, sensibiliiori temperamento præditas, usu receptum esse, quamprimùm sibi dolere caput sentiunt, *Nostrates Fluxionem vocant* continuò, *laneo* tegmine, vel pileo similiter constructo noctis tempore partem involvere, & præmissis ad faciem aromatico, vel alio suffumigio

miglio pannis sese obruere, quo in lecto repositum corpus, *inquiunt*, retardatæ transpirationis delictum, prorumpente sudore, avertat. Sed malè; inde enim *cephalicus* dolor crescere observatur, vel aliud pejus malum acceritur. Cum autem *cephalicum* dolorem dico, non illum quidem dico, quem sanguis modò æstuans, interdum vermis, aliquando *lapillus, polypus, abscessus, excrecentia ossea meningum*, licèt rariùs, causentur. Mihi quidem pro instituti ratione missis reliquis, sola jam considerabitur illa species *cephalalgia*, quæ gravanti pituitæ, vel acrimonia sua rodenti sero, atque in summa, vel substrata capitis cute appulso stagnantive debetur. Certè in *Pericranio* frequentiore doloris istius sedem reponimus, quod inter alia, idonea ad leniendum gravem dolorem externè applicata remedia clarè demonstrant. Neque tamè excludenda est ipsa, quæ caput tegit pellis, præsertim interior ejusdem pars vicina *pericranio*, neque cavitates ossium cranii, seu sinus undique cingens membranosum velum a tunica *scheneideriana* propagatum: his namque consideratis, facilè encephalon capax dolorum esse scitur. Sed jam a prædicta causa lymphatica dolere illud ponamus, quæ tantum copia sua inflationem, & distensionem dolorificam inducat. Quoniam igitur materia illa catharralis, crassa, lenta, & viscida tardi motus est, & cerebrum motus minimi est; (a) liquet eandem angustissima viarum externarum capitis intrare nesciam, intra easdem angustias hære, & cum lanuginis calidioris præmentisque potentiâ major fiat ad partes læsas *Pericranii* humorum proventus; laticem illum tardum, & crassum, magis congestum iri, transpirari incapax: Hinc ipsa quoque salubris perspiratio capitis cohibetur, corpus nedum iners, & debile sentitur, sed de quodam frigoris in capite sensu conqueruntur, quantumvis illud lanoso pallio undique probè operiant. Id ipsum continget, si humor ille crudus, *catharrum* gignens, aqueus fuerit, & propter suorum canalium flacciditatem exire impotens; tunc enim verò, non lenissimo, & exilissimo protrusionis

sionis motu, sed præpotenti tubulorum oscillatione egebit, quæ a superstante *Lana* expectanda non est, sub qua comprehensum transpirabile capitis, & denuo in proprios canales delapsum, eos *vide supra Cap. VII.* potius humectat labefactatque, quàm ad cutaneam evacuationem proritet. Quod si, ut aliquando accidit, *catharrus* tenuis fuerit, celer, solutus calidus, cujusmodi sunt humores, quos subtiles, ac tenues dicimus, suis partibus minimè coherentes, & subito diffuentes acres, mordaces; in eo casu capsæ cerebri superstrata epidermis ab horum decubitu magis vellicabitur; & si materia impacta motu corporis nimis exagitetur, sive frictionibus, calore, vel alio incitante in meatus huc minimos detrudatur, fortius hærebit, & obstructions quandoque irresolubiles generabit: Si verò acrimonia magis prædominetur; a prædictis adminiculis magis intra sua vascula, morbosa stagnans materies efferatur, & fluxiones partiumque externarum capitis exulcerationes producet. Porro ubi calvaria lanoso operculo probè munitur, in hisce *catharrois* externisque defluxionibus, in quibus cutis tacta dolet, cum crinium avulsione molesta, nihil aliud efficitur, quàm immeabilis ibidem acrisque materiæ motus intestinus, summus, ingens æstus, molestas que adeo fermentantis liquidæ lucta, ut ex vestis *laneæ* effectû cognito, dolor cephalicus adaugeatur, crescat tubulorum vellicatio: inde quando nimium ebulliens, variisque de causis in motum concitatio-rem, fluxionis rapta materies, & sub cutem calvariæ stabulans, dolori illi originem præbet, neutiquam exuberanti calore externæ quacumque ratione conciliato utendum est, qualem conciliat *Lana*; Sed potius Incrassantia, & refrigerantia locum inveniunt. Nam ut resolutio crassioris, sic Incrassatio tenuioris, & acris cujuscumque subactio, & moderatio motus humorum, & restitutio solidorum toni, ad concoctionem excretionis *Sanctorianæ* requiruntur, sine quibus *Supra Cap. IX §. xviii. passim* nulla salubris perspiratio haberi potest.

II. At verò, quod notari velim, pessimum est, caput quacumque ratione tectum morari, dum continua febre decumbunt,

bunt. Demonstratum est enim alibi, [a] in illa febre, capitis tam externa, quam interna magis incallescere, magisque liquidorum impulsorum incurfioni patere, quam reliqua corporis loca. Id quod paucis comprehensus est *Bellinus*, dum cerebrum *motus* minimi statuit. [b] Hinc est, quod in omni febre *Cephalea* ante omnia proludere soleat. Si ergo calidus, & æstuans aer, incallescens liquidorum motus febrilis, & propter *lanam* corpori admotam in maiorem organum incitatus, caput præprimis impetit, & irritat, quanto facilius cerebrum ab eadem causa afficietur, si pannis, vel alia pilosiori vitta deligatum fuerit? Quanto infirmius ceteris partibus, mollius illud viscus, deviam, & quacumque, ratione peccantem materiem expellet? Quia verò morbosus ille humor tribus modis hanc corporis humani arcem invadere potest; totidem etiam futuræ sunt noxæ, quas *lanæum* istud velamen, vel simile in *continua* tegmen adhibitum relictumve inducere capiti valet. Dixi *adhibitum*, vel *relictum*: Quamvis enim molestum talem caloris externi gradum cavere student homines, quantum possunt semper ingrato sensu moniti; itaut *continua febre* detenti, omne stragulorum incumbentium onus excutiant: Nihilo tamen secius, imprudenti quandoque medico parentes vel præiudiciis obcæcati, vel aliqua quacumque necessitate, supinave negligentia ducti, hæc pati damna coguntur. Dum enim cuius curæ committitur æger, in illa opinione versatur Medicus, omnes febres tutissimè, & citissimè sanari posse per *diaphoresim*; tunc enim verò in calidissimo ambiente decumbentem retinet, stragulis contegit, multis imò obruit, quò nempe fota corporis superficies, adventitio hocce colore, sudoribus emittendis fiat aptior. Est ubi, insonte Medico, cum *Religiosis* nimis hominibus agendum est, qui *lana* sese amiciendi irrevocabili voto tenentur, & quibus summa Religio est, quo minùs etiam in agone mortis *lanam* deserant: hinc

[a] Vide traductionem nostram de venæ sectione multiplici, authore Sylva Tom. I. Chapitre chap. IX. p. 154. [b] Ibid. p. m. 382.

ſce enim, rei de qua loquimur, ſcrupulum eximere nihil aliud eſſet, quàm ut ex parcemia loquar, de *pumice aquam petere*; manent ſiquidem eadem induti tunica, & eodem capitiſ *lanceo* conveſtiti. Ad extremum in eos homines incidere poteſt Medicus, ut meipſum non ſemel incurriſſe memini, qui parùm cuticulam curant, ſtudentque ſui corporis tutelę, vel quibus res eſt anguſta domi, atque adeo ubi febris illos corripit, in iſdem veſtibus jacent immobiles, maxime verò ſi de genere Ruſticorum fuerint, quibus *duro membra fracta labore*. Quippe vexati continua febre componuntur equidem lecto, ſed laſi, ſed cum incondita, & impexorum crinium mole horridi; ſed cum conſueto capitiſ amiculo ex ſuccida plerumque, at ſemper craſſiſſima de *lana* conſecto: Fruſtra hoſce homines increpes, & chriſtianè admoneas, obſoletas ut ſuas lacinias, & aſperioris *laneę* gravamen abjiciant; *ſurdo enim loqueris*.

III. Biennium hoc eſt, (1751) ex quo tempore ad inviſendum Barbatum, & Buſteum agricolam accitus fui. Hominẽ continua febre, & tantum non *ardenti* afflicto inveni, cū diriſſimo capitiſ dolore, & ſiti ingenti ſtipata. *Venam* primò cubiti, dein ſaphenam ſecui, edueto ſanguine, ea quę vires ſuſtineret, non frangeret copiã. Cùm autem viderem, ægrotantem in pejus ruere, nec hilum *phlebotomiam*, neque clyſteres, neque cetera conſueta auxilia medica profeciſſe, dubius hæſi, an inter externa homini applicata aliquid eſſet, quod *cephalicum* dolorem foveret, & imminentem *phrenitidem* præmonſtraret. Quandoquidem perpendens in tali *ſene* vehementiam, & frequentiam pulſus, continuas ejuſdẽ vigiliã, vultum tumidum, & inflatum, oculos truces protuberantes, *albugineam* rubore perfuſam, injuſſas emanantes lacrymas, *cephalalgiam* immanem, & æſtu ingenti ſtipatam, pulſationem frequentem arteriarum capitiſ, ſuſurrum auriũ probè cognovi impendentem Ruſtico noſtro *phrenitidem*, quę ut ab Inſolatione natales tacite traxerat; Sic ab obſecto nimis capite ſuppetias ferebat. Præter enim prolixorum, & denſe conſpirantium crinium rudem comam, pileum agricolarum more, craſſiſſimis ſtaminibus *lanceis* coactum capiti

piti impositum habebat. Jussi ergo, ægri caput radi, & amictum *laneum* abjici. Quod salutiferum auxilium cum neglectum fuisse comperissem, & sequenti die, qua accedebam, turbari jam inciperet mens, & inordinata quæque proferre, iterum omni ope atque opera laboravi, illicò me præsentem capillorum detonsio perficeretur, & gravante *lanæ* sarcinâ liberaretur Infirmus; citam interea comminatus adstantibus mortem, si qua fortè eorum socordia præscriptum, & indicatum remedium omitteretur. Ergo nudatur caput, & ejecto illo rudi operculo, tonsori committitur æger; hinc resecti capilli, & sordidis exuviis liberata calvaria, aerique exposita, præsentaneum levamen ita attulere, ut apertis oculis, & cohibito lacrymarum effluxu, & mitigato capitis dolore ad sensum resideret ferocia pulsus, ægerque pro tanto refrigerio, adque se rediens, mihi gratularetur: Donec sedato *febrili pepasmo* in sanitatem redierit: quo quidem loco, non prætemittenda est prava illorum consuetudo, imprimis, qui infimo loco nati, fictile ex ovinis aut hædinis promissis contortivæ crinibus capillamentum usurpant, ad capitis tuitionem: constitit antea *Cap. III. §. V.* non promiscuum esse debere *lanæ* vellerisque usum, sed Temperamentorū diversitati aptandum: hinc non mirandum, si adhibitum hocce *capidium*, squalore suo, veprecularum capillarium confictum suffocante calore, suberranti calvariæ liquido moram injiciat, in rareficientiam cieat, & vellicatis ultimis exhalantiam finibus, justam cerebroscæ transpirationis molem coerceat; ex quibus subjecto nobili visceri quot & quanta mala accedere possint, nemo est qui non intelligat.

IV. Calor, & aeris fervor frequentissima *februm* causa est, ut quotidianis experimentis constat; undè optimo jure inter morbos æstivos febres continuas ardentes recensuit *Hypocrates*. [a] Sed imprimis patet, calidum quid esse phrenitidem, & calidiorum usu nasci plerumque. [b] Sic insolatio toties lethalem *phlenitidem* fecit, quam imminentem in nostra observatione (III.) prædixi ex signis antecedentibus, qua-

[a] *Aphor. 21. section. III.* [b] *Bellinus de morb. Cap. p. m. 304.*

lia a *præcticis* describuntur. [a] Ex quibus elicitur, causam proximam *phrenitidis* veræ esse inflammationem veram *pia*, & *duræ matris* à sanguine calidiori, & difficulter moto intra sua vascula. Sed insuper notandum est, non oportere ut inflammatio primò cerebri vascula interna adoriatur; sed sufficere, ut in externis, & maximè sensibilibus *cranii* integumentis incipiat adolere malum. Sive enim major quantitas, & impetus cruoris vascula externa capitis alluentis, ut in *spasmo* partium infernarum videre est; sive concitatissimus, & astuosissimus tunicarum capitis externarum sanguis, ut in *insolatione* accidit; sive tandem raptus materiæ *phlogisticæ*, & *pustulosæ* in encephali externi loca, ut in *Boa*, & variolis sursum adscendentibus contingit, supponatur; *phrenitis* semper oriri poterit. Quoties enim vascula, externis capitis integumentis prospicientia, immeabili, & congesto cruore premuntur; vel eodem nimium rarefacto diducuntur; vel ab acri impetente materia vellicantur; toties *inflammatio* locum habebit: Quæ & si extimas *cranii* tabulas occupaverit, liberum tamen sanguinis transitum per canales externos impedit: adeoque sanguis per *carotides* externas pulsus minori copia per illarum propagines oclusas labetur, & majori, per internas, harumque ramos in *piam duramque meningem* desinentes distribuetur; & quidem eo copiosius, quò difficilior fuerit per ultimos encephali canales externos humorum progressus. Cum ergo ea ratione motus liquorum, cerebri interiora perreptantium longè reddatur velocior, omniaque signa docuerint, sanguinem abundantiorem, & celeriores ad *meninges internas* ferri; facile patet, si *febris acuta* hominemprehendit, *phrenitidis* periculum instare. Vitanda ergo sunt ea, quæ majorē in regionē calvæ externā appulsus promoverent, vel humorum incalescentiæ favere, vel stimulos adaugere quoquo modo poterunt. Huc spectat impolita, rudisque Nonnullorum Chirurgorum Praxis qui *ophthalmiam* curaturi, *gossipii* massam in glomerem laxè convolutam sumunt, eam affecto oculo latè circumdant, dies noctesque ibi detinent,

ne

[a] Vide Boerhav. aphor. 772,

ne forté si qua frigidioris ambientisque aeris noxa oculum incurrat. Non semel enim ab hujusmodi imprudenti *therrapeja* meminimus, *adnatæ tunice* levem phlogosim in profundiorém inflammationem abiisse, infirmos caloris fervorisque impatientes, infectam gossipii sarcinam excussisse, & calentem oculum nudo aeri obicientes, pejorem priori morbum sibi adscivisse. Exulet igitur isthac medendi methodus, nec eam facitent, qui melius edocti, rectius etiam aliis sapere gestiunt Chirurgi, quorû non secus ac medentium unica curâ sit, morbo, ut citò, tutò, jucundè quantum possint medeantur. Quid enim? An istam improbam, curandi rationem *jucundam* censes, quæ multis ægrotantium periculis sociata, incommodis incommoda addit? An *tutam*, quæ potius sanguinem concitando, hunc in minima oculi vascula impensius urgeat atque incuneet? An tandem *citam*, quæ potius malum procrastinet, ne dicam adaugendo, & exasperando incurabilem reddat?

V. Damna autem, & Infortunia hujusmodi *hæc* §. iv. meritò affert *lana* suffocans, quæ cùm capillitio naturâ denso capiti obvoluta, in fene illo, de quo supra (III.) *phrenitidis* discrimen induxit. & 1. quidem intenso, quem in capite, continua febre laborantis, excitat calore humido, cutaneos cranii tubulos relaxat, & urgendo ampliores reddit, copiosiori huc allecto cruori recipiendo pares. Ad hæc crassissimæ corticis capitis, & oleo exundantes fordes, expirantium vasculorum oscula claudunt, & non retinenda coercent. Deinde ipsi promissi pili, dum caput obvestiunt, non adeo citè exhalare faciunt perspirabile, quàm si hoc per breviores, & rescissos capillos evaporari debuisset. Unde triplici illo de nomine *capitis evaporatio* prohibetur; atque dum constipata insensibilia foramina liquorem non evomunt, & interim novum perpetuò ab arteriis accipiunt, copiam liquidorum capitis immaniter turgere consequens est. Si ergo per aliquot dies ita *lana* instructum caput servetur, causam *phrenitidis* certò certius adaugebit, copiosiorém sanguinis influxum ad ea loca proritando, seu quod idem est, inflammationem creando; crassioribus nempe humoribus ingressis, nimis dilatata oscula minimorum vasculorum, neque

adeo potentibus per ultimas horum angustias transire. 2. Finge æstuoso, calentique sanguini *phrenitidem* ortum debere, qui ea ut diximus ratione [IV.] in vasculis pericranii tumultuans, statim in cerebri interioribus inflammatoriam, producit; in illo casu *lana* caput obvestire, contestumque cranium jam capillitio grave ita sinere quid aliud esset, quàm magno ægrorum damno ignes ignibus addere, & insigniter exacerbare *febris* impetum? Sed & furfures, externis capitis tegumentis incumbentes, cùm pingue nimis redoleant, totidem siphunculorum cutaneorum obturacula, sunt, & ad instar omnium oleosorum, & pinguium cuti adherentium perspirationem minuunt, quæ hoc in casu liberri-
ma requiritur. Porro perspirans halitus quid summè calidum est; eo ergo intra glandularum illarum contextum silente, sanguinem magis calere consequens est. Patet dein satis, dum caput immodicè protegimus, accedente capillorum onere, ægrotantium eam partem in calidissima *atmosphæra* versari; adeoque accessum aeris frigidiusculi impediri, & calorem æstantem augeri debere. 3. Estó materia ichorosa, vel *exhantematica* furentis morbi nixu in caput externum regurgitet, quæ in pustulas saniosas sese conformet; neque tunc quidquam boni ex capite *lana* velato expectandum est, quin sæpè inde multis idem de causis periclitari soleat: tum quòd liquidissima sanguinis variolosi diffantur, & augetur sanguinis spissitudo, comite acrimonia, quæ pejorem inflammationem ciere poterit; tum quòd illa intempestiva metastasi, si egri caput, jam ab æstu fervens, non solum lecto coerceatur, sed & stragulata sic tegatur calvaria, aer arcebitur undique, calor intendetur, & seminii *pustulosi* acrimonia exaltabitur; tum quòd dum magna cura adhibetur, ne novus aer ingredi possit poros cranii, quos in statu naturali pervadere demonstravit *Lancisus*; [a] comprehensa aeris *atmosphæra*, inter laneum pileolum, & capillitium summè depravatur, & ingens febrili calore capiti æstanti nocumentum affert; præprimis si animadvertamus, in morbis ex-

hante-

[a] *Lib. Cap.*

bantematicis, quod de corpore pustulis obfesso exit, sepè adeo infestum esse, ut adstantes malè afficiat; tum quòd cuticulæ cranii naturalis pœdor libere exhalationi non tantum obstat, ut potiùs sua oleosa viscositate rodentē, & *causticum* de pustulis emanantem *ichorem* irretiat, malum inde adaucturum; tum quòd tandem, etiamsi hæc omnia non cōtingant, at saltem numquam impedies, quin concepto calore nimio capitis a retentis capillis, & *lanceo* velo undique cingente exhalantibus nimium quantum in isto stragulorum peristromatumque calvam ambientium particulis tenuioribus impediatur, quo opus est materiæ huc impulsæ coagulum: ut jam intelligant, in quem locum res Ægrorum conjiciant, qui intempestivo confertoque capitis velamine involucrum, seu laticem miasmatis variolosi, ne in pus saniemque faceffat, omni qua possunt ope coercent.

VI. Explicatâ pro virili *phrenitidis*, propter *lanam* capiti advolutam, inductæ causâ, accedimus ad examen faustissimæ illius methodi, cujus ope levissimo negotio a tantis infortuniis liberari ægroti possint. Et quidem quam superiori Paragrapho (III.) calcavimus viam, ea est, quam in scriptis suis Vir felicissimus & exercitatissimus Sydenhamus inculcat: nimirum ad amovendam *phrenitidem* nihil perinde conferre ait, atque ægri caput radi; quod itaque, pergit, *semper præcipio nullum emplastrum admovens, sed pileolum tantum, quod ablatum rasura, capillitium spissitudine quadantenus compenset, aut saltem caput a frigore extremo muniat*. [a] Hunc sequutus est summus in arte Vir Boerhavius, [b] & Commentator ejus Gerardus. [c] Sedulò ergo vitandum est grave *lanæ* capiti pondus, & nocens caliditas, unde multa commoda in ægris redundant. Et 1. quòd materia, quæ fortu simul, & fricatione accita ad *encephalon* fuerat, nunc frigidioris aeris nudi contactu repulsa arceatur; non quòd minimis cutis capillatæ vasculis contactis secretio perspirabilis humoris integrè suffocetur, sed quòd modicè tantum cooperta calvariâ, aeris ingruentis injuriæ faciliùs toleren-

(a) *Idem Schedul. monitor. Tom. I. p. m. 360.* (b) *De Cognoscend. &c. aphor. 781.* (c) *Tom. II. p. m. 613. 614.*

lerentur ; quod enim ex illapsu reppercutientis comprimentisque fluidi aerei timetur, salubriori inde perspiratu pensatur.

2. Quòd capillis ferro resectis, ductuum perspirantium oscula illuvie pruriginosa mundata eidem materiæ, quæ retenta capiti, ipsique etiam cerebro gravis futura esset, liberum exitum aperiant. Ex eo dein 3. quòd quò frequentius capillos rescindis, tantò uberius & celerius illi proveniant, satis patere reor ex hujusmodi tonsura calenti, & ferventi capiti superveniente, *perspirationis* materiem longè copiosius & celerius avolaturam in ratione detonsæ longitudinis.

4. Quòd cùm corpus nostrum calidius sit aere communi ambiente, in quo vivimus; liquet ideo, calorem capitis acutè decumbentium, ejusdemque orgasmum sedari compescique, quàm primùm vicinum aera illud liberè alluere permittatur, quod commodum aliud est rasi capitis.

5. Cùm calor circumambientis aeris, & inter stragula conclusi sanguinem plus æquo calefaciat exagitetque, atque sub multa capillorum vestiumque contegentium mole hospes aer ignavus quin & vapidus, & corruptus evaserit; (V.) necessariò consequitur, aeris renovationem, qui caput ita affectum identidem appetit, prudenter adhibitam fluidum magis elasticum suppeditare parti, quod omnia illa mala, quæ ab segni resideque in hoc morbo aere derivantur, debellare possit.

6. Tandem quòd sive ex detractò ad partes superiores fluidi commeatu, sive ex compositis ejusdem fluctibus, sedatoque caloris impetu, sive ex admissione puri aeris cuncta perflantis proficiencia bona rimeris, perinde erit hìc ad curationem, quoties pustulosa materia huc vergit, caustica indole in externas capitis partes debaccans. Requirit enim hæc ad sui medellam, ut temperetur nimius calor irruentis virus; ut restituantur liquida in naturalem motum, ut solvatur, & lique scat illud, quod in concretionem tendit; ut humectetur pustularum materia, & solidorum erethismus sedetur. Ea autem mirè præstat sorditie capitis affecti, & capillitio gravis, & *laneo pileolo* denso, & interdum fordescente obruti felix detonsio. Quibus illud accedit, quod 7. aere assiduè circa calvam permutato, non solum grato frigidi aeris refrigerio totum

totum cerebrum recreetur, sed subputridæ exhalationes, continuò de suppurantibus tuberculis exeuntes, sanis etiam hominibus molestæ, in aera transferantur, & imminentes fortè capiti noxas felicissimè avertant.

VII. *Febrem ardentem*, vel aliud simile malum capitis integumenta etiam interna torquens, si ea (VI.) methodo curare velimus, cautè incedendum tam in rasura capillorum, quàm in pilei mutatione nobis esse videtur. Nam quamvis caput ad vivam usque cutem tondere præsentaneum ferè remedium sit *cephalalgia*, *gravedinis*, *oculorum infirmitatis* a fibrarum præcipuè nervearum remissione ortæ; (a) periculum tamen subest, ne capite nudo aeri, & frigido de repente exposito cuticulares squammulæ validius renitantur, & arctissimè constringantur, liberam partis, quæ desideratur, perspirationem intercepturæ. Memini in quamplurimis, media etiam in æstate, post barbam capillosque demessos, & ablutâ a Barbitonsore capitis cuticula spiritu vini, nedum subitanæ *cephalalgiam* accidisse, verumetiam de scintillarum, & anguillarum apparentia ante oculos obversantium conquestos fuisse. Quod sanè ab represso capitis vapore deducebam, qui impete facto in arteriolas oculi internas decumberet. Quamobrem non frivolum, neque minoris in praxi momenti censendum est *Aretei* consilium, (b) dum monuit, si longissimi crines fuerint, dimidios primò desecandos esse; si verò breviores, tunc ad cutim tondi posse. Metuendum enim est, ne subitanea illa crinium ablatione, atque cranii nudatione restagnet humor morbosus, qui in superfluam illam pilorum longitudinem absumebatur, oculosque, & alias nobiliores partes aggressurus. Sic ex resecta barba in Monacho cæcitas curata quàm primùm, eam mutato consilio aluit: [c] Sic non rarò in *Plica Polonia* abscissos capillos, sævus capitis dolor cum *phrenetico* furore excipit. [d]

Ex

[a] *Cheyne de Infirmor. Cap. VII. p. m. 237.* [b] *Apud VVansluent. Tom. II. p. m. 614.* [c] *Apud Haller. Tom. III. p. m. 538.* [d] *Frideric. Hofman. Tom. II. cap. V. Section. II. §. IV. p. m. 134.*

Ex his intelliges, quare ratio capillorum totum corpus mutet. Deinceps quare suffocanti, & oneroso *laneo* capidulo assuetum caput non statim, & ab omni velamine denudandum, agris sit, sed molli tenui, sensimque tenuiori adhibito caputio contegendum, donec *atmosphæra* injuriis assuescat; & generatim non *Phreneticis* modò, sed & in omnibus morbis, ubi violentus, & turbulentus, quàm purpurei, quàm nervei fluidi motus incusatur; quemadmodum stramenta & operimenta mollißima & tenuißima convenire asserit *Celius Aurelianus* [a] ita tutiora esse solent lecti hominumque linea, laneisque operimenta, & longè præstant, si fieri possit, lintea carba-sea. Linteati dein in lecto decumbant, febribus acutis, ardentibus, *exhantematicis* correpti; exulent plumæ, pili, *lana*, & gossypium vel linum *xilinum*, quoniam hæc incendium augent, [b] ea tamen cautione, ut remissionis tē-pore, lintea *febricoso halitu* polluta cum purioribus permu-tari curemus [c].

VIII. Gravis ad hæc, eaque incurabilis fere *alopecie* noxa eos corripere solet, quibus diu multumque lanugine caput o-perire mos est; vel quibus ex Religionis voto caput cucul-latum, & rudissima *lana* contextum gerere necessum est. Quæ causa sanè est, ut arbitror, quare in calvitiam adeo frequenter incidunt, qui de familia *Capuccinorum* sunt Reli-giosi. Sed & multiplex se sistit hujusce defluvii capillorum, ratio. Vidimus enim supra *Cap. V. §. 111.* pilos capillosque singulos in bulbo quodam subtus cutem recondito radicari initio molles; qui pluribus dein fibrillis in unum congestis, bulboque connexis enati, blandæ pinguis mucosæque lym-phæ adjumento succrescunt, & sensim promittuntur. Inde consequitur calvitiam duplici de causâ oriri posse, vel vitio irrorantis lymphæ, vel vitio radiculæ latentis, atque pilosos villos e sinu suo emittentis. Utrumque autem præstari a villoso tegmine capiti diu appresso potest. Cùm enim pri-mo fervore sanguinis, contrectatione nimia, vel fricatione,

lanea,

(a) 1. *acut.* 9. (b) *Trillerus de pleurit. p. m. 115. 116. seq.*
[c] *P. m. 155. Verlhof. de febr. intermitt. &c.*

lanæ molestus calor in capitis integumentis oritur, & diutissimè idem duret, ut supponimus; lymphaticum rorem continua fluidiorum mollecularum dissipatione in se cogi, inque lacunis suis concrefcere evidens est; qui vi ejusdem causæ sæpiùs agentis, seu quod idem est calorifero, & jugiter exiccanti *lanæ* villo patens, de sua molli, blanda, ductilique indole desciscit, atque conceptis pilorum futurorum staminibus nutriendis, adaugendis, extendendisque impar omnino futurus est; unde pabuli defectu radicula contabescunt, & pereunt, ac capilli, ideo decidere videntur, non quòd radícula absit, sed quòd licèt præsens sit, non satis virium habeat quo cutem perterebrare possit. 2. Sed estó mucago pilorum optimè se habeat, neque ullo pacto morbum contrahat; si primæ radiculae pilorum aliqua ratione debilitentur, ut debita ad eruptionem elasticitate careant, perinde est, *calvi* fient. At verò dum modò tollitur naturalis capitis coma, quod prius *lanæ* circuminstructum impensius calebat; dumque iterum cooperitur, quod prius nudo aeri pateret, uti docet quotidiana in præfatis *Capuccinis* observatio, capitium licinosum idemtidem remonentibus officiorum causa sicque calvariam sæpiusculè nudantibus: dum inquam validis, & repetitis hinc *lanæ*, illinc aeris frigidioris incurfionibus glandularum, & subcutaneum omne vasculorum genus vexatur; fieri vix potest, quin ipsæ tenuissimæ pilorum capillorumque origines subita adeo, & frequentis vicissitudinis nesciæ, robur omne amittant; tamquam si reiterata nunc constrictione a frigore irruente, nunc sui relaxatione a fotu *lanæ* incumbentis, repetitis velut ictibus, succiderentur demeterenturque. Hinc Glabrities calvariæ, seu *Alopecia* inducitur, quæ cum ab simili causa proficiscitur vix medelam admittere posse videtur.

IX. Hic autem monitos velim, qui *surditate*, vel *gravi auditu* laborant, cautè ut gossipium ad instar turundæ intra aures intrudent, ibique diutissime retineant. Sibi enim persuasum videtur, utiliùs efficaciusve externo hocce remedio prophylactico reperiri numquam posse, quod flatibus intra meatum auditorium incarceratis, calore discutiendis; vel

vel sero *tympani* membranam relaxanti, exsiccatione fugendo par sit. Sed malè, quam morbi causam fingunt sibi, causari solent. Ne enim tediosè infinitas, & longe diversas reliquas *surditatis* causas attingam, quas gossipii intrusione abigere velle ridiculum esset; geminas mox dictas *surditatis* & gravis auditus causas contemplemur, quò si non damno-
 sa, at saltem vana remedii huiusce applicatio cuique constet. Probè quidem novi, quibus ad medelam *surditatis* ita aurium cavea obturaretur, eos in deterius abiisse, dum evulso gossipio ad faciliorem sonorum perceptionem aures nudarent. Fortè partes externum meatum contexentes, lanuginosa calentique mollitiè diu protectæ aeris subitò ingruentis, damna ferre non possunt, quin extemplò ridentibus villis, & stagnante liquido, membrana *tympani* durior aeris undulationes sonoras eluserit. Verùm si flatulenta materies gravem utcumque auditum effecerit, periculum est, ne a tali gossipii admotione incarcerationum aëra magis expandatur, & obvia quæque perrumpat. Non enim ignoramus, requiri ad auditus perfectionem debitam membranæ *tympani* tensionem, qua motus aeris externi vibratorius alteri aëri in *tympani* cavo collecto communicetur; proindeque præsentiam fluidi cujusdam aerei in eadem *tympani* cavitatè, ejusque puri, & ab omni inquinamento immunis, quòd succussionem illam accipiat. Quare patet, aërem illum innatum fervido gossipii, vel alterius lanuginis adhærentis calore rarefactum, neque ab aëre externo sibi denegato renovatum mirum quantum dilatari, & ut in illa expansione per fissuram hinc *Tubæ Eustachianæ* totus egredi non potest, nisiu maximo in expositam *tympani* membranam impetere, hanc summo conatu distendere, & innatam ejusdem tensionem adaugere: hinc dolor tensivus, & quamplura mala. Ut omittam inquilinum illum aërem non ita expeditè ventilatum, exhalationibus animalis intra cavum *tympani* emergentibus adeò impregnari, ut depressa nimis, *supra cap. vii. §. xvii.*, elasticitatis virtute, impressionibus soni suscipiendis, iisdemque canaliculis *semicircularibus*, ac *Scalæ cochleæ* impertiendis ineptus omninò evadat. Neque verò ab hujusmodi *obauditionis*, vel alterius aurium morbi
 vitio

vitio sunt immunes, quorum intra aures madentes eo consilio gossipina materia demittitur, ut superfluam humiditatem exhauriat, paratum equidem ad imbibendum humidum, *gossipium* est; verum ea ratione, ubi in aures altè detruditur, cavendum est, ne tenuiori in aure secreto humido sua circumvolutione oblistat, unde & *tinnitus*, & *obauditio* propululant; vel ne immodica, & numquam interrupta humoris congeniti suctione auris exteriora desiccet, & succos tenues, roscidos, lymphaticosque consumat, unde obstructio oritur. Sed præsertim humor ille *sebaceus* & *ceruminosus*, qui sponte sua viscidus, & subtilioris prædicti liquidi ope ad fluorem componi solet, præ mora diuturniore, vel crassitie nimia parietibus organi ita accrescat, ut viam posthac transmittendis radiis sonoris penitus occludat. Porro supra patuit, (*vide Experiment. 6. cap. iv. ad §. II. & cap. v. §. XIII.*) *gossipium*, & inde contexta omnia trahendis liquidis non adeo ac *lana*, præcipuè si consipata fuerit, apta esse: Qua de re dum minus humoris *gossipium* minus fugit, pergit tamen aurium humida exhalatio, nulla morâ, quin tentio membranarum nervosarum nimia humiditate elanguet; perinde ac si in tempestate humida diu versaretur, aut in udo conclavi commoraretur, aut *catharralibus* defluxionibus auris laboraret: In quibus teste experientia (a) obauditio nasci solet.

X. Levissimum licèt discrimen portendat *Incubus*, (b) de eo tamen conqueri Nonnullos imbecilles audivi, qui, præconcepta opinione, pectus *laneo* thorace contegebant vel ad concoquendum, ut sibi videbatur, *catharrum*, vel demulcendos externos laterum dolores, & sic cubitum euntes panis operimentisque eandem partem protegerent. *Ephialtes* enim, seu excitata in somno cujusvis prementis suffocantisque idea, non semper præternaturalem sanguinis pulmones tranantis crassitiem, eamque a *chilo* tenaciori suggestam pro causa habet, quòd perperam a laudato Viro creditum, (c).

Aa

& a

(a) *Frideric. Hofmann. tom. III. cap. vi. §. vi.* (b) *Chirac. dissertat. sur le cochemart section: I. tom. consultation. II. p. m. 4.* (c) *Idem ibid. p. m. 20.*

& a *Bellino* scriptum est. (a) Verùm non raró intensiori sanguinis per pulmonales vias circulantis rarefcentiæ malum istud natales debet; qua tumens humorum animalium moles per angustissima pulmonum vascula aditum sibi præcludit, quæ idcirco infarciat, extrorsum diducet, & intercurrentium nervulorum stamina ingratè succutiet: Hinc variæ repulsæ lymphæ nervalis ad *sensorium commune* undulationes, diversi filamentorum cerebri impetus, abnormis idearum combinatio; sed quæ semper ad partem pulmonum oppressam referuntur, & inde quadam lege (b) ad partes thoracem externè ambiētes, quamvis innocentes, excurrent, sicque sensum oppressionis nocturnæ animæ molestum incutiunt, in quo *Incubi* essentia posita est. Porro eadem contingere possunt, dum acriter adeo ab incumbente *lana* thorax immoderatum calorem concipit; maximè si ingluvies præcesserit; si dorsum super incumbat æger, quæ *diaphragmatis* insolitam pressionem accerere possunt; si demum sanguinei habitus, & fervidioris temperamenti fuerit, quòd maximam caloris intemperiem arguens, calore etiam externæ *lanæ* exaltatum auctumque, eadem incommoda afferre valet. Confer *supra* Cap. III. §. v. & cap. ix. §. xvi. Quid quod exuperanti calore a pressu *lanæ* inducto ita torreri solent hi homines, ut inducto simili vitalibus undis fervore, hæ celerrimo cursu cordis thalamos trahant non modò, verùm etiam superantem vim sacculis cordis inferendo, majorem quoque contractionis nisum in illa machina stimulent, seu *palpitationem cordis* cieant; quam ut vehementior animi passio, & omnia interna calida producere apta sunt; ita tales prave effectus productura est *lana*, dum eo quo diximus modo Dormientis thoraci nudè alligatur adstringiturque, ut quæ parem quoque expansivum in liquidis internis motum invehere queat.

XI. Minimè tamen reticeodus est Illorum pessimus mos; qui *colico dolore* tentati, & *flatulentia* vexati, multa rudique *lana* abdomen amiciunt, circumdantque ita, ut illud

laneo

(a) de morb. cap. p. m. 379. seq. (b) Confer ibid. chirac. p. m. 34. sequent.

lanceo velut capistro arcté constringant. Inde enim *flatus* in rabiem velut efferari, iterata me docuit experientia. Non loquor feminas, quæ ut morem viris gerant, vel se commendabiliores præstent, mille funiculis instructam, eamque junceam, thecam stricto mucrone *cardiam* comprimente *thoracis* claustris obducunt. Notum enim est in hisce feminis, costas infimas præcipuè, indeque totum pectus, morbis obnoxium fieri, non modò ut latè deduxit *VVinslous* (a); verum etiam si, ubi *bilis*, & *succus pancreaticus* confluere solent, ea parte ob insolitam efferuescentiam, flatuum parata materia est, sanè hæc negato sibi in illa ventris compressi angustia commeatu, continuo horrendoque murmure, & velut arietantium in se spirituum rugitibus sese prodet, non sine suspitione depravatæ valetudinis. De hisce enim *flatulentis* vitiis, quæ illa imprimis corporum per *balenarios*, imo & ferreos *thoraces* strictura incurrit sequior sexus, & sibi voluntariè adsciscit, sermo non est. At illud impresentia advertere licet, non in omni *flatulenti* cruciatus genere *laosis* fasciis abdomen angustius facere, illudque arctissimè ita premere, conducere. Est enim ubi immanis *flatulentia* acuta, eaque cum tensione conjuncta, & ab exotica *bile* producta, nunc in *hypogastrio*, nunc sub umbilico, sæpissimè autem sub cordis *scrobiculo*, qua parte superius *ventriculi orificium* est, dirissimè agros excruciet. In tali casu curandum est, ut compescentibus sedantibusque, necnon laxantibus, & emollientibus, succi importuniùs effervescentes spatium acquirant solito majus, in quo liberè sese expandere possint; neve ob ullam externam arctationem alicubi stagnet, & fixa sede novis fermentationibus viam sternant. Est ubi in hisce affectionibus aer non divagatur, sed dumtaxat nativa locorum obliqua positione coarctatur: Ita v. g. obliquiùs assurgens tenuium *intestinorum* illa pars *lienem* versùs, acutiùsque inde reflexa, vel situs ingenio efficit, ut diutiùs ibi hæreat quidquid justo viscosiùs allabitur; indeque *dolores sinistri hypocondrii* non

(a) *Memoires de l'Accademie &c. année 1741. p. m. 172.*

tam culpa *lienis*, (a) quàm flatui debeantur: In quo casu perniciosam futuram esse *lanæ* arcu circum abdomen ligatæ applicationem nemo non videt; cùm inde impediatur liber transitus materiæ flatulentæ in certo fistulæ intestinalis cavo contentæ; hinc mira anxietas donec solutis hisce vinculis abdominalibus, cōtractus antea aer in libertatē vindicetur. In genere autē ita tenendum est, calore externo immoderato, incūbens nobis aera minus premere; verū æquilibrium inde sublato, qui intus est aer continuò rarefcere, exspatiarique, ac obvios villos sensiles acrius impetere, unde *flatuum* dolor comes est. Dum autem adstrictis *lanæis* loricis abdomen totum validè restringitur, arcetur externus aer, cujus quidem pressura a strictura illa *lanæa* suppletur; sed aer inde in fistula intestinali hærens arctiori pressu multis in locis tubi intestinalis constipatur, unde vis ejusdem *elastica* crescit, ut notum est. (b) Sed & intenditur alia ratione aeris internam *fistulæ* partem occupantis nifus, dum impensè incandescens, copiosius a flatulento fomite extricatur; & quod de densitate crescit, caloris augmento compensatur. Jam verò inter flatuum causas expansivus liquidorum intestinalium calor meritò recensetur. (c) Pecklinus meminit cujusdam Virginis, cui (d) cùm in frigore *Tertianæ*, cùm ventris doloribus, iisque a *flatu* colluctata esset, subsidebat identidem, atque evanescebat cum calore tumor. Hoc autem contingit, quoties causa materialis *flatuum* aliquid tenue mobile & summè exæstuans fuerit, summæ dilatationis capax: tunc enim verò si vel laxissimè *lanam* ad abdomen apprimas, quoniam illud calidiori substantia fovetur, fieri videmus, ut efferatus interior aer adventitio illo calore majorem fervorem concipiat, & malum adaugeat. Quod si ad stimulum, quem *lanæa* contactu suo in partibus creat, animum adjiciamus; etsi ille interno cruciatu minor ægris videri possit, habebimus tunc

con-

(a) Pecklinus *Observation. p. m.* 132. (b) Confer Boerhav. *Aphor.* 651. (c) Confer Vvanfvoeten *ibid. in §.* 647. *p. m.* 233. *tom.* II. (d) *Idem observ. LVII. p. m.* 135.

consensu quodam nervorum angustationis *fistulae* intestinalis causam quamplura illius tubi loca afficientem. Hæc autem fieri nequeunt, quin vicina alia intestinorum loca a stimulo magis remota magis etiam dilatentur, ac debilitentur, excusumque ab compressis intestinorum tractibus aëra minori resistantia admittant. Quamobrè duplex causa hujusce abusus, de quo loquimur, adnotari debet; 1. Quod ita fasciatū abdomē, tectumque impensè caleat: 2. Quòd in molestas contractiones, intestinis etiam communicandas, proritetur: indeque, utraque causa flatuum concurrente, (a) validius torqueant *status*.

XII. Nullam ferè inter Matronas reperire est, quæ hodierno sæculi more *laneis* femoralibus non utatur. Id autem non tantum hyeme ad sævitiam frigoris præcavendam in usu habent, quàm æstate, ne consuetæ jam a longo tempore vestis depositionem graviori pœna luant. Imò inter plebeas feminas, aliasque, quæ tutelæ sui corporis invigilant, rarissimum est ubi non genitalia velleris admoti perenni fomento humectent, & laciniatis panniculis pudoris sinum inferciant; præcipuè si appetente menstruationis tempore torpentem jam sponte fluxum accelerare velint. Quam quidem consuetudinem muliebria capistrandi, eaque intra villosam lanuginem sepeliendi, non possum quin hic apertè redarguam; vel ex eo tantum, quòd ea ratione calentia pudenda nequeant ulla occasione spoliari, quin facillimo negotio appellentis aeris frigidioris noxas illicò percipiant, quàm agerrimè profligandas imposterum. Neque eorundem pannorum necessitatem prætendant, si quod fortè ab eorundem ablatione infortunium timeatur. Novi quippe in *fluore muliebri*, & immoderato mensium *profluvio* in quampluribus feminis vulvam *lana* velari, ne, ut ajunt, nudo aëri exposita salutarem fortè interdum, at saltem semper pessimè cedentem, si suprimatur, excretionem illam humorum remoretur. Verum cavendum est, ne quem prudenti frigidi metu importunè si-

stere

(a) Confer *Combalusier Pneumato-Patholog. lib. cap. p. m. 68. ad 71.*

stere effluxum, vel stillicidiū uteri volunt, eundem posthac im-
 medicabilem reddant. Compertum enim est ex *Physiologicis*,
 lymphaticos ductus uterini conceptaculum interiūs perrep-
 tantes, ad certum usque gradum ampliatos, unam esse men-
 strualis sanguinis scaturiginem; Nullam aliam generalem cau-
 sam dilatationis vasorum uterinorum, quàm *plethoram*, af-
 signari posse; ad hæc uterinos canales non nisi vel a momen-
 to liquidi fluentis ingeminato, vel imminuta ipsorum resi-
 stentiâ ampliari; deinceps velociorem in femellis, quàm in
 Viris plenitudinem adesse; tandem quantitatem sanguinis ad
 uterum tendentis, servata proportione, longè copiosiore, quàm
 ad reliquas partes futuram esse, præsertim si nativa
 vasculorum uterinorum debilitas animadvertatur. (a) Præterea
 illud discere oportet, immodici mensium alteriusque liquidi
 fluxus causas nimium esse sanguinis ad cola uterina proven-
 tum, ut in matronis divitibus otio torpentibus, & optimè sa-
 ginatis videre est; vel dissolutam cruoris crasim, ideoque
 promptè per uteri diverticula elabentis, vel nimis patentia
 excretoriorum uterinorum oscula admissum liquidum non coer-
 centia: Quam quidem posteriorem causam aliquando in *fluore*
albo obtinere evidens est cum statu feminarum phlegma-
 tico, & humidiori sanguinis diathesi conjunctam; item in pau-
 peribus feminis, quæ rei domesticæ angustia desidem & labo-
 riosam vitam degunt, atque despectis pravisque alimentis
 pastæ, parum boni cruoris alere soleant.

XIII. Obvium hinc est colligere quantum Feminarum va-
 letudini officiat, vulvam, & adjacentes partes pannosis *la-*
neisque, licet mollioribus levioribusque, involucris obtegere,
 easque tamquam habenis cohibere. Nam I. perpetuo, eoque
 immodico, calore, quem *lana*, & inde contextæ telæ exci-
 tant, sanguis copiosius ad uterum ducitur; præsertim dum
 corpus quiescit, & semper tamen cibus *euchimis* vivit, ut in
 Divitibus; inde enim uberior liquidorum moles cum nequeat
 per

(a) Videat. *Fournier de Menstruis proposit. I. cap. II. item*
cap. III. proposit. I. II. V. VI. VIII.

per uteri vascula excurrere, ibi hærebit prorsus, vel per lymphaticorum oscula clam effugiens exitum sibi jugem parabit. 2. Continuato vapore, quò magis ab perspirabili panis coercito genitalia madent, eò inferiores hujusmodi corporis partes axiùs hiant, & patentiores fiunt, tum quæ sanguinem, tum quæ lympham convehunt; quamobrem nunquam intermittens ex utero sanguinis albive humoris oritur stillicidium in ratione composita quantitatis liquidorum ad uterum appellentis, & languentis tubulorum uterinorum firmitatis. Neque est alia ratio pessimum Batavarum mulierum morem improbandi, quàm quòd apud Matronas, præsertim molliores, ignis pedibus perpetuò supponatur. (a) 3. Dum hæc fiunt, atque maturiùs, vel diutiùs vexant profluvia, dumque in hac molesta fluoris noxa vix, ut fieri debet, munda pudenda possint, quid mirum in illa otiosa muliebrium maceratione varia, etherogenea, acria unà confusa cum menstruo sanguine, vel albido humore plorante mixta intra uterum æstuantem & olidum spurcissimarum mulierum compressa, mora, *heterogeneitate*, calore *lanæ* incumbētis brevi computrescere, atque intus extusve superficiarias *pustulas* creare, quas viri dein unà concumbentes contrahere per traducem soleant? Quid si inde menstruis virulentis, vel acerrimo profluvio infestentur tales mulieres, cùm priùs de simplicis stillicidii noxa conquererentur? Quid si ex illa vitiosa succorum impurorum hærentium calentiumque mixtura teterima exhalet *mephitis* omnium naribus ingrata, Virisque exosa? Ut omittam concitatum majorem in utero stimulum a *lanæ* accumbentis staminibus senticosis atque prolixis, intra sinus delicatissimi vestibulum clam illapsis exortum, quò nedum solita officia domestica peragere facillè possint; verumetiam advocato citatiori & uberiori spirituum influxu, necnon mixtionis præfatæ vitio, sanguinisque uterini impenitus æstuantis concursu, libidine magis insaniant Pecudum more, ut casto corrupto pudore, viros aliàs in veneres fractos impudentiùs provocent. Tantum potest levis error initio neglectus. Adeo prava

(a) Haller de menstruis Tom. V. part. II. p. m. 82. 83.

prava pannorum *laneorum* hic consuetudo, præsertim si de illius nocumento non cogitetur, sed spreta altas in corpore radices agere permittatur.

XIV. Perpetuum esse apud Vulgus ad dolorum *nephriticorum prophylaxim* in conduplicata pannosa *lacinia*, eaque Renibus alligata, præsidium video. Sed non semel vidi, exasperatos inde fuisse dolores, qui in aliam longè a *lana* diversam causam refunderentur. Quippe si verum est, eosdem dolores sanguinis staseos *phlogodæ* effectus esse; patet molestas eorundem exacerbationes oriri ex ista medicatione posse. Dum enim sanguis in concretionem facilis, vel nimium attritus & rarefactus supponitur, accidit, ut per impensum calorem citatiùs in omnia Renum vascula adactus, quibus *lana* adhæret, validiore momento quàm par sit, si quæ debiliùs resistent, in eadem arietet, nervosque distrahat, unde dolor permanens. Quòd si lymphæ præ spissitudine in ductibus membranosa texture renum immeabilis dolorem foveat, neque semper *lanæ* usus tutus est; ut quæ lymphæ, dum tepore villosi tegminis adcumbentis rarefcit, & accedente continua fricatione, expansa in orgasmum cietur, appositæ sensiles fibras Renum compagem contextentes validiùs divellat, unde easdem acutiùs dolere necesse est. Hinc intelliges quare *Redius*, in ea de qua agitur agitudine, omne *frictionum* genus sustulerit, & omnem pannorum (a) madidorum calentiumque usum improbaverit.

XV. Quibus ad luenda peccata inter pios ne, an dicam incautos Christianos, nimio Religionis cultu, durissima asperimisque *lanæ* crinibus confertissima veste lumbos succingere, consuetudo est; hosce monitos esse velim, ne unde reprimendæ carnis concupiscentiæ, & malignis suggestionibus præcavendis auxilium opportunè quærunt, inde spirituum immundorum lusibus magis pateant, atque vexentur. Dudum non est, cùm Religiosum, ut vitæ asperitate, sic sanctimonia præclarum, praxeos fortuna mihi curandum objecerit, quem prima vice invisens, de ingenti calentique per totam

cor-

corporis habitudinem conquerentem audivi, quemque zona *lanca* durissima crassissimaque jam a longo tempore cinctum quâ lumbi sunt, acceperam. Hominem ergo de cetero optima fanitate fruentem atque frugalissimum, abjicere illico rudem & incultum pannum jubeo, ratus non aliam *pruritus* cuticularis causam subesse. Verùm cùm ex vultu rubore suffuso, atque emissis idemtidem suspiriis, aliquod gravius infortunium in agrotante suspicarer, cujus causam sincerè prodere illum puderet, mox hominem objurgare suaviter, & benignè admonere, si quid aliud in corpore sentiret, aperta confessione Curanti depromeret, irritam aliàs curationem futuram. Paruit ille, & se nocturnæ pollutioni pertinacissimæ obnoxium esse ultro fatetur, enixè auxilium rogans; quam sanè agritudinem demissa voce prolatam, & ut castissimum virum decebat, verecundè mihi communicatam, cùm deinde ex illius, quam admotam renibus habebat, cingulæ latissimæ applicatione profectam esse ostenderem, nulla mora quin tanti mali causam e corpore protinus abjiceret, lineamque amiculam indueret sibi. Neque fefellit eventus. Quippe paulò post novo illo indumenti genere recreatis *lumbis*, libidinosus seminis effluxus conquievit, refriguit veneris æstus, phantasmatum nocturnarum ludibrium evanuit, & pacato seditionis internæ tumultu, tranquillior serenitas menti affulsit, ut adhuc verè christiana tranquillitate, & subacti hostis voluptate potiri videatur Vir sanè religiosus.

XVI. Sanè ex hujusmodi (xv.) observatione discere possumus, quàm malè sibi consulant, qui *lanam*, vel pannosas fascias *Renibus* & vicinis locis accommodant. Venerem enim lanuginosa mollities stimulat, & seminis continuam velut ejaculationem gignit. Quod sanè mali genus contemnendum non est. Quandoquidem pergente seminis profluvio, & permanente causa æstum in *Renibus* concitante, ita partes adjacentes, vasa, nervi, vesiculæ, & seminis conceptacula enervari infirmarique possunt, ut hiulca emissaria evadant, ex quibus tacito, eoque sempiterno, ploratu seminis liquor prolificus egeratur. Ita quod leve in initio fuit, gravius & pertinacius redditur malum, solius excretoriorum tubulorum

flacciditatis soboles: Quippe vix fieri potest, quin inveterascente malo, 1. seminis emissaria calore *lanæ* debilitata nimis amplientur & dilatentur, atque semi-aperta in *urethram* continenter semen effundant. 2. Quin partes ambientes *Genituræ* conceptacula inertia & laxitate corripiantur, unde debilius hisce constrictis, vel justo laxius conniventibus, nec semen vi constrictoria satis efficaci coercent, neque vesiculas satis premunt, ut seminis effluxum impendant: ea duplici ratione malum invalescit, & omnem medelam respuere posterum poterit; hinc, ex consilio Trilleri, (a) immundis viris, & involuntario seminis lapsu divexatis stramenta refrigerantia procuranda sunt.

XVII. Tam nociva est *lanæ* vis lumbis accinctæ! Faciamus modò, ut id a *Phisicologis* credatur, ubi argumenta insuper dixerimus, rationesque ob quas id fieri potuisse in allato exemplo, (xv.) & non vice simplici id usu venire in similibus ægris posse, existimemus. Sciendum est igitur, *lumborum* appellatione eas partes venire omnes, quæ intus extusve ab ultimis *Costis inferioribus* lateraliter ad usque externam venterorum plagam excurrunt, comprehenso *Vesicæ*, & partium retro illam sitarum ordine. Huc ergo spectant universa vasorum ad testiculos sanguinem deferentium, & inde emissorum series; huc *vesiculæ seminales*, earumque emissaria & *Prostratæ*; huc partes omnes, quæ circa pudenda externe pilis convestiuntur; huc cutanei, & alii muscoli penis erectioni inservientes. Sed & neque illud omittendum est: semen, liquorem nempe masculum, esse quidem lentum & glutinosum, sed ex conclusis tenuibus agilibus, & elasticis corpusculis, quæ appellant *spiritus*, mirum quantum divitem; ad hæc facili de causa spumescentem, & veneris æstro turgentem. Itaque adest in præsentia copiosi bonique seminis, facilis ad venerem stimulus: Hinc in genere causæ stillicidii feminalis ad sequentes reducuntur, ad *repletionem* nempe omnem earum partium, quæ *lumborum* nomine insigniuntur, aut *irritationem* ab acri aliquo. *Repletionem* arguunt uberior ad-

(a) de Pleurit. in notis p. m. 115. 116.

adfluxus sanguinis genitalia loca distendens, & copiosior vesiculis seminalibus comprehensus liquor. *Irritationem* autem producit acre quodcumque, sive mechanicum, & extus admotum, sive physicum in *canali* hospitans, quod semen excernit; hinc Athletæ olim non modò se ad inhibendam venæ frigida lavabant, verùm etiam laminas plumbeas renum & lumborum regionibus ad arcendas nocturnas pollutiones, & libidinis impetus frangendos adhibebant (a).

XVIII. Universa autem hæc (xvii.) ab impensè calente, eaque corpori affricta, *lana*, quæ lumbi locantur, oriri posse, ex sequentibus liquet. Nam æstuosa illa vittâ *lanea Renibus*, & affinis partibus aptata liquidum purpureum rarefcit, & in frequentiores undas cieri, suæque vascula ægrè pertransire incipit; quibus invalescentibus ob caloris vehementiam, necessum est, extremos arteriarum genitalia irrorantium fines nimis extrorsum urgeri, atque adeo sanguinem in illis harere, stagnare, congeri, unde Renum & seminis conceptaculorum *phlogosis* levissimus status; atque adeo cum illa *phlogosi*, calor, prurigo, titillatio, Pudendorum, quam seminis non modò præsentis, verùm etiam copiosioris emissio sequitur. Calor enim gratam primò sensationem creat, quæ in pruriginosam voluptatem, & hæc in dolorem degenerare potis est, ob quam rem, lapsu temporis accidere potest, ut venerea illa, & *phlogodea* incallescencia, ex *laneæ* contactu proficiscens intendatur: atque sive pro natura, & indole sanguinis, sive pro copia ejusdem, quæ in vasis inest, sive pro motus gradu, quo agitur, & pro momento quo ad hæc partes irruit, diversæ quoque rationis futura est illa dispositio, ut insensibilem ferè initio *spermatis* fluxum visibilem dolorificum efficiat imposterum. Certè in castissimis viris illud ratum manebit, si quàm rudis contextûs *Pexæ* sibi applicuerint, Semen, quod materialis est Pœnis erectionis causa, & voluptatem excitat, uberius in cellulis asservatum caloris immodici morsibus magis patere; undè effervescens, & nova per calorem advocata materia turgens, rariore de-

Bb 2

fluxu,

(a) *Conf. Mercurial. de arte &c. lib. 1. cap. xv. p. m. 28.*

fluxu clam elabi, depluereque in *urethram* potest. Quantum autem in erigenda *mentula*, & in evocando semine conceptus caloris sensus possit, exemplis patere potest. Clyster calidus semen prodire coegit. (a) Ipsâ calida sensibilissimæ glandi affusa, *cavernosa* priapi corpora illico attolluntur, & ad seminis expulsionem sese accingunt. Verùm nec ea est sola *mechanica*, qua pannea operimenta lumborum valetudini nocent, & *balsamum* illud vitæ frustra effundunt; adest & alia a stimulo petita, quem in illis partibus creat rudior crassiorque Indumenti *lanei* villus: inde enim liquidum nervorum Genitalibus Lumbisque prospicientium succutitur, & crebriori staminum vellicatorum titillatione frequentiores validioresque undas intra *commune sensorium* creat, unde polluta imaginatio est; Præterea irrationes genitalium facit crebriores eadem compacta *lana* imprudenter corpori applicita: quamobrem calentia, & quasi *phlogodea* seminis conceptacula cum exquisitissimo sensu donentur, vividius a sanguine quo irrorantur, vel semine quo madent, percellentur: Intenduntur utraque de causa Genitalium libidinosæ motiones; *acceleratores* proinde *erectoresque* muscoli ex lege unionis sapius agentur, validiusque; *penis* identidem inflatur erigiturque, unde *frequens & involuntaria erectio*, etiam cum piè cogitant. Quamdiu autem perennant hæc, tamdiu copiosus, & perennis seminis, aut fluidi seminalis effluxus debet animadverti; tum quòd illud a majori liquidorum præparantium huc derivatione magis secernatur; tum quòd secretum asservari per natum stimulum suis in *colis* non possit. Ita sanè frictions in tennerrima glande *Penis* validissimas erectiones creant: Ita flagra dorso, sive lumbis inflata, quia partes semini generando dicatæ, ac semen ad genitalia deferentes, ab iis calorem concipiunt in venere excitanda, luxuria multum possunt: (b) Ita Senex ille libidinosus, de quo *Gaspar Hofmannus* meminit, (c) *hy-pocausti* calore in venerem despumavit. Ita tandem crediderim ego, incredibilem coitui ab Auctore Naturæ adnexum

(a) *Haller in not. p. m. 425. tom. v. part. 1.* (b) *Meibomius de Flagror. usu p. m. 30. 31. sequent.* (c) *apud Regner de Graaff de Viror. &c. p. m. 47.*

oblectamētum, non tam fluidi seminalis, in quod mulieres veneri litantes colliquefcunt dulcibus aculeis, quàm innato *Vaginae*, & nescio cui ingenito calori deberi, quo fota Viri genitalia, ante emortua, ad vitam veluti revocari videantur. Certè futuri venerei oblectaminis species *promulſidis* est tacitus Genitalia obrepens calor, & gradatim in æſtum affurgens, quem proinde digitis ſalaciſſimæ feminæ, & inviſa contrectatione invitant. Sed caſtis ſit honos auribus, Nobiſque divagantibus detur venia.

XIX. Referam, quem mihi humaniſſimè communicatum a Primario Xenodochii Melitenſis Medico expertiſſimo, Noſtrique Amantiſſimo JOANNE BRUNO, memoria teneo recenti, caſum cujuſdam Religioſi eripelate identidem in *Scroto* recurrente affecti, qui femoralibus pingui *lana* contextis, nescio quonam imprudentis pœnitentiæ æſtro percitus, utebatur. Illud tamen memorabile in iſtiusmodi ægrotante notabatur, quod numquam *ſcrotum* eripelate corripiebatur, niſi ubi *laneis* faſciis intimiùs obduceretur. Quod videns Medicus, atque eruta *phenomeni* cauſa, indeque *lanei* operculi abuſum Viro exprobrans, partis ægræ ſola ſpoliatione *lanea* curavit *eripelas*, quod ſuppurationem minabatur. Et proſectò cùm tales homines parùm munditiei ſui corporis ſtudeant, *laneæ* pravos effectus experiuntur faciliùs ceteris, quæ ſive ſtimulo ſuo, ſive pingui ex animali deprompto, ſive calore, quem ciet nimio, torpentem jam per *Scrotum* pendulum liquidorum curſum magis cogit, & cogendo accendit; hinc hærentia ſanguinis incitati, perſpirationis ſuffocatione per ſordes ſupra cutem lanatam relictas adaucta; ſubſequenti in parte tumore *eripelatoſo*, qui non abſente inflammationis cauſa, in ſuppurationem abire poteſt; propterea quòd ſanguis minùs ſit meabilis, creſcit inſarctorum tubulorum obſtructio, rumpuntur tandem inflammati canales, aut retinetur perſpirabile in vaſculis ſuis inde dilatandis, & vaſa ſanguifera comprimantibus, quæ jam inflammata ſunt, & in quibus inde major futura eſt ingurgitatio, & nonnullorum ruptio cum terminante abſceſſu.

XX. Ad extremum de *laneis* tibialibus pauca adnectere, ne

ne quid nostris hisce cautelis deesset, visum est. Multos equidem novi, quos *podagra* divexat, vel alius articulorum pedis dolor excruciat, qui *lanceis vittis* pedes, totamque tibiam ad usque genua circumducunt amiciuntque. Sed cum promiscuè, nec ulla adhibita cautione ita pannosis pedibus incedunt, contingit, ut præter spem dolor, vel citius quam par est, partem ægram adoriatur, vel jam natus invalescat. Est enim ubi morboſa lymphæ morbum faciens ab vi æstus immodica expanditur, & in angustissimis ligamentorum contracta tubulis stagnat, quos proinde rareſcentiæ motu divulſura, & dolorem produçtura est. Est etiam ubi exoticis *salium* spiculis armata, & calore insolito effervescens, salium suorum acumina exacuit, & impetu facto, in exquisitissimæ sensationis fibrillas adigit, crudeli subsequente dolore. Est demum ubi reses antea vitiosus latex, & sua congestione dolorem pariens benigna naturæ resolutione e pedibus excessit jam, atque erupit; vel pristinum adeptæ partes hæc robur insidiantem fomitem feliciter e suis finibus depulerunt. In hisce casibus si *lanca* superficie, eaque nimis calente, inferiora corporis loca velaveris, æstuque torreas, futurum sanè est, ut laxatis infernis vasculis, & ab deciduis transpirationis insensibilis imbris madefactis morboſam causam ultrò recipiant, & novæ dolorum tragediæ viam pandant. Postremum autem adductæ nostræ Ætiologiæ caput quotidianis experimentis elucet. In Tendinum enim ligamentorumque subluxatione vel distorsione debilitato solidorum tono, & mox mox uberiorem liquidorum affluxum admittentium, quid præclarius quam frigida affusa succurrit, quæque ob id *repercutiens* audit, quòd accursurum liquidum quasi in itinere moretur, ipsumque longius repellat? Vides ut in contusione enervatas ictu, fractasque animalis partes frigoris accessio instaurat, roburque tale addit, ut modò absque mora usurpetur, nullus livor, nulla rubedo, nullus tumor in parte conspiciatur! Vix nempe membrum contusum fuisse crederes. Siqua ergo *lanâ* Pedes obvolvendi necessitas urget, curandum est, illud ut cautè fiat, inque illis casibus, ubi vel hærentis morbi ferocia, vel abacti jam, & in alia loca profecti infaustus reditus metuenda esse videantur.

XXI. Dum nudi, & calentes per totam noctem sub stragulis detinentur pedes, & manè tibialibus panno vel gossipio elaboratis confarcinantur; non semel *ædemate erisipelatoso* corripuntur: Precipue si cubiculi aere nimis humido primùm maduerint, atque delicatulorum ea hominum tenellis tibiis obtenduntur. Inde est, ut laudabili more non antea hyemis tempore manè pedibus tibialia indantur, quàm ad ignem siccata, & omni nocturna humiditate privata fuerint. Quod præprimis illis sequioris sexus usuvenire invenio, quæ ut a natura mollem labilemque constitutionem sortitæ sunt, ita fluxam quoque, & delitiosam vitam degunt. Hisce etiam Feminis tibiae in ædematosum tumorem assurrexisse cum levissimo cutis pruritu conjunctum non semel memini, quoties incautæ tibialia nocturno, & humido frigore madida imprudenter sibi induerent. In hanc rem conferri mereatur, quod *Vvansuieten* (a) in delicatulis puellis, & teneræ idiosyncrasiæ Viris aliquoties observavit, quòd si manè e lecto surgentes aperta tantùm fenestra manus & faciem libero aeri exponebant, illicò hæc in bullas prurientissimas attollerentur. Enim verò quoniam totum corpus in sua superficie externa, vel interna perspirabile esse novimus quàm certissimè, & per minimas nempe fistulas arteriosas extrorsum patentes, omni momento vitæ sanæ tenuissimum expelli halitum: Si jam ab aliqua causa retardetur hujusmodi salutaris excretio, lymphæ in habitu cutis Tibiarum pedumque congeri, & in suo regressu adeo impediri potest, ut pars in tumorem fastigietur. Profectò in nostro casu ad formationem edematosi tumoris concurrere possunt multa; ex parte enim Subjecti naturalis mollities & laxitas, quæ dat fibras debiles, atque (b) ad subtractionem expulsionemque liquidissimi vaporis satis ineptas; Potissimùm si consideretur a corde remotus pedum situs, cujus ope fluida nimis tardigrada ad congestionem prona sunt, & in quibus frequentius occurrunt *Tumores* edematosi. (c) Jam verò si ex parte causæ cujusdam externæ hæc omnia augentur,

(a) *Tom. II. de Cognoscend. &c. §. 723. p. m. 398.* (b) *Boerhav. aphor. 37.* (c) *Fizes de Edemat. Cap. V. §. ci. num. 7.*

gentur, tantò faciliùs inducetur *adema*; quod sanè heic abfque prævio fluidorum vitio; fed fola humidi frigidique præfentia excitatum eft, quâ textus partis jam natura debilitatus, emollitus eft, & vafcula tibiæ pedumque cutanea, perfpirabile retinuerunt, quod dein in (a) fenfibles guttas faceffens, & canaliculos fuos diffendens, edematofum quem vidimus tumorem produxerit. Sicubi verò in fuperficie *edematis* tibiæ *erifipelas* aliquando apparuerit, id factum fuerit ab accumulato & ftagnante transpirabili acri, & oleofo, vel ab inopinato frigore udorum tibiæ cutim urente; vel ab effluviis, acutifque pilis *lanæ*, pannorumve noctu maccratorum, qui pili, dum tibiæ induuntur, & tenerrimæ cuti aptantur, fuis nescio quibus fpiculis, feu pungentibus apicibus, *vide fupra cap. II. §. VI. VII.*, minima vafcula irritando lædunt; hinc per illos canaliculos externo hocce aculeo constrictos humores folita libertate cum transire nequeant, *pruritus*, vel ruborem pruriginofum producent. Non abfimili ratione; qua dum Illuftriffimus *Reaumeur* (b) erucarum nidos tractabat, fibi manus pruritu molefto affici mirabatur, invenitque pilorum fragmenta ex erucarum relictis exuviis evibrata, cuti affixa, & infar spinularum cutem vellicare; eamque rofea rubedine inficere.

XXII. Accidit fæpiffimè, non in Septentrionalibus tantum mundi Plagis, fed etiam ubique, dum penetrabile fæviffimæ hyemis frigus adurit, maximè extrema corporis frigore ingenti rigefcere fermè, & tantum non fenfum vitamque amittere. Per frigus enim solidæ partes corporis in omni dimenfione minuuntur, & arctantur earumdem cava, fimulque fanguinis ceterorumque liquidorum molleculæ adunantur; & utroque hoc effectû obftructio & inflammatio oriri poffunt. Cum autem in extremis corporis noftri locis, ut funt Pedum digiti, celeritas cruoris vafa præterlabentis minuat quàm maximè in illa maxima a corde diftantia; idè frigoris aeris ambientis effectus pravi, ut in manibus, nafi apice, auriculis,
ita

(a) Confer. *Gorterum ibid. Cap. XII. §. xxxv.* (b). *Memoires de l'academie &c. année 1744. hyftoire p. m. 19. fequent.*

ita in pedum extremitate præcipué notantur. Hoc autem eo hic consilio commemoro, propterea quód cum in meipso, tum maximè in aliis expertus sum applicatæ *lanæ* noxam non levem, dum ad avertendam frigoris vim pedes *lana* obligarentur, & congelati artus pannis asperrimis calidisque ad ruborem usque perfricarentur. Non intelligunt enim quàm damnoſa sit ea *lanæ* admotio; præcipué si ultimas Pedum phalanges gelu prehenſos ſcalpendi deſiderium, puncturæ ſenſus ingens divexare, & intenſa rubedo afficere ceperit; Tunc enim verò cavendum magnopere, ne caloris propter pannorum frictionem communicati ubertate atque fervore pars putrefcat, & imminentem gangrenam ominetur. An ergo frigida hic præſtarent? Ita ſané. (a) Quód si frigidorum in hac re uſus te terreat, vel temerarius tibi videatur, ſaltem meminiffe juvat, ſubitam ex frigore in intemperatum calorem, qualem ſibi concitant qui talia agere ſolent, mutationem ſemper dubii, incerti eſſe eventus.

XXIII. Atque hæc de ſingularibus *lanæ*, ſingulis corporis locis admotæ noxis comperta indicatæque ſufficiant. Pauca delibare reſtat, quæ ex noſtris ſuperioribus ſponté fluunt: hæc verò, tum loca tum tempora *lanæ* gerendæ apta, modumque rite utendi reſpiciunt. Qui ergo ob ſanitatē conſequendam, morbos pellendos, comparandumque optimum corporis habitum adhibere *lanam*, ſimileque operimentum cupiunt, id ſibi datum putent, caveantque, ne a finitimo & circumambiente aere, cœlique tractu ulla labes emanet, quæ fluidum illud in oculis porisque indumenti preſſum inficiens, mox corpora induta ſpongiæ inſtar quidvis recipientia corrumpat. Similiter evitent, neceſſe eſt, loca paludofa, ſtagna, ſpecus, lacus; eligantque cœlum ſudum atque ſerenum, ne aer ab illis effluviis depravatus, & uberius intra *lanæ* accubentis interſtitia congeſtus irretitusque corporibus damnum afferat, eorumque meatus facilè ſubeuns, tetramque auram ſecum invehat, eoque corpus ſegne animumque grave reddat obtundatque; quod in ſereno numquam animadvertitur; quin

Cc

potius

(a) Conſer Boerhav. aphor. 427. num. 6. & aphor. 454. 455.

potius illud vegetabilia juxta ac animalia vivido elatere confirmet, spiritumque summoperè erigat; Cùmque, ut scripsit *Aristoteles*, (a) sudor corpore nudo currenti prodiens utilior sit, quàm qui sub veste se promat, quòd ultimo modo sudantes decoloratiores sint, simulque cutis transpiratio undè gratus color emanare consuevit, (b) a vestimentis inhibeatur; proclive est intelligere, exercitandorum corpora iis indumentis contegenda, quæ & leviori textura laboraturos reficiant, & a ventis, siqui erunt, vel a frigore tueantur; aut etiam si æstus urgeat, fervorem nullo pacto augere, sive fovere queant, cujusmodi sunt linei amictus; vel, si consuetudo viget, *lanei*, sed levidentes, molliores, tenuioresque eligendi erunt; curandumque ut, peracta exercitatione, sudore si madeant, protinus exuantur, & sicci resumantur: si etenim ita humecti extimam cutem attingant, facilè suppositi inhalantes tubuli vitiatum illum sudorem haurient, *vide supra cap. ix. §. iv. sequent.* sicque denuò externi meatus infarcientur. Ut taceã panni madidi ita mox frigefacti illata corpori eò obducto damna, ut horrores, foetores, & alias molestias; de quibus superiori loco *cap. vi. vii.* abundè disputatum est.



CAPUT

(a) *Problem. section. II. num. 30.* (b) *Mercurial. de art. &c. lib. iv. cap. xiii.*



CAPUT XI.

QUID, ET QUANTUM IN PESTIS

*Contagio, Lanuginosæ Vestes, Mercesque
Possint, Inquirere.*

I.



Eterrime, & omnium periculosissima, &
ab omnibus Populis, ignominia notata mor-
bi species, quæ ubicumque mortales pre-
hendit.

*Sensim grassata diu, quoscumque recessus
Corripuit, Populumque imum summumque
Senatum*

*Vulneribus cæcis, æquali strage peremit
Non illa ordinibus Sacris, claustrisque Piorum
Non fera, Virginibus, Puero, Senique pepercit;
Defecit propior Medicus, dum confidet ægro
Concidit, & præbens cælestia liba Sacerdos
Non ars ulla levat, quovis medicamine morbus
Pascitur, & major collectis viribus urit,
Destituit prolem infectam pia cura parentum,
Vix trepidante manu protensa decempeda victum
Porrigit, & chari refugit mala flamina vultus
Ipsa viri coniux metuit tetigisse cadaver
Tormenti genus, extincto ne dum oscula figat,*

Et trahit ingenti, mixtis ululatibus unco.

Innocuos artus labentem ad fluminis undam &c. (a)

Pestis, inquam, quæ nulli siue ætati siue sexui parcere solet, si causam proximam inquiras, nullam adhuc verosimiliorem siterunt Scriptores; si remotas inspectes, multæ sunt, quas ejusdem dirissimæ propagationi favere docuit infasta sæculorum experientia. Nam ut de aeris in eo morbo temperie edisseram, lubet cum Clarissimo Sydenhamo suspicari, eam suscitandæ *Pestis* per se imparem: *Aliàs enim non assequor*, inquit, (b) *qui fiat, ut in eodem cæli tractu, dum unum aliquod Oppidum Peste gravissimè affligitur, aliud non longè distitum omnem commercii necessitudinem cum loco contagioso cautè inhibendo, prorsus immune se præstiterit*; hætenus ille. Putridam dein aeris constitutionem, quamquam latè illa longèque spatietur, & ex graveolentia aliisque indiciis magna esse deprehenditur; plerumque tamen sine Pestilentia evenire animadvertimus; ut rectè notat *Massarias*, (c) qui præterea aliam non contemnendam rationem subjungens: *Rursus, inquit, nulla putrida, nulla intemperata aeris constitutio potest in valde multas Regiones vagari: at Pestilentia tam latè, ac immaniter interdum sævit, ut universum penè orbem occupet. Quamobrem, ut verbis Clarissimi Portii (d) rem illustrem: Pestis devastantis non quidem causam, ut multi falsò opinantur, coelitus demissam aeri, quo utimur esse commixtam, (censendum est) & perdurare Pestem, donec pessima illa aeris constitutio cessaverit. Nam cum non liceat vita superstitæ aeris beneficio nos esse destitutos, quis potuisset, quæso, se ab immani eo morbo præservare? Quique potuisset umquam, vel imposterum esse posset hominum, aut Principum prudentia, quæ industria, quæve diligentia vel ut avertatur, vel ut citius desinat, vel ne latius diffundatur Pestis malum?*

II. Quamvis autem aer prima causa efficiens Pestis minimè sit,

(a) *Philomat: Musæ de Ital. peste XII. p. m. 19. anno 1630.*

(b) *Tom. 1. Constitut. ann. 1666. p. m. Cap. 11. 65. (c) de Peste p. m. 13. l. c. (d) in Præfation. tom. II. p. m. 4.*

fit, huiusce tamen fluidi pravam atque deleteriam labem propagationi & extinctioni virus pestilentialis parem esse existimamus: Tum quod sedes *Pestis* propria Regiones torridæ sint, vel quæcumque Sole nimio fervent; quod terræmotus, criptæque & cavernæ dehiscente solo recens apertæ, propter malignæ & venenatæ auræ eruptionem, Pestilentiis non raro initia dederint; (a) quod interdum in diversis, & a se quam longissimè remotis Regionum tractibus cruda lues nihilo secius grassetur; quod diuturnæ aeris siccitates crebra atque nocturna fulgura, noctu sereno cœlo micantia, a nitrosis sulphureisque aeris particulis in se invicem collisis producta certiores plerumque fuerint *Pestis* prænuncii; quod funera funeribus cumulata, incondita cadaverum in plateis, horumque putrescentium moles, & horrendus foetor insignem in fluido aereo corpora circûalluente malignitatē prodant; quod Austrinis, humidis, calidisque ventis diu spirantibus, vel noxiis paludum effluviis aeri referto Pestilentium omne genus non raro natales debere comperiat. Sic *Livius*, & *Valerioli* maximam *Pestem* Romæ ab excessu Tiberis memorant: Sic *Ronsincius* *Pestem* in Italia ab inundationibus horrendam invaluisse scribit: *Pomarius* Hyemem anno 1421. humidam & tepidam fuisse tradit; Æstatem verò proximè sequutam esse *Pestem* infamem: Sic & alii similia scripserunt, ut ex *Pestium* annalibus constat. (b)

III. Enim verò ab exhalationibus e terra ascendentibus, putridis ab aquis, a cadaveribus insepultis, ab Austro calorem lethiferum perflante corpora lædi possunt. Ex horum halitu, & contactu aer circumfluus corrumpitur, multisque rebus quoddam afflat venenum, quod iisdem occultari, servarique diu, experientia teste, sapius comprobatum habemus. Neque ulla *Pestis* ab aere umquam incepit: vitium enim ille ex se non contrahit, sed foetus putridis aquarum vaporibus, aut pessimis cadaverum inhumatorum aggestorumque aspiratio-

(a) vide *Arbutnot Essay de l'air &c. chapitre VII. §. VI. p. m. 233.* (b) *Confer Cantuvel an aer ab inundation. &c. question. Paris. anno &c. num. v.*

tionibus onustus Pestiferam vim, naturamque prorsus delecteriam induit. Nisi velimus dicere, per *aerem* intelligi quoque tenuissimum quemdam vaporem, aut spiritum e corporibus malè affectis emanantem: Tunc enim verò, ne voces confundantur, communi vocabulo acceptus aer morbi inducendi, vel fovendi fons esse poterit, ut nihil inde interesse videatur, spiritum ne, an crassum & vulgarem aerem dicamus, dum de lue ista agitur.

IV. Neque firmo satis talo stare eorum sententiam crediderim, qui putredinem pestilentium febrium, ipsiusque *Pestis* quasi essentiam proclamant. Veriùs dicam cum Clarissimo *Geoffroy*, (a) præcipuum morbi symptoma. *Peste* enim affectis prima mali labes ab aura venenata intus suscepta profiscitur; sanguinis, ceterorumque liquidorum latices *Pestis* vitio nonnisi secundariò foedati videntur: Cum nempe ex fibrarum *erethismo* vasorum extrema in visceribus aut glandulis coarctata sanguinis fluxum morantur, aut prorsus sistunt, & humorum secretionibus obstant; vel etiam cum venenata miasmata in sanguinem aut ceteros humores irrepunt, eorumque succos omninò, vel partim coegerint, qui crescente canalium angustia magis in dies aggesti concresecunt, vitium facillimè capient, putrescent, suppurabunt, & nonnunquam partes mortiferè afficient.

V. Huc pertinet examinanda *Verminatio*, quam vulgò pro potissima *Pestis* causa adducunt. Symptoma enim est, non causa; effectus humorum putredinis est, non autem origo: ut cum minutissima ovula sanguineis particulis involuta in libertatem vindicantur, aut ab externo aere suggeruntur. Verùm quamquam vermes in educto cruore conspicerentur, attamen in dubium adhuc veniret, an insecta illa considerata essent tamquam malorum principium, an secùs, quod probabilius putaverimus cum *Lancisio*, (b) tamquam effecta dissolutæ fluidorum compagis. Pestilentes enim morbi oriuntur vel vigent a Principio communi, scilicet vel ab aere, vel cibis, vel

(a) *Quæstion. præfix. tom. I. mater. medic. num. II.* (b) *lib. I. par. I. cap. XIX. §. III.*

vel potibus, vel simulque ab omnibus ad perniciem vitiatas, quæ deinde per varia itinera interspersa Insectorum primordia in corpus animatum, hujusque dispositione evolvenda intrudere valent. Certè in illa *Boum* pestilenti constitutione, de qua idem *Lancisus*, (a) Insecta morbi causa non fuerunt, sed putrefactionis effecta. Ita profectò probabilissimum ducimus, pestilentes morbos, qui peculiaribus unius Provinciæ locis propter universalem ibi causam, atque inquinatum, & certa tactum labe aera epidemicè grassari solent; non Vermibus, qui intra sanguinem nidos sibi parent, sed noxiis halitibus, & inorganicis effluviis occasionem omnem ortumque debere. Etsi autem Animalculorum semina in aere fluctuantia cuti perviæ applicata, poris recepta, humoribus nutrita, calefacta tandem foecundentur, & sui generis partus enitantur; hujusmodi tamen minuta animalcula causam *Pestis* non esse præcipuam, sed præviam liquidorum dispositionem, & illis traditum de foris venenum in eorundem Insectorum pabulum cedere, vel inde ulterius patere potest, quòd in *Bovilla Peste*, quæ in Delphinatu debaccharetur anno 1745. nullum insectum in cadaveribus repertum fuisse scripserit *Sauvages*; (b) non rarò tamen *verminatio* ipsam *Pestem* concomitatur, ut ex illo exemplo ab eodem Monspelliensi Professore allato constat; (c) ubi *Peste* suspectis, dum ad prophylaxim *emeticum* propinabatur, innumeros vermes per vomitum ejicerent.

VI. *Pestis* autem reproductio, mira multiplicatio, & ejusdem virus corporibus adhesio diutina *Verminationis hypothesis* non patrocinator. Equidem licèt vermium proles continua regeneratione repullulet, si eodem tempore pabulum deficiat, emori eosdem necessum est; non ergo sola animalia, de novo producantur, sed ipsamet inanimata esculenta semel iterumque adesse oportet, quibus regenerati semper vermes vesci aliquè possint. Inanimata deinde corpuscula licèt vita careant, & uncinatis vermiculorum machinulis orbentur, spongiolis

(a) *lib. 11. ibid. p. m. 46.* (b) *Memoire sur la maladie des Boeufs p. m. 19.* (c) *Ibid.*

giolis tamen in corporibus firmam, vel per annos sibi figere poterunt sedem. Exemplum præbent odorum atomi pannis inhærentes diu. Ceterum, ne ultra, ac supra quàm æquum sit in hisce moram faciam, meminisse juvat, vermes ubique in corpore humano reperiri, quàm primùm putredinis sese stiterint indicia; ut non immeritò *Job* Sapientissimus & Patientissimus carnem suam undique verminosam esse dixerit. (a) Sic in variolarum pustulis inventi sunt vermes: sic in abscessibus passim prostant: (b) sic *scabiosi* vermiculi adsunt. sic *celtici* vermes Patronos habent quamplurimos: (c) Sic simplex putredo vermiculorum generationi confert: *Consule cap. supra VIII. per totum &c.* Sic in memorata (v.) *Pestilentia*, ob ingentem animalium liquidorum foetorem ipse narium mucus vermibus scatebat. (d) Quid plura? vermiculorum aculei vivos nos torquent, mortuosque consumunt agmina. Ut adeo *verminationem* in malo *Pestilentiali* satis familiarem non primaviam esse morbi originem, sed symptoma meritò suspicari posse (e) videamur.

VII. Causis *Pestis* conjunctis accensendam declaramus miram illam, quam ad coagulum habent vitata liquida corporis humani, promptitudinem. Ex spissitudine quidem cruoris, & summa qua pollet admissi jam lethalis fermenti acedine oriuntur obvia *Pestiferorum Phenomena*, & inflammationes *gangrenodæ*, & *Bubones*, & *Parotides*, & maculæ diversæ, & omnia quæ *Peste* laborantes mala exercent. Verum facile potest intelligi quantum a recto veritatis tramite devient ii utcumque perillustres Medici, inter quos recensetur *l'Abbadie* (f) qui nimio simplicitatis amore ducti, per impeditam solummodò aut diversimodè perturbatam sanguinis circulationem cunctorum in hisce agritudinibus apparentium phenomenorum ethiologiam expedire nituntur; Tamen quam characteres varii, motusque diversi, vel discrepans in eodem

(a) *cap. VII. vers. 5.* (b) *Andry. des Vers. tom. I. p. m. 123.* (c) *Bianchi de natural. in human. &c. dissert. II. p. m. 382.* (d) *Sauvages ibid. p. m. x.* (e) *Andry ibid. p. m. 342. sequent.* (f) *des Fieures Pestilential. cap. III.*

eodem miasmate ingenium repetitis non confirmarentur periculis. Quis enim nescit, hæc inter atroces Pestilentesque particulas, quæ solidis fluidisque æquè infensæ exitiosæ, ac perniciosæ sunt, quæque *gangrenosâ* labem longè lateque spargere animadvertuntur, quasdam esse, quarum natura in tenuissima celerrimaque putredine dissolvente versatur; quasdam verò quæ figendi coagulandique liquida gaudent virtute?

VIII. Hisce ergo & aliis argumentorum præsidiiis muniti, censemus *lanea*, vel simili materia constructis vestimentis, mercibusque quamlibet lanuginem excipientibus Pestilens virus proprio tamquam domicilio innidulari, propagari, & reconditum servari, vel in annos, posse. Contagiosam aeris crassim, vel putrefactionem liquidorum, vel *verminationem*, fluidive vitalis lethalem concretionem, causam hujusce mali continentem credat quisque velit, per me licet: *Confer. hic §. 1. ad VII.* Dummodo non abnuerit seminium pestiferum, velaminibus, operimentis, stragulis, & si quæ sint alia supellectilia *lanea* xilinave infecta, vel texta impingi, implicarique, ita ut occasio præcipua ampliandæ *Pestis* non temere, illa haberi posse videantur. Abditissimas, ut cæterarum rerû, sic & *Pestis* causas introspeciant, indeque corpori nostro applicent quicumque altiora sapientes occultissimas adorandi Conditoris leges penetrare gestiunt: Nos verò ingenuè potius nostræ ignorationis confessione contenti, candidè, ut sinceros decet, fatemur, essentias, *quidditates* ut loquitur *Sidenhamus* (a) ac differentias constitutivas morborum precipuè Popularium, altissimis tenebris obvelatas esse. Verùm in eo laborandum est, & quantum potero, experientia multorum sæculorum præscriptione tuta contendam; *Pestis* causam partim in aere, partim in humoribus ægrotantis, partim in mercibus infectis quærendam esse; at aerem sine mercium infectione nequaquam inquinari: per merces dein, dum *Pestis* traducitur, materiam contagii, quæ est substantia activa, fortè salina, ex corporis animalis corruptela fota, in porosissimis molibusque corporibus facile recipi, ibidemque hospitari posse

Dd

per-

(a) *ibid. tom. 1. p. m. 66.*

persuasum habemus; atque in compactis compressisque laneis mercibus, quàm diutissimè retineri, indeque *merces* eodem *Pestis* fomite imbutas, & ad exterarum Regionum delatas, si relaxentur, aerique libero exponantur, conceptum pestilentiale seminum e suis vinculis extricare, & sanis communicare hominibus.

IX. Hic autem non loquor de prima ignis Pestilentialis scintillula, ut neque de primo fermento, deque primo *Pestis* exortu: sed quodcumque fuerit dico, quòd si commercia tollas integrorum, & *Peste* laborantium hominum, *Pestis* non secus extinguitur ac ignis non adiectis lignis; cuius quod superest, cinis habetur inutilis ad novum ignem suscitandum. Atque ut ignis & similia certam quamdam habent *atmosphæram*, qua sese in vicinia diffundunt, ita pariter circa corpora, quæ *Peste* tenentur, vel Pestilentia eneçta fuere, adest aer, cuius auxilio in sanorum corpora immitti *Pestis* possit, & sæpenumerò transit. Ita etiam in Pannis, aliisque similibus textilibus halitus quidam servantur, virus Pestilentiale qui valeant seminare. Quòd dñ inclemens ista corporum *Atmosphæra* caveatur, pannorum, eorumque omnium, quæ intra eandem aliquo tempore immorata sunt, & eorum omnium, quæ aliquo modo *Peste* affectis fuere consueta, usus prohibeatur; vel saltem non nisi post longum tempus, & postquam puro aeri diu exposita, atque sic perpurgata admittantur: utique *Pestis* (a) non serpet, neque pervagabitur furens.

X. Quam facilè *lana*, *Gossypium*, *Pelles*, & similia corpora venenatos vapores combibant, & diutius conservent, tristis sæpe docuit experientia. Imò si funestam *Pestilentia* cuiusque historiam repetere, & considerare velimus, facilè constabit, ubique tamdiu, & tantum hæc mala sevivisse, quamdiu, & quantum commercio, & contagio locus permissus est. Sic *Venetis* *Pestis* principio mala non modò fuere valde remissa, verum etiam interdum & aliquamdiu prorsus extincta, donec externarum mercium contaminatione, usque adeo Civitas vexari, & affligi cœpit, ut postremò succumbe-

re

re illi necesse fuerit. (a) *Pestis* deinde quæ circa annum 1626. Italiam devastata est, vestium quarundam *lanearum*, linearumque, Vicentiam adsporationi ortum unicè debuit. (b) *Grassante Pestilentia*, sic scribit Fallopius: *biennium*, inquit, *apotheca quædam stetit clausa, unde factum est, ut merces, quæ inibi erant multæ, putruerint; tandem reserata apotheca, ingressi sunt duo Bajuli, ut merces adsparent, & vix ingressi ceciderunt, & mortui sunt, nam ex mercibus putrefactis corruptus fuerat apothecæ aer, qui attractus a miseris illis, infecit eorum sanguinem, & spiritum, & denique totus Provinciæ aer est corruptus, & maxima pestilentia excitata.* [c] Portius postquam *Pestis*, quæ anno 1656. *Neapolim* penè delevit, Monialium nonnullarumque familiarum, per cōmercium cum infectis ablatum, servatarum meminit; pannos, & cetera infectorum supellectilia; tamquam lethale virus repositorium meritò inculpat. (d) *Pestis* quæ anno 1720. *Massiliæ* *Populosissimam* Urbem aggressa est, quid eam putas pro prima infaulta scintilla habuisse. Merces *laneas*, ex Orientalibus Turcarumque plagis evectas, atque in urbem, quantacumque adhiberetur cura, tacitè illapsas: Adeo verum est, traductum illud quasi per manus fuisse *Massiliensis Pestis* contagium, ut temerarium esse arbitrer, vel tantillum hac de re dubitationis scrupulum. [e] Quid plura? Truculentissimam nostra memoriâ *Pestem*, quæ anno 1743. *Messanam* infinita hominum clade afflixit, navis ex Oriente profecta, *laneis* aliisque mercibus pollutis onusta in urbem certissima omnium Medicorum fide intulit. [f] Vestes, quibus *Boetikerus* per sex menses *Peste* laborantes visitaverat, fomite Pestifero scatentes filiolam suam unicam infecerunt, at ipso narrante, [g] quarto die

Dd 2

vitam

(a) *Massarias* *ibid.* lib. 1. p. m. 24. in an. 1576. [b] *Id.* *ibid.* lib. 1. sub init. p. m. 1. [c]. *Idem* de *Bubon. Pestilent.* cap. xi. p. m. 61. [d] *tom.* 11. *ibid.* p. m. 4. 5. [e] *Relation historiques chapitre xxiii.* p. m. 363. [f] *Memoria Istoria del Contaggio &c. da Orazio Turriano* cap. 111. p. m. 9. [g] *apud Manger Biblioth. Scriptor.* p. m. 342.

vitam cum morte commutaverit; quas tamen ipse tamdiu innoxie gestarat. Quamdiu ergo delitescere in *lanosis* rebus *Pestis* labes potest! Inde factum esse opinor, ut non sine ratione a Principum aulis atque persona arceri Practici illos Medicos jubeant, qui curationem morborum malignorum, & contagiosorum tractant, & inter ægrotos sæpius versantur; cum vestimento enim, aut capillitio contagium quidem afferre [a] solent. Inde numquam satis laudabilem esse patet, Senatus, & qui Urbium gubernationi, Reipublicæque administrationi præsumt, consuetudinem, qui charitatis verè christianæ singulari erga Concives vel subditos studio permoti, vestimentis, ceterisque textilibus ex *lana*, gossipio &c. constantibus dies noctesque mundandis insumant, suffundisque similibus mercibus maxima sedulitate incumbant; Nedum quadragenarium dierum terminum in *Lazaretis*, ut ajunt, *Peste* suspectis præfigunt; quique debacchante *epidemica* lue vias sepere milite, loca Urbium opportuna munire, excubias disponere, homines præficere omni ope allaborent, ne quid volatilissimorum Miasmatum Incautos adoriatur, & funestissimæ propagationis horrendam stragem ominetur. Inde tandem minùs tutam intelliges, imò periculi plenam Eorum sententiam, qui non modò quadraginta dies ut longum nimis tempus rejiciunt, [b] verum etiam omnem supellectilem ab omni virulentia suspicione liberam esse contendunt; [c] & quod inde sequitur, suffitionem pannorum, & cubiculorum tamquam inane hìc pavidæ mentis terriculamentum abjiciunt. Ubi enim de hominis vita agitur, nullum periculum vanum & superfluum censendum est. Certè *Pestis*, quæ anno 1675. Melitam nostram obsidebat, Insulæ vastitatem attulisset, nisi destruendo, vel reprimendo contagio, suffumigiorum cautela adhibita [d] fuisset.

XI.

[a] *Frideric. Hofmann. tom. II. §. IV. sect. I. cap. XI. p. m. 93.* [b] *Zacchias titul. v. lib. IX. p. m. 749.* [c] *vide Massariam ibid. p. m. 3. Item Diemerbroeckium l. c. Item Arbuthnot Essays &c. §. IX. p. m. 243.* [d] *Muratori del Governo della Peste lib. I. cap. IX.*

XI. Frustra verò objiceretur a *Dimerbroeckio*, *Pestem* concipi sine prævía ulla labe in mercimoniis Pestiferorum: frustra testimonia ab Auctoribus fide dignis conscripta, & contagiosas merces ostendentia refellere niteretur; *Quia illi hæc*, inquit, [a] *non de sua propria experientia proponunt, sed tantum ex relatu proletariorum quorundam de vilissimæ plebis fece Hominum [qui non tantum mendaces verum etiam valde rudes, & creduli sunt, atque imaginationes facile aliis tamquam verissima oracula proponunt, vel ut nimis credulos irrideant] non videntur tanti certè momenti, quæ nostram experientiam multijuga observatione, atque etiam ratione confirmatam evertere queant.* Hactenus ille: qui frustra, ut dictum est, laborat in rejiciendo omni viru contagioso a *Pestiferorum laneis utensilibus*. Quandoquidem periculis ab eodem institutis opponere liceat, quæ non minus veritatis sigillo munita prostant, & de quibus mox actum est; [X] quæque *Massiliam, Messanam* Testes oculatissimos, & luculentissimos habuerunt, ut proinde nefas sit, illudque valde periculosum, *Peste* tactorum supellectilia ab omni lue vindicare. Demus interea tamen rem in illis *Pestibus*, quibus *Diemerbroeckius* interfuit, ita se habuisse, ut ab ipso proditum est, quod sanè nimium esset, quid tum? *Pestis* venenum aliquando forsan posse contrahi sine prænuncio vestium fomite? Estò. Meminimus enim legisse, *Pestem* Civitatem *Atrebatii* bis invasisse, nulla prægressa cum Orientalibus Populis per mercaturam communicatione: [b] Sed simul ultrò confitendum est, illud, si verum sit, tam rarò utique usu venire, ut vix inter mille *Pestium* specimina unam reperire liceat, quæ per saltum infecerit, quæque per traducem non fuerit communicata. Ergo ne una aut altera observatio dubia, & fallax, quæ si vera, at saltem rarissima est, in normam statim ducetur? Neutiquam sanè: Perinde ac Medicus hodiernis observationibus optimè instructus, ex eo quòd unum vel alterum periculum de contracta lue venerea absque contagio offendat;

[a] p. m. 92. de *Peste* [b] *Relation. de la Peste de Marseille* ibid. p. m. 370.

dat; [a] malè concluderet, luem veneream absque præcedēte labe in sanos quosque derivari.

XII. Neque ulterius urgeant quamplures, vigente adhuc epidemica *Peste*, culcitra *Pestiferorum*, stragula lecti, ipsaque etiam decumbentium corpora tetigisse, cum ipsis ægrotis intimè versatos, quin de ullo concepto viru conquesti fuerint, *licet nullus fomitis locus intactus relinqueretur*. [b] In ultima quippe *Peste Massiliensi*, fatali heu nimis experientia consistit, omnes damnatos, qui è Triremibus Ducis iussu centeni quotidie ad humanda cadavera efferebantur; omnes inquam, eodem afflato *Pestifero* halitu, *libitina* celsisse. Quid quod in *Bovilla Peste*, de qua supra, hìc ad §. v. & quæ peculiaris illi animalium speciei videbatur, nihilo secius visi sint, qui Bobus propius adstantes, contagioso afflatu in vomitum, *diarrheam*, & abdominis dirissimam *tensionem*, pessimè inciderint: [c] quemadmodum ergo scabiosus unus, paucissimo ichore, qui acute manat, pluribus hominibus venenum affricat, qui singuli cum aliis totidem possunt idem communicare: Quemadmodum confirmationum *Phtisicorum*, sputa adeò interdum venenata sunt, ut Medicus illa olfaciens factus indè sit *Phtisicus*; [d] quemadmodum exhalantia e *Dysenterici* cujusdam fecibus corpuscula inspectantem Chirurgum *Monspelliensem* eadem labe infecere, ut sanctè asserere possum. Ita *Peste* correptus unus obviis plurimis morbum infert halitu, vel effluviis, quorum unusquisque simili via, *Peste* eadem totidem alios fœdare solet. Ita sanè eadem experientia compertum est, diro vitio labefactari cõtaminarique posse *lanam*, & quodcumque spongiosum textile, ut aliis animatis, vel inanimatis corporibus illud infundant; qua exploratum habetur, odoramenta, per longam ænorum seriem suam retinere vim, & pelles, pennasque animalium, necnon Bombicem, *lanamque* simili vitio imbuere.

XIII.

[a] de Vaux traité des maladies genitales &c. article v. section. 1. [b] Diemerbroeck. *ibid.* l. c. [c] Sauvages *ibid.* p. m. 6. [d] Schenckius apud Frid. Hofmann. tom. 111. chap. xi. §. xviii. p. m. 287.

XIII. Sed nec *Diemerbroekius* hac de re dissentire ullo pacto videtur, ut qui contra expressè testetur, perniciem foetidorum vaporum causā esse febrium *Pestilentium*, diluatque e cōtrario adductas difficultates; ut qui experientia didicerit, *tempore Pestis*, (sine Lancisio) locū hunc mutuo ab Doctis. Lancisio, [a] in illis ædibus, in quibus nulla lues adhuc erat, si lintheamina sordida aqua & sapone lavarentur, ea ipsa die, vel interdum postridie, duos tresve simul Peste correptos fuisse; ipsosque ægros testatos, fetorem aquæ saponatæ illis primam, & maximam alterationem attulisse: Hactenus *Diemerbroekius*, qui insuper addit, particulas jam ante per aerē dispersas, sed nondū aptam indolē ad ledendum adeptas additione effluviū aquæ saponatæ deleterias evasisse. Quæ omnia, ut fictam & commentitiā de insonte lana in Peste communicanda fabulam funditū convellunt; ita causam nobis adjudicant apertissimè, ut a quo argumenta adversus nostram *hypothēsim*, tamquam hac in re iudice idoneo proposita sunt, illemet non levī suo Testimonio nobis rationum præsidia suggererit, quibus absque ulla imposteriorum trepidatione asseveremus, in lintheaminibus ex lino, maximè autem ex lana derivatis contagium hærere posse; Præsertim si multiplici cœno referta, ex adventitia sorde putrescant, quæque proindē visu gravia & odoratu fætida, nocentissima, & verè *Pestilentia* evaserint; quæque ubi incaluerint virus conceptum exsuscitare, & externis primū acolarum partibus bello indicto, universę dein hominis machine vim atque ruinam intentare valebunt. Videantur, & cōferantur illa, quæ in superioribus nostris, de fætido odore cōmentati sumus, quem *supra cap. VII. §. xv. & cap. VIII. §. iv. passim*, opera serica diversimodē condita halare solēt in hominum perniciem.

XIV. Facile autem condono, ut de hujus contagii in laneis villis, & omnibus lanigeris mercibus residentis veritate ambigatur, si *Pestis* jam declinare cepit, vel in totum fugata est; si virus corporibus ceteroquin sanis inductum fuerit; si aer

Pesti-

[a] lib. I. part. I. de noxiis &c. §. VIII. cap. IV. p. m. 140.

Pestilentiali *diathesi* carens in nervum erumpere prohibeatur; hisce enim, & quamplurimis de causis futurum arbitror, ut venenum v. g. a *lana*, vel similibus suppellectilibus exsuctum, & alioquin ibidem nidulans, tacitum equidem, & sine ulla noxa fileat, donec succussione, quassatione, vel alio adhibito sarcinarum motu, caput efferat, aut in Pestilentem auram pronos jam impetat; vel vigente *Peste*, activum magis redditum, incubatione velut, potentiùs exacuatur; vel favente tabida ambientis constitutione, mirum in modum serpat, inque longinqua arrogantius sese diffundat. Inde habes quid de illa Nonnullorum difficultate dicendum sit: nimirum si virus Pestilens in suppellectilibus (ajunt) pannisque cubaret, fore ut Regio semel infecta numquam a malo esset immunis; neque tanti esse roboris suffumigationem, quæ fit ad Civitatis purgationem, Civiumque tutelam, ut non majori adhuc venenati spiritus portione contaminata manserint omnia, quæcumque demùm prudens solersque in extirpatione semini pestilentialis adhibeatur diligentia. (a) Irresolubile quippe foret propositum dubium, quodque nostram opinionem penitus everteret, si dum sarcinarum vestiumque *lanearum* efficaciam ad propagandum ferale virus inter *Pestis* causas recensemus; istud Contagii iter velut unicam & potissimam, hujusce sævissimi mali originem admitteremus, vel solis viribus foveri, disseminarique *Pestem* contenderemus. At enim verò præter hanc gravem Pestiferamque lanuginis aspirationem causam aliam epidemicam assumimus, & sive commune quoddam aeris, sive aspirationum vitium ad seminium Pestilentiale, e suis velut carceribus excitandum, requiri semper existimamus: imò præter ea, quæ ab exterioribus pravè constitutis, aut usurpatis ad Pestilentiam ingenerandam, & propagandam repetenda esse, supponendaque opinamur; subjectorum quoque paraturam, seu dispositionem internam, ad funestas *Pestis* impressiones suscipiendas absolutè necessariam semper judicamus, ut cuilibet attendenti patere potest.

XV. Verùm insuper addamus, quòd quantumcumque in
aere

aere præexistens deleteria constitutio augendo viru opportuna supponatur; quantacumque in hominibus sumatur aptitudo, quæ occurrentibus *Pestis* corpusculis ultrò patens eadem incredibili celeritate alat, inque alios traducat: Hæc tamen minimè sufficient, nisi virus Pestilentiale antea in corporibus inorganicis diu latens atque sopitum, inde quasi e fatali pyxide erutum explicatumque prorumpat, obvios quosque promiscuè invadat, paratos furiosè depascatur, domos veneni mobilitate subito enecet, familias, civitatesque integras mira promptitudine, rapti e sublimi torrentis ad instar, corripit, devastetur, & funerum cumulo impleat. Certè nobis minimè dubium, imò potius altissimè persuasum est, inter vulgatas causas pestiferum miasma longè latèque intendentes & disseminantes potentissimas esse, quas *lanca suppellectilia*, vel similes materiæ suppeditant. Hæc enim sunt, quæ luctuosi hujusce virus genio præprimis convenire videntur; quæ Pestilentiam carceribus velut terminatam inclusamve asservant perdiu; quæ levi de causa tabificos halitus emittunt, sanisque corporibus tradunt; quorum proinde energiam funestam, & agendi motum hic paucis juvat expendere.

XVI. Cui tamen considerationi (xv.) priusquam nos accingamus, animadversione non levi dignum arbitramur, *Contagium* non aliud esse, quàm *miasma aliquod ab ejusdem speciei corporibus in alia vicina transfusum*: Neque jam referre juvat, utrum aeris, an lymphæ fluidum, an verò solidum aliquid sibi assumat vehiculum. *Contagium* ergo erit, quod ab infecta corruptaque jam corporis morbiferi *atmosphæra* in aliam per traducem transit, & a simili corpore receptum proprios effectus edit. Ut autem diversis illis effluviis natura diversa inest, qua singula singulos morbos inferre valeant, quales advocare solent; ita novimus in tam affini hominum animantiumque constitutione uni tantum speciei sic alligari favam luem, ut non temerè in aliam immigret. Bestiarum *Suum*, pecudumque *Contagium* nihil habet cum hominibus commune: Quin *Pestes* adfuisse, quæ bubulo generi bellum ad internecionem usque indixerint, ceteris ruminantibus, & cornigeris illæsis, memoriæ prodidit

Ramazzinus. (a) Sic apud Hipocratem (b) curiosa habetur morbosæ cujusdam constitutionis, velut *epidemiæ*, quæ tantum fullones sustulit. Item ex *Plinii* testimonio, (c) aliquando Proceres tentari morbis, aliquando servos, observatum est. Ad hæc in quadam Populari ægritudine Viri potius afficiebantur, quàm mulieres; (d) & inter has gravius ægrotabant famulæ.

XVII. Quando autem ea est contaminati aeris aut putoris vehementia, ut sine ullo admodum temperamentorum delectu cuncta indiscriminatim ejusdem speciei corpora diro tactu corrumpat, nec complexionum varietate frangatur, eludaturve: enim verò tum *Pestis* nomen affectio meretur: quæ a morbo *Epidemico* in eo differt, quòd specie subtilis fluidi a pollutis jam venenatisque corporibus (xiv.) intercedente aere, latice quodam, aut solido corpore (xvi.) in alia corpora expeditissimè transferatur, orbis urbiumque vastatrix. Hujus quidem singulare ingenium & proprietatem proximum est ut eruamus. Itaque.

1. In primis virus Pestilentielle partibus corporis quascumque afficit, inflammationem, *gangrenoideam* inducit. Quæ quidem *phlogosis* in lethalem gangrenam terminanda nedum ex summa, quæ in sanguine tetra contagione affecto viget, ad concrescendum promptitudine deducitur, ut supra dictum est, (vii) verum etiam ex trium corporis animati Regionum affectibus, quæ coagulis purpureis infarctæ ferè semper conspiciuntur, eruitur, prout demonstravit Illustrissimus *Chycoeneau*. (e)

2. Præterea Virus pestilentielle sibi permissum, partes quas impetit rodit, atque exulcerat; acrimoniæ enim gradu ceteras contagii, & malignitatis species magno intervallo post se relinquit: inde vasorum ruptio, effusio liquidorum, *pu-sulæ*, *exanthemata*, vel malignæ *petechiæ* variæ toto corpore

(a) *Constitution. Epidem. tom. 1. p. m. 85.* (b) 7. *Epidem. num. 39.* (c) *Histor. natural. l. 7. cap. v.* (d) *Hypocrat 6. Epidem. section. vii.* (e) *de Febr. malign. Monspell. anno 1727. p. m. 9. sequent.*

pore sparsa: inde dolores punctorii deurentes, & alia ingentem Pestiferi fermenti acutiem innuentia. Virus ergo hoc ita comparatum est, ut partibus suis, exposita partium stamina, quæ strinxit, crispavit, inflammavit, tandem discindat, disrumpat, dissolvat, unde vasculorum erosio, & horrenda *gangrena*.

3. Ad hæc *Pestis* seminium sanguini ceterisque liquidis instillatum ea in putrilaginem mirè convertit. Testantur infestæ *Peste* laborantium *hemoragiæ*. Testantur hominum *Peste* correptorum cadavera, quæ illico mirum in modum foetent, intumescunt, & citissima putrefactione tabescentia, incredibilem *mephitim* exhalant. (a) Quamvis enim stimulo, & partium *erethismo*, quem primò creat, infesta hæcce lues videatur congestionem humorum favere, mox tamen longius provecta, & succorum vitalium texturam altius subeuns hanc perturbat, discerpitque ita, ut in tabum fluere cogat.

4. Demùm virus prædictum in distans operari natum est. Siquidem exilissimum est, quòd in *Peste* aer corporibus impertit nullo quidem sensu, sed solo effectu percipiendum. Subtilissimus iste venenatus spiritus, & agilissimæ naturæ materia mira volubilitate cursus, per universum, quà latè patet, corpus sese diffundit: Sæpius enim in fumigatas ædes per spissa fumorum nubila penetravit foeda lues. Itaque *Pestis* malum ingenti virulentia pernicitate stipatum est, quòd *contagio* eodem incredibili celeritate debaccetur, juvante scilicet quò, velut curru, vehitur aere.

XVJII. Ex hisce planum est colligere, 1. indolem veneni Pestilentialis duplicem esse, unam *acrem & inflammantem*, quæ ut aura venenata e corporibus infectis emergens, & succis animatis indita fibrarum nervosarum *erethismum*, & spasmodicam stricturem universalem creat, irritat, stamina convellit crispaturque; Alteram *causticam*, & *putrefacientem*, quæ motu subtiliori atque intestino crasim, & unionem componentium destruit.

2. Venenorum classes tres admitti posse videri; *corrosivam* & *acrem, obstruentem*, & tandem *narcoticam*: sed *Pestis* venenum acre nimium esse, quod ancipiti spiculatorum acie ita dixerim, pungat, fodicet, irritet, secet, corrodat, lancinetque vascula, eadem inflammans, & exulcerans, patet satis; & quod inde sequitur, (a) luem Pestilentialem numquam ex se Mortales invadere spontaneo vitio, sed semper sobolescere translatione veneni cujusdam, vel seminii insititii, quod tragœdiam ducat, atque primitivam labem ceteris humoribus sanis inurat.

3. Verum *Pestis* virulentiam sanis hominibus infligam (xviii. num. 2.) pro novo humore, seu liquido tenuissimo habendam esse intra corpus admissio, ceteris naturalibus liquidis superinducto, iisque tabem inferente: atque in hoc ceteris fomitem venenatorum generibus infectione, & communicatione corpusculorum quorundam vitalia penetrantibus convenire, ut in *Rabie canina*, *Variolis*, *Morbillis*, *viperæ morsu*, & *Tarantulæ* viru cernere est; in quibus omnibus vitiosa humorum dyscrasia, seu degener eorundem compositio, suscepti intra præcordia fermenti inquinantis effectus esse animadvertitur.

4. Materiem *Pestis* non unica salivæ deglutitæ via sanguini commisceri, ut putavit *Muratorius*; (b) verum etiam ejusdem miasmatis ingressui innumera cutis immixtaria patere, sive infundibula, quibus motu contrario introeunt, quæ foris influunt, ut ex utilitate tum Topicorum, tum maxime Balneorum aquæ tepidæ, manifestum est. Confer tractat. de Balneis, animadvers. nostra viii. passim. Itaque nostrum corpus tam per cutem, quam per pulmones, & hiantia oris vascula, & ventriculi vias tenuissimos cujuscumque speciei liquores imbibere aptum est.

5. Quin ausim asserere, illud contagionis iter, quod per seminii Pestilentialis in cutis vascula introductionem habetur, omnium promptissimum, facillimum, atque adeo communissimum esse. Quia veneni transmissio certa, velox, copiosa futu-

(a) *Linden. de venen. l. c.* (b) *Governo &c. ibid. l. c.*

futura est. Contagem verò Pestilentialem per salivam, ceterosque intermedios liquores sanguini affusam, difficillimam, tardissimam, rarissimam ratione contraria, quia traductio veneni incerta inde, lenta, pauca est. Infans e *Peste* languentis matris papillis expresso nutritus lacte nihil omnino accipit incommodi. Quod semel atque iterum experientia comprobavit. (a) Venenum viperæ deglutitum vim omnem amittit, Docet *Redius*: (b) quid quod in postrema *Massilia* *Peste* canes, suesque vili sunt Pestiferorum emplastra sanguinemque lambere, imò extirpatas Ægris inguinales glandulas tabidas (seminio *Pestis*, si ullæ certè hæ corporis partes aservando perquàm aptæ sunt) avidè devorare, quin ulla *Peste* corriperebuntur; Cùm econtra bilis Pestilenti perfusa halitu, & venis sanorum animalium injecta (c) præsentissimum *Pestis* fatum attulerit.

6. Minimè constare, quam speciem dissolutionis in liquidorum nostrorum oceano illapsa inchoet adversa infestaque lues. Diversa quippe in hominibus deprehenditur putredo a *Contagio* inducta: Alia enim cernitur in *dysenteria*, quæ & ipsa aliquando contagiosa est; (xii.) alia in *lue venerea*; alia in *Scorbuto*; alia in *Ulceribus*; alia in *Sphacelo*; alia in *febribus malignis*, in *Variolis*, & *Morbillis*; alia denique in *Peste* observatur. Satis erit Medico, sanguinem halitu pestifero tactum non certò & ubique coagulari; quòd plerumque in eo pessimo malo tenuiores observentur humores, quàm in sanitate: *Papulæ* dein nigræ non tam coagulationē cruoris, quàm ejusdem corruptelam patefacere (d) videntur. Quamvis ex alata partibus abnormi contractione, nescio quid fingentis etiam potentia, sanguini ingeneretur; sed quòd ab eadem (confer supra vii. & xi.) putrefactionis scaturigine proficisci certum est.

7. Proinde ab advenientibus extus, ut cum *Sanctorio* proferam, *Pestis* radiis humores omnes animalis vitium contrahere

(a) *Stalpartius l. c. observ. xcix.* (b) *Esperienze &c. l. c.* (c) *Relation &c. ibid. lib. cap. p. m. 378.* (d) *Gorter. de insensib. transpirat. in Aphor. Sanctor. cxxxviii.*

trahere nedum posse, sed re ipsa vitari semper: cum liqueat, luem Pestilentialem concipi per res externas; communicari per aerem ut vehiculum: xvii. num. 4. traduci in alios per contactum corporum mutuum; recipi per inspiratum a cute aerem Pestiferum: xviii. num. 4. E converso eandem frangi per separationem sanorum; cohiberi per ventilationem ambientis fluidi; impediri per combustionem supellectilium; abigi tandem per fugam, juxta illud:

Hæc tria tabificam tollunt adverbia Pestem:

Mox, Longè, Tardè; cede, recede, redi.

Nonne enim quam venena reperire est, quæ scævitia usque adeo insigni pollent, ut, quamvis corpus non attingant, eminùs humoribus insidientur, atque tetram fundant luem? (a) Nonne experientia constitit, in illa *Pestilentia* a *Masfaria* descripta, *supra* §. x. levi admodum brevique exiguæ vestis contactu homines ut miserrimè, ita facillimè in pessimum morbum incidisse? (b) Neque alia subest ratio, quare indusia aceto imbuta ad *Pestis* venenum avertendum adeo expertæ virtutis a *Diemerbroekio* censeatur, qui unica vice oblitus aceti, *Peste* correptus est, ut ipse narrat. (c)

8. Nihilominus tamen (quod Rei nostræ præcipuum caput est) *lanam*, & quæcumque ex texto vellere, vel simili materia in usus hominum confecta cedunt huic virulentia, quam maximè obnoxia esse, peculiari quadam affinitate, qua *lana*, tabum, & omnia Lanuginosa istiusmodi & faciliùs contrahant, & altiùs imbibant. Sanè clarum est experientiâ, *Pestis* illud toxicum, *lanarum* chartarumque superficiei asperæ inspersum, in remotas terras deferri, & appropinquant *atmosphærae* exitiale fermentum, nocentissimamque auram injicere. Posse tamen ex mercibus *Peste* vitiatas surgere miasma aliquod fluidissimum, mobilissimum, & *æthereæ* indolis, quod vicina corpora polluat, & rudiorum pannorum villos interpositum transferri aliorum queat, gratus ille licet, virosus tamen odor, quem Miserorum corpora spirant, ædibus,

(a) *Conf. Haller: in Boerhav. in tom. vi. p. m. 374. 375.*
 (b) *Idem ib. lib. 11. p. m. 36.* (c) *Apud Haller ib. p. m. 386.*

bus, ædiumque parietibus affixus [a] significare videtur: cum illo enim fermenti Pestilentialis idea in aerem, ex aere dein in adfita, & disposita jam corpora repit, & *contagii* noxam infundit. Cujus rei ulterior ratio inde repetenda videtur, quòd porosa cùm sint corpora, quæ *lanata* sunt, venenum faciliùs absorbeant, quemadmodum rarum habentes *pulmonem*, seminio *Pestis* præceteris obnoxii esse videntur; [b] quòd tenuissimum cùm sit, & transpirabile pestilentiale venenum, *lanosus*, & similis fabricæ res eligere videatur, in quibus, præsertim si *lana* succida sit, tenaci quasi involucro adhærescit usque adeo, ut nullis contrariis ventis, aut mutata aeris temperaturâ destrui, obruive possit, sed quietum inter villos silens, taceat virulentiam suam, donec arrepta occasione, magna obvios quosque clade afficiat; quòd madidis in aceto *Pannis* veneni illius portentosum robur hebescat, (xviii. num. 7.) utpote naturæ causticæ, & *alcalinæ*; [c] quòd tandem exempla non desint venenati halitus, qui singulari & imperscrutabili cognatione corporibus quibusdam præceteris conferatur. Sic fermentum *variolosum* optimè traducitur per *Inoculationem*, si guttulæ aliquot puris gossipio, linamento, *lanave* exceptæ sanguini affundantur: sic *leprosum* virus vestis *lanea* avidissimè exfugit, & fanis partibus communicat; quæ proinde comburenda ad morbi sanationem meritò jubetur. [d] Quidni ergo *Pestis* fomes poterit quoque per traducem ex pannis *laneis*, ubi sedem habet, pari ratione optimè valenti corpori immitti? Quidni pestilentia *Contagii* soboles per contagem quoque vitalium succorum fluento noxam similem inferre? Præcipuè cùm videmus corpora quæcumque substantia solidiore & densiore constantia, adeoque omnem aerem respuentia, nullam [e] contagiosam affectionem contrahere. Non ergo mirum, si *lancos* loculos, ubi melius recondatur, pestilens aura præ reliquis corporibus affectet, si-
bique

(a) *Relation. de &c. ibid. p. m. 454.* [b] *Sanctor. Aphor. cxxxv.* [c] *Confer James dictionnaire &c. tom. v. p. m. 473. 474.* [d] *Vide Leviticum ex Glosf. tom. 1. p. m. 238.* [e] *Masf. sarias ibid. lib. 1. p. m. 15.*

bique eligat: & si antiquitus abrafā, ab Athletarum corporibus strigmenta sanis foeta spiritibus in usus Medicos asserabant, ut plurimi venirent: (a) quantò truculentius futurum est virus, quod fumanti e cute morbida assurgens, in laneos molles villos ad contactum positos hareat oportet, inibique fileat, dum in obvios incolumes simili hosce virulentia veluti suis e latibulis excitatum, & calore excussum invigoratumque, afficiat.

9. Causas communes nonnaturales, imprimis aerem, non sibi innato insitoeque pridem veneno, sed accepto & adventitio vitari; tum quòd a finibus cujusdam civitatis v. g. prohibita lanā, aliisque utensilibus, nulla tabe, nullave *Peste* corripiantur homines; tum quòd priusquam (*supra hīc* §. 111.) occultatum in supellecilibus *Contagium* Urbium vestibula penetret, nemo *Peste* affici soleat; afficiatur tamen eo ipso sanè temporis articulo, ubi in eodem loco, non autem alibi; incendium de foris adveniens exardere incipit; tum quòd eundem aerem animalia hauriant, quin Pestilentiam concipiant; tum quòd aer flante vento mutatus in Urbibus jam infectis secum duceret omne inquinamentum, *Pestemque* dederet, quæ tamen in illis locis perdurat donec extinguatur utensilium ceterarumque rerum comneatus, per quas aer oberrans corrumpitur. Sic ergo cum *Sanctorio* tenendum est: *Res Peste infectas*, ait, (b) *inficere . . . nosque infici halitu supellectilium*. Quis enim ignorat, ut modò ostensum est, *Coroll.* 8. §. XVIII. sævissimam hanc homines depopulantem luem ad remotissimas non rarò Plagas devecam fuisse, miseri cujuscumque non solum ejusmodi tabo putrescentis appulsu, sed brutorum etiam, vestium, utensilium, chartarum, & similium commercio, in quibus venefica aura concluderetur? Nonne, ut brutorum pestem prodam, bubulcus ille, qui morbofo armento postquam operam dedisset suam, præsepe aliud ingressus, ubi optimè valentes boves stabulabantur, [c]

om-

(a) *Mercurial. ibid. lib. 1. cap. ix. p. m. 13.* [b] *Aphor. ibid. 126. 127. 128.* [c] *Confer Lancis. de Bovilla &c. §. XII. part. 111. p. m. 50.*

omnes eos *Peste*, quæ vestibus ipsius adhæserant, corruptit? Confer supra hic §. x. Quid si quis aliorum testimoniis adhibere nolit fidem, inquit Massarias, [a] adhibeat experientia, quæ utinam magno cum nostro malo non confirmaret, quamplurimos commercio eorum, qui *Peste* laborant, sæpe numero facile contaminari. An *Pestilentias* nostrorum temporum ab antiquioribus diversas esse credimus? An magis gravissimos, & solertissimos homines tam stupidos & bardos fuisse existimemus, ut rem illi non animadverterint, vel aliis demonstrantibus, vel sensu ipso unicuique patentem, & manifestissimam? Id quidem tam abest ab omni tum veritate, tum verisimilitudine, quàm quod maxime. Hactenus ille.

10. Minimè mirum esse, de falsitate *Contagii* opinionem plures habuisse Sectatores, atque de timore, & terrore ingenti, velut *Pestis* causa primaria, in Scholis sententiam viguisse, quam in Oratione solemni in Monspelliensi Fano olim habita Illustrissimus *Chicoyneau* si non primus tenuit, [b] at saltem primus omnium evulgavit, & omnibus dicendi præstigiis, lenociniisque tueri studuit. Non mirum, inquam, videri in illis præsertim Urbibus pestilentiali jam incendio flagrantibus, in quibus Spectrorum ad instar, Medici rostro prægrandi, vitreis oculis, inepto pileo, vesteque talarum deformes, dum nimirum sibi prospiciunt, pluribus exitio sunt, ipsisque bona valetudine fruentibus. [c] non modò formidinem, sed & mortem ipsam consciscere solent. Neque mirum præterea in talibus hominibus, in quibus singulari quadam corporis *idiosyncrasia* pavor ad eundem gradum assurgeret, ad quem Pestilentialem malignitatem eveniri posse, credibile est. Notum enim est, terrorem non modò esse morborum causam, (d) verùm etiam symptomata *Pestis* cum effectibus terroris mœrorisque, qui immediate & primariò nervos impetunt, convenire, atque inde tenuem, & stupendæ exilitatis vaporem Pestilentialem in nervos incitatum omnia mœstitiæ mala inducere.

Ff

11. At

[a] *Ib. p.m. 10.* [b] *Conf. Peklin. observ. 21. l. 11. & obs. de Peste l. c.* [c] *Geoffry ib. n. v. p.m. 196.* (d) *Peklin. ib. observ. 23.*

11. At verò certis adeò, firmisque argumentis *Contagium* hodierno tempore fultum esse, ut conspiciendum se cuilibet vel reluctanti ultrò ingerat, ipsaque *Contagii* migratio transfusioque apertissimè, & invictissimè tam oculorum, quam mentis acie conspiciatur. Amplectatur quicumque velit opinionem contrariam, §. XVIII. num. 10. sibi que de suavi hocce invento, seu potius gratissimo mentis errore congratuletur, modò sequentes nobis rationes evolvat. Quì sit nempe, ut Hypochondriaci diutissimè a morbis immunes persistent, quos diutissimè timuerunt, si terrori tantum insit virium, ut morbos, qui vividè formidantur, creare valeat? Qua ratione contumax *Lues* in constantissimos *Seneca* Sectatores, Sapientissimosque Viros altissima mentis tranquillitate fruenter grassetur nihilo fecius, omnemque firmi paratique animi vim, & lætitiæ omne robur eludat? Cur in Bovillo genere, a quo omnis prudens cautio, omneque conservandæ vitæ studium abest, neque adesse tantus pavor possit, infanda *Epidemia* tantam stragem edidit, quæ postea cuncta propemodum *Armenta* delevit? *Confer hic* §. XVIII. *Coroll.* 9. Unde nam remotæ adhuc ab hominibus *Pestis*, neque imaginatione adumbrati mali, in omnium tamen primo correpto homine flagelli timor, & infaustum omen exortum est? Aliam ergo comminisci causam *Pestis* oportet, vel naturalia phenomena, sed intricatissima nostro ingenio metiri, atque eruere; quod negant tamen esse Sapientis.

12. Quòd cum certa & indubitata experientia innotescat, præfatum *contagium* de *lana*, lanuginosa quacumque supellectili in Sanos transmitti; pervincatque notissima rei veritas, *Pestem* nulla ratione, quàm per traducem, disseminari, propagarique, inde clarum esse, communicationem istam trifariam contingere posse, & debere: 1. *In distans*: interventu scilicet aeris, in quem morbida corpuscula vibrentur, etsi nullis sensibus obvia. Sic magnes odorem nullum præbet, copiosa tamen emittit effluvia, quibus ferrum attrahitur: Sic *Amuletorum*, in eo de quo loquimur morbo, virtutes fida experientiâ constiterunt, non alia quàm halituum emanantium præstantiâ explicandæ: Sic conclusus stragulis, vesti-

vestimentis, aliisque rebus, vel locis, aer pestilens apertis hisce, corpuscula pestifera & contagiosa sanorum corporibus ingerit. *Confer* §. x. 2. Per *fomitum*: jacendo scilicet in iisdem linteis *Peste* decumbentium, induendo easdem vestes: Sic Boves pascendo herbas corrumpunt: sic animalia odorando infectas faces, eandem labem concipiunt: Sic tactu mercium morbidarum homines, velut fulmine tacti, illico concidunt. 3. *Contactu immediato*; in quo liberrima, promptissima, incoercibilis, & summè exitialis est veneni pestilentialis emissio atque traductio. Sic præpostera ulcerum, bubonumque pestilentialium contrectatione Chirurgi, *Peste* laborantibus obstetricantes, luctuosa experientia sapissimè cecidere: Sic immunes aliàs, istiusmodi maligna aura Coniuges imprudenti coitu sava *Lues* jugulavit.

XIX. *Contagii* in *lanceo* corpore præsentiam, ejusdemque eruptionem, & in Sanorum corpora transitum verissimis rationum præsidiiis comprobatum dedimus; ejusdem propagationis modos pro virili perlustravimus, evicimus. Præterea *Pestiferi* seminii naturam, qualitatem, agendique rationem, quantum nobis per phenomèna licuit, post experientiam indagavimus; eruiamus, dilucidavimus. Demum enucleavimus, quibus viis virus illud e *lana*, ceterisque affinis rebus profectum in sanguinem commeari possit. Restat modò detegere, quo pacto *Pestis*, ejusque fermentum tam diu aliquando latere intra Mercium, *lanciarumque* sarcinarum infectarum interstitia sine noxa possit.

XX. Jam dudum experientiâ compertum exploratumque est, & tristissimis exemplis comprobatum, virus *Pestilentialè* corporibus coercitum clam interdum filere ad multos annos, eaque ratione ad longè dissita loca, Mercaturæ ope, transferri. Præterea ubi primum sopita *Pestis* credebatur, vel nulla adesse suspicaretur, *Hydræ* instar sponte repullulasse, & giganteo passu, incredibilique celeritate propagata legitur, viresque sumplisse eundo: neque hac de re pericula desiderantur. Sic *variolosum fermentum* in seram ætatem differtur, atque abditum, & texturæ fortè corruptarum rerum infixum, diutissimè absconditur, in tempore emersurum, & lethali

suo robore innocua mortaliuni corpora invasurum: Sic virus *hydrophobicum* nedum per multos a morfu dies, verum etiam aliquando per plures annos sopitum manet in corpore, priusquam vires exerat. Mira sanè observatio [ut obiter dicam] hac de re extat, quam mihi in familiari quadã epistola gallicè transmissit Vir humanissimus, mei amantissimus, Universitatis *Monspelliensis* Medicinæ Doctor, & Medicus Avenionensis, nomine *Gautier* filius, quæ latinè versa sic se habet:

Anno 1754. Mense Januario, Lutetiæ Parisiorum - Cùm *Trichlinarches* Principis Rhotomagensis diu petitam Parentibus Virginem in uxorem duxisset, celebratis nuptiis, Sponsam in cubiculum ducit. At vix ingressus Ille puellam subpalpaturus, cùm, lætitiã in rabiem versa, & ex blanditiis in furorem abreptus, Sponsam devorat. Fremit, stridetque *Misella*, & horrendo ejulatu ædes complet. Dum autem accurrunt trepidantes Servorum greges, & in thalamum ultrò penetrant, [mirum dictu] non Sponsæ humanam effigiem, sed spectrum informe uncinis veluti laceratum, vul-tum partim voratum, partim cruenta & miseranda clade exesum confectumque, non sine lacrymis, stupent. Cùm autem Princeps Obsonatorem illicò morti dari juberet, tunc opportunè mentem subiit, illum jam pridem a cane rabido morsum fuisse.

Itaque virus jam a longo tempore occultatum, astro venereo exaltatum, vimque suam exerens, luctuosi spectaculi causa fuisse videtur.

XXI. Fuerunt qui innoxiam nostri veneni asservationem in lanea superficie negare ausi sunt, putaverintque, Pestem limitato plurium annorum decursu, ita tamen ut 25. vel 30. annos rarò excedat, reverti, & denuò absque contagio vestium, aliorumque inanimatorum corporum commercio grassari: Id quod motui telluris in vortice Solari quoad poros declinanti adscribunt. [a] Sed futilissimam, & stultissimam hanc sententiam dies clarior abunde delevit. Verum non possumus, quin indigna bundi in illos invehamur, qui bilem
ani-

[a] *Ap. Manget. Biblioth. Scriptor. l. x. tom. 2. p. m. 62.*

animalium sanguini affusam *Pestem* primariò communicare, volunt ostendere. (a) Hisce enim difficillimum foret explicare permanens & stabile in illo liquore pestiferi tabi silentium; ut quod e sanguine derivatum, & in ipsum denuò repens, & naturali jugique circulationis orbita quassatum, agitatumque, susdeque motum, inversum loculamenta nulla habere, vel servare queat invia inaccessa, quibus veluti totidem pyxidibus partes fermenti *Pestilentialis* incarcerentur retineanturque, ne exhalent in auras, aut ne aliarum molecularum vinculo [*confer supra xviii. num: 4.*] tandem immutentur.

XXII. Sed quid opus est figmentis, quorsum abditorem hujusce effectus originem inquirere satagimus, cum ex certissimis feralis istiusmodi miasmatis notis quæstio dilucidari, solvique posse, videatur? Putamus equidem, diversas esse rationes, quare sopitum diu obdormiscat innocuum in *lana* virus; diversas quoque causas, quarum auxilio ex insidiis tandem erumpat, magnam hominum stragem editurum.

XXIII. Forsan ex parte virus, quod latere in suppellectilibus supponitur, necessarium illud videtur, ut sit nimia, quantitate collectum. Virus enim tantò fortius & efficacius aget ceteris paribus, quantò magis abundaverit. Hinc quò plures sarcinulæ, merciumque *lanearum* fasciculi eadem infectione correpta fuerint; quò plura hominum corpora iisdem venenatis partibus afflata, eò terribilior insurget cædes; neque aliam excogitari posse rationem sentio, cur in Populosissimis civitatibus *Pestilentia* crudelissimè debacchari soleat, corpora depascendo, dum de domo in aliam, ex iis in vicus, ex vicis compita, plateasque proserpens, rapidissimam struit perniciem: Major enim hominum infectorum, stragularum, aliarumque rerum, quibus insedit virus, pars & numerus pro *Pestis pabulo*, eoque in dies ampliato, meritò habenda sunt.

XXIV. Fortè ex parte ejusdem veneni requiritur, ut si non sit multum, at saltem nimis acre, & summè exitiale.

Nam-

(a) *Deidier apud Relation. &c. supra.*

Namque virus eò magis efficax, & actuosum futurum est ceteris paribus, quò tenuius, acrius, subtiliusque erit. Quod ipsum ex triplici fonte repetendum censemus. 1. Ex nativa temperie aeris: Sic in Regionibus ferventissimo Soli expofitis contagiofa *lues* femel concepta nimio loci calore ita adtenuatur, ut falubritatem loci perpetuò infamet, fiatque ex *epidemico* morbus ferè *Endemicus*: *confer hic fupra* §. 11. proindeque Mercium ope importatum malum hifce cognatione, quadam adñgitur, atque ita implicari confuevit, ut per diu cum fua, quam primitùs contraxit, malitia in *lanæ*, *lanea*-rumque rerum poris occultetur. 2. Efferatur reconditum virus ex diuturnitate elapfi temporis, ex quo utensilibus inhaeret; quemadmodum in illis mercibus videre eft fupellectilibusque, ubi jamdudum exhalantes perniciofi & contagiofi halitus fomno velut foporantur. Sic fuperiùs vidimus in illa officina, de qua *Falloppius*, (§. x.) diutiffimè *laneas* telas, cum claufæ fuiffent, eadem patefacta aerem infeciffe, & obvios quofque extemplò corrupiffe: Sic Pefiferorum conditoria calce obruta, & cementis obfirmata, cautè cufodiuntur in fàculà, ac capitis pœnà prohibetur, ne umquam illa pandi referarique valeant. 3. Inualefcit virus ex mercibus agitatione qualibet inducta; quo fit, ut obdormifcens, fparfaque inter pannorum *lanarumque* fpatiola villofa fermenti malitia excitetur, & collectis viribus truculentius Mortales infiliat. Sic in *Chemia* fàles non pauci difjuncti, nullo nocumento, conjuncti verò maximo funt: Sic in *Pefte Bovilla*, contagium a bove *Pannonico* contractum non antea in vicinia *Peftem* inter *Armenta* diffeminat, quàm ubi incommoda navigatione, pravoque beftiæ halitu auctus collectusque fomes fufficientem veneni illuviem congelferit. (a) Sic cada-verum *Pefte* denatorum emanationes frigida cum fint, nullo calore motæ, non adeo periculofæ (b) cenfentur.

XXV. Fortè ex parte aeris non quolibet conftitutio deleteria

(a) *Lancifius ibid.* §. XII. p. m. 50. (b) *Arbutnot ibid.* §. VIII. p. m. 242.

teria extricandæ *Pestis*, & venenatis particulis e lanuginis compage evocandis foras idonea est. Constat quippe, dum ab agro in sanum corpus derivantur morbi, profluere ex illo, influere verò in istud quidpiam subtilis, agilis, penetrantisq. aut ipsius causę mortiferę *Pestilentis*, quod portio sit, aut saltem cum ista cognitionem habeat, & eandem agendi rationem possideat. Hos verò horrendos spiritus facilè dabis, in aera præsens, & corporibus superincumbens continuò educi, in ipso oberrare, & cum eodem, qua data porta in subjecta disposita, *supra* §. xiv. xv. ingressum contendere. Cuncta enim corpora ejaculantur effluvia quædam nunc longiùs, nunc propiùs, nunc largiùs, nunc remissiùs; quorum alia in fluido aereo facilè dissipantur nullius futura virtutis; alia verò principio lentiore, & glutine quasi quodam constricta, hærent inviscata, naturam tamen suam malignam usque tuentur, nec facilè evanescent; Imò etiam postquam in medium idoneum se inseruere, cum eo in longinquos terrarum tractus deferuntur diutissimè superstites. Notum ergo esse debet, fluidum aliquod aut fluidi receptaculum inveniatur oportet, quod miasma *Pestiferum* in aliorum corpora transfundat, quocum in remotas Oras diffundatur. Itaque aer, quamvis proxima *Pestis* scaturigo minimè sit, §. i. certissimum tamen medium fluidum habetur, ope cujus exitium corporibus pollutis exemptum expeditumque longiùs viciniùsve convehatur, & ubique commigret; cujus etiam adminiculo ferale miasma, antea deside & otiosum, vel altè sepultum quasi e totidem vaginulis promatur, & scenas agat plerùque funestissimas. Nempè

1. Si constitutio calida, & humida, & verè Austrina terris antea incubuerit, quæ sive *verminationi*, sive exacerbationi veneni mirum quantum apta est. *supra* §. ii. v. vi. Sic Illustrium Authorum, qui de *Peste* scripserunt, crebriori præxi abundè patet: *Frigente cælo Pestilentiam vel penitus deleri, vel fugam meditari; quamvis enim tam hyeme, quam æstate, tam sicco, quam pluvio, tam temperato, quam inæquali cælo grassari solet; æstu immoderato tamen, (a) atque æstate affligit magis.*

(a) *Massarias ibid. l. i. p. m. 12.*

2. Si uberiores influxuum, tabidorum copiam aer secum vehat, tantò efficacius corpori animato ingerendam, quanto plures patent *contagio* viæ. Sic expuitio continua saliva laudatur, ut *prophylacticum Pestis*: Sic orti derepente prosperi ventorum flatus, aerem auferendo vel purgando, quantitatem corpusculorum Pestilentialium imminuerunt, vel fregerunt, non rarò feliciter.

3. Si ceteris paribus parcam, exhalationum veneficarum vim intra se fovens aera aliqua de causa incalescat ea ratione, qua ad exacuendam virulentiam opus est. Sic in præcitata *Massiliæ Peste* utensilium combustio, ignis accensio, sulphuris, arsenici, & similium fumus tantum abfuit ut loca tabe infecta mundaverint, ut, potius oleum velut camino adjicientia, furentem jam Pestilentiam in evidentiores lucem protraxerint.

4. Si *atmosphæricus* aer pacatissimè quiescat, neque ullis ventis perflatus sit: Sic enim futurum est, ut magis ac magis in dies aspirationibus infinitorum cadaverum morbidis affluat, atque ulteriorem putrefactionem intendat: sic si putrefactis alia addantur putrescibilia, & ipsa quoque cum in aerem evaserint, totam aeream massam in corruptelam convertunt: Sic multum in *Peste* juvat, contaminatum aera removeri, vel hominem a vitioso aere fugere: Sic ruri, quàm in Urbe melius commorantur: sic tandem nihil magis putredinem tollit, quàm larga ventilatio; (a) quod tam in corporum, quàm in aeris [b] inquinamento clarum est.

5. Si putridis inflammabilibus, oleosisque moleculis ipsa aeris massa referta sit: Sic prægressæ coeli, nocturno præsertim tempore, coruscationes, & diu durantes omen imminentis *Pestis* non semel dedere: *supra* §. 11. Sic in Fodinarum altissimarum cuniculis commodius interdum respiratur, dum aer ibi certo salium exoticorum agmine coagmentatus pravas in alio externo exhalationes morari aptus est: Sic imbutum aceto, sale tartari, & alio consimili præsidio instructum

(a) *Sanctor. ibid. aphor. cxx.* [b] *Gorter. de insensib. p. m. 171. 172. sequent.*

tum aëra, vel vestimentum quodcumque, dum de industria ori applicantur, salubriorem inspirationem [a] efficiunt.

6. Si tandem (quanta enim Mediusfidius, & quam diversa in hanc rem possent adduci scitu necessaria!) viciniùs corpori animato fugenti adstet aer: Sic in Pestilentia illa a *Thucydide* descripta notatum legimus, quamplures Medicos, cum primùm ægros adibant, protinùs extinctos fuisse: [b] Sic qui eadem cum ægris domo continentur, vel effluviis impetui magis patent, omnium primi noxam incurrunt: Sic ad arcendos lethales vapores *Pestilentia* affectis, vel in *Lazaræ* commorantibus Sani, *confer. supra §. xviii. num. 7.* cernunt alloqui solent.

XXVI. Neque minùs experientia clarescit, ad suscipiendam *Pestem* corporis prædispositionem concurrere. *confer. supra §. xiv.* Sic corpora, quæ spongiosioris, rari, & porosioris sunt habitus, longè citiùs & graviùs aliis hoc morbo decumbunt; [c] eadem prorsus qua diximus ratione, *supra §. xviii. num. 8. 9.* lanca omnia, & villosa corpora firmam, Pestilenti miasmati præbere sedem: Sic venefica stupenda renuitatis materia, quoniam primariò nervorum structuram labefactat, primariò quoque timidos, pavidosque præ aliis corripit, enecatque. (d) Requiritur ergo dispositio ex parte Subjecti, qua deficiente, venenatæ molleculæ corpus, incassum fubeunt, vel in eodem inertes, & sine ullo notabili robore jacent, quin aliquando absque insigni damno in auras perduntur, atque solvuntur. An non Fides adhibenda *Lancisio* Viro tam eruditissimo, qui scriptum reliquit in *Boum Pestilenti* morbo non senes, atque strigosos boves, sed qui florida erant ætate, robustiores, & obesos illa labe (e) de medio sublatis? Rursus cum inspiratum miasma, vel absorptum a cute, utpote ethereæ, & subtilissimæ substantiæ, poris omnibus ubique admittatur, inque liquidorum massam per-

Gg

tin-

[a] *Arbutnot ibid. p. m. 135.* [b] *Massarias ibid. l. 1. p. m. 10.* [c] *Fridericus Hofmann. §. v. tom. 11. p. m. 94.* (d) *Geoffroy ibid. num. 11. p. m. 170. 171.* (e) *ibid. §. xlii. p. m. 51.*

tingat, patet seviùs, & trùculentiùs illud in eos debacchatũ, iri, quorum pellis meatibus actũ hiantibus, & plurimum laxis pervia est, quàm in ceteris hominibus. Demum *Pestilenti* Coelo homines; qui chronicè laborant, iique languidi, optimè habent, & hydropici ferè sanantur, sola pulcherri-
ma Pubes (a) perit, & plethorici homines. Itaque major, vel minor infectionis vis paraturam subjectorum supponit, atque temperiem.

XXVII. Si ut communis, & plurimis nota observatio est, accesserit in homine meticulosa *Pestis* idea, & conceptus inde animi consternati mœror ad transpirandum virus proclivior evadit. Hisce siquidem conditionibus vagum in toto aere Pestilentiale virus corporibus ita affectis captatum imbibitumque, ob nimiam vim motus spirituosì laticis metu jam, atque pavore languentis aditum facillimè inveniet *contagium*; vel jam semel intra corpus admissum, ob labascentem spirituum animalium lentissimè fluentium irradiationem difficillimè e corpore ejicitur. Notatum id jam olim est in *Peste Neapolitana*, qua magnus ille vir *Marcus Aurelius Severinus* interiisse quoque dicitur. Animadversum etiam in *Peste Lipsiensi* quantum possit scæviente *Peste* incussus mortalibus timor, atque præsentiissimi lethi tristis imago. (b) Et verò planè affinia sunt quæ *Diemerbroeckius* (c) observavit, quæque post illum non infimæ notæ Viri excogitarunt, *supra* §. XVIII. num. 9. 10. formidinem nempe in *Peste* venenosum miasma velut combibere, ejusque incubationi exclusionique aptissimam esse: quamquam, ut diximus, sola mœstitiæ idea generando viru impar sit, nisi de foris illud advenerit, externumque traductionis fomitem habuerit; quem in supellectilibus, maximè autem in laneis, iisque infectis, juremeritò reposuimus.

XXVIII. Ex hætenus dictis, ne longiùs excurrat oratio, & ad majorem de *lana*, & de rebus *laneis* ad contagii Pestilentialis admissionem, præ ceteris textilium generibus maxi-

(a) *Haller in Boerhav.* §. 886. (b) *Conf. Peklin. observat.* XXI. lib. 111. p. m. 445. 446. (c) *Ibid.* l. c.

maximè dispositis confirmationem, colliges facilè ad sequentia dubia responsum, scilicet:

1. Cur *Contagia* Animantium ab hominum *sphæra* repellantur; atque Hominum *Pestis* Brutorum corpora intacta dimittat.

2. Cur *Pestis* ejusdem complexionis homines, aut contubernii Hospites plerumque celerius invadat perimatque.

3. Cur infinitis propemodum modis & homines possint & bruta, quin & venti pestilentes radios convehere, illosque longius conferere.

4. Quare aliquando *Pestilentia* clam insidietur, quousque aperta invasione certissimam perniciem Animalibus afferat.

5. Quid est, quod Quidam impunè inter morbosos commorentur; alii vix dum illic se conferunt, tabe ita subito afficiantur, quasi non illam illinc accepisse, sed secum ipsi tulisse videantur.

6. Quare homines læta & integra sanitate potitos, necnon a Pestiferorum cætu longè degentes, *Pestis* nihilominus corripere, & occidere soleat.

7. Cur non ita semper exundant Pestifera in aere miasmata, ut totam ejusdem substantiam pessundent.

8. Quamobrem nonnunquam interjecto quodam intervallo, Pestilens illud tabum in utensilibus aere, sanguineve reconditum statim & improvisò se prodat, viresque suas in nervos primum, mox in sanguinem exserens, *Pestem* demum manifestet.

9. Quorsum porosa corpora, non indiscriminatim cuncta, atomos pestilenciales sugant, & attrahant; verùm requiratur ad illam absorptionem, nescio qui necessarius sit affinitatis consensus.

10. Quid est causæ, cur non minùs intimiori contactu, quàm halitu *Pestis* inficiat, & diu perdurare sopita valeat.

11. Quid est, quod res *Peste* cõtēmeratæ corrumpant vicinas, quousque duraverint proximæ conditiones ad infectionem inducendam necessariæ.

12. Quid est, quare alii sint, qui contagium Pestilens facillimè, & nullo contagio in spirent concipiantque, dum e con-

tra alii idem contagium longius a se propulsent, difficiliusque luem concipiant, licet in præsentissimum discrimen sapissimè sese conjecerint, ut cadaverum Profectores.

13. Quid est, quamobrem quibus diu innocua una cum Inquinatis conversatio fuit, nonnulli morbum celeriter admittant, si cum aliis Infectis levius misceantur.

14. Cur quidam per diu cum *Peste* pollutis conversantes sine noxa, postea tamen absque ulla novi virus accessione ab iisdem ægrotantibus aliquando inquinantur.

15. An *Peste* correptus iterum *Peste* infici queat, ut in varioloso morbo?

16. An *lanæa* omnia conclusa, complicata, convoluta, & quoquo modo in se coacta virus coerceant, foveant, & quamdiu?

Hæc & alia problemata ex præcedentibus liquent, neque illis immorabimur, cum satis superque de *Peste*, quatenus in quibusdam corporibus, maximè autem in *lanis*, foveatur, nutritur, adolescit, & inde in alios traducitur, dictum putavimus. Cujus quidem *Lanuginis* ope si quis repentinum aliquando *Pestis* exortum, si festinantis morbi inde extricationem rabiemque, si materiæ incubantis virus, etsi parvissimæ, sufficientiam considerat, haud facillè ullum legerit funestius venenum, ullamve corporum reperiet fabricam, quæ, præter omnia *lanæa*, celerius, vastius, truculentiùsque clausam diu luem eniti, spargere, & inaudita populatione in Sanorum corpora evibrare possit.






CAPUT XII.

DE PRUDENTI, ET MULTIPLICI

Lana in Praxi Medica usu.

I.  N illa demum incidimus, quæ propositum Nobis argumentum quàm proximè attingunt, in quibus præcipua dicendorum materies continetur; quorum pertractatione in indicandis vestium *lanearum* usibus navigationis cursus nobis tenendus est, quasi per mare Pacificum procellis omnibus immune, omnibusque naufragiis tutum. Hactenus enim tempestosum, & multis infortuniis obnoxium navigavimus: dum in anteaetis Capitibus cautelas exhibuimus, quibus in adhibenda prudenter *lana* procedendum sit; scopulos indigita-
vimus, quantum fieri potuit diligenter, in quos vel propria culpa, vel Medicorum incuria allidere solent, qui *lanas* intempestivè, vel præcipitanter nimis usurpant; morbos enumeravimus, quibus crassiorẽ Pannorum substantiam, horumque diuturnam, eamque immediatam corpori vivo applicationem ex causa, non verò ex conjectura moderaretur Medicus pro ægrotantium viribus, ætate, constitutione; pro morbi gradu & vehementia; pro symptomatum ingruentium ratione &c. leges tandem & canones quosdam tacitè innuimus, quibus Artis Peritus funestis symptomatibus, siquæ ob-
veni-

venirent, vel minùs prosperis curationis successibus, siquì acciderent, providere, futuris occurrere, vel mederi præsensentibus posset. In summa, præsensentia pericula, vel graviorum malorum impendentium metum sollicitè incussimus, quibus damnosa esse solent Utentibus lanigera corporis opera, eorundemque cita abjectio, & mutatio suaderi debeat.

II. Ex multiplici ægritudinum genere, quibus conflitantur homines, pauca sanè prostant, quibus restituta insensibilis perspiratio non faveat, cujus commoda & bonos effectus prosequutus est *Pitcarnius*. (a) Nam morbi *acuti*, & *febriles* quamvis istiusmodi remedium debortari videantur, nec nisi cum cautelis supra memoratis *lanarum* usum coindicent; *supr. cap. ix. & x. & passim*. constat tamen, febrium ultimum & certissimum auxilium a *Diaphoreticis*, declinante morbo, præscribendis petendum esse. (b) De morbis autem *Chronicis* quid dicam? quorum fundamentum variæ lymphaticæ obstructions, atque humorum stases sunt; (c) an ulla illis tutior Medicina adhiberi possit, quàm quæ ab instaurata ejusmodi cutanea excretionem dependet? (d) Quot dein sunt longi, & morborum affectus, qui depravatam, & rebellem viscerum labem non agnoscant? Quot, quos peculiaris, & proteiformis sanguinis inquinatio non foveat? Quot secretionum & excretionum exuberans copia, vel perversus modus non alat? Quot tandem, qui ab impedita laticum ad cutem derivatione, vel crassiori lymphatico rore, vel *Sanctoriano* vapore notabiliter imminuto non sobolescant? Una, eaque simplici, cutanea evacuatione restituta, multiplex, & infinita illa morborum cohors abjicitur, propulsatur, penitusque deletur. Nam sive morborum *chronicorum* materia alicui visceri insederit, sive ab impura sanguinis crasi, & liquidorum inde abscedentium vitio quolibet scaturiat, sive demum in ultimis cutaneis emissariis quaque ratione substituerit, vel ad

cutem

(a) *Dissertat. de curation. febrium &c. l. c.* (b) *Conf. Cantuvel dissert. de febr. articul. 4. §. 111. in fine.* (c) *Frider. Hofmann. tom. 1. part. 1. cap. 11. p. m. 164. & p. m. 158.* (d) *Conf. Boerhav. Institut. 1192. num. 5.*

cutem parcissimè commovetur; perinde erit, atque adaugete, vel promotæ huicce purgationi facili negotio cedit. Hæc enim celebris excretio ritè procedens, vel jam amissa, recuperata nunc materiam jam in prima coctione elaboratam, in secunda subactam, in tertia demum ad expulsionem paratam supponit: seu clariùs, salubris, & sponte succedens, vel arte concitatus vitalis cutaneusque vapor concipi nequit, quin priùs concipiatur sana viscerum *chilopoieticorum*, *hematopoieticorumque* functio; neque haberi potest, quin priùs reliquæ secretiones ritè processerint, & liquidorum massa ab *etherogeneis* partibus liberata, in naturalem circulum facilem æquabilemque redierit; verbo quin sana sint omnia. Adeò verum est, perspirationem istam & venientis morbi, & recessuri certissimum indicem esse; (a) tum quòd cum hæc actio sit corporis ultima, & unâ cum præcedentium vitio mutetur, si sit cognita, ad prædicendum morbum futurum maximè juvet; tum quòd nullus videatur esse in corpore locus, nullumve exilissimum etiam vasculum, per quod hæc non vadat materia, & cum ea simul non excludatur humor vitiosus vel quantitate uberior, vel consistentia dilutior factus, atque subactus: proindeque ex hac sola transpiratione corporis animati curari possunt infiniti morbi *chronici*, in quibus tractandis excellentissimi Practici nedum cespitant interdum, (b) verùm etiam cæcutiunt ferè.

III. Cùm autem *Sudorifica*, vel *Diaphoretica* remedia humores nostros vel validiùs moveant per totum corpus, vel interim simul imminuant resistantiam in vasis exhalantibus circa cutim; (c) priora verò remedia interna, posteriora autem externa vulgò censeantur ab omnibus *Pathologis*: Ideo meritò inquirendum hìc est, utra methodus adjuvandæ, vel eliciendæ perspirationis efficacior sit, atque tutior. Et sanè si experientiæ adstipuletur ratio, non possumus quin *Diaphoreticis* externis primas laudes deferamus. Nam

I. Ut

(a) Haller: tom. III. in Boerhav. DCCCXXIX. (b) Gorter de insensib. Transpirat. cap. I. §. v. VI. (c) Boerhav. ibid. 1188.

1. Ut ad experientiam provocemus: Sudoris initium cutis adauctus calor est; salubris perspiratio moderato cutis calore cietur: & quemadmodum levissima etiam aura frigidiuscula calenti corpori ingestâ illicò vapor cutaneus sistitur, ita mitis calor accedens corpori absque cunctatione perspiratum promovet. Docet hoc stimulus ad urinam emittendam, dum manè experrecti, & lecti blandum fotum deferentes, ambienti objicimur frigidiori. Docet e contra quotidiana Eorum praxis, qui perspirationis gratia corpus cautè tegunt; illicò enim a promota istiusmodi evaporatione levamen percipiunt.

2. Modò cetera sana sint, & corpus ritè se habens prudentia quadam operiatur, e centum ægrotantibus vix unum reperias, qui tegminum perspirationi faventium ope melius non habeat, vel a morbis prædictis (II.) perfectè non convalescat, licèt non tam citò: Requiritur enim determinata mora, & tempus certum, quo pro ratione concoquendæ materiæ in morbis *chronicis*, qui persapè sanari amant, externa hujusmodi medicamenta vim suam exserant: Quandoquidem plurimorum *Chronicorum* nullum observatur criseos tempus, sed citiùs, tardiùsve digeruntur, prout vires magis minusve fuerint validæ.

3. Nullum forte remedium offendere est, quod insensibilem distillationem jucundius promoveat, cujus infortunium, si quod timendum esset, periculo vacaret omni; nam detractis illicò vestibus, vel aliis externis topicis calefacientibus, si quid mali obvenierit, citò occurritur.

4. Dum isthæc auxilia *diaphoretica* externa cuti admoventur, vaporem exhalantem coercent, meatus laxant, & si quod derivandum est, certius alliciant; si quid movendum in vicinia, efficacius urgeant; si quid per illud emunctorium eliminandum est, ut tacitè, & absque ullo tumultu, ita, quàm præstantissimè evacuant. Sed de his iterum infra.

IV. E converso, quotiescumque administrantur interna *Diaphoretica*, toties incerta, lenta plerumque, quin aliquando periculosa obtinetur medela. Etenim I. cùm omnium ferè *Diaphoreticorum* (si aquea omninò excipias, quæ in propriè vocan-

vocantur *sudorifera*) partes componentes figuratione specifica acres aromatica *salinae lixiviosae* in liquida agant, & quidquid spissum, densum, viscidum cruori inest, fundant atque eliquent; certè utcumque omnia optimè & prudentissimè à perito, & talis methodi apprimè gnaro Medico gererentur, non rarò accidit, ut cui destinantur promovendæ diaphoresi, hanc nullo pacto eliciant; sed loco ejus aliam evacuationem proritent. Norunt Practici. Quin sapè in orgasmum inde spumescente liquidi purpurei mole, immaniter turgent grandiores, & sanguivehi canales, qui minima adjacentia vascula, vel intertexta usque ad occlusionem, & solitæ exhalationis omnimodam suppressiõnem claudent. Resistentes autem cutis meatus infinitæ parvitatibus canaliculi sunt, & si qui in corpore alii, omnium compressibiles. Docent Physiologi.

2. Demus autem, in exhibitione horum remediorum optatum semper finem obtineri advocandæ distensionis copiosioris; sed quàm, bone Deus, ea *Therrapeja* diuturna, quàm rara, quàm longa est! Nimirum guttulis auxiliorum *diaphoreticorum* jam jam sanguineæ massæ commixtis, longissimum iter peragrandum est, antequam, ut opus est, ad cutaneæ excretoria accesserint. Sed & ipsa *Diaphoreticorum* principia quoniam momento satis debili pelluntur, nequeunt sapè in vasa, aut vasorum glomeramina penetrare, quæ spissiore humore, nimiumque densato oppleta sunt, neque adeo hærentem ibi humorem, vel vitiosum ibidem congestum fomitem ullatenus corrigere: Hinc ergo evanida reddentur viribus effoeta, ut quæ in primo occurrentia obstacula impingentia omnem vim amiserint, quæ ad cutem locaque vicina deducta, vitio humorum hæc fluitantium, celeri ut opus est medela occurrere possent.

3. Acria *aromaticorum* calidorumque remediorum corpuscula, eademque calorifica, non modò acrimoniam fluidis, & erosionem solidis minantur, verùm etiam massam liquidorum majorem in æstum concitant, & canalium parietes maximoperè dilatant: Hinc ergo multiplex mali labes: unde summa corporis emaciatio, extenuatio, consumptio; unde pulmonum calor, exulceratio; unde jecinoris, ceterorumque

que viscerum æstus, *phlogosis*, inflammatio; unde renum, & vesicæ *erethismus*, & *phlogosis*; unde in feminis immoderata *catameniorum* eruptio; unde incommoda (a) & periculosa curatio.

V. Methodus ergo curativa, quæ per *diaphoretica* internè sumpta (1v.) adornatur, diuturnior, difficilior, magis laboriosa; quæ verò a *topicis* externis præsidiiis desumitur, omnium brevissima, (111.) facillima, commodissima censenda est. Quando *sudor*, (verba sunt *Hallerii*), nullo modo cieri potest, corpus nudum solo pallio tectum oportet in vapore calidæ ponere, ita brevi totum diffluet ex sola laxatione vaporum cutis: neque majus *diaphoreticum* datur, quàm calidæ vapor. (b) Tanti est ad *diaphoresim*, cutem extimam adversus aeris injurias munitam esse. Huc spectant stragula lecti, multiplex vestium genus, varia corporis operimenta, diversæ speciei *pallia*, quibus sanè corpus convestitum, & nudo contactu opertum ad perspirationem egregiè disponitur, sed quàm impari exitu! Nam *lanea* vela, vel quæ *gossipio* texta fiunt, ex multiplici capite præferenda censemus iis, quæ ex lino, canapeve tantùm confici solent; quo fit, ut cum *lanei* vestitus quicumque corpori appliciti tutius, efficacius, & certius curationem absolvant; linei e contra nec satis tuta, neque satis efficacia, neque satis certa, & insensibilis transpirationis auxilia opportunè subministrent. Illud autem quamvis ex nostris experimentis (*supr. cap. 111. 1v.*) ultrò patere possit, exigit tamen suscepti a nobis argumenti dignitas, ut comparatione instituta paulò altius rimemur. Quod quidem subsequenter propositionibus commodè præstandum tam ad faciliorem *Tyronum* captum, quàm ad clariorem morborum *therrapejam*, arbitramur.

VI. Propositio prima: Corpus nostrum ab operimentis laneis ad cutem proximius accumbentibus magis, & diutius, ab linteis verò, minus & citius calet.

Demonstratur: Quoniam saniori *Physices* doctrina erudita
 atas

(a) *Conf. Astruc. de morb. Vener. lib. 11. cap. xi. §. 11. p. m. 219.* (b) *Idem in Boerhav. in §. MCXC. p. m. 407.*

atas nostra, & multijuga experientia edocta advertit, proprietates frigoris cum notis ignis comparari ita posse, ut quemadmodum ignis novo igne crescit & adaugetur; sic glacies glaciem intendit & ampliat: seu clariùs; Ut ignis & calor non sunt meræ frigoris privationes; sic frigus non erit simpliciter caloris privatio, sed potius *ens* physicum, distinctissimum ab omni alio. Ideo (a) ex alterutrius qualitatis indigata ratione ad eruendam alterius naturam manuducimur rectâ. Ne autem extra præfixos dicendi limites divagemur, constat, corpora dari *frigida actu*, quæ susceptum, vel innatum frigus corpori nostro communicant: alia verò actu minimè frigida sunt, sed quæ *potentia* frigus ingenerant, ut sũt omnia, quæ circulatorium liquidi purpurei motum, unde omnis calor noster oritur, frangunt: alia tandem, quæ nec *actu*, neque *virtute* frigida existunt, sed quæ talia evadunt, quòd calorem præcipuè externum impediunt. Notum quippè est, ventum non alia ratione frigus producere, quamquod calentem, & corpori, vel vestibus adstantem *atmosphæram* continuo auferat. (b) Quæ quidem *topica frigefacientia* ad *sensum* nobis erunt dicenda; quandoquidem ante appulsum, qui in casu nostro flare conceditur, venti, omnia vascula immersa in illo calido exhalante vapore, omnesque nervi summæ cutis oppositæ instructi sunt talis adeo caloris sensu, ut ablata, vel discussa per ventilationem illa *atmosphæra*, cesset illic talis caloris sensatio. Hæc, quæ diximus postremo loco *frigefacientia*, nequaquam confundenda sunt cum *actu* & *potentia* frigidis corporibus. Potest enim infringi vitalis humorum circulus a solis Ingestis omni frigoris suspitione tutis; sic aqua tepida hominem frigefacit. Potest ab *actu frigidis* ad profundissima usque frigere corpus; sic funestos, & heu quàm sæpè docuit experientia, *Pleuritidis* dolores ortos fuisse, post incautum Frigidorum usum. Potest tandem inalgescere machina ad sensum, cum de suo calido exhalante vapore demitur, absque eo quod internus humorum motus

(a) *Memoires de l'Accadem. &c. année 1734. p. m. 228. Confer Bartholi Ghiaccio l. c. (b) Boerhav. chem. tom. I. p. m. 104.*

ullo pacto langueat, vel defervescens, ullis frigoriferis spiculis referta esse videatur. Certè ventus ingens circa *Thermometrum* excitatus ita illud ferit, ut nulla ratione contentum liquorem immutet, vel ullatenus deprimat, quod proprium frigoris est: Parum enim refert, an vento isto circumalluens *thermometrum* aerea moles arceatur, vel ne; cum densior tubi vitrei, & solidior fabrica quamvis caloris frigorisque vires admittat, quibus pro re nata expandi, constringive possit, exhalationis tamen incapax prorsus habeatur.

Similiter *calida* a *calefacientibus* discriminantur, quamvis a multis in usu Medico ad invicem misceantur; illorum enim operationes, & effectus oppositi inter se habentur, cum *calida* quasdam *affectiones* curent, quæ a calefacientibus in deterius ruunt. (a) Quidquid autem sit, tam *calida actu*, quàm *calida potentia* (sit obsoletis venia verbis) internè sumuntur, & externè usurpari possunt, sed diversa est imprimis illorum indoles: Sic v. g. spiritus vini ad tactum frigidus, summum tamen calorem corpori imprimit: sic quæ liquidorum impetum adaugent, caloris generationi mirum quantum favent. Porro ut de *frigefacientibus* dictum est, *calefacientia* reperire est, quæ nec ullum præsentem ignem possident, neque excitare possunt; at verò quæ corpori animalis approximata sensum caloris impertiunt, quatenus frigidi externi aditum intercipere nata sunt. Hujusce classis diversa vestium, palliorum, operimentorum, stragulorum &c. genera sunt, quorum quidem omnium, ad *laneorum* linteorumque familiam commodè reductorum, non æqualem calefaciendi modum enucleare impræsentia animus est. Cum verò compertum sit, sanum vivumque corpus stragulis opertum, aut pallio amictum magis incallescere, quàm nudo aeri patens; videndum quænam in isto caloris augmento, velamina ceteris præstant: & quidem nullus dubito quin in illo negotio *lanea* quæcumque linteis palmam præripiant, non quòd calorem actualem majorem habeant; eadem enim utrobique caloris ad sensum absentia cernitur: Non quòd diversa sit

utris-

(a) Gorter tractat. 85. §. 11.

utrisque insita ad' productionem caloris facultas; compar enim est, si ulla datur in ciendo calore præstantia: Sed quòd permultæ & magni momēti intersint differentiæ inter utramque textilium fabricam, quibus fit, ut *laneis* habitibus palliisve, tam in suscitando, & conservando calore corporis nostri, quàm in arcendo externo frigore, *lintea* longe multumque postponantur.

Nam 1. si verum est, oleum, quodcumque demum fuerit, in pabulum ignis cedere, eòque fortiùs, quo oleum tenacius fuerit, patet, aptitudinem igni alendo majorem esse in *lana*, quàm lino, sedulò attendenti, detonsã recēns *lanam* succidam, & quodam superextenso pingui inebriatam esse; *linum* autem, prævia & diuturna in aquis maceratione, eòsque emolliri, ut non solùm humido succo a subjecta Tellure hausto, sed & illo, quo per præparationem scatet, humore inflammabilitatis parùm vel nihil retineat. Verùm, ut hæc luculentius pateant, non graveris, rogo, ad puerilem quamvis & ludicram, elegantem tamen & ad rem accommodatam periculationem confugere. Ecce fumo in manus fasciculum *lanæ*, linique, utriusque ut pondus sit æquale: utrumque *ellicknyo* incenso admoveo: flammam concipit utrumque quidem, sed linum ocissimè deflagrat, *lana* autem ignem tardè alit. Sed & fumum a gemina illa materia, dum comburitur, inque sublime actum aspice: Ut enim *lana* plùs fumat! Ut fumum copiosorem magisque atrum effundit! *Linum* autem vividiorē flammam emittit, minùs fumat, & albidiorē vaporem eructat. Jam verò si obverso corpore denso albo exhalans de utraque materia fumus recipiatur, ut fuliginis instar adhæreat, quàm hæc in difformi illa villorum textura varia animadvertitur! Cernitur, inquam, *lanei* villi combusti fuligo & pinguior, & amarior, & nigrioris coloris, adeoque magis inflammabilis, quàm lini. Sed tandem carbonem post *lanæ* linique hujusmodi deflagrationem relictum meditemur sedulò: Videmus *ustæ lanæ* carbonem densum, opacum, piceum, ignem recipientem, ignem fiventem quidem diu, atque conservantem; ast qui residuus est carbo ab lini incendio in cinerem niveum ferè vertitur totus, ac si aliqua
nigra

nigra puncta in eo animadvertuntur, quæ ignem nutrire possint, ea quidem hic species scintillæ igneæ mira celeritate obambulat, consumit assidua transmigratio omnes illas carbonis hujusce plagas, in quibus aliquid nigri superest; & ita ignis pergit, donec cinis albidus levissimæ auræ obsecundans, concremato lino, remanserit. Porro ut ad rem descendamus, quid est, quod tardius lino *lana* in flammam erumpat, nisi quia *lanea* fibrilla minus quidem olei tenuissimi subtilissimique gignit, sed & illud, quod in se habet inflammabile, longè aptius semper evadit igni alendo, sustinendoque? Quid dein fumus combustibilium indicat, nisi materiem combustionis peraptam, eamque valde agitatam, necdum coruscantem, aut candescentem? Nam elata jam flammâ, fumus illicò minuitur evanescitque. Interea tamen compertum est, fumum aterrimum tunc, & densissimum imprimis evadere, quando jam flamma viva oritura spectatur. (a) Ipsa dein nigredo copiosior ab fumigante *lana* exemplo ne, an argumento dicam est reperiri in hujusmodi animalis villis carbonem volatilem abundantiore, sed maximè pinguem, adeoque siccatus ubi fuerit, maximè inflammabilem. Demum cum carbonis combustibilitas tota in solo tantum oleo, quod in illo mansit superstes, unice hæreat, reliquæ autem in illo partes a se ignem maximè recusent, clarum est, ex densiori nigriorique carbone, dum *lana* igne consumpta est, residere in ea materiem tenacius firmitusque ignis pabulum futurum: Proindeque vera & non fucata experientia constare debet, partes inflammabiles & calori gignendo pares, (quandoquidem calor & ignis arctissimo vinculo inter se connectuntur,) (b) uberiores, & compactiores esse in *lana*, vel in operibus *laneis*, quàm in lino, carbasseisque: iterum discimur, ignem affluentiùs, & diutiùs adherere corpori *laneo*, præprimis si crassius contextum fuerit: Tandem ignem solo oleo nutrirî, & ejusdem olei ubertate diutiùs retineri, quæ *lanea*, præ lino, convenire magis vidimus universa.

2. Rur-

(a) Confer Boerhav. tom. 1. Chem. p. m. 162. (b) Idem ibid. p. m. 71.

2. Rursus jam speculemur, neque pigebit nos, *laneos* linteosque corporis amictus non *chimico* igne, sed calore corporis nostri tractatos. Mihi equidem in hanc rem experimenta tentanti singulare semper visum est, adesse in *lana* quod in primo incendii instanti quàm citissimè incalescit, dum texturæ interioris fila adhuc frigent: e converso autem observavi, in linteis præcipuè lecti stragulis, cùm *laneis* ejusdem crassitie collatis, spectavi, inquam, productum vel ab igne elementalī, vel ab vitali Animalis flamma calorē brevi in superficiem igni proximam, simulque in textum, & eodem momento ferè in superficiem aeri obversam, si non summa celeritate, at saltem longè facilius quàm in lino experimur propagatum. Quod ipsum ut nitidiùs intelligas, eidem igni segmenta bina committe ex gemina illa materia facta, *laneum* nempe unum, *linceum* alterum, quousque caluerint, videbis certè, quòd uberrimè, & celerrimè ex lintea aquosus vapor egrediatur, instantis mox flammæ prænuncius, & caloris concepti certissimus index: ex illa dico parte, quam externum aera contingit; præterea jucundo spectaculo cernes, eandem superficiem ex dato tempore celerius intentiùsque calefcere, quàm *laneæ* externam regionem, faciemque aeri obtensam, ex qua quidem fumus effertur, sed tardus, minor, magisque fuscus. Dubitas? Utriusque portionis, summæ, & externæ superficiei *thermometri* ampullam admoveto; comperies sanè rarefactiones liquoris intùs contenti, dum linteo Tubus adcumbit, citiores, minores, & brevi fugientes; dum autem *laneæ* sectioni idem tubus adhæret, expansionum orgasmum videbis & majorem, & constantiorem, & diuturniorem. Hinc ergo videre est, in *lana* majorem ignis quantitatem colligi, & diutiùs quàm in *lino* recondi posse: seu quod idem est, quò panni corpus nostrum calorem jugem expirans tutantes, de *laneæ*, gossipii, vel alterius consimilis lanuginosæ telæ participaverint, eò longiori tempore illos indigere, ut ab eodem igne æqualiter incalescant, quàm alius generis textilia, utputa *linea*: & iterum eosdem pannos tantò diuturniori mora egere, ut possint redire ad temperiem eandem cùm linteis operimentis citiùs refrigerandis.

3. Verùm sensu caloris ab Animali percepto omnia metiamur. Quandoquidem *lanas* inter calefacientia corpora jure *supra* §. iv. reposuimus, quæ frigoris accessum reprimendo, corpus calefacerent; ut qui frigoris ideam tam in moto, quàm in aere quiescente percipimus. Nam ut de posteriori loquar, dum gelidissima bruma coacta aerea moles nobis incumbendo, ingratham frigoris sensationem ciet, si eo tempore aer quieverit, credibile est, corpuscula frigorifera pondere tantum, & speciali partium configuratione corpus introire. Verùm ut superficies panni *lanei* quà corpus nudo contactu circumamicitur, quamvis æquè citam, & æquabilem eodem tempore ac *lintea*, caloris vim imbibat; seram tamen & exiguiorem ad externa panni loca transmittit, ut modò ostendimus *propositione prima num. 2.* Ita siqua frigoris elementa externo cum panno *laneo* irretiuntur, quæ suo momento, aliisque qualitatibus ulteriorem ad internas partes penetrationem meditentur, operosius, & longiori tempore ad interna loca evasura sunt. Caloris ergo *atmosphæra* corpus *lanis* involutum protegens, intensior vegetior futura est, neque adeo citò applicatu frigidi supervenientis inde tollitur, auferturque, ac cum *linteis* tantum fumans cutis obtegitur. In summa si duæ vestes corpori calenti inductæ ita calent, ut *lanea* sit *lintea* calidior; tum excessu caloris amisso, accedente frigore, quo calidior *lanea* exuperabat *linteam* minùs calidam, erit *lanea* calidior, adhuc tam calida, quàm primo momento erat *lintea*, quæ minùs incaluerat; unde necessarium est longius intervallum, ad hoc ut corpus *lana* convestitum ad commune caloris temperamentum reducatur. An quòd *lanei* villi natura impliciti, & convoluti magis quàm *lintei* in frænandis tam caloris quàm frigoris atomis aptiores existant? res est quæ inquiretur: at saltem illud ex nostris experimentis demonstratum manebit, Corpus Animalis per superindutam *lanam* frigoris damna parcius tardiusque perferre, quàm ubi *linleo* contegitur.

4. Consideremus modò frigoris ortam in nobis ideam aeris circumambientis motu excitatam, quo illud calidius undique hominem amplectens, ex summa cutis periphæria repellitur,
ejus-

ejusque loco recens advenit priore frigidior: facile intelligitur, quòd a vestibus corpori adstrictis, brevique eodem caloris gradu calentibus, frigidioris aeris commeatu aer omnibus momentis, qui calidior est, prohibeatur, ejusque vice, succedat frigidior, idest statim nasci verum frigus ad cutem hominis: Non quòd aera agitata revera frigidius fiat, (a) sed quòd *relative*, ut ajunt, & quodam ad sensationem respectu minus calens corporis animalis *atmosphæra* sensum frigoris inducat. (b) Quò ergo ceteris paribus ventus velocior, quòque diuturnior, eò citius, & pertinacius corpus, & unà cum ipso corpore vestes calidiori *atmosphæra* private frigebunt. Sed & eodem existente aeris abripiantis averrentisque calorem nostrum momento, quo minor ignearum particularum copia intra datum tempus, vel quo eadem caloris quantitas intra longius intervallum aere externo ventis concusso auferenda supponitur exposita, eò minor & debilior futura est frigoris energia, celeriusque evanescet ejusdem concepti sensatio. Compertum namque est, caloris vim eò intensiorem futuram, quò plures intra brevius tempus partes igneæ, vel quò aqualis earundem vis intra longius intervallum in aliquo corpore colligitur, & collecta servatur. Porro vidimus præcedenti numero (3) lanuginosam molem, delibato exhaustoque calore, ignis majorem copiam in se attrahere, tractamque custodire; itaut cum ignis se instar *atmosphære* alicujus extendat sua vi in ambitum, ceteris paribus, magis constipetur, cogaturque in *lanæa* materia, ex qua dein difficulter egreditur, & parcius quidem depromitur, quàm ex *linteis*, ex quibus promptius, & simili ferè, qua primo initio conciliatus fuit, quantitate, exireprehenditur. Sit ergo vis aeris vento moti talis, quæ, dato temporis articulo, ex calente quoque amictu certam contigui calidique aeris copiam abliguriat. Intra ergo datum illud temporis spatium minorem copiam excitati caloris abripiet ventus ex subjecta extrema superficie *lanæa*, vel æquale

II

(a) Confer Boerhav. *ibid.* p. m. 103. (b) Conf. de Martino tom. 1. *section.* IV. *cap.* I. *num.* 181.

particularum caloriferarum copiam longiori momēto everret, quàm ex superficie lintei vestimenti calidi, corpusque cingentis. Sit v. g. efficacia venti, calidum aera corpus & injecta tegmina fovens, auferentis = 2. sit calor ad oppositam, averſamque cuti *lanæ* faciem hærens = 2. qui autem externo lintæ vestis strato ingeneratus est calor: sit = 4: sit deinde calor vaporosus, corpore ita tecto emissus, & in sectionem utriusque habitus incurrens, quolibet scrupulo horæ unius = 6: erit ablatio caloris per vim vitæ producti, *lanæque* communicati duplo minor, quàm in *lintea* veste:

Nam: $\frac{1}{3} \frac{2}{3} - \frac{1}{2}$ & viceversa, collectio partiũ calorẽ producentium, & intra *lanæ* sinulos hospitantium, duplo major atque intensior, quàm in fabrica linteorum futura est. *Lanæ* itaque corporis animati calori retinendo aptiores existunt, quàm cannabinæ texturæ, ex eo quòd minus parciusque naturalis caloris dispendium patiantur, tardiùsque quem semel traxere ad externam superficiem, frigidiori illabenti vento dissipandum ignem diffundant.

5. Præterea si molliorem, & facile cedentem lanuginis naturã mentis acie perlustremus, habebimus & aliud ad frigoris externi, maximè per ventum excitati (4) sævitiam arcendam, illustrius in *lana* argumentum. Cum enim villi laxiores & *lanæ* intertexta ubique stamina retundendo, & quasi suffocando irruentis flatus momento magis idonea videantur, quàm primigeniæ cannabæ, *linivæ* fibræ, quæ parùm prolixæ, vel magis inter se distantes, atque separatæ aeræ irruptioni undique sua resistentia patent: obvium est eruere, aerem frigidiorẽ corpori circumfusum fabricam *lanæ* agriùs quàm *lini* pervadere; & si ventus solus sensationem frigoris producere in nobis supponatur, quamquam ille extimos, & superficiẽ tantum *lanæ* patentes villos tangat, calidaque *atmosphæra* denudet; nihilominus tamen fervidam illam circumstantem molem, quæ immediatè a prominenti *lanugine* externa contexta defenditur, vix ab illo venti motu lædi consequens est; siquo tempore ventus *lanam* externam offendit, hæc vim impetentis ita declinet, atque auscultantibus,

& un-

& undique supinatis tenerrimis villis irruentem impediat, ut minùs de prædicta *atmosphæra* calida secedere, abripique de corpore possit.

6. Si caloris vires ex majori ejusdem coacervatione, vel simili partium ignearum, & magis agitatarum quantitate desumuntur; (a) liquet compressum, collectumque intra *lanæa* interstitia, minùsque dissipatum ignis principium, adeoque ultra æquilibrium solitum cum aere externo intra *lanæa* ejusdem utriculos residens magis condensari, conculcari, concentrarique in *lanæa*, quàm in *linteo*. Proindeque expansivum caloris motum magis perfectum iri, atque a *lanæa* partibus elasticis repercussum, donèc novo caloris additamento, & pariori ad superficiem extremam aeri continuam ejusdem ignis dissipatione calidissima evaserit *lanæa* eodem temporis momento, quo *lintheum* calere censemus, eaque ratione corporis cuti calorem ingentem communicandum fore *lanæo* vestitu consequitur. Multiplici ergo de capite, sive ad immutationem frigoris, sive ad tuendum vitalem corporis calorem, omnia ex *lanæa* iis quæ ex *lino* fiunt præponenda esse, videntur.

VII. Ex hujusmodi nostra propositione (vi.) colliges, maximè interesse, qua quis *veste* nudam carnem in quibusdam morbis foveat, arctèque contineat; atque *lanæas* interulas, & cuncta *lanuginosa* pallia in genere præstantiora esse, ubi expansivus liquidorum frigidorum motus desideratur; quandoquidem frigidi in arctum redigere, calidi verò rarefacere est: utiliora etiam, ubi derivanda aliqua morbi retropulsi ad cutis aream materia est; cum laxatas calore partes animalis, velut commodiori facta via, dum liquida irruunt, faciliùs occupent; hinc in doloribus *cutaneis*, & adlitarum muscularium partium, *tumoribus aquosis frigidis* in materiæ intus revulsæ *metastasi*, in debili remissoque externorum artuum calore, in cutis horrore, rigore, asperitate, in *esccharæ* lapsu, in morbis frigidis ossium, nervorum, pudendorum, pectoris, capitis, in *mensium* a frigore suppressione; in congelatione

(a) De Martino *ibid.* num. 180.

illa membrorum corporis, quæ calore tamen vincitur; in hisce omnibus, inquam, casibus, affectis, locis, *lana* cum fructu adhiberi poterit. Utilis quoque habetur, ubi attractio ad cutis universale organum excretorium noxii cujusdam liquoris indicatur: ubi humorum qualibet ab internis ad externa corporis loca, tuta, efficax, jucunda, & abbreviata derivatio critica exoptatur, commendandæ *lanæ* sunt, si optatam curationem aveas. Præter hæc cum calor in omnibus morbis, ubi solidorum flacciditas, & fluidorum lenis fermentatio procuranda est, conveniat; vestes *lanæ* in similibus affectionibus cutaneis utiles & necessariae meritò putantur. Rursus, cum ipse calor vitæ insitus plerumque non sufficiat producendis effectibus, qui in sanitate occurrunt, ut cui aeris ambientis frigus obstat, effectumque ejus superet; tunc enim verò inter externa, quæ impetum frigoris avertant, & applicatu externo calorem internum custodiant, aut quomodo adaugeant, nullum vestibus *laneis*, & denudatis lacertis obvolutis efficacius inveniri potest remedium.

VIII. In hisce (vii.) & aliis consimilibus morbis, facile, & tutum in *laneis* munimentis præsidium est, ut quæ *linteis* vestimentis firmiora, & densiora existant, quæque proinde dum caloris exhalantis effluvia ingrediuntur, earundem *lanarum* elementa & fibras concutiunt, inque vibrationes majores, & constantiores agunt; quæ quamdiu perdurant, tam diu intus coercitum calorem exagitant, & effectus in corpore præstantissimos edunt. Verùm aliam hic variegatæ *lanæ* considerationem, & diversam colorum imbuentium causam, ad caloris genesis, & durationem advertendam patet *Boerhavia*na oracula contemplanti. Scire enim refert, ignem caloremque corporibus nigerrimis exceptum in iis harere diutius: Talia longè citius calere ab eodem: Imò & fortius quoque incalescere per ignem: Brevissimè, omnia nigra corpora multò facilius ab eodem igne incendi, inflammari, ardere, quàm alio colore prædita. Verùm reliqua corpora, quæ dissimili colorum varietate fucantur, semper eò tardius calorē concipient, citiusque refrigerabuntur, quò ad colorem albi-

diorem accesserint. (a) Quamobrem in praxi accuratè dijudicandum est, quinam colores inducendi sint pannis *laneis*, ut sciatur quis inde effectus futurus sit, quoad vim calefaciendi corpora eorum, qui hisce vestibus utuntur: Dum enim per applicationem *Pannorum* leni, miti, & facilè desinenti calore opus est, vestis gestanda candida niveaque, quæ immodici fervoris æstum optimè temperet: Dum verò per calorem compacta, & assatim aggesta liquidorum moles vegetiùs solvenda est, timeturque, ne levi de causa humores iterum cogantur, atro amictu corpus coercendum est, quòd & nimiam caloris potentiam incidentem combibat, eamque quàm diutissimè fovens, torpenti intùs liquido per cutanea oscilla dispensare valeat.

IX. Quamvis, ut verum fatear, nonnulli casus in praxi occurrere solent, in quibus nec a pannorum *laneorum*, *lin-teorumve* densitate, neque ex colorum numero metiri possit Medicus, determinatam caloris externi efficaciam, quæ mendendis calore morbis quibusdam apta esse videatur. Appositè in rem nostram inquit *Pecklinus*: *Et verò (sunt ejus verba) in determinanda caloris specie plurimum quoque interest, qua quis utatur, designante imprimis experientia, quæ fomentum cutis humoresque admittat. Vidimus enim, ubi omnium usus frustra tentatus erat, in specifica quadam materia, in chartæ duplicatæ, jam albæ & politæ, jam emporeticæ & bibulæ munimento justum illum caloris gradum repertum fuisse. Illa volucris arcticæ lanugo insignes habet, & planè peculiares calefaciendi vires nunc salubres, nunc insalubres; Utut enim inter plumarum species nullæ reperiuntur calori servando augendoque magis idoneæ, quam hæ ipsæ, tamen cū calor ille sit vappidus nimium atque densus, offendere solet Dispnoicos, & vitiatam jam ante respirationem magis exasperare. Quanta etiam cum sollicitudine caloris species sèpe queri, & distingui in morbis debeat, illa mutandi necessitas documento est: Quando enim omnia, vel exquisitissima frustra*
ad-

(a) *Boerhav. chem. tom. 1. experiment. XIII. XIV. p. m. 116. 117. sequent.*

admota sunt aliquando in certa pellis superficie reperias, quod verum specificumque, & illi morbo profuturum calorem foveat. Notavimus ubi remedia spirituosae, & emplastica defuerunt in certa Ferarum, & volucrum pelle resedisse medendi beneficium: Adeo passim Pilorum trixa, & perplexa superficies, texturæque genus caloris ingenium moderantur. (a) Hactenus Pecklinus.

X. Propositio secunda: *In frictionis negotio lanæ corpora linteis, aliisque præstantiora, & efficaciora sunt.*

Demonstratur: Priusquam specialiozem hujus rei inquisitionem ratione, & experientia comprobemus, atque meliorem esse lanam in fricandis corporis partibus ostendamus; e re est de frictionis natura, ejusque effectibus, nostram, qualiscumque fuerit, sententiam deducere: maximè cum inter Recentiores *Bellinus*, & *Gorterus* hac de re multa protulerint, quæ rationi non congruunt sanæ; nonnulla quæ experientiæ contraria reperiuntur; alia autem *sicco*, ut ajunt, *pede* pertransierint, quæ necessaria ad fricationis Medicæ theoriam, & scitu maximè utilia viderentur. Itaque 1. vulgatum hodie est: Per frictiones fieri successivam, & repetitam sæpius vasorum mollium compressionem, & relaxationem, ita ut frictio nonnisi alterna quasi pressio, & relaxatio partium corporis esse videatur. Ita sentit *Vanſvieten*; (b) Ita *Gorterus* in *Sanctorium*, (c) quamvis in suo Compendio clariùs rem, sed semper ad propositum argumentum paulò obscurius explicet. (d) Ea de causa statuendum est, non quamlibet alternatam constrictionem, & dilatationem vasorum cutis idem *frictionis* includere. Dum enim super eminentes aliquas, per dorsum manus excurrentes, venulas digitum v. g., vel alteram manum alternis vicibus calcas, iterumque removes; certè alterna digiti manusve ad illa vascula applicatione eorundem cavitas per vices comprimitur, coarctatur, & dein rela-

(a) *lib. 111. observat. xxx111. p. m. 493. sequent.* (b) *in §. 28. p. m. 33. & §. 133. num. 3. p. m. 199. tom. 1.* (c) *Aphor. ccc1cix. p. m. 264.* (d) *Tractatu 83. §. x: tom. 11. p. m. 116.*

relaxatur, dilataturque, quin ullus *frictionis* conceptus offerri menti videatur. Requiritur ergo, ut manus vel ipsa sola, vel *pannorum* adjumento, per certum spatium supra determinata cutis fricandæ loca eat, redeatque vicissim, modò per idem planum semper decurrens ad extremum unum accedat, momento mox recedat, & alterna pressione in molles canaliculos gravitet, vel eosdem stimulet. Sed interdum nequaquam occurrit itus ille, reditusque potentia *frictionem* exercentis, ut cùm *frictionis* iter ab eodem semper termino inchoet, atque versùs eundem locum eadem directione contendat. Exinde patent duo: primò nempe, errare illos, qui ex *Amontons* principiis (a) frictionum in corpore nostro efficaciam ex pondere, & velocitate vis, quæ frictionem peragit, deducendam esse, opinantur. Siquidem parietes canaliculorum intùs levigati sunt, nec ulla asperitas in illis corporis animati reperta umquam est, quæ cum rigiditate corporum durorum & immotorum comparari mente valeat. Verùm, cùm in *frictionis* exercitio non adeo pressio perpendicularis, quàm instrumenti fricantis pressio per singularem partium superficiem alternatim obambulans considerata sit; rectiùs sentiet ille, qui *frictiones* in corpore animali, non in ratione ponderum solùm, verùm imprimis in ratione superficierum contemplatur. Secundò, errasse *Bellinum*, qui de frictione edisserens, (b) eam motui unius manus supra alterius dorsum validiùs appressæ, & mox ablata comparavit; indeque hujusce motus, & ejus, qui in frictione adhibetur, æqualem effectum esse, voluit. Quippe si caro, cutisve tempore frictionis sedulò introspectiatur, nudis oculis patebit, loca, aut vasorum quæ fricantur plagas pertinaciter albescere, quin ullo rubro colore suffundantur; ut contingit in illo motu, de quo *Bellinus*. Verum quidem est, cessante *frictione*, candidos priùs artus, ab expresso purpureo liquido nunc rubescere per sanguinem in ipsos confluentem. Verùm hujusmodi apparitio minimè confundenda est cum signis frictionis, sed cum effectibus; proin-

(a) *Memoires de l'Accademie &c. année 1699. p. m. 257.*
 (b) *De urin., & pulsib. p. m. 86.*

proindeque de essentia *fricationis* est, ut pressionem majorem, vel minorem, æquè verò ac durat motus, diuturnam in partibus, quæ actu fricantur, producat.

2. Et profectò sive per idem spatium, atque eadem loca per vices fiat corporis fricantis excursio; sive ad eundem locum frictionis momentum totum dirigatur, perinde meo quidem videri esse debet; neque enim ulla vasculorum *frictioni* patentium vera relaxatio concipi, dilucidarique inde poterit. Nam ponamus, alteram v. g. manum alterius dorsum fricare per eandem directionis lineam, itaut actio excursus ab digitorum basi incipiens semper superficiarias illac reptantes venulas cor versùs, vel summitatem cubiti comprimat: tunc enim verò habebitur primum *frictionis* exemplum, ubi alternatim manus apprimit venas, & vicissim ab illis sese retrahit, quò *frictionis* motum ab eodem loco ordiatur. Neque negari potest, desinente manus compressione, venenosos ductus, qui priùs inaniti evanuerant, nunc verò assurgere, & tumere. Sed quo tempore relaxati cutis canales, & a pressione liberi apparent, jam *frictionis* motus desit; quamobrem ritè distinguenda istiusmodi *relaxatio* est, ut probè distingui debent effectus ab ipso *frictionis* motu, ut causa ajunt *occassionali*, oriundi. Rursus si super eadem manus convexitate gradientes canaliculos fricando, itu redituque perenni, & numquam interpolata actione eosdem urgeas, atque nunc pressionem versùs cor, nunc recedendo autem versùs digitorum basium capitula concites: In simili quidem casu partes illæ, quæ immediatè ab superincumbente manu, digitove successivè tanguntur, magis prementur iis, quas manus, vel digitus reliquisse supponitur; verùm posteriores numquam flaccescere conspicias, ut spatium non dicam amplius, sed ne quidem strictius, satisque pressum adventuro liquido concedant. Quia nimirum per imminutam illam successivè compressionem sanguis in ea vascula irrumpere cernitur, sed totus ille vasorum tractus alterno itui & reditui objectus albescit, & finita imò frictione diutius alborem retinet. Cogita interim, digitum, vel manum fricantem ab digitorum basibus versùs *carpum* moveri, oculosque ad tale

experimentum converte; videbis sanè, postquam manus ad *carpum* peracto cursu substituerit, vasa inter manum, & digitorum bases sita, complanata, distracta; cutem verò superobductam candidam, quæ tamen manus contactum confirmationemque effugere universa: eandem dein manum indidem retrogrado motu ad digitos, eodem perseverante frictionis motu, si agas, liquidò cernes vascula extima *carpo* propiora, quæque jam fricans manus deseruit, quamvis minùs calcata, nihilo tamen seciùs contracta, & albo velut circulo superinstructa, & eadem, quæ in altero casu, similia. Ut planè constet, vasculorum partis, quæ eunti redeuntique gradariam actionem experitur, numquam sufficientem dari relaxationem, qualis a Summis illis Viris perhibetur, (x. num. 1.) quæque tanta sit, ut impedita priùs liquida, nunc verò libèrius moveantur in spatia liberiora, & affluxui magis exposita: Nam pergente frictione, ubicunque illorum locorum tam pressio, quam contractio vasorum perseverat.

3. Demonstrata continua illa canalium pressione, in qua præscribendæ frictionis Medicæ ratio tota consistit, (x. num. 2.) cèrtum eruitur quod inquit *Gorterus*: *Repetitas frictiones versùs eundem locum promovere eò versùs directionem, & impetum liquoris.* (a) Sed non adeo comperta sunt, quæ in eodem paragrapho præmisit; nimirum: *Quòd si frictiones fiant ita, & reditu in vasis valvulis carentibus, tantum impédiant, quantum promovent fluxum; in vasis verò valvulis instructis fluxum promovent, secundùm situm valvularum.* (ibid. num. 4. 5.) Ut enim exemplo jam memorato, & capto jam, facilèque a quovis capièdo in venis (quæ sunt vascula valvulosa) per dorsum manus transeuntibus, periculo (x. num. 2.) utar; quo tempore manus ambulatoria pressione versùs *carpum* easdem perfricat venas, majorem liquidi copiam versùs loca ampliora quidem deducit, sed versùs loca valvulis intersepta, & valvularum laciniis impedita determinat: Inde copiosior liquidi moles, cum non possit æqua velocitate ferri antrorsum, qua parte a manu urgetur, tan-

Kk

tum

(a) *Tractat.* 83. §. xi. num. 6.

tum abest, ut integra sua vi in anteriorem liquidi columnam impingat, eandem promovendo, ut potius ad latera venarum reflexa, harum dilatationem immaniter augeat. Dum autem contrario ductu revertens manus venulas juxta aliam directionem, & ad earundem principia premit, quoniam in eo casu liquidi cylindrum contra posituram valvularum trudit, ejusdem motum non adjuvat, imò impedit, & magis quàm in priori casu: Quandoquidem arctatum ita a manus superstantis pondere liquidum neque contra suum cursum retrocedere per vasa angustiora [qualia sunt venarum principia] valens, tantò fortius laterales canalium vias quaesitum est quibus effugium paret; seu, quod idem est, multò majori nisu vasculorum continentium parietes dilataturum est: Hinc ocularis inspectio est, pergente motu *frictionis*, quæ in conversa v. g. illius extremitatis parte fit, venarum, & cutanea propinqua loca versùs digitorum capitula magis, quàm in averfa ad *carpum* parte tumere inflarique. Si insuper sumamus canaliculorum valvulis carentium seriem, sanè illi cylindricam, vel conicam divergentem, vel convergentem figuram adepti sunt. Si *Cylindricam*, & ubique æqualem diametrum obtineant, certum est, accedente frictionis pressione, posticè accedens liquidum propter vas subsidens pressumque non modò non promoveri, imò in motu cohiberi; sed anteriorem liquidi undam a manu v. g. perfricante circumventam, atque in eandem sibi æqualem canalis sectionem uberiùs affluentem eò agriùs transituram esse, quò remanente eadem diametro affatim, & majori cum impetu propulsa fuerit, perinde ac si eadem cavitas semper decrescere, & fluxui liquoris reluctari supponeretur. Si *Conicam divergentem* diametrum admittas, eòque versùs per frictionis mechanicam liquidum adigi statueris; certum quoque est, illud inde non æquali ac antea facilitate fluxurum: Hoc enim ipso quòd canalis in latiorè aperturam dehiscit, accidit, ut per *frictionem* pulsa liquida cylindrus, & ipsa minoris diametri in aliam, & anteriorem fluidi, cylindrum majoris basèos ex suppositione illidat arietetque: Cùm verò cylindri ceteris paribus sint ut bases, magis resistet antecedens

cylind-

cylindri fluidi columna major quàm ponè sequens; seu clariùs: majorem hæc ad fluendum resistantiam offendet. Si verò quod postremum erat *frictionis* ope liquidum conetur effluere ex ampliori loco in angustiore, seu quod idem est, canales animalis, ubi instituitur defricatio, *conum convergentem* representent; compertissimum simili in casu erit, liquidi molleculas nedum ullam ad circulandum promptitudinem nancisci, sed per illam frictionem fortiùs inter se adhærere, compingi, & immeabiles reddi. Quandoquidem *cono convergente* difficultas ad motum non oritur ex eo, quòd diminuta sectione, plures quàm antea globuli fluidi tangant latera illius canalis, ut hucusque ab omnibus creditum est, & ab ipso *Hallerio* prolatum. (a) Id enim impossibile videtur: Quo enim tempore fibra circularis in arcum coacta ducitur, circumferentiæ ambitus minor, loca peripheriæ a liquido transeunte facta pauciora evadunt; unde spherulæ liquidi tranantis, & puncta canalis interna lambentes pauciores numero futuræ sunt. Itaque strictiori reddita diametro, ideo difficilior fit particularum fluidi excursio, quòd globuli qui ponebantur in circulo maximo cavi coni liquidi non omnes adhærere pergant in eodem circulo, sed inde ad axim reflectantur, ad contiguos validiùs premantur, cum hisce coalescant, molliter suffricentur, figuram mutant, & alia similia efficiant, ex quibus compactio liquidi summa posteriori columnæ resistantia, & ingens particularum attritus oritur sunt. Cum autem in *Frictione*, de qua est sermo, copiosior solito moles succorum vitalium, angustiore *coni convergentis* locum invadat, paucissimæ sanè molleculæ latercula tangent; major autem pars globulorum ob loci stricturam, & ad cedendum impotentiam, in se ipsam pressa redibit, magis constipabitur, & adveniente nova sanguinis unda insignorem affrictum patietur; unde summus adtritrus, & pro hujus ratione increascens ad motum difficultas. Quæ ergo ad naturam *Frictionis* indagandam, & effectus eruendos commentus est *Gorterius*, parum rationi congruere videntur;

(a) *Boerhav. tom. II. §. ccxv. p. m. 259. not. 9.*

tur; quibuscumque demum; & cujuscumque generis, & figuræ canalibus animatis applicari concipiatur actualis *frictionum efficacia*.

Quoniam ergo probatum est, [*supra* 2. 3.] partes quæ fricantur, quomodocumque fricentur, dum successivè premuntur, numquam a pressione immunes existere; non possumus, quin meritò de veritate propositionis *Bellinianæ* addubitare, quæ per frictionem adaugendam esse velocitatem sanguinis tueri conatur, perinde ac a venæ sectione eandem ingeminari compertum est. (a) Credit namque eximius ille Vir, dum *frictionis* tempore a compressis partibus in alias succedentes instantaneus fit transitus, nonnullam comprimi; alias autem a pressione levari; quod tamen falsum est. Cum etsi in simili motu per instantaneos gradus fiat partium renixus a manu v. g.; loca, quæ potentia dimisit, quæque primo instanti perfricuit, æquata, & depressa cernuntur; proindeque in illa utcumque subsidencia minori velocitate sanguis devolvatur oportet, ut potius ejusdem transcursus elanguescat, quàm promoveatur. Non sic autem in *Phlebotomia*, ubi in columna sanguinis, qui aperta vena emittitur effugitque, nullus ponè sequenti cruori obex occurrit: ut sileam, solutos dilaniatosque per lanceolam vasculi parietes exilienti liquido ita obedire, ut nullius affricus, nulliusque coercentis potentia molem opponant.

5. Quibus præmonstratis, & repudiata Recentiorum opinione de alterna vasorum corporis in *frictione*, remissione, & contensione, indeque profecta sanguinis decurrentis celeritate: Opinamur ipsi, *frictionis* momento nihil aliud accidere, quàm successivam parietum vasorum, quibus imprimitur itus reditusque potentia prementis momentum, attritionem talem, ut continua fiat abrasio partium, sive illarum, quæ frictionis efficaciam subjacent proximius, sive quæ remotæ sunt; cum hoc discrimine, quòd actio abrasionis crescat pro vicinitate partium in loco *frictionis*. Namque loca dum fricantur, eorum vasa quasi exinanita, lateribusque ad sese

(a) *Bellinus ibid. p. m. 84.*

sefe appressis evadunt, ut interim solita fluidi copiâ longè imminuantur. Jam verò eat redeatque manus, & frictionis reciprocum motum absolvat. Quid inde futurum conjicies? Idem sanè ac si *Lima* in insensibili motu ad ferri superficiem successiva & alterna transmigratione duceretur: Totus namque impetus, & momentum *limæ* in metalli proximam faciem insumitur, quàm illo mechanismo deradit delininatque, quia interiores *ferri* objecti partes aliquid patiantur. Sic facta alternatim per quodcumque agens *frictionis* pressione, villi parietes canalium componentes in suis elementis nullo non momento succutiuntur, dimoventur, & denuò ad sese redeunt cum partium tenuissimarum avolatione, cum hærentis ad fricatam superficiem expulsionem, & aliorum derivatione, quin interior canalium superficies frictionis impetum persentiat: Nisi ubi *frictionis* major vis & ad majorem altitudinem, & in vasis altius sub cute distributis increpescens pressio impenditur: Tunc enim verò parietes vasculorum quæ internas partes respiciunt, hujusmodi attritui subjacent, & molestis continuisque super se invicem distractionibus deteruntur; & cum appressi sint cum oppositis, qui summam cutem spectant parietibus, si quid fortè glutinosi inter hosce terminos adhæreat, impetu illo frictionis pergente, avellent, in minima discerpent, & a cōtactu amotū ad fluore ita disponent, ut quamprimum exercitium hocce cessaverit, ab insequentis liquidi columna ad anteriora expeditius moveri queat. Hæc sanè in frictione fieri ad oculum ostendit, canalium plerumque succedens contusio, solutio, & effusio liquidi in subiectas partes. Quid autem *contusio* a frictione, nisi quod per adfricationis motum molles canalium parietes, repetitis velocissimè, & continuatis diutissimè distractionibus, & contractionibus, tandem deterantur, frangantur, dilacerenturque? Et quid hæc post perfricationem orta *Dilaceratio*, nisi accumulatio vulnusculorum cum attritu solidorum, & vasculorum, quæ fricantur? Et quid tandem hicce attritus, & perenne minutissimarum partium dispendium, quàm motus ipse *frictionis*, ubi corpus superincumbens movetur, (a) & con-

(a) Confer Boerhav. aphor. 327. sequent.

tinua successione tenerrima vascula premit?

6. Dum hæc (5) fiunt, consurgit aliud indivisibile, & essentialia *frictionis Medicæ* phenomenon. Compressis siquidem illustrioribus in cute perfricata vasis, & impedito undecumque fluidi comæatu, in ipsa fieri vix potest, quin per totâ peripheriam, perque integrum iter non fricatum adhuc crassiores liquidi purpurei moleculæ intra vasa aliena, & sanguineis minora deficiant, atque obstructionem *errore* loci producant. Premuntur enim ita sanguinis difficulter tempore frictionis devoluti cylindruali, ut, qua data porta, quodcumque cavum oblatum subeant, cùmque autem earumdem tam ad anteriora, quàm canalium posteriora, tempore frictionis tardus supponatur excursus; idcirco ingredientur primò vascula sanguineis magnitudine proxima; mox alios ductus minores lymphaticos, & non intermisso trusionis motu, alias & alias decrescientium vasculorum series, quas immeabilium mollecularum moles infarciet. Quæ omnia patent ex rubore, calore, tumore, dolore illarum partium, quæ vicinæ sunt locis, quæ actu fricantur. Primis enim momentis *frictionis*, per totum & immunem proximum cuti defricatæ ambitum, partes ibidem contentæ incipiunt rubescere, a particulis sanguineis per vim pressionis intra suos canales adauctis; *incallescere* autem a solutis sanguinis partibus sulphureis, & in libertatem assertis; *tumere* verò propter copiosiores crassiorum mollecularum fluidi in aliena vascula trusi quantitatem; *dolere* tandem a distractione fibrillarum nervearum parietibus canaliculorum intertextorum. Sed hæc omnia veram natam esse *phlegmonem* arguunt. An non inde liquet ratio, quare tam frequens in Valetudinariis sequatur inflammatio, dum adaucto momento, & paulò longiori tempore eorumdem cutis imprudenter fricatur? Præterea in Debilibus vascula nonnulla inde rupta esse non rarò compertum est; unde inflammatio *frictionis soboles*, vel pedissequa, in illis hominibus *echymosis* post frictionem diutiùs manere solet. Dum Nautæ in navibus, subito vento inflatis velis, Rudentum celerrima per Ipsorum manus traiectione immanem adtritum experiuntur, tantus calor inde nascitur, adeoque ingens

gens dolor, ut uno momento in gangrenosas vesiculas attollatur epidermis. (a) Patet ergo, bina essentialiter includi in frictionis perfecta idea; scilicet *compressionem* vasculorum, quæ in illo exercitio fricantur numquam intermissam; atque proximorum canaliculorum, qui extra sphaeram, ut ita dicam, strigilis positi sunt *obstructionem inflammatoriam*: unde necessario aliquando sequitur *febris*, quæ & ipsa *inflammationis* individuus comes habetur.

7. Non omittendum tamen est, peracta frictione, & vindicatis a compressionem canalibus in superincumbentem cutem, & in eosdem etiam ductus undecumque rubrum sanguinem depluere. Quod sanè argumento evidentissimo est, in frictione, dum celebratur, retardata esse liquida, ne per eadem vascula pergant. Ille autem affluxus humorum in canales a frictione nunc exemptos tantò uberior, & celerior est futurus, quantò ceteris paribus retracta, repulsaque ex frictionis loco liquida parcius, & tardius in vascula non sua per-ruperint. Quando verò per vim *frictionis* adauctam confertiores liquidi purpurei partes minorum ordinum vasculorum oscula ingressæ sunt, ibique diutius ob continuatam frictionem morantur; tunc enim verò pars, post *frictionem*, candida ut prius per longum tempus manet, & periculosa *frictio* est. Augetur porrò frictionis discrimen, quoties molestus, & sensim increscens dolor partes fricatas, vel hisce ad-sitas diutius vexaverint. In primis enim absque apparente tumore indicare potest nerveorum staminum per attritum distensionem nimiam; in posterioribus autem locis, quæ proximè locis fricatis adjacent, ostendit minimorum vasculorum obstructionem dolorificam sensum effugientem, vel compressionem a vicinis dilatatis. Et profectò *lenem titillationem* tempore frictionis sequi solet *pruritus*, a pruritu molesta sensatio, quæ, vigente frictione, in dolorem transire comperitur. Illud autem designat *frictionis* momento, si per gradus ascendat, oppleri primò arteriosa, serosa, flava, vascula sanguinis e lateribus proximè oriunda: dein vascula *lymphaticæ* arte-

(a) *Vansvieten. tom. 1. in Aphor. 375. p. m. 637.*

arteriosa ingurgitari quoque, & propriam sibi inflammationem producere. Quibus alia inferioris classis vascula accedunt, quæ ob tenaciores intra se receptas aberrantis fluidi partes obstruuntur, & peculiarem inflammationem concitant; & similiter de ceteris discurrendum est, donec eadem *mechanica* ad exilissimos canales, & nervorum æmulos propagetur *phlogosis*. Ipse autem calor mutuatus nostram opinionem confirmat: Nam primò, pars fricata cuti circumfusa rosaceo colore suffunditur, dein *crispelate* afficitur; mox verò rubore profundius inficitur, quousque e rubro in lividum atrumve degeneravit.

8. Dicta hætenus de præcipua *frictionum* in corpore nostro agendi ratione, quatenus a nobis expolita est, *Celsi* sententiâ egregiè illustrantur, quem ex subsequenti verborum ordine in ea fuisse sententia abundè clarescet, ut *frictionem* de corpore *demere* tantùm opinaretur, videlicet per *frictionis* exercitium id nos assequi, ut districtæ cutis minima tam solida, quàm fluida velut limentur, deterantur, detritaque pereant. *Celsum* ideo audiamus, qui postquam *Hypocratis* dictum allegavit, frictionem nempe, si vehemens sit, durari corpus, si lenis, molliri; si multa, minui; si modica, impleri; pergit idem *Latinus Hypocrates*: Sequitur ergo, inquit, ut tum utendum sit, cum aut adstringendum corpus sit, quod fluens est; aut emolliendum quod induruit; aut digerendum quod in eo copiâ nocet; aut alendum id, quod tenue, & infirmum est: Quas tamen species si quis curiosius æstimet, quod jam ad Medicum non pertinet, facile intelliget, omnes ex una causa pendere, quæ demit; nam & adstringitur aliquid ex dempto, quod interpositum, ut id laxaretur, effecerat; & mollitur eo detractò, quod duritiem creabat; & impletur non ipsa frictione, sed eo cibo, qui postea ad cutem usque digestionem quadam relaxatam penetrat. Hætenus *Celsus*. (a)

Sed tempus jam est, ut enunciata de frictione, ejusque natura, & commodis, vestimentis laneis, panniculisve accom-

mode-

(a) lib. II. cap. XIV. de Frictione.

modemus; quibus in praxi distingui, perfricarique solet cutis, quò inde propositionis nostræ veritas luculentiùs pateat; atque unico quidem velut aspectu intueri cunctis dabitur, quantum in frictionis actione *lanæ* alia quacumque materia, vel communi cannabina tela præsent, si quidem utravis materia certam cutis partem perfricuëris: Tunc enim si *lanæ* lacinia, præprimis dura & asperiori, membra stringuntur, calor, rubor, tumor, dolor, & omnia inflammationis (*num. 6.*) symptomata consequuntur, sed molestiora, citiora, diuturniora; quòd si ad hoc opus lintea textura eligatur, extima cutis calebit equidem, sed mitiùs; rubebit, sed dilutiùs; tumebit, sed modicè; dolebit, sed remissiùs. Neque verò ratio ullo modo desideratur, maximè si ad ea, quæ in prima nostra Propositione demonstrata sunt, *hic supr. Propos. prima*, §. vi. *num. 3. 4. &c.* attendamus. Ibi enim evictum est, profectum a lanis calorem diuturniorem esse, simulque fervidiorem, quàm qui ab tegmine linteo corpori conciliatur; inde sæviora profluunt & longiora symptomata, quatenus calorem spectat; inde impensius æstuante liquido, tubulisque lateralibus calore laxatis, facilior in minora vascula incursus liquidorum, major ad stases promptitudo, citior partis in tumorem elevatio; inde solutis ob calorem globulis purpureis, & difficulter exotica vascula pertranseuntibus, vividior emicat purpura; inde coacervatis sensim molleculis, pergente earundem irruptione, densior, & profundior idem color; inde tandem fervore concitato, stimulo adaucto, & tumore increcente, magis acerba doloris sensatio futura est. Experiri enim quisque poterit, sensum doloris, dum *lanæ* strigilis munere fungitur, & postquam a frictione cessatum est, acutiorem esse, atque ardentis, urentisque ignis speciem præferre, quæ in frictione, quæ lacinia lintea v. g. instituitur, non occurrunt. Verùm non solum ex dissimili calore in utroque *frictionis* genere producto, neque ex diversa pulsionis vi, quæ in actu frictionis exeritur; neque ex dissimili, & inæquali spatio perfricato diffformes illi effectus per *lanæ* linteave segmenta fricantia contingunt. Possunt enim illa omnia eadem ratione utrobique apparere, sive pan-

niculum *laneum*, sive linteum usurpes; verum etiam effectuum *frictionem* excipientium discrepantia, quod præcipuum hic est, tota pendere videtur ex majori stimulandi potentia, qua *lanarum* superficies linteis semper asperiores pollent, ut planè irritatis eodem tempore corporis animalis fibris, atque ab horridis *lanarum spiculis* perterebratis, major contractio oriatur, insignior coarctatio vasculorum, quæ potentia strigillanti subjiciuntur, immanior æstus; liquidi intus coerciti turgescunt, inque laterales canaliculos descensus violentus, & omnes *frictionis* pravi effectus. Hinc est, quod lini fabrica, & inde contexta omnia, levia cum sint, & respectu *lanarum* magis polita, villis, & setis productis, acutisque careant, illos bonos effectus creare minimè possunt, neque ulla ratione attritum, qualis a *frictione* proficiscitur producere. Constat enim, partium labefactionem adtritumque, eò efficaciorum futurum, quò ceteris paribus obterenda corpora asperiora fuerint; vel quò perfricanti potentia, obices instantanei eminentiarum, angulorum, & similium magis obstiterint. Cavet ab attritu Rotas, illita inunctaque oleo earumdè axis. Ingens e contra corporum concussio, atque fractura interdum ignivoma producitur, sicubi corpora arida omni pingui oleoso destituta ad sese mutuo ingenti fragore eliduntur. Non ergo mirum, *confer supra experiment. nostra cap. v. §. vi. num. 2. 3. 4.* si præter calorem, textile *laneum* compactum fricandas corporis animati partes, alia stimulandi, & irritandi dote, operibus linteis præpolleat; ut proinde in vulgatissima Praxi, ab omnibus Clinicis in frictionis negotio eligatur.

XI. Proclive est hinc elicere *lanam*, & contextos inde panniculos, in illis morbis locum habere, quibus *Fricatio* utilis futura est. Quotiescumque ergo fricanda corporis pars est, indeque ab internis vasculorum parietibus, ubicumque adglutinatum aliquid dimovendum est, dummodo *frictionis* detergentis viribus patuerit, pannis *laneis* semper fricato. In morbis præterea, quorum curatio frictionis attritum stimulantem exigit; *lanceas* panniculas audacter adhibeto. Quotiescumque vitalis humorum in circulum abeuns iter languet atque lente-

scit;

scit; ubi lentor pituitosus exiles viscerum alveos opplet, atque nervos mole sua gravatos ad functiones naturaliter obundas ineptos reddit, ad *frictionum* energiam confugito. Quotiescumque hi tibi occurrerint homines, qui enormi sanguinis sinceri profluvio ita exhausti sunt, ut facie cadaverosa referente, corpore collapsa, & lurido pallore foedato, pulsuque vix amplius sensibili, mortis candidati ab omnibus habeantur, toties illis sola *frictionum* auxilia suadeto, datis interea parcius quæ intus vacuata vasa replere, & fugientem vitam revocare possint, nec omisis corporis exercitiis. Tædiosus fortè evaderem Lectori, si corporis frictiones varias, quibus in scriptis Veterum magna ad instaurandam sanitatem vis tribuitur, meæ considerationi subjicerem. Id enim prudentum, eruditorumque Medicorum nemo inficiabitur, sæpè morbos post diutinum egregiorum pharmacorum usum, quæ recenti Ævo scrupulosius Arti nostræ adjecta sunt, relictos incurabiles Antiquis commendata frictione, Recentioribus autem neglecta, expugnari sanarique consuesse. In *animi* itaque *Deliquio*, *obstructionibus Mezenterii*, *Omenti*, *Hepatis*, *Liënis*, *Hydrope*, *Ædemate*, *leugophlegmatia*, *Paralyfi*, *Perspiratione prohibita*, *Tumoribus frigidis viscidis*, *Inertia*, *Laxitate*, & *Humiditate Solidorum*, multis morbis *Chronicis*, *acida cruditate Humorum*, *Arthritide vaga*, *Morbis frigidis*, *Hydropis*, *Podagræ*, aliorumque morborum, *Prophilaxi*, *Paresi*, *Scorbuto frigido*, *Ventris infarctu*, *Rachitide*, & infinitis aliis corporis (a) affectionibus, in frictione *lanea* præsidium esto. In universum ex *Galen*i sententia (b) succi crudi redundantia laborantes fricare præstat, quàm evacuare, aut lavare, aut exercitio addicere; cum *Frictionis* sit proprium attenuare, atque discutere; aliarum autem evacuationum, eliquare, & crudos, indigestosque humores citius quàm par est (c) distribuere.

XII. Quin in Pannis *laneis* rudioribus, & asperioribus,

Ll 2

con-

(a) Conf. Gorter. tract. 83. p. m. 117: (b) l. 4. de *Valetud. tuen. de simpl. c. 6.* & l. xii. *method. c. 3.* (c) *Franc. Vales.* *Controvers. lib. viii. cap. vii. p. m. 376.*

confertissimisquę setis refertis, ubi illis ad partes defricandas, defringendasque utimur, latere aliquid suspicor magnificandum remedium, quod eò tutius abscondisse videtur natura, quod nihil tale suspicantibus omnium oculis exposuerit. Illud autē per *frictionis* motū panditur, & ad paralyticos morbos sanandos *Urticę* jaculorum efficaciam, mea quidem sententiā, æmulari videtur. Quandoquidem non secus ac in flagellatione per Urticarum fasciculos instituta, in pannorum rudissimo textu, dum partes animatę divelluntur, atque teruntur, quędam corpuscula in subjectam cutem velut spicula totidem evibrantur, ingentem infixam dolorem paritura. *Conf. sup. cap. II. §. vi. vii. & cap. x.* Ad hęc ob-
tusa utrobique per longam partium attritionem fustigationemque, hebetataque hinc inde aculeorum acie, iners evadit remedium, atque ita, ut renovari debeat sive *lana*, sive *urtica*, quod inde continuus, & numquam desinens partium dolor pruriens excitetur, & advocetur sanguis, & spiritus animalis ad partem sensu motuque orbatam. At verò incumbendum est, ne *frictionis* molesta sensatio nostris ægrotantibus perniciosa evadat; Neve, quod boni *frictio* præstat, a subsequēte aliqua labe dematur. Summatim dicam: Curandū est, ut *frictio* dexterē prudenterque instituat. Quandoquidem, supra §. x. num. 5. 6. abundē constitit, vasculorum contusionem effractionemque inter vehementioris adfricationis effecta numerari. Elegans in hanc rem habetur locus apud Nicolaum Valentinum. Animadvertendum tamen, inquit, (a) ne in frictionibus adaucto imprudenter motu tenerrima vascula rumpantur, ut accidit puellę decem annorum circiter, quę cum parva viscerum obstructione laboraret, Rusticus quidam solo frictionum usu eam sanaturum pollicitus est; sed res ipsum fefellit: nam post frictiones, ruptis lymphaticis, Virgo statim intumuit, & hydropica facta est. Hoc autem infortunium urbanioribus hodierni temporis Medicis Chirurgisque neutiquam pertimescendum est, ut qui delicatius Rusticis molliusque in adhibendis frictionibus, cutem leniter palpare edocti sunt.

XIII.

(a) de Arte Gymnast. cap. vi. part. ii. p. m. 102.

XIII. Propositio tertia: In *Frititione lanca*, quæ adjuncto quocumque remedio peragitur, efficacior, tutior, jucundior, constantior medela obtinetur, quàm si idem remedium internè per os assumeretur; vel si exterius, simpliciter absque affritu applicaretur.

Demonstratur: Interdum in usum adhibetur *lana* humido aliquo aromatico & odorato imbuta: Interdum aliqua essentia, tinctura oleis stillatitiis perfusa: Interdum incenso subtus aliquo thymiamate, vel simili gummi suffita. In hisce & similibus casibus non opus est ut demonstremus, interiorem, horum remediorum usum topico externo, & laneo causa cessurum esse; cùm sola praxis ad illud evincendum sufficeret. Sed & idipsum claritatis gratia multiplici lubet argumento adstruere. Nempe:

1. Quòd remedia hujusce generis particulis calidissimis, & summè inflammabilibus, quibus scatent, ventriculi tunicas, quas primò impetunt, pungant, irritent, laceessant, atque adeo inflament. Inde est, quòd viscerum interiorum a deglutito *alkoole*, & spirituosis tincturis fatalis plerumque sequatur phlogosis: e converso autem, ab usu eorundem auxiliorum externo contrarium expectandum est, ut quæ nobilioribus & tenerioribus visceribus intactis vascula sanguinea penetrent, per cutem, quæ densa, firma, & volatilium partium impetui ferendo comparata est.

2. Quòd res illæ, quibus imbuta *lana* externo usui destinatur, in cutem agantur illo caloris momento, quod in cute reperitur, & quod leve est, atque ab incumbētis aeris externi frigiditate semper temperatum: *vide hìc §. vi. num. 4.* e contra verò, dum eadem pharmaca corpora internè subeunt, vitales succos petunt, eosdem invadunt tóto eo velocitatis impetu, quem habent ab illo igne, qui in terraneis corporis major, atque intensior delitescit; atque adeo periculum, quod est ex usu remediorum externo, minus est pericùlo, quod ab interno usu imminet.

3. Quòd supra in præsentì Capite jam satis probatum supponi debeat; quæcumque scilicet pharmacorum, præcipuè calidiorum, principia intrò sumuntur, eadem parcissimà copiam

in sanguinem transfundi, & languidiùs sanguinem corrigere, atque virus altissimè, & in summa præcipuè cute repositum debiliùs profligare: Quo circa non esse mirum, patet, si topicorum usus internis remediis non semel præferatur, ceu certus, præsentaneus, ceu efficax, & ex se planè innocuus: Quandoquidem augeri, imminui, sisti remedii externè apppositi virtus potest; adaucto imminuto ejusdem robore, vel eodem ad libitum suppresso: Quod non contingit in medicatione interna, ubi, quod factum est, infectum esse nequit.

Verùm enim verò parùm tutum efficaxque applicatio *Topicorum* externa foret, nisi debita & apta materie eorundem medicaminum subtiliores & odoratæ atomi asservarentur, atque adjuvante debito impetu, in cutem sufficienti impulsionis momento, insinuarentur. Primùm *lanæa* superficies præ linteis mirè supplet, ut quæ caloris magis particeps sit, plurimum liquidi absorbeat, & calorem remedio conciliatum diutiùs foveat. Similiter faciunt aliæ materiæ, ut *Spongia*, *Stupæ*, *Xili*, *Bombyx*, & omnia *lanuginosa* corpora; hinc si regio corporis *epithemate* fovenda tenerior est, & *epithema* non calefactum indicatur, aut conservandi caloris non, adeo urget necessitas, jubent Practici, ut (a) linteamina in usum trahantur. Contrarium autem experimur, dum solum, & sibi relictum remedium quacumque sub forma vaporem emittit, qui ad medicandam cutem pertingere debeat: Nam inde sive fatus usurpetur, sive suffumigatio instituat, perinde est, ac si potissima remediorum pars, quam vapor elevat, vel fumus dispergit, periret sine fructu, in auras dissiparetur, neque ullis partibus corporis nostri exciperetur. Imò corporum principiis odoratis, penetrantissimis, acutissimis, subtilissimis intra contextum suum recipiendis, cohibendis, continendisque longè parem esse linteæ *lanæam* fabricam vidimus, ubi de *Peste* agebatur. *Consule sup. Cap. XI.* Ipse Matronarum usus, eorumque qui odoribus maximoperè delectantur, neutiquam reticenda hic est consuetudo, ut qui in Alabastris, & Pyxidiculis argenteis aureisque lanuginè, gossypium,

(a) vide *Gaubium de Formul. de Epithem. p. m. 228.*

lipium, vel teneram spongiam supponunt, quò pretiosi im-
mixti unguenti, odorifve vastitas conservari diutiùs valeat.
Ergo in odorum vehiculo, vel alterius remedii recipiente
materia, per longius tempus odoramenta morantur; & quod
notandum hic est, *lanæ* ad hocce opus ceteris quibuscumque
materiis palmam præripiunt; ut quarum ope, & contextus in-
terventu immixsi pharmaci virtus uberior, & constantior,
diutiùsque remaneat; quæ proinde in bibulam cutem lanatam
jam, vel lanuginosa simili superficie testam, pedetentim, sed
jugiter, sed absque damno introducetur. In simplici autem
halituosa remedii applicatione, vel suffitu, absque *lanæ* con-
servantis adjumento, nulla spes superest de atomis vapore,
fumove in sublime actis, fore ut resarciantur, vel iterum,
in affectam partem depluant, tacitéque insinuentur. Præterea,
dum corpus nudum alterna motitatione intra obvolvентem
lanam exercetur, mirum quàm bellè detergitur, & a contra-
ctis sordibus mundari consuevit; sed dum ab erumpente un-
dique suo halitu, eoque ab objecto panno represso afficitur,
næ singulis momentis verè lavari videatur, cuicumque cla-
rum est. Antiquitùs cùm lineorum pannorum, qui corpora
a strigmentis tuentur, usus nondum inventus, aut saltem in-
frequens esset, magnaque ex parte corpora nuda (a) ferrent,
a pulvere, & omni alia illuvie conspurcabantur. Itaque *la-
neum* vestimentum, cujus beneficio cutis vapor evocatur,
coercetur, atque ad instar euripi in illius emunctorii vascu-
la influit, refluitque, *balnei* calentis vicem sustinet; simul-
que *strigilium* effectus æmulatur, qui plerumque (b) spongie
erant, vel linei, quibus hominum cutis fricando detergeretur.

Secundum autem patet consideranti, frictionis efficaciam,
ad quam *lanas*, & ex iis emergentes vestes eligendas esse,
superiori Propositione (*Proposit. secunda*) probavimus. Inde
enim futurum est, ut in vaporem soluti, vel igne accensi
pharmaci partes, quæ nullo coercente dissipatæ fuissent, &
nullo determinante in renitentem cutem ægriùs sese intui-
lissent;

(a) *Mercurial. de arte &c. l. 1. c. x. p. m. 17.* (b) *Ex
laudato Viro cit. p. m. 22.*

lissent; (*Propos. Tert. num. 2. 3.*) superveniente, nunc *frictionis* impetu, & *lanæ* distringentis pressione, uberius, celerius, efficacius, jucundius subitura fluida sunt, atque pertinacius ibidem insistent. *Uberius* quidem, quod præcipuam, & *ætheream* remedii virtutem coerceant, quæ in aera absque commodo evanesceret. *Celerius*, quod per frictionis alternatum motum corpusculorum admissio, & in subiecta cuticularia vascula determinatio velocior sit. *Efficacius*, quod actionis momentum ex majori quantitate, & celeriori motu liquidi componatur; quoddque superficies hic adsit corporis bibula undique; ignis vis viva corporum concretorum principia separans, & mutans; sensilissima dein prostent tenerrimæ cutis nervea stamina, quæ *lanæ* distrahentis spinis prolixis fricanda, detergendaque obijciuntur. *Diuturnius*, quod jam exploratum sit, pannos *laneos* prælinteis plus liquidi imbibere, & quo suffitu, vel vapore impregnati fuerint, diutius eundem retinere. *Jucundius* demum, quod omne periculum absit, quo interna applicatio medicamenti nocitura partibus esset, vel si aliquid timetur, facile per *lanarum* retractionem præcaveatur. Sed heu quantum exaravi chartæ in frictionis momento, indole, materie discutiendis, exarandisque! Veritatem tamen quærenti condonandum, si paulò fusiùs (utinam abesset error) scripserim.

XIV. Prægressa Propositio maximi est in re Medica usus. Liquet enim inde, optimam esse pannorum, laciniarumque, & similium lanearum superficierum electionem in suffumigatione, in *epithemate* sicco, & in *epithemate*, vel *fortu* spirituofo calido aromatico, ut cetera omittam, quæ huc referri possunt. Et quidem

1. Dum igne concremantur Corpora, quæ vel odore quem spirant, vel exotico fumo, quem exhalant, vel invisibilibus insensibilibusque qualitatibus, quæ hac methodo actuosiores extricantur, medelam partibus allatura sunt; commodius superimponitur *lana*, vel aliud simile absorbens, quo medicamenti sicci, fumantisque vapor per aeris molem diffusus opportunius ad contactum corporis ægri externum pervenire, atque in hujusce ostiola conjici possit; quò inflammabilium, vo-

lati-

latiliumque corporum medicata aspiratio inter fetas, *lanæque* filamenta recipi, recondique quàm diutissimè in usus medicos valeat. Huc ergo pertinent omnia suave-olentia, quæ ad delicias, vel foetorem partium corporis corrigendum adhibentur, ut *Thus, Benzoe, Ambra &c.* Huc foetida *hystericis* apta affectibus, ut *Castoreum, Galbanum &c.* Huc *Sulphur, Nitrum* adversùs putredinem inventa. Huc *Cinnabarina* verneris morbis localibus adversa. Ex quibus omnibus per accensionem semper excutitur fumus. Quandoque *Subucula, Cuculli, Sacculi, Pallia* fumigantur priùs, quàm corpori adaptentur: alias & amictus *lanei*, quod usitatius est, vapore illo sicco salubri madidi, vel imbuti fovendis, aut fricandis partibus inserviunt.

2. Quotiescumque ergo roborare per partium suffitionem medicatam, & calefacere solida, humores verò discutere, siccare animus est; toties *lanæ* texta ceteris præstant. Quoties adest solidorum flacciditas, humorum visciditas, motus tarditas, *Paralyfis*, & similia, præsensque adfuerit necessitas corpus suffiendum contegendi, toties *laneo* utendum est *Conopeo*, vel *laneis* stragulis, vel fornicata machina *lanæ* exterius convestita, ut qua & uberior, & efficacior aromaticus, vel alia ratione medicatus fumus ad affectam partem dirigi queat. Quoties tandem opus est morbum totis viribus aggredi, qui certis cutis locis sub forma tumorum ulcerumve incubuerit; toties fricandæ partes *lanæ* ita suffita sunt, ut quæ eo modo affecta, ad detergenda, exsiccanda, conglutinanda ulcera, sive manantia, sive pustulosa, multò majori vi gaudeat, quàm alia materierum genera; ut quæ ita cum partibus attrita, & si opus fuerit, diuturnius adhærens, præstantissimam opem ferre comperta sit, *tumoribus* per cutem sparsis, vel ossium compagem obtinentibus, vel alterius speciei concretionibus, ut *gummatibus, exostosis, gangliis*; (modò opportuna ad suffumigationem eligantur species, quibus locales affectiones cedere exploratum sit) ut quæ tandem frictionis motu adjuta, & apto calore munita medicata principia, quæ fervida exhalantur, cutaneis ulcusculis vegetiùs allabi cogat, laticem, quo partes obsidentur, abripiat, mol-

liorem carnem, quæ cicatrici obest, adurat, vel erodat; sicque *dysepulotica* ulcera ad sanationem perducant. Neque hic timendus est *Friktionis* motus; ulcerum enim callosam, & fungosam substantiam fricantis *lanæ* momentum densissimis velut moriunculis impetit, dilacerat; præterea aculeata villorum *lanearum* fastigia eandem irritant, torquentque, afficiunt demum particulae specierum, quæ in suffimenta adduntur, ita ut, dum proserpente accensione in fumos dilabuntur, virtute detergente *sarcotica*, vel *epulotica*, quæ valent, ulcerorum cavum emendent, expurgent, & a calli sarcina liberent, quasi lanceolæ munus obirent.

3. In usurpatione *epithematis* sicci, ubi pulvis medicatus, consuto plerumque Panno inclusus, externæ corporis cuti vario Medici scopo apponitur; quantum *Gossipium*, vel *lanæ* animalis ceteris præeminet vehiculis, non est quod multis dicam. Sacculi enim Pulverem, & Species contritas & medicatas recepturi, *lanæ* si fuerint, & ex recentissimo vellere confecti, meliores erunt: Utique si requiratur in hocce remedii genere vel ejusdem particularum diuturna sacculo excipienti adhesio, vel minor, & lentior de continente panno excutitio, & evaporatio. Nam ob densiorem sui texturam *lanæ* & minorem, & tardio rem dissipationem remedii intus conclusi efficit; seu, quod idem est, diutius & efficacius in corpore operatur, maximè si liquidum spirituosum præstet sit, quo *epithema* siccum humectetur, & maceretur; & si hisce omnibus vaporosus ignis, vel vividus prunarum accensarum & fumantium calor accesserit; quibus tantò potior futurus est *lanæ* usus usu *lintheorum*, quantò magis tam humido trahendo, quàm suffitui absorbendo prius panni genus posteriori idoneum censemus. Sic *Cucufa* illa confortans, quæ a *Gaucibio* describitur, (a) quæque capiti debili, frigidis catharris obnoxio proficua ab ipso perhibetur; *Cucufa*, inquam, illa gossipium recipit, quo exceptæ species includantur duplicaturæ cuculli, & punctim intersuantur; atque cucullo hoc fumo aromatico fumigato manè, & vespertegatur caput. Idem est de *cucufa* ad aeris injuriam arcen-

(a) Vid. p. m. 239.

dam in auditus vitiis expertæ virtutis, ex *Friderico Hoffmanno*: (a)

4. Liquet etiam, quare in *epithemate* humido, præsertim in illo, qui ad cordis languorem paratur, & in quo pulveres miscendorum spiritu aromatico oleoso penetrantissimo, que divites decoquuntur, adeo frequenti in usu sint pannorum laneæ rubræ lacinia; excipitur enim, absorbeturque semper decoctum a pannis *laneis*, tamquam vehiculo magis bibulo, & *linteis* aptiori; asservatur ibidem tamquam in proprio receptaculo, quod utpote crassiori, vel firmius contexta *lanarum* fabrica emergens, coercendis principiis medicati fatus volatilibus, & tenuissimis aptissimum censetur; præterea illud decoctum, dum *lana* utuntur, ab hisce fugitur ita, ut calor, quem habet, diutiùs ibidem moretur, & nescio quam cognatione spirituosa, & aromatica odoramenta fluido calenti diluta, appropriatum magis idoneumque in *lanis* domicilium inveniant. Quamobrem si mitis in talibus casibus accesserit *frictio*, calidum illud *epithema* nedum cutis externæ plagas, quas propius tangit, necnon nuda, & ad simplicem contactum posita vascula utiliter mutat; verum, etiam ad profundissima usque corporis viscera penetrat, iisque beneficam virtutem largitur. Porro in hunc finem plurima præscribi a Practicis solent. Textum nempe *sericum*, *Stupæ*, *Panni*, & *lanatæ sectiones variegatæ*. Verum non immeritò in praxi Medica rubri panni commendantur; sicut non temerè sericum in illis casibus non crudum a *Galenicis*, sed grano tinctorio infectum, proponitur. Nam quemadmodum *Cocci Baphici* rubedo non est quid vanum, & viribus penè effectum, verum a vermiculo agili intus coercito quoad maximam partem proficiens, spiritus vitales reficit, & cordis affectibus succurrit. (b) Ita ubi coloratæ *Cocci* partes decocto solutæ pannos *laneos* eodem colore affectos intrant, virtus cardiaca unita exurget fortior, quàm si iidem, alio tamen quovis colore instructi, admitterentur. Itaque Clinici panniculas *Kermesini* coloris, easque *laneas*, in usum

(a) *Tom. III. p.m. 242.* (b) *Gervaf. Rediv. p.m. 29. & p.m. 395.*

advocare visum est ad fovendam externam cordis regionem: Ea quippe ratione non *lanam* modò cuicumque alteri textili anteponunt; verùm etiam in deligendo colore ceteris sapientiores esse videntur, qui panniculos undique sine delectu colorum usurpare in isthoc *epithemate* consueverunt. Purpureæ enim molleculæ, quemadmodum a *grano* in ebulliens liquidum exeunt, eique communicantur; Sic a *lanceo* amiciente velamine, & abliguriente exsuctæ, altiùsque exaustæ, pervio nostro cario, faciliùs, & fortiùs traduntur. Quade re consulantur superiora. *sup. cap. VII. & VIII.*

5. Quoties ergo *epithematum liquidorum* in genere usus indicatus videtur, toties in subsidium vocanda *lana* est, modò materies arte seligatur, & tempestiva fiat applicatio remedii; modò abusus Artis-Peritus facilè vitaverit; modò imprægnati *lanei* panni, volatili remedio, diutiùs admoti partibus sinantur, & idemtidem renoventur pro prudentia Medici. Sic igitur in *Acutis, chronicis* externis, internisve morbis in affectionibus viscerum; Præterea in indicationibus emolliendi, roborandi, repellendi, adtrahendi, calefaciendi, diluendi, resolvendi &c. solidis fluidisque animalis præstantem operam pollicetur istiusmodi *epithema*, pânorû laneorû intervētu, externis corporis partibus appositum. De corde autem tralatitium est, ipsius scrobiculo specierum aromaticarum decocto madentes *pannos laneos* quàm efficacissimè adjici, in *syncopis* apparatu a quacumque causa, in affectibus ipsius cordis frigidis, & in omnibus illis casibus, ubi morbi capitis, nervorum, *spinalis medullæ*, stomachi, & cordis, ab humorum spissitudine, nervorum *atonia*, & musculosarum partium imbecillitate sustentantur; item in stomachi vitiis, quæ eadem fibrarum morbosa flacciditas genuit; tandem in quibusdam humidis, & morbidis anni constitutionibus, in quibus blandus nervis stimulus imprimendus, & faciliior liquidorum cursus ciendus est; atque ne longus sim, in *Apoplexia, Paralyfi*, stupore sensuum, memoriæ debilitate, auditus difficultate, virium lapsu, viscerum inflatione *colica frigida, Diarrhea*, vomitione in senibus, pueris, in tussi humida, *Ædemate, Corizza, Rheu-*

matismo a causa, ut loquuntur, frigida orto &c. (a) In hisce enim calibus fragranti subtilissimo oleoso suo principio cardiaca hæc vel roborantia topica per madefactam prius *lanam*, & parti ægræ accommodatam, intra vasa, viscera, nervos, horumque omnium liquida eunt, ipsisque motum blandum imprimunt, & labefactatas partium functiones in pristinum ordinem reducant. Itaque memoriæ prodidit *Turnerus*, (b) validum vomendi conatum frustra quamplurimis cardiacis, & stomachicis internis nihilo feciùs pervenisse, quousque *lanceæ* lacinia molles absinthii, mentæ, & aliquot aromatum decocto madidæ, & præcordia externè tangentes noxam illam quàm felicissimè sustulerint. Alterum casum refert idem (c) de homine *Ischuria* laborante, quæ *Diureticorum*, & *Aperientium* quotquot præscribebantur, vim omnem eluserat, & parùm omninò semicupio ex herbis emollientibus unâ incoctis e vestigio parato levare visa, post ingressum catheterem iterum recrudescens; ast illicò ad pubem peculiari oleo, desuperque dato *lanceo* tegillo, dicto citiùs fugata memoratur. Et profectò topicorum, & externorum halituosæ remediorum atomi subcutaneos inhalantes canaliculos perrumpentes, validas in liquidis nostris mutationes excitare posse, is facillè judicabit, qui animadverterit, formidabilium penitiores majorum causas, ut *Apoplexiæ*, *Epilexiæ*, *epidemiarum* &c. in subtilissima quadam aura consistere, quæ de foris accedens, per dehiscentes cutis animatæ tubulos inèans latices vitales, qua data via, aggreditur, quorum crasim, naturalemque indolem pessumdat, evertit, atque corrumpit. Sed de hisce fusiùs, ubi de *lanceis* effluviis actum est, *sup. cap. 11.*

6. Quandoquidem de coloratorum corpusculorum intra corpus ingressu per sudoris vehiculum, superiùs dictum est; *cap. VII. §. IV. V. VI.* eò ratio agendi tincturæ hujusmodi purpureæ, qua in *Epithemate humido* (5.) utimur, redire videtur, ut ingressu suo color ille ab ope calentis liquidi in vasis efficiat illud, quod efficeret ipsum subtile aroma corpori

ri

(a) Vide *Hofmann. tom. 1. p. m. 444. sequen.* (b) *Maladies de la peau tom. 11. p. m. 318.* (c) *Ibid. dissert. p. m. 325.*

ri ingestum, hujusque nervos excitans. Quamobrem colliges, turpiter errare illos, qui colorum, qui pannis adveniunt discrimina in re medica minimi faciunt; aberrare quoque illos, qui de Pannorum coloribus nimis superstitiosè judicant: Sapere autem, & rectius sentire eos, qui mediâ incedentes autumant, pannos, quo tempore corpori ad nudum contactum hærent, colorem, quo inficiuntur, cuti subtus calenti, humidæ, atque apertæ immittere ita posse, ut in quo consistit tincturæ efficacia multiplex, multiplici illud sub larva, fluidis animalis intrcurrentibus, affatim impertiant.

7. Hinc ergo (6.) malè sentit Peklinus, dum hisce verbis testatur: *In pannorum (sunt ejus verba) deligenda specie non minor est hæc curiositas, aut superstitio: Cum enim ad fovendum cordis calorem magna sit panni rubri, cum præprimis Kermesini commendatio; ad oculorum corroborandum tonum, seu calorem, serici viridis, namque asperior, laniosiorque superficies tum visui, tum oculorum subtilitati officere solet, singularis est usus; Quid verò hoc sit, quod in sanandis coli doloribus, panno ceruleo inesse aliqui volunt, quo persuasi experimento non intelligo; sive enim a Glasto, seu Anil Indorum tinctura inducta sit, non video aliud, quam certum texturæ genus, quod calorem adeo utilem in hoc morbo pertinaciùs foveat, temperetque, quam aliud quidquam externum. Ideoque scio, esse qui panni cerulei laciniam ventri immediatè sub Interula admovent, seque hoc beneficio a coli doloribus immunes prædicant. Hactenus ille, (a) qui tamen non fatis animum ad quotidianam praxim attendisse videtur, qua compertum est, non sine ratione coccineum serici colorem species *epithematis cardiaci* componere: vide hæc xiv. num. 4. Qua exploratum est, non quemcumque colorem inflammatis oculis gratum, atque amicum esse, sed nigrum radios coercentem, vel viridem lenissimè reflectentem inter ceteros colores esse beneficum: Qua supra demonstratum est, posse coloratas molleculas intra corpus devehì, & bonos, vel pravos effectus edere. cap. vi. §.*

XVI.

xvi. num. 4. item cap. vii. §. v. Quod subolfecisse video *Amatum Lusitanum*, aliosque a *Primeroso* citatos, (a) qui monent, ne panni immediatè corpori injiciantur, quia ex tinctura, & aluminis mixtione aliquam habent adstringendi vim. Sanè *Anil Indorum*, de quo hic sermo est, vires nonnullas habet, adeout plantam in *cucufas* non infructuosè ab illa Gente adhiberi legamus. (b) Ad hæc si lacinia panni cerulei ore diutius detineatur, dum emollitur, atque liquefcit, pristinum colorem exuit, & sensum adstrictionis papillis nerveis imprimit.

8. Verùm ridiculam, & verè anilem credulitatem in electione pannorum non possum non improbare. Exemplum habes curiosum in eruptione Variolarum, ad quam promovendam corpus olim pannorum rubicundorū pondere operiebant, affinitate siquidem coloris (c) sanguinem allicere credebatur. Insignis hac de re extat locus apud *Freind*. (d) de *Joanne de Gaddesden*: Quem, inquit *Freindius*, in aulam receptum video, Regisque filium curasse (Eduardi I. credo, vel II.) variolis laborantem; atque hîc quidem præstigias omnes adhibens, quo meliùs morbos ex inflammatione ortos se intelligere ostendat, post idoneas rei gerendæ formulas, vultu in gravitatem composito, *Ægrum* panno coccineo involvi jubet: omniaque quoque circa lectum rubra esse debebant, ac *Tapetia* sine dubio per cubiculum omne ejusdem erant coloris. Erat nimirum *Joannes* hic, ut opinor, de eo genere hominum, qui Sciorum incredulitatem in sua semper commoda convertunt. Sed de hisce ineptiis satis.

XV. Propositio IV. *Indumenta lanea omnium, maximè quæ ex lino parantur, humidum exsiccare nata sunt.*

Demonstratur: Liquidum purpureum aquæa moles ubi plus nimio in corpore decrefcit, exsiccatio quædam exoritur. Cujus quidem causas multiplices ideo sistemus, ut id, quod *laneæ* texturæ linteis in siccando præstent, probè dignosci queat, ut inde ad experimenti, hac de re a nobis capti, rationem indagandam, eruendamque deveniamus. Itaque

(a). de error. vulgi lib. III. cap. xx. (b) *Lemer. traitté des drogues* verbo *Anil*. (c) *Primerosius* ibid. p. m. 294. seq. (d) *Histor. Med. in unh.* 1320.

1. Exsiccantur fluida nostra, quoties liquidum illis non supeditatur, vel inopia potus, vel viarum obturatione, per quas diluens liquor in sanguinem permeare debeat. Ea ratione non exsiccant lanosa vestimenta, nec quæcumque alia.

2. Arescit liquidorum moles, quoties, licèt fluidum humectans præsens sit, suis tamen molleculis non sese intimè, ut decet, immiscet liquidis; unde statim ac liquor intra sanguinem admittitur, illicò inde dilabitur purus interdum, & nitidus: Ea ratione sanguis crassus, gummosus, resinofus, therebintinaceus, in *Maniacis*, *Melancholicis*, Mulieribusque *hystericis* continuò siccescit; nec ullo hìc modo referri corporis operimenta debent.

3. Siccior evadit sanguinis *diathesis*, quoties, licèt fluidum admiserit, & intra se servaverit, nihilominus tamen nonnullorum corporum miscelâ particulæ fluentes in corpus solidum abeunt, sine amissa, expulsave earundem parte tenuiore: ea ratione spirituosilatices, in *Alcool* redacti, funestam ariditatem liquoribus corporis animati inducunt: Ea ratione, de modo, quo habitus *lanei* corpus animalis exsiccant, nullus institui potest sermo.

4. Liquidorum vitalium massa arescit quoque, quoties talia eidem adduntur, quæ humidum aquosum inde avocant ita, atque abliguriunt, ut a liquore recepto in suis spatiolis pondere augeantur, absque ullo voluminis augmento: ea ratione, omnia corpora, quæ tenuiorem fluidi portionem ad sese alliciunt, illamque a reliqua liquidi mole secernunt, quacum unà concresecunt, appellantur *absorbentia*: ea ratione omnia *adstringentia*, *absorbentia* quoque sunt, notante *Pétito*. (a) ut, quæ carnis V. G. humiditatem haurientia, eandem, pondere imminutam reddere soleant: ea ratione hujusmodi remedia *exiccantia* dicuntur, quæ humidum auferendo, hoc sibi associant, & reliquum siccant, ut in laudato *carnis* exemplo videre est: ea tandem ratione futurum est, ut quæ sub specie palliorum aliorumque id genus operimentorum corpori apprimuntur, *exiccantium* tale nomen neutiquam mereantur;

(a) *Memoires de l'Academie année 1732. p. m. 43. sequent*

tur; licet enim humidū exinaniāt, sugātque, indeque pōdere cre-
scant, cum absorpto tamē humido nequaquā cohærere videntur.

5. Exhaustitur corporis humidum, quoties sine ulla corporum additione, sed interna agente vi, per sua colatoria uberior derivatur extra corpus: Ea ratione succedens *Phthisicis* diarrheæ; item *diabetes* largus, *Ptialismus* &c. toties fluento animali ariditatem invexerunt: Ea ratione *Purgantia*, *Diuretica*, & *Stimulantia* quæcumque remedia, abundantiorum humorum effluxū concitando, toties liquidi nativi fontes aridos reddidere: ea ratione, nihil sperandum erit ab vestiū superficie corporibus incumbente, nisi quod insensibilē perspirationē adaugēdo, corpus aliquādo ea ratione exsiccet. *sup. cap. III. §. VIII.*

6. Arescunt liquida corporis, quoties plus solito fluidiora, & humidiora existunt. Quod quamvis primo aspectu *paradoxon* videatur, re tamen intimē perspecta, liquidò patebit: Cogita enim vasculum quoddam lymphaticum ruptum, quod alia sua extremitate ex lateribus arteriarum sanguinearum proficiscitur: Cogita in eo canaliculo motum talem vigere, quo internum liquidum per valvulas ulteriūs propellat versus truncum tubuli lymphatici, qua parte canaliculus apertus supponitur: Cogita dein liquidorum tenuitatem, & lubricitatem summam, qua crassiores etiam partes ab reliquarum consortio divelli, inque aliena vascula errare facile possint; Constat, liquorem ita paratum, osculo huiusce tubuli oblatum, actione vitali absorptum, ingressumque jugi lapsu ad anteriora effluere, & in cavum aliquid, vel partium utriculos per hiantem illac lymphaticum canalem effundi: Ea ratione *Hydropicos* molesta & perpetua sitis torquet, quamvis uberrima aquarum mole eorundem sanguinem inundaveris, ea ratione, ut vides, nihil præstare in corpore poterunt, ex quacumque materia vel vellere contexti fuerint amictus.

7. Corporis nostri liquida deficiunt, quoties fluxæ liquidorum partes ita attenuantur, ut non per continuatos canales incedant, ut modò dictum est; (6.) sed in adeo subtiliores molleculas dissiliunt, ut etiam per fibrarum ubique poros transudent, ac dissipentur: Ea ratione ingenti, eoque febrili æstu perrarescunt omnia fluida, dum tenuissimis vascu-

lis assiduò exhalantibus non modò efflatur, verùm etiam per minutissimas carniū intercapedines incitatum perpetim halat tenuissimum; quod omnia humectat & fovet, liquidum: Ea ratione febris ardens mobiliore partes absumit; & immanis *Solis* irradiantis calor adurit: Ea ratione demum non memoranda sunt vestimenta nostra, quæ cuti accedentia, licet vaporem absorbeant, illum tamen diu coercent, donec venulis in cute bibulis, patulisque maxima parte injectus, intrò subire, iterumque partes irrorare possit.

8. Ariditas liquidorum nostrorum occurrit etiam, quoties cutaneorum liquidorum effluviū, absque instaurata liquidi in sanguinem accessione, perpetuum & notabile dispendium fit. Namque excretio, cui cutis area destinatur, omnium in corpore excretionum maxima censetur: Ea ratione hic locum non habet, quæ per vestes fit, exsiccatio. Possunt quidem vestes *Sanctoriana perspiratione* ita repleri, ut quod a cutaneis tubulis reflantibus decesserat, si non omne, at saltem quoad maximam partem venis ejusdem cutis absorbentibus denuò committant, sicque funestos, & celeres *exsiccationis* effectus arceant: Ea ratione *Balnea* perspirationem cutaneam promovendo, dum calida corpori immediatè adstant, inter *Topica exsiccantia* recenserentur, quod nemo dixerit umquam. Quippe certum est, aqueas guttulas balnei calentis usu per porulos illos innumeros, quibus tota pervia est cutis, in vasa lymphatica foraminibus illis lateraliter dehiscentia sensim illabi, ac inde in sanguifera vasa delatas, universum cruorem, quasi rore copioso, diluere; ut alibi a nobis ostensum est. (a)

9. Inter *Desiccantia* locum etiam habent quæcumque humidum superfluum partibus solidis inhærens, vel in cavitatulis, vasculisque stagnans, aut contentum diripiunt, abjiciuntque. Ea ratione apud Veteres *exsiccatio* per arenam calidam & siccam peragebatur; (b) quæ quidem consuetudo in *Melita* adhuc viget; quamplurimos enim reperire est, qui ad curationem *paralyseos*, & similium morborum ægrotantes,

(a) de *Balneis Animadvers.* II. III. (b) *Gorter. tract.* 63. §. II. p. m. 53. tom. II.

vel laborantes partes intra calidissimam, & Sole meridiano ferventissimam arenam sepeliunt, non sine, ut interdum vidimus, felici curationis exitu: Ea ratione, quando plurimo, & fluxiliori humore vulnera madent, tunc terrei bibuli pulvisculi in pollinem impalpabilem triti, ad absorptionem, & exsiccationem eliguntur. Ea ratione liquida in vulnerum cavo effusa emungi contingit, dum spongiolæ vel lintea carpta sicca, humorum *absorptioni* idonea in praxi Chirurgica usurpantur: Ea tandem ratione operantur vestes corpori quocumque modo intimè adstantes ex quocumque contextu bibulo factæ fuerint: Neque enim exsiccant trahendo liquidum, illudque intra se detinendo; neque effusis, succisque humoribus tument, ut lintea carpta, atque in turundas conficta, quæ vulneris v. g. orificio immissa, a mole succi humoris adeo turgent, ut nili eò loci firmentur, brevi vulneris cavo expellerentur. Quamvis enim *lana*, & *gossypium* huic usui inservire possint, indeque *sicca* reddere corpora, illud tamen potius a figura, & loci angustia, quàm ab eorundem fabrica repetendum videtur, certè spongiæ ipsa sua figurâ ab intruso liquido insigniter dilatantur, quod non faciunt quæcumque lanosiores, lintæve superficies.

10. Multa quoque eliciendo, & consumendo humidum exsiccant, sed quatenus inde liquecant, ut *sales*; vel quatenus duriora multò evadant, quàm ante resorptionem fuerint. Quod *exsiccationis* genus ad indagandam *lanarum* virtutem minimè sufficere videtur, quæ ab attracto corporis exhalante humido, nec diffluunt, quamvis emolliantur; neque rigidiores sunt, quamvis tumeant; alia ergò mechanica excogitanda est, qua corporis siccitas a *lana* corpori immediatè obvoluta dependens concipi, delinearique valeat.

11. Quamobrem ut calere tum corpus dicitur, ubi, ceteris paribus, calidior *atmosphæra* illud semper cingens, semper quoque præsens est; frigere autem, quando eadem a frigidiori aere perpetim detrahitur: *vide supra hæc Propos. 1. §. vi. num. 3.* Ita inarescere cutis dicitur, indeque liquidum perspirabile jugiter evanescere, quando calidus siccusque aer nos continuò adflât; aufert enim hanc nostram humidam *atmo-*

sphæram, in qua velut in balneo corpus immergitur; cui vaporosa *atmosphæra* succedit dein altera, sed & hanc brevi averrit ita aer, ut corpus brevi ad ariditatem adigatur. Idē enim est sive nudam & humidam carnem, sive operimentis protectam aera siccum permeet; nam dum sani sumus semper ad aliquam digitorum distantiam à corporis ambitu, *atmosphæram* udam circumfusam habemus, quia ipsa vestimentata, quæ induimus, ut eodem corporis calore calent, sic eodem exhalante liquido humescunt.

12. Inde colliges, exsiccationem corporis per cutis tubulos, non tam in vestium absorptione quàm in resorpti dissipatione in ambiens aera reponendam esse. Non sufficit enim *lanas* humidum bibisse; verum debent adesse conditiones absorptum discutientes. Aliter enim futurum est, ut exhalans liquidū, quamvis à panno tractum, neque digestum, *atmosphæram* illam humidam (11) adaugeat, & cutem subjectam non tam exterius madefaciat, quàm tacito inde in halantes venulas cutaneas obvias ploratu remeans, humidum largiatur, & *desiccationem* avertat: Ea ratione fomenta, *Semicupia*, & balnea, ad humectandum potius, quàm siccandum faciunt; quavis insensibilem perspirationem promoveant, eamque sibi admisceant: ea ratione exundans intra corporis cavitates continuus vapor, liquidorum molem nec hilum demit, quorum semper eadem in sanis manet quantitas, quia eadem proportionē, qua stillat a poris absorbentibus, recipitur: Ea ratione mador cutis ab admixto aere disparet citius, quam aer potuisset eum exsiccare: Ea demum ratione non exiccabunt vestes, quæ exhalatum cutaneum vaporem morari adedò possunt, ut maxima sui parte per venulas hinc inspirantes innumeras, iterum sanguinem subeat, sicque siccantem evaporationem, cū humefaciente inhalatione compenset, imò hisce habitibus aer humidus incumbere potest, ut tam quàm corpus, quàm quàm aerem respiciunt, panni humido onerentur, illudque intra animalis corpus ultrò ingerant.

13. Si ergo exsiccatio corporis animalis, quæ ab vestium usu provenit, sicciori aeris circumdantis temperiei respondet, cujus ope velut universalis ambiens spongia, depluens
e cutis

e cutis vestiumve villis humidum (11. 12.) avidissimè amplectitur: videndum, si *laneis* præ *linteis* rebus siccior, & calidior *atmosphæra* incumbat, ut inde *lanæ* in exsiccando corpore præstantia affulgeat. Verùm idem aera quaslibet gestatas corpore vestes sustinere reperio. Major proinde vel minor desiccandi vis ex majiori vel minori promptitudine, quam ad avolationem habet absorptus humor, & superficièi adhærens, in vestibus desumenda est. Qua de re sequens experimentum cœpi, quod sanctè referam, *Hallerii* vestigiis insistens, qui utcumque experimenta sua in universum circa pannos commemoret, speciatim tamèn, & distinctè nullam de exsiccationis mensura mentionem iniecit. Inquit enim (a) *Siccus aer, & pannus siccus bibula corpora sunt, & aquam attrahunt. Id demonstrant experimenta pulchra, quæ ad hunc finem cœpi, & quibus mihi constat, hujusmodi pannos plurimas libras aquæ intra breve tempus resorbere. Deinde id demonstrant Fullonum experimenta, & Pannificorum. Nam panni madidi in quiescente, sed sicco aere suspensi intra paucas horas siccantur: Si verò aer ipse humidus fuerit, madorem diutissimè retinent. Nunc considera, cutem nostram cum panno hujusmodi comparari humido, dum sana est: nam nummus politus, qui cuti admovetur, continuò madet. Ergo aer siccus de ea cute humiditatem resorbebit; dum verò proxima cuti humiditas exhalat, sequitur proxima, quò denuò exsiccatur, & sic intra horam balneo sicco homo occidi potest. Hactenus ille; cujus verba idèo huc transferre non piguit, ut liquidò constaret, tanti Viri consilio nos permotos fuisse, ut sequens experimentum institueremus; sed, quod præcipuè interest, nostras qualescumque observationes ab *Hallerii* observatis plurimùm differre liquet. Non quòd sua Author enucleatius protulerit, (horum enim meminit, sed in genere) sed quòd circa Pannorum absorptionem universa versari videantur *Hallerii* observata: dum nostra eo Ipsi fine aggressi sumus, ut facta comparatione inter *Linteorum*, *Laneorumque* vestimentorum genera, videremus, utrum utri in descripta *Siccationis* methòdo præcelleret.*

14. Sumpsi ergo binas simbrias unius palmi, quarum una ex *lintea*, altera verò ex *lanea* materia constructa erat; ambas ejusdem ponderis, & eodem temporis momento intra vas aqua plenum immersi, itaut altera sua extremitate elatum liquidum in duo excipula utrobique æqualia effundere possent. Transacto horæ spatio, vasculum *linteo* subpositum habebat aquam ex limbo lintei pendente prodeuntem; pondus æquantem *dracmarum* 4. cum semisse: alterum verò receptaculum laneam laciniam continens siccum prorsus erat, quo tempore quarta tantum pars segmenti *lanei* humectata erat. Deinde duas illas diversæ texturæ portiones duabus chartis duplicatis bibulis ejusdem ponderis eodem instanti superimposui, ut in chartarum suctionem investigarem: Inveni, intra octo horæ minuta chartam bibulam a superstante panni *lanei* portione æqualem humoris quantitatem adtraxisse, ac quæ subsita erat *linteo*: quamvis humentis lintei compages major, largius quoque in charta sibi subjecta occuparet spatium. Tandem postquam binas illas pannorum sectiones ex chartarum superficie semovi, easdem Soli exsicandas exposui, reperi decrementum ponderis in *lana* majus, quàm in *linteo*, ut intra tria horæ minuta ab humore suffusa *lana*, tertia pars humidi, qua imbuta erat, consumpta fuerit. Hic autem subsistamus aliquantulum, & quid lucis, quidque boni ex hac observatione erui, colligique queat, inspiciamus.

15. Infertur namque primò dispendium liquidi sucti, proindeque imminutionem quantitatis ejus liquidi, quod in excipulo communi continebatur, eò esse celeriolem, quò spatium percursum à liquido deglutito suctoque eodem tempore majus, & quò, eadem data superficie madente, intra brevius temporis intervallum sublatum liquidum ex altero bibuli corporis extremo depluit in receptaculum. Cum verò eodem instanti, quo integrum *lintei* frustulum maduit, *laneum* quarta suæ superficiei parte maderet, atque æquali utrinque superficie madefacta, *lintheum* intra tempus quadruplo brevius *lana* humidum reciperet, nimirum intra $\frac{1}{4}$ horæ, atque de-

mum hæ rationes inter se æquales existant: Sequitur, absorbendi facultatem in fibris cannabinis, seu quod idem est, celeritatem suctionis trans lintei fabricam, ejusdemque liquidi effluxum esse in ratione *quadrata directâ* superficiei bibentis, vel in ratione *quadrata universâ* temporis ad suctionem insumpti. Ergo absorptio facta per *linteum* absorptione per contextam *lanam* succedente sexdecuplò major futura est. Sit motus, quo linteum humidum in nostro periculo combibit = V. sit alter suctionis in *lanea* superficiei motus = C. sit superficies *lintei* sugentis = S. & tempus ad talem suctionem requisitum = T. sit ex altera parte plana *laneæ* superficies bibula = s; & tempus in ista suctione peraptum t.

Quoniam $\frac{U}{C} :: \frac{S}{T} : \frac{s}{t}$ & juxta proportionum regulas $S \times t$
 $= s \times T$ erit $\frac{U}{C} :: \frac{S \times t}{s \times T}$ verùm ex suppositione spatia sunt

inversè ut tempora: Erit ergo $\frac{U}{C} :: \frac{2S}{2s}$ vel inversè $\frac{2t}{2T}$

q. e. d.

16. Infertur dein, velocitatem *absorptionis* in *lintei* villis non petendam esse ab incumbentis *atmosphære* quæ hic eadem supponitur gravitate; neque a majori vacuo in *lini* staminibus, quàm *laneis* fibrillis exsugente, cum ubique omnia æqualiter aere referta credantur: verùm a multiplici differentia, quæ fabricam linteorum, lanarumque interest, desumendam esse. Fortè villi ad instar tubulorum contorti in *linteo*, canaliculi patentioris speciem præferunt; neque mollioris lanuginis setas, quæ in *lanu* ubicumque obviæ absorptionis impetum quadantenus frænant, in orificio sugente habent. Fortè in itinere sugens tubulorum linteorum familia nequam arctatur, ad interceptionem cursus liquidi, ut in *lanis* Fullonum opera pressis contingit. Fortè spatiola, & interstitia in *linteo* relicta majora sunt, per quæ proinde absorptus humor non modò copiosius transfudet, verùm etiam ibi copiosius congeratur: Quandoquidem in illo experimento

(15.) linteum extùs, intùs, per latera, & in omnem sensum aqueo humore inspergitur, penetraturque. Fortè demum in illa laciniarum positione super oram receptaculi communi aqua pleni, situs *lindei* exactiùs æmulatur canalem æquilatorem, & laterum incurvorum, itaut ascendat liberè liquor usque ad incurvationis angulum, indeque deorsum liberè descendat in gratiam æquilibrii. In *lana* autem contexta, cujus superficies varia compressarum fibrarum complicatione, consurgit, contrarium observatur; neque enim, rigida cum sit, promptè flectitur, neque laterum commodam ad haustum liquidi obliquitatem habet; unde agrè a vasculo liquidum petit, petatum, absorptumque, ob majorem altitudinem, difficulter attollit; operosè sublatum agrè dimittit, ob summas fibrarum pororumque angustias.

17. Inferes tandem, *resorptionem*, quæ a chartis suppositis [vide 15.] æqualiter perficitur, eò velociùs in *lana* successuram esse, quò celerior fuerit per fabricam linteam sectio humidi. Nam si ex duabus quantitibus inæqualibus æqualia demas, inæquales ut priùs remanent. Impensæ ergo humidi, quod chartacea sectio æqualis abligurivit, eam rationem inter se habent, quam præcedens in *lindeo* sectio ad præcedentem in *lana* suctionem servaret. Quare si linteum planum quantitatem liquidi sexdecuplo majorem exhaurit, abripitque, *laneum* in chartarum superficiem ceteris paribus eandem liquidi copiam deposuit. Erit itaque humidi absumptio per chartam *laneæ* subditam eò copiosior, quò parciore fuerit absorpti humidi copia; item eò celerior, quò intra datum tempus ex minori madefacta aera humidum in chartæ subjectum frustulum distillat; At verò quoniam obvia adurenti *Soli laneæ* portione humidi absorpti impensa tertia sui parte major, quàm in altera lacinia similiter tractata, observata fuit; idcirco crescet proportio, & æquabitur huic rationi

$\frac{16 \times 3}{1}$ seu quod idem est, siccus aer *lanam* madidam, linteum-

que humens circumstans, humorem in ea ratione utrimque deprædatur, aufertque quæ est inter 48. & 1. Quamobrem clarè patet, exsiccationem liquidorum animalis, quæ
per

per humidi cutanei *dissipationem* contingit, quæque sola vestibus, quibus amicimur, competere videtur, *vide sup. hic §. xv. num. 11. 12. sequent.* citius, efficaciusque per *laneas* superficies nudæ cuti adstrictas, quàm per *lintea* quælibet absolutum iri. Patet inde tota nostra Propositio.

XVI. Quoties igitur opus est, ulcera *ichore* manantia ad cicatricem perducere, luxuriosam, & fungosam carnem compescere, humorem tenuem, tam *salinum*, quàm *biliosum*, desiccare, liquidum *ichorosum*, *serpiginosum*, *scabiosum* abligurire; pruritum inde, & dolorem mitigare: toties ad prudentiorem, tutioremque absorptionem lintea præ laneis corporibus eligito. Præprimis si ex lino parata, sicca, carptaque pulveribus absorbentibus inspersa fuerint; tunc enim citior effectus futurus est. *confer sup. §. xv. num. 9. 10. 14. 15.* Verùm ubi insensibilem perspirationem laudata exsiccationis *therrapeja* elicere animus est, neque actio frictionis, dolorisque stimulus, quem *lana* creat, timetur, *confer sup. hic §. xi. xii. xiii.* utputa in tumorum cutaneorum frigidorum tractatione, in *œdemate cutaneo*, laxitate villorum cutis, in humorum stagnatione, seu melius, eorundem fluentium tarditate; in frigidis *rheumaticis* doloribus, in *Angina aquosa*, *Bronchocelæ*, *Hydrocelæ*, *Hydrocephalo*, *Hernia*, partium procedentia ab exuberante humido; in luxationibus ab emolitis ligamentis, acetabulorumque laxitate, & similibus, *lanam*, inquam, & quamcumque lanosior, villosiorque materiæ usurpare memento. Sic enim ab sicco, ut supponitur, ambiente fluido aereo celerem *absorptionis* humidi, quod in *lana* hæreere statuitur, medelam obtinebis. Quod si attractio- nis, quæ per *lanam* fit, energiam intendere volueris, eamque *absorbentium*, quæ supra indigitavimus, *xv. num. 4. 9.* actionem imitari, *lanam* comburito, vel in cineres redigito, juxta Domini *James* processum: (a) Sic enim habebis optimum absorbens, morbosum, & inquinatum humorem; imò excellens *Escaroticum* in excrescentiis fungolis intra cavum ulcerum luxuriantibus, vulneribus madidis, & difficile

Oo

fane-

(a) *Dictionnaire universel de Medicine tom. iv. v. L. p. m. 771.*

sanefcentibus, atque in humida *Ophtalmia*, ut ibidem narrat.

At in genere admonendum, in vulnerum, ulcerumque curatione duximus easdem rationes, quæ incomparabilem impulere *Magatum* ad eruendam ex rara eorumdem deligatione non mediocrem utilitatem, vigere multo majores ad suadendum in istarum noxarum chirurgia *lanei tegmenti* usum; sic enim lanati membri calor magis roboratur, quo solo si quid extraneum ulceroso cavo inhæret, adglutinationem ideo, suppurationemque, unius Naturæ operam morans, felicius, promptiusque expellitur; ad hæc dolorem a frequenti partis faucis ulceratæque contactu oriundum data desuper *lana* efficacius inhibet. Quamvis ad rectam istiusmodi instituendam therrapejam illud meminisse juvat, eam pro æris, corporis, & partis agræ conditione variandam. Aliud enim tegmen eligendum æstuante, aliud frigente cœlo; & quod lacertosam corporis animati partem foveret, nervosam, & maximè sensibilem, imprimis si compactius fuerit, & suffocans, læderet omnino. (a) Consulantur quæ de diverso contexendæ *lanæ* modo, & inde pendentibus effectibus superius recensuimus. *cap. iv. & alibi.*

XVII. Propositio quinta. *Inhæret lanæ aliquid emolliens, quod in linteis, & similibus texturis desideratur.*

Demonstratur: Loquimur hic de *lana cruda*, cum *lino*, *cannabeque* infectis collata. In qua quidem *hypothesi* obvium est, priorem materiem posterioribus vi emolliente præpollere, cuiusque sequentia consideraverit. Nam si conditionem fabricæ Animalium, naturam Bulbi, e quo *lana* progerminat, genium humoris pinguis, quo lubricatur, inflammabilem ejusdem indolem, & alias proprietates contemplemur; inveniemus, ingentem oleosæ substantiæ vim *lanis* innidulari, quæ linea omnia, & ex cannabe oriunda Textilia orbantur penitus. Quid enim? nonne oleum pingue una cum sanguine via per arteriosos ductus, venasque oberrat, & ubique in corpore animali cruori immixtum abundè reperitur? Nonne adeps

EX-

(a) *Cæsar Magat. de rara vulnerum &c. lib. 1. cap. xxxi.*
 & xxxv.

extra circulantis sanguinis pomaria foras adcumbit vasīs arteriosis, & venosis in folliculos ubique patentes effusus? Annē cuncta in universum corporis humani vascula; nervi omnes; musculares lacerti, tendineæ fibræ ubique ambiuntur cellulosa fabrica, variè pro diversitate locorum depluente distenta adipe? Sic ut debitam flexibilitatem retinerent muscoli; vaginulis oleosis undique vestitos cernere est; sic ne rigerent ligamenta, attenuatum medullare oleum illis largō affusum est. Ita eadem ratione, quemadmodum in toto corpore animali sub cute musculis incumbit communis illa membrana adiposa, cellulis confertissimis distincta, quæ flatu tumidæ speciem obesitatis, interdum monstruosæ, præferunt; eo fine, ut cutaneæ fibræ essent flexiles, atque contractionem, dilatationemque levi negotio obirent; ut quæ fibræ singulæ a vicinis removeri facile possent, certè ipse *panniculus*, *carnosus* Veteribus dictus, in homine nihil a prædicta adiposa expansione differt, quæ subtus cutem invenitur: (a) Rursus, quodcumque sit secretionis pinguedinosæ organon, & quæcumque mechanica detur, pinguedo cuti substrata adaugeri in dies, accumularique ut plurimum gestit: Porcum intueri saginatum, ut cutem inter subjectosque musculos magnum jacet intervallum solido pallidoque lardo plenum. Ut in Bove non obeso, sed macilentissimo discissus musculus sanguine manat, cū nihilo exilior caro de animali lanigero pinguisimo deprompta nihil cruoris secta profundat, sed continua pinguedinis massa esse videatur! Ut assumpta *panniculi adiposi* pinguedine, truculentus morbus nascitur, *lepra* Arabum cum insigni cutis rigiditate stipata! Quid plura? Præter communem omnibus animalis fibris dotem, qua ne simplicissima quidem fibrilla motrix sit, quæ destituatur vagina oleosa. Accedit illud cuti peculiare, quodd innumeras glandulas sebaceas, vel loculos pingues nacta sit oleum calore, & motu fundentes, quod cutem obliniat, atque humectet; ut inde pateat olei cutanei necessitas, simulque eluceat singularis illius morbi, cujus supra meminimus (*cap. viii. §. xix.*

(a) Haller in §. cccxvi. p. m. 508. not. D.

sequent.) Ethnologia. Cum autem hujusmodi folliculi pingues in cute non modò ubique adsint, sed & abundant ubicumque copia capillorum est, in *barba*, *pube*, *scroto*, *axillis*, ad *ani* confinia; (a) præprimis autem in capite; cui pinguis magis, quàm reliquis corporis partibus sudor obtigit: Quæ, inquam, cum ita se habeant, patet satis, subtiliorem olei cutanei pinguedinem capillos ita ascendendo tueri, coriumque externo corpori accumbens ita emollire, ut lubricitate mobili, juxta exteriora pilorum sese expandat sursum deorsum, eosque flexiles, humidos, unctos, obsequiososque teneat; Docet *lana* recens Animalis avulsa, quæ manibus contractata, has unguenti in speciem illinit; quæ aquæ immixta humidi consortium respuit; quæ tandem igni admota flammam alit. Indicat *Oesypus* antiquis Græcis, Latinis verò *lana succida*, quæ propriè sordes ovium oleosas significat *lanis succisis* cadentibusque ex animali dentoso adhærescentes. (b) Porro quid sordes hæ in lana, nisi crassior unguenti cutanei difflata per calorem volatiliori parte amurca? Sed & ortum *Pilorum Lanarumque* spectemus. Dum *Pili* extus oleosa materia lubricantur, intus circulante per villorum fasciculum oleo donantur, quod ab eorundem radícula sub cute sepulta continuò, ut a tellure Planta, attrahunt. Quamvis enim *Chiracius* acinum bulbumque adiposum *Pilis* denegare videatur; (c) ratum hodie est, in subcutanea pinguedine radicari pilos hujusce soli pinguis amantes; Itaut nedum in animalibus obliquas suas radículas ad trium linearum profunditatem intra pinguedinem defigant; (d) verum etiam in homine, observante *Vvinsloo*, (e) proprios utriculos in membrana adiposa obtineant. Hæc sunt, quæ in *lana* meritò animadverti possunt, & ex quibus olei pinguis præsens copia elici, intelligique potest, cujus ope primas in emollitione iisdem *Lanis* deferre cogimur. Enimverò utcumque semina

can-

(a) *Vvinslouw. Exposition. anatomiq. tom. III. des tegumen. num. 77. 78.* (b) *Lexicon Castelli verbo Lana, p. m. 353. & 420.* (c) *Lettre sur les Cheveux p. m. 272. sequent.* (d) *Haller ibid. p. m. 531. 534.* (e) *Ibid. tom. III. n. 97.*

cannabis, ex qua linum, multum olei suppedient, & ob id ad tumores resolvendos, dolores demulcendos, durities emolliendas, nervorum tensiones, contractionesque laxandas feliciter præscribantur; (a) attamen *cannabina* falces, quales in hominum usus adhibentur, non nisi avenas graciles, pusillas, & penè exuccas sistunt, humido a terra ascendente parùm turgentes, eoque emolliendis partibus inepto. Ad hæc antequam humanis usibus consecrentur, tunduntur, præparantur, macerantur, atque intabescunt in aqua diu, in scrobibus, lacunisque aqua plenis eluuntur multum, & diu, quò deinde in mollitiem *laneam* coacta, in filamenta produci, in telas texi, inque chartas compingi valeant usus immensi, nec satis mirandi. Si ergo *cannabina* materies, *lini*, *linteorumque* nasciturorum basis oleosa pingui substantia, qua *lana* sponte ditescit, orbatur, atque oleosa omnia inter *emollientia remedia* locum præcipuum obtinent, ut videre est in rigidissimis animalium pellibus, quæ oleo penetratæ mollescunt, teneriores evadunt, & diductæ tardius in contractionem redeunt: Si, inquam hoc verum est, patet universa nostra propositio.

XVIII. Indicatur ergo *lana succida* & sordida in illis morbis externis, ubi solidis rigescentibus, duris tensisque fibris mollities, villis contractis mobilitas, atque flexibilitas concedenda est; simulque ubi adducti, & coarctati per spasticas minorum vasculorum stricturas alvei, ampliandi atque placidè dilatandi sunt. Præter hæc ad instar *emollientium lane* extus corpori nostro admotæ humorem vasculorum cavitatulis elapsum, nec amplius resolvendum, aut per lymphaticos ductus resorbendum, in pus convertere natæ ita quidem sunt, ut conciliato majori putrescente calore, & obturatione pororū cutaneorū per suppressū insensibilē vaporē, necnon relaxatione tubulorum antea tensorum, atque rigidorum materiem in vasis contentam ad coctionem, & maturationem perducant. Nam pinguedo non modò calorem adauget, verum, etiam ob sordium suarum cumulum, capillaribus cutaneis tubulis

(a) *Geoffroy mater medic. tom. III. p. m. 249. & 739.*

bulis adhærens, insensibilem distensionem (a) coerces. Quòd dein *lana* solidorum, præternaturalem rigiditatem tollat eadem molliciendo, ex prægressa nostra Propositione [xviii.] abundè patet. Quæ certè commoda in affectibus cutis pustulosis exanthematicisque a siccioris, cultæque *lanæ* pressura frustra sperabis; imò eam ipsam tamquam noxiam abjici curabis, si, quod olim *Fridericus Hofmannus* monuerat, (b) in memoriam reduxeris, a perverso scilicet exsiccantiũ *topicorum* abusu in cutaneis morbis *dyspneam*, *Phthisim*. Inappetentiam, & summas præcordiorum anxietates subortas fuisse. Præterea quòd *lanæum* hocce munimen, dum ad pustularum contactum hæret, munus facillè præstat leniendi, ac butiraceo suo habitu externum corporis habitum papulis exuberantem unguendi, lubricandique, quo minùs cutanei villi arecant; vel ne invicem, utpote immoti concrecant: quidquod externa illa tubercula plerumque prodire conspiciamus, ubi saluberrimum transpirationis negotium ab aere vappido vel frigido retardatur: textura autem *lanæ* pinguis noxios non modò in se vapores recipere, sed & frigoris molestiam non parum arce-re nata est. Demum cutanæ istæ efflorescentiæ quid aliud sunt, nisi glandularum ejusdem cognominis organa, secreto ac stagnante propriis in folliculis succo lymphatico, nimium turgida: idcirco ergo in talibus vitiis lanatum *lana* sebo nativo prædita præ pexa, & culta incedere præstat, quod prior tunica activo quodam sulphureo principio sistalticam cutanei cribri actionem intendens, celeriore inde humorum fluxum efficiat, & lympham angustissimis incerniculorum tubulis impactam commovendo, ad instar excrementi foras eliminet, & reliquam vitalium succorum massam mirè depuret.

XIX. Non sine ergo ratione recens detonsa, atque impuro crassoque oleo prægnans, *lana* adhiberi extùs potest ad sedandam inflammatoriam contractionem solidorum in *Peripneumonia*, *Pleuritide*, *Phigetlo*, *Epinuctide*, *Angina*, *Anthraxe*, *Ophthalmia*, *Therminto*, *Rheumatica contractura*, *Con-*
vulsio-

(a) *Voinslow. ibid. num. 65. & 84.* (b) *Tom. III. §. XIX. cap. v. p. m. 429.*

vulſione membrorum, item in Anchyloſi, & induratis conſtri-
ctiſque articulorum ligamentis, Eſcoriatione, Eſchàra, He-
morroidibus externis dolentibus, Intestiſis prolapſis, & re-
frigeratis, Herniis, Procentiis, quæ difficulter intromitti
poſſunt, Rhagadibus, & ſimilibus. Præterea ad partes cor-
poris contuſas, combuſtas, geluve conſtrictas eadem lana
non contemnendum remedium eſt. Verùm, ne ſola ratione
loqui videamur, Authorum teſtimonia provocemus: Lana ſuc-
cida, inquit Aetius (a) utiliter adhibentur ad contuſas, aut
quomodocūque percuſſas partes fomētis excipiēdis apte, quāquā
non deſit & iſſis ſua utilitas ob ſordium efficaciam. Oeſypus,
vel ipſa lanarum depurata pinguedo facit, ex eodem, (b)
ad ulcera Sedis, & Vulvarum cum Meliloto, ac Butiro, item
ad plurima alia. De lana ſuccida, & non lota ſic loquitur
Scroderus: (c) Calefacit, inquit, emollit, lenit, convenit
optimè Contuſis, Luxatis, Caſis, & ſimilibus (cum aceto,
vino, oleo impoſita) cremata vim habet calefacientem, ſic-
cantem, acrem, mordacem, diſcutientem: Eapropter confert
humidis mollibus tumoribus, ulceribus inveteratis; excrescen-
tias cohibet carneas, ulcera &c. Porro idem Auctor, quem
diximus uſum Æſypo concedit, (d) quem emollire, reſolve-
re, calefacere, dolores ſedare, luxatis, contuſis, & ſimi-
libus convenire aſſerit. Oeſypus enim, ſeu defæciatior pin-
guedinis ovillæ pars ſudore acri Animalis, & inquinamento
omni ſpoliatur; Quāobrem illa eſt, quæ lanam recentem,
qualis in collo, & feminibus proſtat, emollientem reddit,
& optimam in cephalæa, ſtomachi morbis frigidis, in ulcerum
abſterſione, in menſium, lochiorumque ſpaſtica retardatione;
vel convulſiva eruptione; item in calloſitatibus Palpebrarum,
atque in oculorum inflammatorum reſolutione per ſuſceptum
vaporem, ſi Dieſcoridem audiamus. (e) Videantur quæ ex
Variis varia collegit in hanc rem Doctor James (f) Quā-
vis enim poſterioribus longè temporibus Cannabis (quod obi-
ter

(a) *Serm. ſecund. cap. 159. p. m. 99.* (b) *Ibid. cap. cxx.*
 (c) *Pharmacop. lib. v. §. xxx. p. m. 613.* (d) *Ibid.* (e) *lib.*
 11. *cap. 84.* (f) *Ibid. Dictionaire tom. 1v. p. m. 771.*

ter dictum sit) sub nomine *Pentagnellionis Rabelesio* indig-
tante usus in conficiendo lino innotuit; Itaut *Caroli VII.*
Regis Galliarum tempore, Reginam solam binas Subuculas
ex lino contexto habuisse, Historiarum fide proditum sit: (a)
At verò Lino desunt omninò dotes, quas *Lanis* inesse expe-
rientia testatur; utputa corpus Animalis tutum ab externis
injuriis tueri, idem moderatè calefacere, fovere; quæ, ut
capillis humanis conveniunt, (b) sic potiori jure *laneis* fi-
bris convenire debent. Tandem *Æsypus* & lotura *lana-*
rum adversùs *Gummata* laudat, ex *Aquapendente*. (c)

XX. Propositio Sexta. *Animalis corpus laneo amictu vela-*
tum melius, quàm quocumque alio indumento tectum, per-
spirat.

Demonstratur: Jam supra diximus, [hic §. II. III. IV. V.]
longè tutiorem, efficaciorēque esse medelam, quæ per uni-
versale corporis emunctorium cutaneum fit, quàm quæ per
alia corporis colatoria in quamplurimis morbis suscipitur. Evi-
cimus etiam, non levibus quidem rationum momentis topica
externo corpori, ad eliciendam invisibilem exhalationem adhi-
bita, internis ut plurimum auxiliis longè multumque antecel-
lere. Videndum hic restat, an in adjuvanda animali transpi-
ratione, *lanæ*, & quæcumque inde texuntur indusia, linteis,
ceterisque id genus amiculis anteponendæ sint. Quæ quidem
assertio pro *lanis* stare videtur, ut proinde in salubri corpo-
ris halitu promovendo lintea vestimenta, cooperiendo cor-
pori immediatè destinata *laneis*, & gossipinis minùs valeant.
Nec immeritò. Nam præstantissimā, & omniū minimè debilitan-
tem in animali corpore evacuationem, verbo insensibilē cutaneā
evaporationem quæcumque adaugent remedia, referri pos-
sunt universa ad ea, quæ primò eliciunt ex corporis peri-
phæria. 2. Quæ aperiunt poros. 3. Quæ diluunt. 4. Quæ re-
solvunt humores. 5. Quæ præparant liquida. 6. Quæ mode-
rantur impetum. 7. Quæ movent. (d) Porrò dum *lanosis ve-*
lami-

(a) *Republique des Eyc. année 1702. tom. 18. artic. v. may*
p. m. 571. (b) *Bartholin. Anathome lib. 111: cap. 1.* (c) *p. m.*
727. cap. cxiv. (d) *Gorter. tom. 11. tract. 96. §. 11. p. m. 215.*

laminibus de industria ipsam corporis nostri pellem contegimus, fovemusque, materia perspirabilis in remotissimis a corde canaliculis cutaneis impacta 1. melius absorbetur, quàm si linearia subucula usurpetur, sicque majori copia avolare cogitur: Qua de re vide supra. (*hìc Proposit. Tertia* §. xiv. num. 14. 15. 16.) 2. Patientius cutanea oscilla syphunculorum ab incumbente molliente *lanarum* fomento hiant, atque disclusa, quàm ab alio vestimentorum genere servantur: Qua de re vide supra (*hìc Proposit. Quinta* §. xix.) 3. *Lana* id peculiare habet, ut cum sit tardæ inhalationis, consuetum sudorem in cutis superficie moretur, & imbibitos liquores diu retineat, quo deinde in patulos subjectæ cutis spirantes poros, tacito quidem ploratu, sed perenni velut imbre, in sanguinem stillentur, quem denuó diluant, atque humectent; adeoque *lana* largam ea ratione facit *diaphoresim*, absque diminutione totius massæ: qua de re vide supra [*hìc Proposit. Quarta* §. xv. num. 8. *sequent.*] 4. Calore majori, sed semper moderato, quo *lanæ* præ *linteis* commendantur ad resolutionem impacti, & ad impellendum invisibilem exitum per cutem eadem aptiores censentur: qua de re vide supra. (*Proposit. Prima* §. vi. num. 1. 2. 3. 4. &c.) 5. Quando verò lenis frictionis motus corpori ita *lanato* accedit, quantum robur vasculis per corporis circumferentiam distributis conciliatur! Quàm felix crudorum, pituitosorum, frigidorum, & residentium succorum prospera faustaque subactio! Quàm fortunata succedentis expeditè transpirabilis præparatio! qua de re vide supra [*Proposit. Secunda* §. x. xi.] 6. Si anodina, & lenientia ideo valentissima interdum *sudorifera* evadunt, quòd impetum liquidorum coerceant; [*a*] Idem *Diaphoretici* munus concedendum topico illi remedio est, quod admotum partium tubulorumque spasmodicæ contractioni emolliendo tollendæ par sit: inde enim, laxatis viis, promptior futura est humorum circulatio, mitior eorundem arietatio, debiliior impetus. Quæ an potiori jure *lanæ*, quàm *lintea* præstent, videantur quæ diximus supra §. xviii. &

xix. Tandem 7. Inter *Diaphoresim* Proritantia numeravimus modò quæ liquida movent sive stimulando, sive calefaciendo: Utrumque autem *lanæ* egregiè operantur tam stimulo asperiorum villorum, quibus refertæ sunt, quàm fervidiori calore, quem corpori communicant: qua de re vide supra *Propos. Prima* §. vi. xi. xii. xiii. &c. Quamobrem ubi salubris perspirationis augmentum multiplici illo a nobis enarrato Capite in morborum curatione necessarium esse videtur prædictus *lanæ* usus ceteris vestium generibus tutior, citior, atque efficacior futurus est.

XXI. Patet ergo, nisi periculum sit in mora, morbusque inducias dederit, majorem rationem habendam esse *lanæ* indumenti, quàm *lintei*; quotiescumque insensibilis perspiratio urgenda est, & ubicumque in morborum curatione (ut omnia complectar) specificis, & *topicis* auxiliis utendum est, quæque sive *absorbendo* & *siccando* opem ferant in solidorum nimia humiditate, tumoribus *ædematosis*, laxitate, inertia, motu languido, *hydrope* particulari; sive *calefaciendo*, & *discutiendo* juvent, ut in *Debilitate*, *Tremore*, *Paralysi*, *Horrore*, *Podagra retropulsa*, *Alvi fluxu*, *Rachitide immixta* [maximè in *Debilibus*] *Perspiratione*, *Arthritide*, *vaga*, mobilitate solidorum: sive aperitione pororum cutaneorum viam exiturienti liquido sternant, ut in *Mundatione cutis*, ejusdem *ablutione*, *irrotatione*, *humectatione*, in *Chronicis*, *motu languido*, *flacciditate*, *Obstructione* ex sordibus contracta: sive *diluendo*, & *humectando* auxilio sint, ut in *Densitate sanguinis*, *Siccitate cutis*, *Variolis*, *Spina ventosa*, *Pruritu*, & ferè omnibus cutis affectionibus consimilibus, cum cautelis tamen; sive *resolvendo* solatium afferant, ut in *Lentore*, *Cruditate*, & *Crassitie humorum* per cutem circulantium: sive materiem *Sanctorianam* ad expulsionem præparando, ut in roborandis solidis, in remissa cutaneorum tubulorum oscillatione, & succorum residentia; sive *moderando impetum*, ut diximus in cutis spasmo affectæ relaxatione: sive demum *movendo* operentur, ut videre est in morbis *chronicis*, *Iguavia*, *Laxitate*, *acrimonia acida* per articulos oberante, *Motu languido*, *Morbis localibus frigidis*, *Transpirationis tarditate*, & similibus præternaturalibus affectibus.



C A P U T XIII.

DE SPECIALI NONNULLORUM MORBORUM

Per Lanam Therrapeja.

I.



Es scriptis in antecedenti Capite (XII.) universalibus *Lanae* utilitatibus, quas pluribus argumentorum praesidiis munitas in conspectum dedimus: quoniam ex instituto nostro in hunc de peculiari *Lanae* in certis corporis humani noxis praestantia sermonem delapsi sumus; ea re esse

arbitramur argumentum, ut singillatim exequendo illas corporis humani indispositiones, vel infirmitates indicemus, quibus nudus, & immediatus vestium *lanearum* ad cutem contactus profuit semper, nocuit umquam. In hisce per singulas partes, distincteque narrandis ita me geram, ut illos tantummodo morborum casus producam, in quibus ab nonnullis clarissimi nominis Scriptoribus commendatam, ab aliis famigeratissimis Medicis jussam, ab aliis non infructuose praescriptam *lanam*, vel inde factam vestem offendi, vel in quibus tentabundus Ipse eandem proficuum, ut expertus sum, ita candidè testari possum. Neque enim Authoribus Recentioribus quæ vel repererunt, vel rectè sequuti sunt, negare in fraudis speciem licet; neque nostris, qualescumque demum futurae sint, observatiunculis fidem abnuere æquum est.

Adblandiantur in suis observationibus, quoscumque acquirendæ Gloriæ prurigo divexat, præcipitesque agit insana scribendi cacoëthe: Parcant autem nobis Cordatiores Viri, si tenuissimos hosce conatus consulere eodem animo æqui bonique velint, quo Ipsi exerere in usus hominum non dubitavimus.

II. Quanta, frigore internè producto, vel de foris adveniente, mala in corpore nostro oriantur, nemo est, qui nesciat. Imminens enim frigus exhorrescit Natura, tota persentiscit a longe, quasi dum concutitur animalis machina; ipsi cutanei nervuli molesta sensatione prehensi animam de hoste mox adventuro commonent; adsurgunt protinus per universam interdum cutem densissima tubercula, integra ut pellis deplumati Anseris cutem referat; evanescit summorum vasculorum vitalis tingens purpura; intrò repressus color evadit; exhalantes pori omninò clauduntur, ut retentus vapor extrema vascula cutis in grandiores papulas attollat: Hæret ergo in extrema cute quidquid humidi sensibilis, & invisibilis halitus forma erumpere solebat. Cerne liquidius hominem paroxismo *febris intermittentis* correptum: Ut enim præviis oscitatione, pandiculatione, lassitudine, debilitate horrorem mox ingruentem prævidet *aversationis suæ Testem, & indicem!* (a) Ut momento dein friget, horrescit, riget, contremiscit, palletque in externis! Ut demum jam cum hoste congregiens, dimicantis, labentisque jam vitæ conamina edit, dum aerem ægerrimè intra præcordia ducit anxietate summa, pulsu citato, debili, parvo, & fugaci cordis tremore afficitur! Hoc est primum *Intermittentium* stadium, quassum relinquens corpus, Infirmis periculum vitæ portendens, nonnullis lethale, quibusdam verò in suis effectibus insuperabile; Dum si diu durat, efficit *polyposas* in vasis majoribus circa cor concrectiones; in minoribus verò, expresso suo liquido, evacuationes; hinc multa, & gravia mala in utrisque. (b) Hoc est præterea antecedens illud *Intermittentium* tempus, quod

(a) *Sidenham. tom. 1. section. 1. cap. v.* (b) *Boerhav. de Cognoscend. §. 622.*

quod qui superare potest, etiam totum insequentem paroxysmum tollere poterit. (a) Hoc tandem frigus est, sub quo cum liquida exquisitissimos vasculorum fines difficulter transeuntia luctuosam scenam aperiant, necnon quacumque demum causa primæ motus potentiæ, cordi scilicet, jam oppressæ maxima obstacula opponant; si resistentia ad cutem dematur, si constricti tubuli laxentur, & coacta humorum moles soluta jam fluere inceperit, jam frigus illud febrile, cum reliquorum symptomatum comitante caterva superatum, profligatumque est. Quamobrem tam in frigoris febrilis, quam in frigoris *febrem intermittentem* præeuntis curatione accuratiores Practici, post Antiquiores, exigunt, ut calore, motu, maximè autem balneo vapore, fotu, lotione, frictione blanda (b) solvamus concreta in corporis superficie, referemus obstructa, sicque æquabilem humorum per omnia vasa circum restituamus. Cum ita se habeant, conduceret in utroque frigoris, quæ naturalis, quæ præternaturalis, casu *inter res Nonnaturales* domestica ea auxilia in usum trahere, quæ balnei, & vaporis, & fatus, & caloris frictionisque simul vires fungi possent: Hinc non temerè corpus ita affectum *indusio laneo* paulò crassiori involves, ut frigoris curationem habeas. Tutum enim, & nullo negotio parabile in *lana* eo modo corpori immediatè adstricta præsidium est; maximè si antequam induatur, balneo quodam aromatico, calentique maduerit: Tum quippe cutis superficies *lanâ* medicata contexta, juxta ea quæ in superioribus locis diximus, emollescit; emissaria omnia cutanea per fomentum *lanæ* calidum patula, & oleosa fabrica *lanæ* indole lubrica reddita corpus sic disponunt, ut per febrilem insultum imminens facile secerni, & eliminari possit illud, quod in corpore noxium hærebat; inde evanescit extremorum resistentia, fluunt liquida cutanea, dissipantur vaporosa, incitantur tubuli fricantis *lanæ* aculeis, & cordi jam reviviscenti suppetias ferunt. Affirmare enim possum, laneum operimentum carni *Eorum*
in

(a) *Idem ibid.* §. 756. (b) *Boerhav. ibid.* 625. 756. confer *Vausvieten tom* 11. p. m. 529.

in tempore nudæ appositum, qui *Intermittentibus* laborabant, & frigoris vehementiam præstolarentur, ex voto adeo mihi cessisse, ut non semel frigus omninò ante verterit: In quibusdam autem memini, paroxysmum inde mitiùs accessisse, in aliis tardius venisse, ut, transacto statò momento, immunes ab omni paroxismo esse viderentur, qui tamen postea redibat, sed non adeo immanis. *Quartanarios* novi, qui, servata semper eadem vivendi ratione, quam diu ante paroxysmum amicula *lanea*, aromatico liquore divite identidem corpus perfricabant, & diu; tam diu breviorē, & mitiorem frigoris irruptionem læti exciperent.

III. Cùm autem adedò juvet adversùs frigoris inclementiam vestibus sese muniri; cùmque inter omnia vestimentorum genera optima esse viderimus, quæ ex *lana*, gossipio, aliisque consimilibus rebus petuntur; (*cap. xii. passim.*) quod nimirum in lanatis corporibus, præter cetera, vapor *Sanctorianus* circa cutis excretoria stabulans, neque dissipatus emolliat cutem, eamque calefaciendo, humorum adfluxum hæc proritet: Cùm, inquam, hæc omnia vera sint, quàm verissima, intelligetur, quare vestibus, & præprimis *laneis*, benè protecti, meliùs perspirent; (*a*) quare a gelido rigidoque aere meliùs sibi caveant, qui Germanorum more foris pannis incedunt, pellibus, gossipio benè loricati, atque velati; (*b*) quare Militibus in castris degentibus pallia *lanea*, vel hisce accedentia præ aliis competant, quo cœli inclementiam, brumæque sævitiæ faciliùs ferant, & corpora sua tueantur ab iis substantiis, quas nebula noctu, vel de die repentine aeris mutationes afferre solent: (*c*) Quare nulla Autumno vexaberis ægritudine, si superveniens frigus inveniat te vestibus probè contextum atque munitum, præsertim si *lanam* usurpaveris. (*d*) Quippe cùm Autumni insalubritas a prohibita tunc temporis perspiratione dependeat, hinc a retento acri & mordaci intus transpirabili, (*e*) quo citiùs hujusmodi excretio

(a) *Conf. Sanctor. section. 11. Aphor. 47.* (b) *Conf. Portium tom. 11. p. m. 7.* (c) *Id. ibid. cap. 1v. p. m. 21.* (d) *Sanctor. edit. Gorter. Aphor. CLXXXVI.* (e) *Id. ibid. Aphor. CLXXXII.*

cætio instauratur, eò maturiùs ægritudinibus Autumnalibus occures: Redit autem imminuta transpiratio, vel in eodem statu conservatur, quoties in eodem pondere manet corpus, vel si pondere auctum sit, ociùs illud demi curatur. Illud autem omnium corporis humani stragulorum efficacissimum, *laneum* mirè præstat. Eam ob rem qui *lanea* interula utuntur, vel quocumque modo eidem assueverint, parum vel nihil morbis hyeme grassantibus tentantur, qui ut plurimum a colluvie *catharrali*, & serosa ob cohibitam transpirationem intùs aggesta ortum ducunt: quoniam nimirum regressum perspirabile frigore quoque condensatum non rarò in vasis stagnat, atque in *asperam arteriam*, ac bronchia regurgitans, horum vasa obstruit; quando autem *lanatum* corpus est, frictionis *laneæ* beneficio extimæ cutis liquida congesta, impelluntur, compacta resolvuntur, atque ex his causis necesse est & multum perspirari, & noxium *catharri* humorem evacuari.

IV. Huc (II. III.) referendæ sunt cautelæ *balneo* jam *Egressis* percipiendæ: Qua enim ratione Balneati corpora sua tuta *pannis* reddere debent, ne ventus & aer frigidus per poros cutis apertos subintrantes, eos lædant, nec post balneum ea die domo exire, præsertim si malus urgeat aer: (a) eadem prorsus existimo in talibus casibus, *laneos* amictus præ ceteris adhibendos, ut quibus cutanea emissio meliùs succedat, & ductus halantes hiulci, & patentes servantur; ut quibus ingruens illicò frigidum aera præcaveri, & mala, inde in corpus ita calefactum proficiscentia declinari commodius possint. Verùm hæc phenomena cunctis manifesta sunt; paulò autem obscurior habetur ratio sequentis apparitionis, quæ nempe fiat, ut ad lectum Ægrotantis de nocte excubantes frigidæ *atmosphæræ* sensum minùs molestum experiantur, si *laneam* subuculam casu quodam, vel de industria ad cutim proximè gestaverint? Hæc observatio, & paulò curiosior praxis quotidiana edocent: hæc proinde breviter expendenda, ut

(a) *Jacobus Cataneus collection. Luifin tom. 1. p. m. 139. littera P.*

ut tantò evidentiùs conculcatæ, vilisque in speciem *lanæ* utilitas eluceat. Notum quippe est, vespertinis horis aeræ frigidius evadere, atque præ nimia in vigiliæ statu omnium corporis animalis villorum motitatione machinam non modò languidiorem fieri, verùm etiam consita ubique in superficie cutis flamina ob prægressum dissipatum humorem siccescere, & in sese contrahi: ad hæc sive ob virium penuriam, sive propter humoris inopiam externis injuriis adeò parum resistent vitales tubuli, ut potiùs omnia cujuscumque generis corpuscula de foris medio aeris vehiculo rapta promiscuè absorbeant: Qua de re videantur quæ supra diximus. *Cap. ix. §. x. xi. usque ad xv.* Jam verò quando *lanæ* beneficium tegmen cutem moderato calore fovet, emollescit illa, & conciliato calore majori, perennat perspiratio, quæ languerat; si modò intùs aliqua sumantur, quæ absque virium detrimento, & absque viscerum labore in sanguinem vecta, deperditum sufficiant, sensus excitent, fibras refocillent: Planè ut cordis arteriarumque oscillantium, simulque cutis externæ ab incumbente *lanæ* amictu calentis consociatis velut viribus, machina substat, ritè procedat perspiratio, calidus ubique vapor emanare pergat, qui & Tactum, & *papillarum* nervearum tonum debitum, sensumque tueatur, & ab hostili frigore corpus defendat. Inde sanè est, quod mox quarebatur, cur scilicet iisdem vestimentis induti, & vigilem noctem transigentes, frigus difficiliùs ferant, quàm si noctu vigiles *lanæ* operimento cutem immediatè contegerent.

V. In omni tumorum, *tuberculorumque* genere, quibus fœdatur cutis, utique si a sanguinis lentore, fluidique cutanei visciditate ortum duxerint, *lanatam* habere cutem, non omisissis aliis remediis, proficuum est. Quoties ergo retenta non modò perspiratio, sed alia ad cutem spectantia liquida suis in cryptis, acinis glandulosis quiescentia, *epidermidem* in pustulas, *papulas*, vesiculas, *phimata*, & alios tumores elevaverint citra inflammationem: *vide supra cap. ix. §. xvii. xviii. sequent.* Quoties oleum cutaneum glandulas ejusdem nominis ita infarcit, ut per *epidermidis* puncta immeabile illud pingue exhalare nequeat, adeout, quod non semel observa-

servavi in cute capillata, axillis, inguinibus, facie frequentiores istiusmodi papulæ enascantur: In hisce enim circumstantiis non semel, nec bis, sed quàm sapissimè observare mihi contigit felicissimam horum tuberculorum evanescentiam, & optatissimam intùs concreti liquoris resolutionem; dum saponaceo decocto priùs immersos pannos *laneos*, mox affectis partibus applicabam, cavens ne refrigescerent talia fomenta, atque ut idemtidem per superimpositam *lanam* ægra loca perfricarentur sedulò. Sic enim per laxata immiffaria insinuebatur remedii virtus, diluebatur tenax, remittebat folliculorum tensio, & omnes meatus cutanei aperiebantur, ut facilis esset exhalatio illorum, quæ sua quiete nocerent: Sic tota cutis bibula resorbebat: sic applicata remedia imprimis in illis jam dictis capillatis pilosisque locis, in quibus cutis maximè combibit, & venæ, interdum conspicuiores, majores sunt, quæque proinde admissos humores immeabilibus in vicinia liquidis citò miscent: sic demum celebrata frictio ope *lanæ* ita humentis, atque cuti adstantis, necnon saponacei auxilii interventu humores pigros & lentos dividebat, fibras spasmo contractas distractasque leniebat; hinc utraque de causa humorem ad motum, canales autem ad exercitium obsequiores expeditioresque reddebat. Mira est observatio Domini *le Dran Chirurgi Galli*. Is enim in mammarum carcinomate, vel tumore carcinomatoso præstantissimam expertus est semper ferè pellis villosa *Cycni* opem ad tumorem resolvendum; & revera cataplasmata nocua numquam non advertit. Dum autem hisce funestis tumoribus lanuginosa Avis pellis adplicabatur, sicque ad partem ægram detinebatur, tumor subsidebat, vel ulteriùs glandulæ *Skirroscæ* augmentum præcavebatur. (a)

VI. Variolæ tam gravioribus complacent procellis, tamque infelici jactantur eventu, ut invito omni subsidio, & media in salutis fiducia sapiùs occumbant, & extinguantur Infantes: Hinc eò magis reformidandæ, quò infinitis implicantur recessibus, & insidiosam prætendant faciem, quæ sagacioribus etiam

Qq

impo-

(a) *Operations de la Chirurgie du Cancer p. m. 392.*

imponit. Neque juvat, nec animus est, diversas pro variis Regionibus commemorare curandi methodos, quæ sæpius insigni ægotantium detrimento usurpantur. Neminem enim fugit, fluida concepto *varioloſo* contagio inquinata Naturam ita laceſſere, ut hæc ſui corporis tutelæ invigilans aſtutum inſurgat, quò depurationem, vel mollecularum extranearum expulſionem meditetur, atque feliciter moliatur, quæ cùm faciliùs per ſpiracula cutis ſucceſſerit, vividior erit per vaſa cutanea humoris contaminati repulſus, cui ſi addas meandrorum cutaneorum multitudinem, & teneram canaliculorum ſtructuram, proindeque minorum tubulorum reſiſtentiam, intelliges quare in celluloloſo *peripheriæ* humanæ contextu aſfectus ſeminio varioloſo ſanguis faciliùs ſubſiſtat, ibique tumores exiguos *phlegmonoſos* in ambitu rubros dolentes determinet, qui ab humoribus de novo ſemper advenientibus quali oculi niſtu ſucceſcant; Et quamvis in Interraneis corporis æqualis ubique peragatur ſanguinis deſpumatio, atque puſtularum circumfluentium catervâ partes obruantur; ut plurimum tamen ſagax Natura cutaneum emunctorium affectat, & quidem faciem, pectus, manuſque præ reliquis corporis locis ſeligit, quo ſecretionem *fermenti* in primo variolarum apparatu, & in ſubſequentibus ſtadiis ſuppurationem, invitis obſtaclis, victrix abſolvat. In quem ſcopum, *variolis incubantibus*, vetuſtiores Medici ad facilitandam huiusmodi percutem excretionem, cubiculum clauſum calentibus prunis accendebant, & ignibus ignes addendo, ægrotos ſuos jugulabant: Siccabant enim nimis cutaneos vaſculorum fines, atque hac impulſa, liquida febrilia jam æſtuoſa in majorem motum concitabant. In quem finem alii oppoſitum tenere iter, dum ingruenti morbo ſola impenderent refrigerantia, quæ fomitis inflammantis ſtimulum, fluidique orgaſmum placare, & coercere poſſint. Utrique peccant. Sapiunt certè ii, & quidem ſolos ſapere arbitror, qui aeri calidiori, vel juſto frigidiori occurrentes ad eum totis viribus gradum reducere contendunt, ut temperatus evaſerit. Verùm adeſt maximi momenti conſideratio, quæ altiùs medentium menti imprimenda eſt: ſcilicet propriæ cutis humiditatis tuitio. Solet

quip-

quippe, non proludentibus modò variolis, verùm etiam procedentibus, cutis impensius calere, & majori ariditate stipari: Quod non advertentes Medici, vel ad instar levissimæ, & vanæ circumstantiæ spernentes, Infirmos suos in summum vitæ periculum conjiciunt. Frustra enim variolarum therrapejam aggredierentur, qui omisso cutis statu, interna liquida vel calidioribus exagitarent, vel frigidioribus nimium sopirent. Si cutanei meatus materiæ morbificæ præ siccitate, eruptioni reluctentur, eosdem laxare, atque emollire utile erit, ut in iisdem humefaciendis, liquidisque appulsuris, vel jam stagnantibus leniter derivandis resolvendisque sola depurationis spes affulgeat! Hinc est, quod in tardissima *pustularum* eruptione *Lemerius* felicissimo olim exitu (a) Infirmum in balneum calidum demitti jusserit. Quam quidem methodum non semel comperi efficacissimam, ubi tantum incute squallorem animadvertēbam, ut impossibilem efflorescentiam non temere suspicarer, nisi cuti salutaris accederet mador. Num hæc sit causa, quare mox mox emicaturis pustulis aquosus vapor & tenuis in Decumbentibus sudor proluere soleat? Narrare equidem possem quamplurima hujusmodi exempla, ubi involuto toto corpore amicula gossipina delicatissimè contexta, eaque balneo emolliente & calido prius madida, fortunatissimam, & præsentissimam excretionem variolarum ad egressum, ob cutis strictionem, difficilium, vidi Ipse; verùm sequentem casum tantum depromam, qui fortunatas variolarum vices, & insperatam *exhantematum*, atque optatam ad cutem conversionem apertius declarare poterit.

VII. Anno 1746. Februario mense Variolis in Melita epidemicè grassantibus, quamplurimos inter Infantes, quos ex officio, vel fiducia Parentum invisi, paucissimos pustulis ægerrimè erumpentibus observavi. Unum referam Parvulum, quem ex epidemiæ genio, ex continua anxietate, mox cum rigore quodam, & exacerbatione, accedente capitis dolore, horrore, & calore sese mutuò excipientibus, ex pulsu incre-

Qq 2

bescen-

(a) *Memoir. &c. année 1711. observat. 11. p. m. 38.*

bescente, vomitu, stupore, somnolentia, delirio, convulsio-
 nibus; ex numerosa inquam id generis symptomatum serie,
 quæ primum variolarum incubationis stadium comitantur, ut
 quisque facilè, ita Ipse fateor in imminente pustularum pro-
 trusione versari, certissimè judicabam. Verùm, cùm ob se-
 vitiam delirii, & metum infarctus cerebri, venam in talo
 secari jusserim, indeque insultus ferocia, & procellosi fer-
 voris interni tumultus conquieverint; atque lacrymabundi
 Pueruli oculi variolas ostia cutanea pulsare apertissimè osten-
 derent; mirabar sanè papulas, nec in facie, ubi primum ap-
 parere solent, neque in aliis corporis partibus ullo modo
 in conspectum venire; erat dies hæc morbi septima, in qua
 omnia variolas *antecedentia* vigeabant adhuc, adeout fermenti
 variolosi summam ad extricationem impotentiam, vel epi-
 demix irritum in Infante effectum suspicari cœperim, eum-
 que alio morbo correptum, ut *febre putrida*, vel *maligna*
 opinatus fuerim. Dum autem mecum Ipse infidos morbi pro-
 gressus sedulò perpenderem, & omnia pænè symptomata e-
 ruptionis ingravescerent, atque summus in luminibus splen-
 dor fidissimus variolarum sese exerentium nuntius sese siste-
 ret *Intuenti*: nescio quo pacto ingentem, & ponderosam
 stragulorum lecti sarcinam intuitus objurgavi, jussique, ut te-
 nellum infantile corpusculum tanto sublevarent onere, quo
 statum cutis propiùs indagare valerem; quam cùm duram,
 tensam, renitentem, & præ rigiditate nimis squallidam, plu-
 ribusque in locis fixam, dehiscentemque, in aliis splenden-
 tem, & corneam velut factam offendi: dubitare cœpi, an ob
 firmiorem cutanei colatorii texturam *exhantematum* materia
 circa easdem plagas discurrens, viarum istarum laxitatem
 dumtaxat expectaret: maximè cùm totum corporis ambitum
 intensè rubere observarem. Ergo emolliendi mihi erant cu-
 ticulares ductus, patentiusque ad variolarum efflorescentiam
 iter sternendum. Quamobrem præcipio, corpori ægroranti
 Interulam filo xylino tenuissimo contextam, & decocto priùs
 emolliente domestico madentem imponi, inque eo situ re-
 tineri ita, ut nec subito abiret vapor laxans, neque ab even-
 tilato halitu magis siccesceret corporis periphæria; sed pe-
 renni

renni rivulo, accedente externarum partium calore *emolientes*, & aquosi globuli ab superficie indusii profecti, vascula excretoria fovere, instaurare, & recreare possent. *Bombicem* selegi, quia ad instar *lanæ* humescit, sed citius humefacit; quod in linteo opere non observatur. *vide sup. cap. XII. §. XIV. num. 15.* Quidquid autem sit, ita relaxata, & humido irrorata cutanea vascula sudorem primùm, mox dicto citius immensum papularum agmen in conspectum dedere; facies innumerabilibus rubris punctulis distincta protinus comparuit, & tantus adeo corporis habitum obsidebat pustularum numerus, ut difficile esset observantibus, quantumcumque visus aciem intenderent, vacua pustulis loca conspicere. Emersis, eductisque ea ratione variolis, alterum stadium felici cum successu supervenit, quod tertium eadem sorte excepit, donec perfectè convaluerit Infans. Viden', ut tantilla rigidæ cutis, indeque objectæ exiturientibus variolis resistentiæ consideratio magni sit facienda in Praxi? Atque, quòd ad rem nostram facit, quantum valet, cutem in variolis siccitate peccantem convenienti madore, loco, tempore & debitâ excepto materiâ lenire; sicque impendens alias lethi fatum avertere? Sed ad alia majoris momenti nos accingamus oportet.

VIII. Si experimenta consulamus, fatebimur, usum *lancei operimenti* in *emphisematibus*, & tumoribus aquosis, subcutaneos ductus occupantibus, tum humidum absumendo, tum solida roborando, utramque curationis paginam implere. Quid enim est partium humida intumescencia, & unde nam ortum habet solidorum laxitas? Patet enim cunctis, elementa fibrarum, & vasculorum corporis animati aquosi præsentiam a se mutuò recedere, majora spatia comprehendere, & elongari. Patet insuper, ab inerti, frigido, & pituitoso humore, ubicumque stagnaverit in corpore, quæ fluxilior, & serosior est, portionem in aliena vascula derivari, quæ pari ratione inflanda erunt: Patet deinceps, ab humorum massa crassiori facta latera canalium, quæ in statu naturali superficierum suarum affricu præterlabentis liquidi motum retardant, magis adhuc extrorsum duci, inque tumores protuberant.

berare cum ineptitudine ad sese contrahendum: In summa, dum viget sanitas, proportionata in fluido circulante consistencia, & justum elasticitatis in canaliculis robur requiritur, ne videlicet sanguis solido tenuior per partium interstitia facile dilabatur; sed ut conceptum a corde arteriisque impetum retineat, vasorum tunicas debito momento impetat, hæc verò virium æquilibrio prætereuntem impellant. In specie autem quotidianis experimentis compertum est, humores cutaneos viscosiores reddi, ipsamque materiem perspicabilem, crudiores, crassioresque interdum evadere, ut, humectatis inde, laxatisque vasculis coercentibus, multiplex malorum *lerna* consurgat, quibus otiosi, & Valetudinarii diu aliquando consistantur, & quæ ex viscerum obstructionibus perperam deducunt Multi cum infausto curationis exitu. Inde *Cachexiæ*, vel malus corporis habitus; (a) inde aqua inter cutem; inde varia *Emphisematum*, & aliorum tumorum, quæ frigidorum, quæ flavorum, lividorum familiæ; inde infinita, symptomata, quæ ut uni flaccescentiæ solidorum, & hærentiæ fluidorum vitio, tanquam radici, accrescunt, sic eadem succisa tolluntur. Et quidem hisce solidorum fluidorumque ad corporis circulum pertinentium præsuppositis noxis, facile inde concipies, fore ut omnia reliqua fluida, & solida ab illis conditionibus desciscant, quæ in sanitate requiruntur; simulque vascula flaccidiora solitam trananti liquido vim minimè impertiant: Inde fluxilioris stagnatio, & partiū tumor. Quodd si ab immeabili liquido, velut ex quodā coagulo, latitans, dispersūque antea, serum nunc copiosè excussū prodeat, quod vicinos canaliculos inundet, tum aquosa diffundetur per cutanea vascula moles. Si autē liquidum immotum in vasis dilatatis tantum quiescat; tumurgens posticè columna anteriore torpente, neque ob vasculi debilitatem propulsam cum illa cohærebit, tumorem adauctura. Neque hic vasculorum ruptura ad *hydropicos* cutis tumores necessaria est: Omnes enim *hydropis* species, si unam exceperis, quæ Lymphaticorum *rixi* debetur, ad tardigradum cruoris motum refertur, indeque capillarium

(a) Vid. Gorter. de Insensib. &c. cap. XII. §. XLVII. p. m. 72. 73.

vasorum obstructionem: Sint enim usque Viscerum, sint Glandularum, sint capillarium obstructiones, sed tamen illæ quoque occasione fluidi vitiiati ortum habuere. Sed non præmittendum est frigoris ope, quemadmodum aer extricatur, bullasque efformat; (*docet Glacies*) similiter eundem ex nostris humoribus, dum residentes quasi frigent, explicari, & conspiciore reddi. Inde flatuū in sanguine existentia; Inde cor cadaveris immensè dilatatū observatum fuit, ventriculum dextrum inflatū, *coronaria* vena sanguine, & aere plena; imò corpus Virginis in calore *febris Tertianæ* ad instar Tympani tumidū. (a) Quamobrē nihil prohibet, quin, nata in cutaneis liquidis ad motum ineptitudine, contentum aera in libertatē assertum, & egredi impotens, varia cutis vascula distendat, *emphise-mata* producat. Ea ratione Animalia externè tument ab ad-aucto *Lanionum* flatu.

IX. Hæc (VIII.) paulò fusiori narratione indigere visa sunt nobis, quò clarior dein omnibus innotesceret curandi per *laneos* amictus methodus, quæ omnes in præcitato casu requisitos medelæ scopos attingit. Quid enim tumentibus canaliculis, gravique fero oppressis conducibilis est, leni humorum absorptu, & moderata coercentium canaliculorum compressione? An tardiori humorum gressui ulla melior cogitari medela possit, quàm qua, stimulo incitata canalium latera, mollecularum cohærentium unionem tollant, pristinumque elasticitatis motum recuperent? An frigido, & pigrescenti humori solvendo exsuscitandoque caloris auxilium alienum esse putes? Ille enim natura excitatus, vel arte productus digerere cruda, crassa incidere, obstructa aperire, & segnem per capillaria humorem propellere solet. An tandem tutius, efficaciusque in enarratis malis auxilium excogitari umquam possit, quàm quod insensibilem corporis transpirationem ægregiè promoveat? Ita sanè. Hinc est, quod frictio hoc ipso nonnullos tumores discutiendo expediat, quod nempe perspirabile malorum fontem instauret: Hinc est, quod Veteres frictionibus non rarò felicius curabant morbos *Chronicos*, quàm

Nos

(a) *Peklinus Observat. LVII. p. m. 134.*

Nos medicamentis internis stimulantibus. Verùm cùm calor-
 ris externè incubantis ope, tum maximè frictionum dotibus,
 præ ceteris corporis indumentis commendatur *lana*, ut in
 præcedenti Capite dictum est. Illa, si quatenus corporis te-
 gumentum est, cautè utaris, subjectamque cutem perfricue-
 ris; atque demum pannos asperos siccos, accenso imprimis
 aromatum fumo, penetratos usurpaveris, mira in morbis a
 prædicta debilitate exortis curandis, præstabis. Quòd si eam
lanæ rationem habeas, ut ligamenti vinculiue ad instar eà-
 dem corpus constringere cogas; tum enim verò perculsis ul-
 timis arteriosorum ductuum exhalantibus finibus, contractis-
 que omnibus canaliculis, liquidum ad interiora urgetur, quod
 præterea ab vinculo *laneo* arcè compressum majora vasa pe-
 tat, ubi liquidi purpurei oceano affusum, repetita circula-
 tione subactum, naturalem conditionem recuperaturum est.
 Sed & eodem tempore levi prùdentique manu, fasciarum,
 ligaminumque *laneorum* opera constrictæ partes, quæ nimis
 laxæ, & tumidæ erant, firmantur, roborantur; sicque mayo-
 rem elasticitatem acquirentes, torpidum humorem per sua
 inania excutiant.

X. Insignem *chloroticum* Virginis cujusdam habitum, & ve-
 rè *cachecticam* cutem vidisse memini, quæ omnibus reme-
 diis restiterat. Neque enim interna adhibita ad sudorem eli-
 ciendum *pharmaca*, neque adeo salubre ferrum proderant:
 Ipsa autem Virgo ad motum gravis, vix pedibus insistere
 poterat. Ad hæc mœsta, debilis, pallida, toto corpore tu-
 mens, fugacibus doloribus vexata, multis in locis præsefe-
 rebat cutis pelluciditatem, & ab aqueo intus collecto humo-
 re *Anasarcam*. Neque tandem membranæ cellulosæ spatia de-
 fuerunt, quæ incarceratione distenta aere, eaque percussa re-
 sonarent, crepitumque labentis subtus, obmurmurantisque
 flatus ostenderent. Itaque tumidus cutis habitus, labiorū,
 genarumque color sublividus, summa ad motum difficultas,
 ad minima exercitia torpor & anhelatio, atque demum ex
 pallido in lividum vergentia colorem corporis inferiora fu-
 nesti quid ut prædicebant, sic citam opem postulabant. Ve-
 rebar enim, ne, distentis valde vasculis, minusque motis,
 vel

vel tardigradis liquidis in cruribus; *Eroso*, & *Scorbutica* *labes* accederet, quæ omnem curationis spem adimeret, ut legitur aliquando evenisse. (a) Quamobrem Tenias *laneas* sumpsi, iisque ægrotantis arctè circumduci, abjecta omni cunctatione, crura pendula jussi, ut in vasis jam diductis non possent amplius hæere liquida: Quo insuper tempore, Auctor fui, ut Virgo indusium *laneum* molle ad totius suæ cutis aream strictè obtenderet, conformaretque, intra quod tamen, corpus idemtidem volutaret, ut efficaciam flaminum *laneorum* præstantius perciperet. Mané ergo & vesperi detracto amictu laneo, per universam cutem ita spoliata in-stituebantur frictiones cum pannis asperis *laneis*, & prævia *Anathimias*, medicatis; sicque foto defricatoque corpori superinducebatur indusium *laneum*: Quibus præscriptis, atque prudenter usurpatis, brevi Virgo felicem in se experiri *lanam* cœpit, quæ vix corpori obducebatur, quin in partibus *emphise-mate* tentatis, nescio quis elastice materiæ cursitantis, exitumque quærentis motus, qui momento post silebat, illicò persentiretur; dum autem cutaneis locis, frigido segnique humore refertis, admovebatur, emanans in superficie cutis ferum, quæ *luna* sese explicaverat, doloris causam, fugamque opportunè significabat. Hic præter contactum etiam effluviolorum salutarium aliquem usum fuisse, non de nihilo hariolor, qua de re vide supra. (Cap. III. IV. *passim*.) Continuabatur salutare adeo auxilium, atque ad ceteros amictus subtus Interulam, *laneo* illo, & prolixo indusio induta semper incedebat, quousque Genæ suaviter hilari purpura rubere, solitam corpus ad functiones promptitudinem, & debitam machina alacritatem recuperarit. Ut sanè mirarer, totius corporis *cachexiam* adeo pertinacem solo vilissimæ *lane* usu feliciter fugatam fuisse.

XI. Id ipsum topici genus magnas mihi utilitates attulit, necnon auspicato semper in ægrotantium commodum adhibere soleo, quoties homines in praxi occurrunt, qui post perpeffam aliquam gravem *diarrheam*, vel toleratam molestant

Rr

dissen-

(a) *Pecklinus Observat. LXIX. p. m. 184.*

dyssenteriam, pedes, tibiae ad usque, editiora femora, omnes verbo partes Trunci inferiores *œdematosas*, & luridas, seroque effuso oneratas gerunt. Indutis enim artubus, ita correptis *lanâ*, eaque in femoralia, vel in tibialia concinnata, atque confuta, & idemtidem adstricta, pulcherrimum certè usum pollicetur: utique si priùs eandem fumo aliquo aromatico imbui, vel corroborante pulvere adspergi curaveris. Dum enim in deligatione partium *œdemate* cutaneo laborantium, corpori antea adhærentem *laneam* superficiem curiosius inspectas, guttulis roriferis undique humectam comperies, quod hausti intùs peccantis humidi evidens argumentum est. Atque hoc uno facilè probabili præsidio in pauperibus, quibus decantatorum medicaminum usum fortunæ conditio negat, cuticularem feri *extravasationem* sapè profligatam vidimus, modò non negligeretur aliquod domesticum internè sumptum sudoriferum. Soleo enim simplicem *Theæ* potum commendare, qui ex voto succedit. Neque est, cur quis metuat revocari hac ratione ab interioribus corporis partibus sudantem jam fortè materiam, cum non meliùs ad intentatam viam perducì possit: Qui enim cumque motus centralis est, is pari undique conatu, & a corde, arteriarumque truncis ad capillaria, superficiesque corporis tum internas, tum externas, velut fluidorum receptaculum, morbi fomitem diducit. Quòd autem ad cutim interdum non æquè prorepat ille humor, qui interiores *Hydropicorum* artus obsidet, haud dubiè a textura glandularum subcutanearum densiore, & fluidi secernendi viscositate repetendum est. In simili casu *pannorum laneorum*, addito levis frictionis, inunctionisque momento, insignes fructus afferet usus, quibus humores attrahantur, solida mollescant, & fibræ immoderata rigiditas tollatur. Sudores itaque per *lanæ* applicationem electi & impellunt magis, quod ad interiora iter tenebat; & si quid adhuc peregrini, & muriatici in superficie massæ sanguineæ fluctuat, non protinus in halitum *Sanctorii* resolvendū per glandularum cutis contextum evacuant, atque adeo naturam ex parte levant. Certè in eo de quo

loquimur morbo, *Celsus* (a) similem curationem institui voluit. *Evocandus est sudor*, inquit, *non per exercitationem tantum, sed etiam in arena calida, vel Laconico, vel clibano, similibusque aliis.... Balneum atque omnis humor alienus est.... maximè utiles naturales, & siccæ sudationes sunt.* Quantum autem in eo genere siccæ sudationis ceteris omnibus palliorum generibus præmineat *lana*, in superioribus dictum est. [*Confer Cap. XII: §. xiv. num. 1. 2. 3. &c.*]

XII. Quid in mitigandis *Rheumaticis doloribus* *lanæ* contactus possit, vix quisquam de eo Infirmorum genere est, qui proprio experimento non didicerit, modò *laneum* vestimentum sibi induerit. In multis, acutisque hisce doloribus, sive fixis, sive erraticis sæpius vidi, admotam lanuginem protinus auxilio fuisse. Noti sunt mihi multi, qui *Rheumatismo* mancipati, ut primum lecti *laneis* stragulis corpus cooperuere, mali solamen illicò persentiant: Alios vidi, atque narrantes audiivi, se cum ob negotiorum multitudinem intra *lanea* lecti strata diutiùs cubare non possent, usu quotidiano subuculæ *laneæ*, quæ ad cutim proxima esset, a malo tandem evasisse. Exploratum dein experientia habemus, quàm improspere in hacce noxa repetita *Phlebotomæ* cedere consuevit, adeo ut Incomparabilis Vir *Sydenhamus*, postquam *Rheumatismi* curationem perfectam immodica sanguinis vi, reiteratis venæ sectionibus educta perficiendam esse censuit; (b) videns dein ea methodo & *Ægri vires* frangi, & aliis morborum fatis machinam obnoxiam reddi, experiri statuit, an ulla alia *therrapeja* daretur ab repetita toties sanguinem educendi medela longè diversa, qua hic morbus tutiùs posset debellari. (c) Quamobrem ad dietam *lacteam* confugere conatus est. Sed adeo nostris temporibus invaluit vulgi præjudicium, ut ad ipsum jussæ phlebotomiæ nomen exhorrescat, atque hanc operationem in *Rheumaticis*, aliisque similibus doloribus *cane pejus*, & *angue* defugiat. Sudorifica dein, quantumvis in præsentī agitudine plurimum

Rr 2

pro-

(a) *lib. III. cap. 21. p. m. 162.* (b) *Tom. I. cap. v. p. m. 170. sequent.* (c) *Idem ibid. cap. Epistol. I. p. m. 198. 199.*

prodesse videantur, revera tamen magis efficiunt, quàm profunt: Dum concitato sanguinis æstu, morbosam materiem maximè rarefaciunt, & nimio fervore lacesitam acriùs urgent, quæ immaniùs sæviens, & quietis nescia, stamina nervea variè impetendo, tragoediam dolorum orditur; vel in partem nobiliorem translata, novam malorum *Hilyadem* advocat; vel demum propter morbosum & corruptum laticem, atque in extremis corporis, musculosisque locis pertinaciter obseptum remediorum horum efficaciam eludit. Contrarium autem in *lanæ* applicatione contingit: Hæc enim immediatè corpus cingens, eique strictè alligata, perspirationem insensibilem promovendo, æquabilem tacitam humorum distributionem per corporis ambitum molitur: Inde quæ impacta in ultimis tubulis hærebant, in motum aguntur, singula in singulis canaliculis liquida expeditiùs moventur, & faciliori cursu usque ad longinqua loca perveniunt: Inde partibus excutitur morbosa gravitas, evanescit tristis paroxysmi imminentis nuncius torpor: Præterea *lanis* moderatè tectum totumque corpus, & levi rubore cutaneo perfusum, demonstrat planè, cutanea liquida incitata esse, sed pacatè; vasis restitutam meabilitatem, sed absque distractione molesta; motus ubique æquabilitatem, & integritatem absolvi, sed absque tumultu. Illa item lanugine cooperta cutis in proprio velut vaporis balneo immergitur, quod ab ipsa *perspiratione* repulsa sit, quæ superfici ei externæ corporis, in roris speciem adhaerescit; ut inde siphunculorum cutaneorum, dolorum sævitie constricta, diameter laxetur, nec opprimatur a pauca tenuisque vestis pondere, indeque perfluat quidquid in halitus digestum resolutumque est. Illa demum *lanæ* indutæ utilitate neque augetur causa tubulos distendens, & dolorem creans, neque comprimuntur vasa perspirantia; sed servata caloris, ponderisque mediocritate, humorum adtenuatio ita perficitur, ut nec imminuto motu, ullibi cespitent; neque immoderato in aliena vascula ferantur, sed per regiam cutis viam *clanculum* elapsi benigna resolutione pellantur. Quid plura? Cùm enim sive exercitio aliquo vehementiori, sive alio modo excalefacto corpori repentinum,

frigus admissum, in graciliori temperamento præsertim, crudeles *Rheumatici dolores* tota interdum vitâ durantes supervenire soleant; quid præstantius, atque tutius esse possit, quàm *lanarum* ad corpus approximatior, atque constrictior? In qua omnes caloris moderati causæ concurrunt; qua vasa prius ob frigus minora, alia plena, rigida, & validissimè contracta, mox *lanæ* fovæntis mollior, majora, satis patentia, laxa, emollita, & flexibilia reddantur; qua tandem viscerum attritio, subactio, & eliminatio egregiè promovetur.

XIII. Aliquot ante annos, Vir 45. annos natus, vitæ laboriosæ deditus me accersebat. *Rheumatismo* miserè detinebatur. Cum enim ob vitæ institutum, juncturas Navium stipare, atque in eo opere ingentia, ut solet id hominum genus, meri pocula exhaurire solitus esset; frigido de repente orto vento, corpus tum exercitio, tum æstuanti intus spiritu furens, incautè objecit. Mox malignam auram leviter sibi perferre visus, de aliqua capitis gravitate conquerebatur. Sed domum suam reducem rigor horrorque invadit, insequitur febricula totius machinæ lassitudine stipata. Hæc autem cum celebrata venæ sectione, & levi peracta *catharsi*, cessisse visa sint, transacto altero die, sub vesperam vix lectum ingressum infirmum, atrox dolor corripere, nunc in hoc, nunc in illo artu infestans, a superioribus ad inferiora decurrens, & vicissim ab iis in excelsiores partes locum mutans, ubique sese diffundens. Obmutuit æger doloris feritate, & causam recrudescentis mali in calorem lecti refundens, suspicionem dolorum *venereorum* adstantibus injecerat; donec manè illum invisens, cum ob alias causas, tum maximè quod scirem nocturnam dolorum exacerbationem communem etiam esse doloribus *Scorbuticis*, & similibus, ab omni concepto luis metu absolverem. Pergebat autem lecto quotidie abstinere, saltem ad horas aliquot, se inde ab doloribus immunem prædicans. Quod advertens ipse jubeo, ut inter *lanæ* lecti stragula tantisper immoretur; ratus, expansilem feri motum, & dolorificam exinde sensationem productam assidua in *lanis* quiete, & per laxatos cutis summæ meatus, tandem repressum, atque morbosum fomitem insensibiliter difflatum iri.

iri. Probè tentanti mihi res vertit. Patienter enim primos dolorum impetus sustinuit æger, donec corporis superficies rore madescere incipiens, calidus ad hæc corpore elatus vapor morbi materiem dispari per cutaneum iter ostenderit. Verùm supina recumbentis incuriâ factum est, ut *lanæ* benefica lectique impatiens, diutiùs quàm par erat, pro una vice lectum defereret: Hinc cùm debiliori, & sicco corporis habitu præditus esset, neque humoris morbifici *Rheumatismum* producentis perfectæ subactionis, & eliminationis adessent indicia, in gravissimos denuò, & seivissimos dolores incidit, qui non ut priùs vagabantur, sed dorso, brachiis, femoribusque fixam sibi sedem figisse viderentur. His rebus ita constitutis, ad venæ sectionem facitandam redire nolui, veritus, ne labascentes, atque jam infirmas vires prorsus aliquando exolverem. Memorabile autem erat in hocce *rheumatismi* paroxismo, quòd æger non modò calorem strati ferebat, verum etiam stragulorum *lancorum* multorum usum enixè rogaret. Suadeo igitur, cubili hominem ita addicant, ut in *laneis* operimentis continuò jaceat, inque illis adhæreat. Præter hæc indusium ex *lana* confectum oleo laurino illitum sibi superinduat, & illud corpori, quantum, & quot vicibus possit, affricet, impero. Dum autem istiusmodi practica documenta in usum trahebantur, & solitus idemtidem *Theæ* potionis calidæ usus accederet; En tibi placidus erumpens sudor, quem postea vapor ex universa cutis periphèria tacitissimo ploratu expirans subsequitur. Pergebat hæc diaphoretica *crisis* per *sex dies*, qua ratione dolorum vis in dies mitigabatur, donec fracto penitùs morbi vigore, paulatim ad se redierit Infirmus, cui etiam num, integra valetudine fruente, *amacula lanea*, corpus amiciens in usu ad *prophylaxim* est.

XIV. Casus recensitus, præclara præcepta nobis suppetit, quæ in *Rheumaticorum* graviumque dolorum therrapeja tenenda sunt. Nam primò inde colligitur in iis, qui vino, & spirituosis liquoribus nimium indulgent, animales succos, in concretionem valde pronos esse. Quamobrem si corpus validè movetur, & frigidior aura admittatur, gravioribus *rheumaticis* doloribus illi vexantur. Frigus enim calefacto corpo-

re subito susceptum, mirum quantum lympham cutaneam obviā, & sponte tardigradam inspissare valeat, transpirabiles tubulos corrugare, & salutarem excretionem cohibere. Hæc autem contingere nequeunt, quin glutinosus tenaxque humor, vascula, quibus hæret, tendat, comprimāt, & vehementi partium fibrosarum, & nervearum stricture molestissimos dolores inferat.

2. Idipsum xiv. num. 1. elicere, experientia notum est, insignes aeris, & tempestatum mutationes, ex calido in frigidum, & ex frigido in calidum, ventisque repente ex contraria plaga se invicem excipientibus. Præterea si corpus exestans immergatur in aquis frigidis, vel moram in locis subterraneis frigidis humidisque traxerit; vel in iisdem locis decubuerit, vel frigidiora corpora contegerit, *Rheumatismi* sæpe oriuntur.

3. At verò ex prædicta historia edocemur, pro diverso laticis lymphatici infarctu diversa remedia indicari. Cum enim visciditas sanguinis, & Lymphæ, qua tardius solito per angusta partium vasa circulentur, & in iisdem hæreant, stagnentque facilius, non tanta sit; atque sub morbi initia vascula spasmò coarctata, atque in se adducta supponantur. Tunc fieri potest, ut morbosum liquidum tempore *læti*, vel calore velamentorum expansus, atque per vim ignis primò rarescens appositus, & jam tensione dispositus, sensiles fibras validius distrahendo dolorem pariat. Ubi verò præ spissitudine ita residet Lympha, ut crebris decubitibus, & repetitis paroxysmis, *atoniam*, & laxitatem in fibrosis tunicarum vasculorum staminibus induxerit, calor accedens in solida præprimis ita agit, ut ea exiccando, & quasi corroborando orituram liquidi rareficientiam moderetur, neque eadem se adeo dilatari diducique sinat. Hinc fit, ut qui dolores, ab eadem viscedine *Lymphæ* pronati, ineunte noxa, de qua in præcedenti paragrapho (xiii.) admisione frigidi mitescebant, & calore sæviebant; protracto dein morbo, sola jacentis quiete sopirentur, mitigarentur, ut tandem derepente cessaverint.

4. Non prætereundum tamen, instauratæ perspirationis rationem tum adversus dolores *Versatiles*, qui expulso humo-

re peccante, maximè per insensibilem diffationem fugantur, cum maximè Hominibus vino, & commestationibus dicatis, sicubi in similè morbum inciderint, longè multumque efficacem haberi: alia occasione dictum est, à nobis *supra cap. ix. §. v. Strenuis Potoribus* libere sudorem fluere commodum esse; itaut in hisce omnium fere affectuum curam in sudationem resolvere totius sit: Cujus efficaciam, *Teschirnbaußius* (a) insignem observaverat in prævertendis febribus, ex ebrietate orituris, aut jam ortis profligandis.

5. Liquet inde, quare in morbo supra descripto (xiii.) *Lanam* commendarim. Fovebatur enim malum ab impuri feri intra fibrarum musculosarum sinulos aggestione. Ad hæc atrox, qui instabat, dolor ab incauto vehementis frigoris admissu in crassiori Lymphæ diathesi excitatus fuerat. Hæc ergo medendi ineunda via erat, ut humoris vitiosi illuvies blandè resoluta sufficienter per subcutaneum cribrum eveheretur, necnon laxus, & debilitatus solidorum tonus roboraretur.

6. Cum verò Frictionis motu partes firmentur, atque per istiusmodi solidorum agitationem metus esset, ne debilis vasculorum contextus solveretur; *supra cap. xii. §. xi. num. 7. 8. &c.* Ex alia parte spissus, & immobilis humor paulo altius, & pertinacius, cum frigoris sensatione, pororumque crispatura corpori insideret: Satiùs ideo duxi ad frictiones cum pannis laneis asperis, & calido solventique oleo adspersis institutas confugere; quibus tamquam *Rubefacientibus* auxiliis, è sedibus suis fixis, rebellis humor potentissimè evocari; viscidiores molleculæ adtenuari, & partium dolentium textura roborari posset; ut multiplici experientia compertum est.

7. Rectè ergo *Hypocrates*, qui ad catharos elatiore corporis partem malè vexantes, qualis est *coriza*, *suffitus*, *exthure*, & *mâstiche* commendat, quibus membranæ ab antecedenti calore laxatæ roborantur, elongatæ, & valde debiles tubulorum extremitates contrahantur, atque firmentur, necnon torpens ad motum liquidorum massa strenuè incitetur. Quem in finem, qui profundè, & diutiùs quàm par est, dormire consueverunt, eoque caput grave, sensus hebetes, frigus &

(a) *Apud cheyne de infirm. cap. vii. p. m. 236.*

imperspirabilitatem patiuntur, (a) ut omnes ferè decolorati evadant, iis, inquam, hominibus necessariam *lanæ* gestationem propterea censemus, quòd exercitationis munere fungens, non secus ac illa perspirationibus aditum patefaciat, (b) sanguinemque interiora priùs subeuntem, nunc ad exteriora promptissimè avocet. Eadem ratione conferre isthæc methodus gerendæ lanæ potest, sicubi a protracto nimis somno, & minimis vasculis summoperè distentis *Polyfarchia* contingat, cujus cum princeps causa sit repletio nimia canaliculorum, & inertia circulationis, sanguinisque a corde remotioris immobilitas ab *lanæ* irritatione sola multùm boni expectare meritò possumus. Sed & salubriorem præterea ad præcavendum omne fluxionum, & *catarrhorum* genus, commodum *lanæ* velaminis usum idcirco opinamur, quia plerumque in vastissimo aeris oceano morborum latè grassantium germina occurrant, à celeberrimis indagata viris, (c) quæ fluido illi elastico immòrantia ventorum adminiculo, celerrimè unà dissitissimos teluris tractus obambulant; eoque a nulla, quàm lanuginis fabrica, texturave coerceri domarique posse videantur.

XV. Ad dolores Articulorum fixos transeamus modò, qui opprobrium Medicorum audiunt. Hos equidem si *lanæ* usu debellari dixerim, vel saltem longè tutiùs præstantiùsque compesci; profectò insanientem deridebis. Sed scias velim, quicumque solemni remediorum pompa, & strepitosa Formularum medicarum supellectile delectaris; vilissima aliquando remedia, quæque nullius sunt prætii accedente ea, quæ in Medico quæritur, solertia, plus polliceri, quàm prætiosissima quælibet pharmaca ex loculis *Pharmacopolarum* eruta; vel quæ magno hiatu *Agyrtæ* venditant, perque *Vicos*, per *Plateas*, ingenti Hominum frequenti a jactant. Durum profectò domesticorum, tritorumque auxiliorum fatum, quæ quia ad manus esse consuecunt, vilipendi, & omni Artis laude carere solent; quæ verò industriose occultantur, in magno prætio haberi. Sed ut ad rem. Quandocumque corpus succorum impu-

Ss

(a) *Conf. Boerhav. Instit. 599.* (b) *Mercurial. L. IV. cap. IX.*
 (c) *Vid. Medic. experiment. part. II. §. II. p. m. 228, ad 233.*

ritatibus plenum otio, & vita, qua torpet sedentaria lassum, vel potui nimio vini diu assuetum, vel liquoribus ardentibus plus æquo indulgens, indeque *Arthriticis* doloribus infestari incipit, non equidem *lanam* induendi consuetudo spernenda esse videtur, quæ tam ad sanandum nascens malum, quàm ad avertendum præoccupandumque insultum cellerrimam aliquando, & præsentissimam opem promittit. Cùm enim per victus errata langueat vis vasorum systaltica, & humores lentius progredientes, & in quamplurimis vasculis stagnantes exiguum divisionem patiantur; effluat inde, transpiretque quod tenuius & mobilius est, crassius verò retineatur in articulorum ligamenti: Cùmque in hisce Subjectis frequenti vini, & ardentium liquorum potatione serosior sanguinis pars disperdatur, partes tartareæ copiosius liquidis vitalibus affundantur, quæ præ spissitudine, & acrimonia concepta future *Arthritidi* materiam parant, & *sinoviali* juncturarum humori labem similem affricent: Quoniam hisce, inquam, ut plurimum causis *arthriticorum* dolorum genesis debetur, adeo ut *Podagram* a solo vini usu oriri suadeant Nationes *Podagrica*, quæ pro potu quotidiano vino utuntur: (a) Quamquæso præstantiorem *prophylacticam* medelam antevertendo fomitis *arthritici* in articulos decubitus parem excogitare possis, quam qua Natura ad excutiendam materiam morbificam, per invisibilem corporis halitum sollicitetur? Id autem præstant quælibet integumenta corporis *lanæ* carni subjectæ immediate superextensa, quibus velut blando tepido, simulque corpori humano quam maximè analogo fomento horrendi *arthritide* laborantium spasmi quasi in ovo jugulantur; quibus compertum est, *hic* §. XIII. XIV. non diutinam & notabilem sudationem facilitari, non incoctam, crudam, & præter Naturæ modum extortam materiem per cutem expelli; sed tacitum, levem, & suapte natura fugacem vaporem efferri, sed madorem ex tota corporis externi ora clandestinè manantem evelli, unâque maximam futuræ metastaseos partem averti. Modò enim *lana* ritè usurpetur, omnibus aliis localibus

(a) *Conf. Linneum de Lapponib. in Flora &c. l. c. p. m. 58.*

bus auxiliis tutiorem morbi sanationem permittere eandem comperiet, quisque sanę mentis adverterit, nullum hæcenus inventum fuisse auxilium, quo malum adeo atrox profligari omnino possit: In quo quidem tractando salutare Artifices cœcutire fatendum est. Nec enim venę sectio sanat, licet morbi vim infringat, præcaveatque mala graviora: Neque *Purgantia* sæpè data apto tempore proficiunt, quæ licet fomitem everrant, humores tamen accendunt: Neque acriora *Sudorifica* felicem umquam exitum dedere, quæ potiùs furenti jam liquido, & inflammationem meditati calcar, oleumque adjiciunt. Quidquod ipsa *Stomachica* adeo a *Sydenhamo* decantata dubii etiam eventus esse, tristis edocuit experientia. *Narcoticorum* usus æquè incertus habetur. Sola ne ergo dieta opus esse, dices? At quantæ molis, & quàm tædiosum sit, unigeneri victui assuescenti machinam de novo recudere, novosque latices puros, illibatosque refundere! (a) Superest ergo, ut infaulta, & adscititia labe *Arthriticorum* liquida vitiata, & necessitate quadam, jugi fomitis morbofi commeatu adaucta, qua ratione possimus, naturæ quasi ductum sequentes, per universale cribrum cutaneum exterminemus, & concitata æquabili succorum transpiratione difflemus, prohibeamusque, ne mole sua, & locorū declivitate in inferiores artus, nodosque decubāt.

XVI. Quibus autem auxiliis, ut collectus, oberransque *arthriticus* latex per exiguissima, cœcaque cutis foramina decedat, corpora *laneis* palliis munita quodam perenni balneo foventes satagimus: iisdem quoque nitendum est, ut transacta doloris sævitie, obsessa, fractaque articulorum vascula salutariperpirationi reddamus. Ante omnem morbum certissimè turbatur perspiratio, & insolita in casu nostro *Pedis podagrici* gravitas paroxysmum prænuntiat. Quos *Arthritis* nunc invadet, quos pedis dolor expectat, est autem in proprio corpore expertus *Sydenhamus*, (b) iis corpus torpet, & gravatur membrum; quæ omnia perspirationem impeditam esse designant: Eam si restitueris sive in toto corpore, sive in

parte

(a) *Conf. Sydenham. tract. de Podag. tom. 1. l. c. passim. Item Cheyne l. c. (b) Ibid. p. m. 303. sequent.*

parte dilaniata dolore, sanitas redux certa comitabitur. Pes ergo *podagricus*, vel quicumque corporis artus *arthriticus* sanandus proponitur, fac ut perspiret, & officio functus es. Ipse durissimi mali progressus hanc nobis calcandam viam ostendit. Quid enim in eo, quem tractamus, morbo doloris mitigationem præsagit certiùs, quàm lenis, totoque corpore transpirans mador? *Decurso scilicet*, inquit Sydenham, (a) *noctyhemeri spatio a primo appulsu paroxysmi*, quo tempore *Eger post materiæ peccantis modicam digestionem, & distensionem aliqualem subito a dolore respirat*. Præterea ex eodem Authore habemus, tacitum partis agræ & dolore vexatæ udum habitum inter præcipua fugati insultus (b) signa esse: nihil ergo prohibet, quominus dolentes ita articulos extra paroxysmum, in quo nec linteorum superincumbentium pondus levissimum ferre possunt Infirmi, molliori, & paulò calidiori, laneoque panno prudenter contegamus, ut si quid resistentis a prægressa exacerbatione materiæ tendinibus, ligamentisque impactum insideat, feliciter digeratur, atque in transpirabile resolutum, per obvios, patentisque cutaneos tubulos evanescat. Nonne igitur id magnum remedium habendum erit, quod pertinacissimorum, atque doctissimi non rarò Medici operam eludentium horum affectuum incursum cavebit? Quod cunctis hætenus decantatis adversùs arthritidem *Antidotis* prodigè inventis, & insolenter venditatis palmam præripiet? Nòc illa jactata adversus hanc corporis noxam remedia rarò aliud efficere hucusque potuerunt, quàm retropellere ex ignobilioribus ad nobiliora loca, vel intus detinere morbi materiem, adeoque morbum, qui numquam, nisi hac ratione, occidit, lætifera reddere. In ipsa autem *lana* simplici puraque maximam latitare vim ad eliciendum, tacitè debacchantem intus *arthritidis* noxium humorem attenta edocet observatio, id verum esse constanter asserens, pacatæ sudoris emanatione, tristem hinc tragediam sæpissimè claudi.

XVII. Hinc est, quòd non absimilem *therrapejam* in arthritide (xvi.) commendare soleant saniores Practici. *Boerhavius* enim

(a) *Ibid.* (b) *Idem ibid.*

enim sub finem curationis prægresso tepore lecti, frictionem siccam calidamque laudat. (a) Porro frictionis efficacius cæteris pannis adminiculum *lana* subministrat; qua de re vide supra *Cap. xii. Proposit. Secunda* §. x. xi. xii. Alii exercitii defectu ægrotantibus frictiones suadent, instituendas cum panno *laneo* tenuiori per aliquod tempus, donec cutis intensè rubescat, & sanguis ad superficiem corporis advocetur. (b) Ipse dein gravissimus Auctor *Sydenhamus*, postquam *arthritica* materiæ dissipationem cum materia *fibrium* intermittentium comparavit, & violentam sudoris in utroque morbo eruptionem tamquam noxiam rejecit, non alienus a proposita nobis curandi methodo esse videtur: quandoquidem optat, ut naturali, & tacito motu, ut in paroxismo *Intermittentium*, sic in *arthritidis* appulsu insensibilis illa, & nunquam satis laudanda infirmæ partis transpiratio promoveatur. (c) Verùm in superioribus Paragraphis (*Cap. præsent. §. ii.*) virtutem *laneæ* in *Intermittentium* frigore ex analogia *Boerhavia*na praxi (d) proficuum vidimus. Tandem passim constat, *arthritide* tentatis membrorum dolentium sudationem prodesse; Qua de re consule *Lobb.* (e) Sanatio certè hujusce morbi, si intimam naturam infarctus exiguum tubulorum, atque materiæ advenientis, & suppetias ferentis indolem consideraveris, est restituta meabilitas vasorum ligamenta, membranasque articulorum contextentium, eorumque obstructorum, atque restituta simul fluiditas liquidorum agrè priùs circulantium cum intùs coerciti morbofi fomitis insensibili expulsiōe. Triplex ergo hæc causa restituet utique perspirationem, quam *perfricatio*, juvante *lana*, in partibus adornata nullo negotio accersit. Nonnulli mihi noti sunt; qui subucula *lanea* semper induti, quoties leviculam aliquam, quasi *podagræ* velitationem præsentiant, petiis *laneis* manum subito admovent, & defricata ad rubedinem usque corporis sui

(a) *Aphor. de consensu. &c.* 1493. (b) *Eustachius Marcot quest. v. Monspell. p. m.* 13. (c) *Conf. eumd. ibid. p. m.* 312. (d) *Conf. Aphor.* 625. & 758. (e) *Sur la Pierre* §. 1186. num. 5.

sui juncturâ, ad medicatæ hujusce *lanæ* contactum, velut *fascino* deliniri dolorem apertè testantur. Quòd si diutius articulationum dolentium loca fricare perrexerint, dolores de loco ad locum in articularum vicinia derivari, demumque subacta materiâ, in sudorem, quo partes diffluant, converti asseverant; adeo ut leviores inde, & longiori inter se distantes *paroxismos* se experiri, apertè dicant; Quamvis, ut mihi narrabant, nihil inexpertum ad hocce malum arcanum reliquissent, atque nonnulla speciosa, & decantata eorum, remedia adhibuissent, quæ apud Authores prostant, inter quos *Allen* (a) & *Ambrosium Pareum*, (b) sed quæ semper nociva deprehenderant.

XVIII. Si verò ad articularum dolores curandos sedandosque musco quodam Indico, *Moxam* vocant, uti arridet, non video, cur *lanæ* stupa accensa super affectam partem ustulationem hanc efficere non possit. Quamvis autem præfatum remedii genus Indis Orientalibus acceptum cum lanugine *Artemisæ* perfici soleat, atque passim ab *Hypocrate* in *Podagra*, *Coxendice*, *Chiragra* linum crudum præscribatur: (c) *Opinor tamen*, ut verbis *Sydenhami* utar, (d) *neminem posse existimare, eam esse differentiam specificam inter flammam vel a lino, vel ab hoc Musco Indico excitatam, ut hæc illa in sanatione Podagræ plus valeat, non magis quàm reputaverit ignem e Roburis segmentis accensum majus aliquid præstare posse illo, qui Fraxini ligno alitur*. Hactenus Vir præstantissimus; Imò partibus, quibus turget *lanæ* recens, oleosis magis accendibilem, & aptiorem huic muneri sufficere vide *supra cap. xii. proposition. prima, & ultima*, materiem puto. Illud autem colligitur ex *Ægyptiorum* more, quorum ut in ceteris, & in his quoque supra omnes *Afros* major fuit diligentia, ut qui ustionem cum gossipio, vel ex lino crudo frequentissimè instituant, & ad plures affectus adhibeant. Deduxit hoc doctè, & latissimè *Prosper Alpinus*. (e) Sed &

110-

(a) *Medicine pratique tom. iv. p. m. 31.* (b) *Livre 18. chap. 22. & 25.* (c) *Conf. Hypocr. de Inustion. lib. ult. p. m. 308. sequen.* (d) *Ib. p. m. 329.* (e) *Medic. Ægypt. lib. III. cap. xii.*

moxam cum *æsyro* in Græcia olim usitatam, ex Græcorum monumentis eruitur. Memorat dien *Herodotus* & ipse Scrip-
tor antiquissimus, Libiæ Populis, jam a multis retro sæculis,
credo cum ipsa origine, usitatissimum fuisse urendi modum
cum *lana* succida, aut *æsyro* ovillo: Ubi *Pecklinus* (a) mi-
ratur *Mercurialem*, diligentem alioquin antiquitatis. Censo-
rem, qui pro *æsyro* (b) substituerit nescio quid foedi, & o-
minalis. Simile quid apud Arabes Medicos erat in usu, un-
de *Ustio arabica*, jam usque a remotissima vetustate voca-
batur, ut meminit *Dioscorides*, (c) in hystoria *stercoris capri-
ni*, quod in sequentem modum *Ischiaticis* doloribus applicant:
in spatio quippe quod est inter pollicem, & indicem manus,
lanam admovent, oleo tamen prius ritè irroratam, cui ster-
cus caprinum inflammatum desuper injiciunt, & ibi sinunt,
donec molestior sensus per totum brachium diffusus morbi
dolorem quadantenus leniret. Qua de re consulatur liber *de
Vescicatoriis &c.* (d) Methodus verò isthac, utpote crudelis,
in desuetudinem jam abiisse videtur, & successit rudis cum
lana appositis impregnata remediis facta ad Partes frictio,
in quas humor articularis morbosus recubuit, vel jam jam ir-
rumpere gestit.

XIX. Maximè autem talis memorata [xviii.] *Frictio* de-
liberanda est, quoties ex continuo & perenni dolore *ischia-
dico* femur exciderit; vel istud os e sua sede remotum gra-
vis pertinaxque articuli dolor divexat. In hisce namque ca-
sibus cum ossa e suis *cotyledonibus* præ nimia humiditate de-
cidant, ipsaque ligamentorum uda textura per doloris sen-
sum quotidie magis ac magis distendatur, seposito igne, a-
romatica cum rudissima pannicula membrorum perfrictio *la-
nea* pulchrum usum dedit, cujus ope superfluum humidum
exsiccabatur, & in adcumbentem extimam cutem prolicie-
batur, cavebaturque novus humorum corruptorum in articu-
los accessus, ob robur iisdem inductum, sicque primæ mali
causæ

(a) lib. II. *Observ.* xxiv. p. m. 264. *sequent.* (b) lib II.
cap. 11. (c) lib. II. cap. 73. (d) *Raccolta di varie &c. de
Vescicatorj &c.* p. m. 129.

causa consulebatur. Similis exempli redeo nunc in memoriam. Ex fracto forté sedili ceciderat habitioris & spongiosioris temperamenti mulier, atque de *Gluteorum* musculorum contusione conquesta, dolorem identidem per intervalla redeuntem negligebat. Adplicabantur *contusis* fomenta anodina primúm, & laxantia, mox autem ad *Echimosæos* resolutionem spiritus vini adjungebatur. Fugata tamen contusione, & niveo ut priús restituto externo *femori* colore, perdurabat adhuc dolor, quem obstinatum, nullisque cedens auxiliis, malum excepit; ad motum scilicet *impotentia*, & vera *claudicatio*. Quamobrem vocatus ipse supinam agram stare in lecto jubeo, & extensis binis femorum ossibus, atque se mutuò collatis, claudicationis causam inquiri: Reperio ergo pedem affecti femoris semipalmarum socio, & naturaliter se habentem longiorem: Hunc in acetabulum suum detrudere adnitor; obsequitur, & in suum locum spontè relabitur; amota dein manuum pressione illico decidebat, inque sedem morbosam luxabatur. Hac cum viderem, atque fasciarum inutilem esse usum, cum adsidente Chirurgo comperissemus, in arena captum consilium est. Attenta enim ligamentorum, tendinumque articuli nimia flacciditate, solidorumque mollitie, atque decubitus serosi copia, ad *frictionum* topicam opem mentem manumque direximus. Sperabamus inde fore [quod feré semper succedit] ut dolor remitteret; evocata scilicet fómitis morboſi parte subtilissima, ac maximé spirituoſa in articulum jam deposita; nec minor affulgebat fiducia continuatis, ut frictionibus, fumantibus aromatibus suffita priús *laná* institutis, illapsus tam in ossium cavitatem, quàm in circumſitas articulationi partes humor in motum, juvantis pertinacia solveretur, abigerentur humiditates, & laxiores artus priori vigori redderentur. Votis cessit assiduus prædictæ *fricationis* usus, ut trium mensium spatio absumpta humidi copia corroborata solida, luxati ossis repositionem permetterent, & ipsius femoris caput circumdantis fasciæ adminiculo in suo cavo quiesceret tandem, omnisque dolor gravativus evaserit, & mulier perfectè convaluerit.

XX. Sed & nec insolens est a nimia ligamentorum tendinum-

dinumque corporis humani inflammatoria strictura ob acerrimos, & causticos influentes hærentesque succos similia in iisdem articulationibus mala oriri; quæ intolerabili acuto deudente *coxendicis* dolore se manifestant, conquerentibus interea agris, ac si tensa loca & sensibilia ferventi aqua affatim perfunderentur. Sicubi ergo hæc ipsa articuli inflammatio occurrit in praxi, citam medelam exagitat; neque ullam cunctationem admittit, & ipse quidem diu multumque dubitavi, an alicui heic *lana* adjumento esse posset; quo usque non dissimilis, atrocissimi *Ischiadicis* doloris in Virgine annos 35. nata recens ordinata curatio scrupulum omne ademerit, planèque ostenderit, quantum emolumenti in conclamatis casibus adesset in ea, de qua agimus *lanea gestatio*. Et ne longiùs in morbi historia contexenda, ipse provehar, quæ notatu maximè digna comperi, in ea tractatione paucis persequar. Doloris ergo hujus mira, & omni opinione major atrocitas, nullis mitigata auxiliis, quæ continuò dabantur, ingerèbanturque ejulanti feminae ad syncopem usque urgebat: Et quod animadvertendum est, eductò juxta morbi indigentias sanguine, statim tamquam ex insidiis ferocius erumpebat malum. Ad hæc vires collapsæ ulteriorem sanguinis effusionem apertè dehortabantur. Hisce sic stantibus, decumbentis soror, nescio cujus consilio, lanuginosa segmenta, quæ ad manus fortè erant, & pannosas lacinias arripit, in glomum e vestigio subito aptat, quem arctè confrictum, apprehensumque super extimam lateralem supernam femoris faciem celerrimè & validè ducit trahitque, donec pars rubesceret. Subsequentì nocte quievit Ægra, quæ priùs integras ferè noctes vigiles præ dolore transegerat. Manè itaque successus læta eamdem curationis viam relegit, artumque rudiori *lana* paulò diutiùs fricat. Sub vesperam illius diei dulci somno reficiebatur, cum propter acutissimi doloris ad *offis Sacri* viciniam, puncturam excitata misera, ingenti ploratu ædes complet: Et ecce tibi ingens, & perniciosissimus *carbunculus* pustulis rubris obseptus, & nigra *escara* coronatus in loco emicat. Tractatur ex arte, uberriam saniem quotidie emittit, & veterem illum dolorem,

quàm felicissimè sustulit. Planè, ut nullū dubium remaneat, ob *lanearum fetarum* affrictum, quem adnatæ externæ femori partes passæ erant a penitioribus ligamētorum tendineo-nervosorum oculis pestiferum, ita dixerim fomitem promptissimè excussum, retractumque ad exteriora fuisse, & simul cum manante jugi ichore ex aperto sponte *anthrace* effluxisse; inde ut miram, citissimamque per vile adeo atque domesticum auxilium ostenderit, præstari medelam posse.

XXI. Inter *lanæ* præstantissimos usus non temerè accensendus est, quo in *Paralyseos* curatione fulgere comperta est. Cùm autem de hujusmodi morbo edissero, non illum intelligo, qui ob longiorem moram altiores radices egit, quàm ut ulla humana ope evelli se permittat; qui solidorum insignem læsionem agnoscit, vel *Epilepsia*, aut *Apoplexia* succedaneus est; qui ab ossibus luxatis, tumoribus vicinis, vel nervorum compressione, vel firma obstructione in corpore occaluerit: verùm illius generis noxam loquor, ubi in partibus *paralyticis* imminuitur motus, illæso sensu, vel viceversa, ubi inducta nervis laxitas est, vel ita hi emolliuntur nimia feri alluentis ubertate, ut sub mali initia solitam tensionem recuperare, & relaxans fluidi stagnantis copia discuti possint. Ut enim curetur *paralyssis*, fibris nerveis restituenda est debita elasticitatis functio, amovendo, & oppugnando causas *laxitati* nervorum faventes. Huic scopo intenti Veteres, miras *paralyseos* curationes moliti sunt; tum *Sinapismorum*, *phenigmorum* usu agris partibus, & *paralyssis* tentatis sensum, & motum iterum largiebantur. Hisce indicationibus attendentes Recentiores Clinici, eandem *therrapejam* feliciter adeo sequuti sunt, ut non defuerint, qui sola *Urticatione* morbum illum fugaverint. Simile exemplum prostat in actis *Accademiæ Parisensis*. (a) De hac olim loquutus fuerat *Celsus*. [b] Illam demum *urticationis* in sananda *paralyssi* egregiam virtutem binis observationibus a suo Patre communicatis nuper Orbi Litterario traditis illustravit *Josephus Honoratus Gros*.

(a) Année 1741. Observation. p. m. 75. [b] Lib. 111. cap. xxvii.

Gros. [a] Utrumque autem sit, huic *Urticationis* præstantiæ comparandam esse rudissimam, & crassissimam nonnullorum pannorum *laneorum* fabricam, & ratione, & experientia exploratum habeo. Nam, ut de spinosis, & verè pungentibus, confertissimisque *lanarum* nonnullarum villis taceam, qui *Urticæ* aculeis conferri meritò possunt, aliquid in pannis nostris offendo, quod in *Urtica* desideratur. Repetitis enim *Urticæ* flagellis, spiculorum acies obtunditur, dehiscunt, & humectantur fibræ, tota planta tabescit, ut renovandis percussunculis inepta prorsus evadat: Præterea, non omni tempore *Urtica* habetur, & interdum circumstantiarum difficultate aliorum, longiusque petenda est. Stamina autem *lanea* aculeata, multò magis elastica cùm sint, carnibus allia, ad se redeunt, nec adeo citò evanida redduntur, & ipsa compactior, compages *lanea* dum parti affricatur, nihil intactum relinquit. Hujusmodi Topicorum in re medica genera peculiari aphorismo conclusit insignis Boerhavius: *Frictiones*, inquit, (b) *externæ siccæ calidæ ad ruborem usque, vel cum penetranti, & stimulante virtute præditis ex animalibus, vegetabilibusque, aut cum oleis, linimentis, balsamis, unguentis nervinis prosunt. Balnea vaporum immersiva; emplastra acria aromatica, attrahentia dicta, cucurbitæ, scarificationes, vesicatoria, fustigationes dolorem, & levem inflammationem excitantia, ut Urticæ & similia, juvant. Hæc sunt prælidia, quorum externa appositione paralysis, & ceteri stupefacientes morbi propulsari, vel brevi sedari consueverunt. Nunc qua ratione, annuente pannorum laneorum fricantium auxilio, melius, tutiusque arceri possint, paucissimis attingam.*

XXII. Etenim cùm *Paralyseos* curatio in materiæ impactæ, nervorumque canaliculis profundè hærescentis tempestiva adtenuatione, & ejusdem excretionem consistat; quæcumque morbosam causam solvunt ita, ut sui juris facta, indiscriminatim, neque servata locorum consuetorum ratione, partes

Tt 2

cor-

[a] *Menſe Martio anno 1747. in Theſib. Monſpell.* [b] *Ib. Aphor. 1869.*

corporis principes suo illapsu adoriatur, curantis finem nequaquam absolvunt: Talia sunt *Balnea*, quorum ope humidum etiam suppedatur laxans. Quibus verò remediis copiosior, & violentior emungitur a partibus *paralyticis* sudor, periculum est, ne crassior humorum fax intra canaliculos conclusa maneat, quàm ulla ut arte exire impofterum queat: talia sunt *Balnea* vaporum, ut spiritus vini accensi fumus, & omnia spirituosà externa sudorem advocantia. *Epipastica* autem, quæcumque illa fuerint, vel valida adhibentur, quæ a longissimis, extremisque etiam partibus exuperantes humores invitent, sinantque vesiculis excitatis humorem continuò effluere; vel infirmæ virtutis sunt, quæ irritant quidem nervos, eosque tremere faciunt, sed absque ulla succedente ullius *laticis* extrorsum evacuatione. Prioris generis, ut *Vesicantia*, nimis exsiccant, & rigidiores efficiunt nervos, quemadmodum de *Fonticulis* dixerat *Bellinus*: [a] posteriora autem *attrahentia* humores exagitando potius, quàm eliminando, fluxionem *paralyticam* ingeminant, ut præteream miros sæpè spasmos, & alia pèssima mala ab iisdem produci in partibus. Hæc ergo certa, & admodum tuta *Paralyseos* recentis curatio erit, ut pro indole materiæ, & ejusdem *consistentia* emollitio præcedat, hanc sequatur alternatus *frictionis* motus, illam comitetur nervorum in origine stimulus: quæ *methodus* si ritè administretur, numquam te fallit. Neque alia *Empirica* auxilia longè petenda sunt, quibus sæpè illudimur: Quippe curatio hujusce morbi arte, & prudenti methodo, non *empiricis* auxiliis, perfici debet. Observandum tamen, circumspiciendumque in hacce methodo est, ut cùm tenacior *paralytica* materies fuerit, quàm ut institutis remediis dilui, inque motum agi queat; cùmque nervi debiliores fuerint, quàm ut ad debitum *elasticitatis* robur redire posse videantur, *lanæ* semper decernatur fricatio, *lanæ* præ aliis materiebus, utputa *linteis*, eligatur semper. Nam licèt Petiorum ex carbaso, vel simili materia oriundorum auxilium cutis, tum huic intertextum fibrarum omne genus incite-

citetur, unde perspiratio augetur, humorumque corporis recrementa, sanguinis per minimas cutaneas arteriolas, venusculasque circulationi obstantia, utcumque foras amendantur: At verò hæ dotes magis in pannis, qui *lanci* sunt, eminent, quorum eximia est utilitas in fibris, nervisque profundè sitis, aciori stimulo ciendis, in humorum animalium circulo accelerando, iisque sub halitus forma per subcutaneas glandulas copiosissimè expellendis. Qui plura hac de re desiderat, adeat Caput præcedens. (XII.)

XXIII. Hominem quadraginta annos natum, postquam assidue in loco humido subterraneo egerat, & cervicem, perpetim decidentibus imbribus madidam in ferendis oneribus habuerat, ingens frigus incautum corripuit, quòd ad instar fævæ auræ ab colli vertebis, in subjectam brachii dextri molem dimanare ipsi videbatur. Nec mora, quin altero die Infirmus non frigida tantum, sed cujuslibet alius sensationis perceptio omnis abiret, & prædictum membrum sensus omnis motusque expers in lecto jaceret. Neque acuum puncturis, neque vehementi *urticatione* exsuscitabatur torpens brachium, quòd mortuo simile, in omnem partem versabant adstantes. Parvæ, & depressæ *epispasticorum* vesiculæ spem nimis angustam ominabantur. Præterea fasciculi cadentium urticarum renovabantur absque fructu, nisi quod *paralyticus* levissimum, & fugacissimum titillationis sensum percipere fateretur, quo cessante, eadem partis impotentia atque insensibilitas redibat. Cùm autem tanti esse in hac re scirem, & maximè interesse, mira inter se illa nervorum addiscere commercia; & quibus in locis hæreant tales nervi, quorum incitato tremore convulsivo, impacta resolvi, immeabilia circulari; & quorum tandem cognita origine, felicior resolutionis medela haberiqueat, hinc jussi, ut ad nervorum brachialium principia, quæ ad laterales partes sunt spondiliorum colli, *lana* applicaretur. Hanc itaque primò molliorem elegi, & duplicatam circa colli partes sedulò dabam, irroratam tamen prius, madidamque aromatica, & spirituosa valde tincturâ; mox jejuno stomacho, quotidie cum eadem, vel consimili, & recens liquido volatili imbuta *lana* fortes frictiones ad vertebrae insti-

tuebantur, quousque super strata cutis teneritudinem, & aliqualem rubedinem adipisceretur. Quibus repetitis, artus qui non nihil contabuerant, atque præ marcore decurtati conspicebantur, humore copioso sic in dies replebantur, ut naturalem habitum brevi recuperaverint. Nihilominus tamen minus, *paralysis* nec hilum cedebat, atque desperata omnia esse videbantur, donec uno mane ægrum invisens, post peractam ultimam frictionem, de pristino frigoris sensu fuisse conquestum, acceperim. Lætus ergo de hocce *lanæ* successu, non interruptum quomodolibet beneficii *topici* usum inculco; & quocitius causam nervorum brachialium, & arteriarum functionem vitalem impediens auferrem; dein liberum nervosi liquidi fluxum in loca affecta proritando restituerem; totum hominis corpus, maximè autem ad litas, & finitimas colli partes, per horæ circiter dimidium, manè, & vespere crassioribus, & rudioribus de *lanæ* pannis, ut omnia denuo vitam acciperent, fricando exerceri curabam. In summa post viginti circiter dies, motus, & sensus in parte rediit omnino, præter omnium expectationem.

XXIV. *Rachiticis* vestitum accuratè siccum, calefacientem, ex lana præprimis confectum, jam dudum prodesse, expresserat eximius *Boerhavius*. [a] Qua utem ratione prædictum vestimenti genus noxæ huic conducat, non multis impræsentiarum adlaboramus. Ipse enim, quem mox laudavimus, Author *Rachitidis* causam posuit *cacochymiam* inertem, mucosam, frigidam, vappidam, cum laxa partium firmarum fabrica. [b] quibus singulis malis frictionis solum beneficium occurrere consuevit; interea *exsiccantia*, & *stimulantia* remedia a Medicis præscribi cum successu solent. Hisce autem omnibus indicationibus mirum in modum satisfacere potest *lanæ*, modò ritè, & cum solitis cautelis transpiranti corporis peripheriæ advolvatur. Aer etiam siccus hic commendatur eadem qua indumenta *lanæ* ratione agens; aqueas molleculas enim relaxantes abligurit, & exsiccando partes, tonum infirmis, & laxis elasticitatem debitam fœneratur. Hosce enim
tan-

[a] *Ibid. Aphor. 1489.* [b] *Ibid. 1488.*

tantum scopos curatorios attingere debere medentem, quique affirmaverit, ut non negandum a nemine esse videatur, *Rachitide* correptis extremam cutem molliorem esse, & flaccidam; viscera abdominalia subtumida, & collapsa, totius ferè corporis membra enervata, & torporem universalem inesse. Præterea ossium quoad maximam partem incurvitas, [a] & quæ circa articulos sunt, prominentia, apertè indicant, proximam *Rachitidis* causam Lympham esse nutritiam, viscidiorē, inæqualiter duram, fibras osseas replentem, & irregularem consequenter accretionis modum determinantem. Quamcumque enim primariam in succo osseo labem admiseris; sive subacidum chilum, Lymphaticum laticem subinde insufficientem; [b] sive cum aliis, luem veneream in liquidorum substantia altè reconditam inculpaveris; sive cum *Glissonio*, & *Mayou* inæqualem succi nervosi distributionem in partes statueris: [c] Perinde erit; ossium quippe in eo morbo, & magnitudo, arcuata figura eorundem depravatam constitutionem designabit, seu ut clariùs eloquar, flexibilitatem, & ceream quasi mollitiem quàm certissimè arguet, quidquid dixerit *Mayou*; [d] quandoquidem clarissimi *Du Hamel* circa fibrarum ossearū augmentū erudimur experimentis: ossium duritiem esse in ratione inversa eorundem accretionis. Si lentius in altero Animali ossa duruerint, quàm in altero, ossis molem in priori, quàm in posteriori magis adauctum iri. [e] Ut planè non dubitem asserere, varias inde corporis *Rachiticorum* deformationes, artuumque *Ankyloses* ortum ducere: ad hæc ossa variè gibba, & anomalè dissimilia difformiaque reddi, indeque pueros evadere *Scambos*, *Város*, *Valgos*, *Scauros* &c. Quod nimirum non æqualis sit eorundem ossium densitas, & in variis locis firmitas; pro ut uberius nutrimentum certis ossis locis agglutinatur, alterive demitur, quamobrem cùm notum sit, Lymphæ nutritiæ ad singulas corporis

[a] Vide *Majou*. de *Rachitide* p. m. 384: sequent. [b] *Petit* Traitté des Os. tom. 11. sub fin. [c] Id. ibid. p. m. 387. [d] Ibid. p. m. 391. num. 4. [e] Vid. *Memoir. de l'année* 1742. p. m. 489.

poris partes appulsum, ceteris paribus, in eadem ratione augeri, qua minuitur ipsius partis resistentia ad ulteriorem dilationem, seu quod idem est, qua crescit, solidorum flexibilitas; patet evidenter, qua parte ossa in *Rachiticis* grandiora sunt, eò minùs firmiora esse; qua verò duriora cernuntur, eò minus crescere, & tumere. Itaque contra id quod dixerat *Majovius* ossium gibberosam compagem in solum musculorum nisum contractivum refundens, asserendum est; ossa *Rachiticorum* ideo in una parte in fornicem abire, quòd in altera, & opposita firmiora sint, atque adventum nutritii succi ægrius admittere incipiant.

XXV. Ossa autem sic macerata atque humectata diversifque in locis difformi nutritione eminentia [xxiii.] tonica lacertorum ambientium contractioni, superincumbentis reliqui corporis gravitationi, & causarum externarum energiae facile cessura sunt. Unde multiplices deformitates partium, membrorumque decurtationes, quæ tunc statumine carent. Neque id solum: Sed quo loco ossium strata attolluntur, atque extuberant, eò superstratos musculorum fasciculos comprimunt, vascula arctant, liquidorum appellentium viam interceptiunt; unde musculi gracilitas, viriumque imminutio: ubi autem duritiem solitam ossium machina servaverit, musculi superstantes cum sui juris esse supponantur, trahere ad suam originem artum nitentur. Hæc est ratio, quare *Tibia* antrorsum arcuetur, & posterius concava fiat in *Rachiticis*; non autem illa, quam ibidem *Majovius* adducit, (a) putans nempe, ut si arbori teneræ, & crescenti chorda superius, & inferius alligetur, ita tamen, ut eadem a chorda non tendatur; arbor dicta crescendo in arcum facessat; Ita simile quid in ossibus *Rachiticorum* eventurum esse credit præprimis in iis, quæ *tibiam* componunt, quæque proinde a brevioribus factis musculorum fibris, ad instar arcus, fornicatum iri existimat. Qua in re, ut obiter dicam, quicumque cum prædicto Auctore ita sentit, Chordâ, ut ajunt, oberrat semper eadem: scilicet probabit iste, & forsân egregiè

(a) *Ibid. p. m. 293. sequent.*

giè quidem, præternaturalem musculorum contractionem producendæ ossium tenerorum arcuationi symbolam conferre. Probabit verò, minimè abnormem illam, & degenerem musculorum retractionem conjunctam & adequatam esse causam flexionis, & incurvationis, quæ in *Rachiticorum* ossibus conspicitur: Cùm certum sit, ut modò dicebamus, (xxiii.) ossa semper curva fieri, qua parte cedunt; cedere verò, quæ mollescunt; mollescere autem, copiosiusque nutrimentum accipere, & supra nativam libellam prius elevari, quàm ut morbosæ muscularium fibrarum contractioni paterè possint. Idipsum innuere videtur in illa demonstratione *Majovitiis*, sibi non constans, fortè dictorum oblitus: Cùm enim adolescentem teneramque plantam cum osse increcente comparat, signum est, laudatum Authorem de ossibus juniorum Animalium loquutum esse; porrò in illa ætate ossa sequaciora esse, quàm in Adultorum corpore, & ob id variè arcuari, & tumescere posse, idem *du Hamel* (a) invictè ostendit. Demonstravit quoque, summam intercedere analogiam inter vegetabilium, ossiumque humanorum amplitudinem. Itaque ut arborum strata lignosa Soli exposita citius indurescunt, (b) sic ossa quæcumque frigori externo, vel Soli irradianti, causisve aliis comprimentibus, & succum detrahentibus obnoxia sunt; & in quibus proinde præternaturali *lymphæ* inspissationi accedit & altera causa, quæ calori nimio, vel frigori debetur: Ossia inquam illa, concessâ semel, uberioris nutriticus vi celerius majorem in molem extenduntur. An ergo ea est mechanica, quare in *Rachiticis* flexiones, & incurvaturæ frequentiores occurrunt in *Spina Dorfi*, ossibus *Tibiarum* anterioribus; quare etiam *Sternum* in talibus *Ægris* acuminatum costarum extremitates nodosæ cernantur? Probabile: Cùm eæ partes ut plurimum sola cute, vel tenuibus nimis musculis contegantur.

XXVI. Itaque, ne in tradenda *Rachitidis* ethiologia, & in confutandis aliorum placitis sermonem longius, quàm par est, Producam: Vides summam partium solidarum corporis iner-

Uu

tiam

(a) *Ibid.* (b) *Idem ibid.*

tiam in tali morbo peccare; mucosam, & languidam ubique humorum intemperiem dominari. Ut non immeritò tunicæ siccæ & laneæ præsertim commendatissimus hic habeatur usus. Cave tamen, ne, dum causam *Rachitidis* proximam hocce *lanigero* auxilio debellas; ossium morbosam excrescentiam, articulorum pertinacem inflexionem restituere, atque reducere scrupulosius tentes per *Ocreas fibulatas*, per *Thoraces* rigide confutos, & asserculis ossis *Ceti* dense compaginos, perque arctissimas vestes, & fasciationes. Inde enim futurum est, ut infantilis corporis vasculis venolis, quæ in corporis extima facie prostant compressis, exundans cruoris, quantitas in arteriosos ductus naturâ fortiores, magisque reconditos irruat: Inde ergo cùm omnia membra *Rachiticorum* pendula, flaccida, & tantum non humido tabescant, periculum est, ne vasorum in interraneis ruptiones, & humorum extravasationes contingant: Sic *hemoptee*, vel mictu sanguinis laborantes ab hac sola causa toties sanguinem apertis vel ruptis vasis effundunt, inquit *Gerardus Vvanfuieten*. (a) Quamobrem ut ad *Rachiticos* sermonem dirigamus, curatio illius morbi per rigidas loricas, & ferreas peltifera est, & quidem magis noxia futura est, si tales Infirmi pectus, & abdomen quotidie multo oleo, pinguique materia perungant: Quare omnis humor exire solitus per cutim retinetur, & multa mala oriuntur. Memorabile extat exemplum Adolescentuli, (b) cui, cùm sic per plures menses curatus esset, tandem digitorum ossa intumuerunt; ob funestum, ut memoratur ibi, pressiois abdominis effectum.

XXVII. Sagacissimæ ergo Naturæ partium *Rachiticarum* æquilibrii studium omne relinquamus. Illa quidem quemadmodum in diversa mechanica quadam necessitate interdum oberrat, deflectitque: ita, amotis impedimentis, in viam, miraculi ad instar, non semel redit. Quæ facienda jubet, quæ molienda indicat, attentius perscrutetur illius fidus minister Medicus. Gravata ergo cùm sit multiplici impurorum humo-

(a) tom. 1. in Boerhav. §. 112. p. m. 169. (b) Apud Zachariam Platnerum Institut. Chirurg. §. 1146.

humorum mole Natura, atque nimia humiditate, cum torpens in exercitio suarum functionum feriat, hanc subleves mus ab illa veluti segnitie, frictionum *lanearum* vivificantium operâ excutiamus, atque succi nutritii æquabilem & naturalem in partium interstitia influxum quibus possimus viribus proritemus; derivemusque. Namque *Frictiones*, inquit *Mayovius*, (a) *in morbo hoc curando haud parvi momenti sunt, quæ cum pannis laneis calefactis fiant*; Hactenus ille. Dum autem eò loci cautionem adhibet, ut ubicumque ossa attolluntur, a frictione absteineatur; partes autem ossium concavæ liberius fricentur; atque rationem superius assignatam profert, nempe per hujusmodi *frictionem* alimento copiosius appulso, musculos in concavo ossis latere, sitos ali, atque excrescere: Istiusmodi, inquam, methodus prægressæ *theoriae* non quadrat; quippe si os, quâ cavum est, atque a musculo incurvatum durum statuatur, quomodo remittente tensione, ad solitam longitudinem reducitur; adeout Curati ab hoc affectu, ipso *Mayovio* teste, *quàm maxime* in statura assurgant? Liquet enim inde, antedictam in ossis etiam parte cava mollitiem requiri, ut cessante *chordæ* tractatione, in *longiorem staturam* assurgat osseum volumen. Quod autem *Medicamentorum* usum attinet, quæ quotidie ossium *rachiticorum* latera concava, quæque convexitate minimè peccant, frictu, distingere consueverunt, perinde esse puto: Modò ubi tensio animadvertitur, cum pinguibuss, & oleosis, ubi verò laxitas morbosa partis fricandæ cernitur, corroborantibus, & aromaticis imbuta *lanâ* commodum feramus. *Frictio* enim, ut supra dictum est *Cap. anteced. in Proposit. passim*, oppositos aliquando habet effectus. Neque demum *Mayovius* ad probandum successum *frictionis* in concava ossium plaga in tali morbo institutæ ullius materiæ liquidæ, vel vehiculi meminit, quo *lanei panni* imprægnari debeant; vel si siccos eosdem adhibendos in praxi censeas; tunc quidem ab solo influxu majori succorum in circumdantes musculos acquisitam membri torositatem, hærentiam producen-

(a) *Ibid. p. m. 413:*

tis fluxionem, & similia emolumenta *frictionis* facile obtinebis. Neque aliunde profectum esse puto, quod sapientiores Medici *Rachiticis* recubitus, commendarint in paleis, & durioribus straminibus, adjectis simul plantis aromaticis & siccantibus; (a) nisi quia & flaccidioribus inde machinæ lætæ debita firmitas, & laxæ villorum compagi proportionata elasticitas, & torpentibus succis singularis instauratio, & tandem moderatus siccitatis gradus exundanti sero accederet. Neque certè diversa est agendi in *lana* ratio, ut hactenus a nobis passim demonstratum est.

XXVIII. Ordine ducimur, ut post examinatas *lanæ* convectionis utilitates, quibus in specie corporis partibus appressa conferre in praxi possit, vel hactenus contulisse comperta sit, videamus. Quod brevissima, qua poterimus, methodo dilucidaturi, initium a capite sumamus. Cujus quidem dolores singulos a *Fluxione* oriri, tralatitiū apud Veteres erat; Cujus præterea capitis in transmittendis ad inferiora corporis loca *fluxionibus* efficaciam *mandantem*, ut ajunt, agnoscebant fere omnes Antiqui; cujus frigida intemperies cunctis fere in morbis huic eidem parti propriis ut plurimum accusabatur; cui proinde tota *Galenicorum* Secta jubebat, calefacientes *cucuphas* apponi, sacculos exsiccantes admoventi. Suffecerit ad instar omnium unus *Riverius*, (b) & post hunc *Fernelius*. (c) Verum enim verò, lucidior morborum ethiologia, & hodierna sanior praxis meliora nos edocuit. Non omnes siquidem catharrofæ capitis affectiones unam agnoscunt originem, neque una medendi methodus convenire videtur universis. Imprimis autem dolore gravari caput solet, quem nostrates *Fluxionem* illic appellantes, stupis excalesfactis supra calvariam datis abigere tentant: Sed quàm malè, dictum est supra, ubi de cautelis agebatur [Cap. x. §. I. II. III. IV. *sequen.*] Ita sanè non in qualibet frigida capitis externi noxa confugere protinus ad *lanam* tutum erit: Sed quando a suscepto

fri-

(a) *Trillerus de Pleurit. in nota ad pagin. 115. 116.* (b) *Prax. Medic. l. I. cap. XI. de catharro.* (c) *Vide Consult. edition. Taurin. p. m. 3. 4. sequent.*

frigore, & in fervidos calvariaë meatus improvidè immisso sensus torporis exoritur, cervix constipatur, & gravis velut oneris capiti incumbentis sensatio percipitur: Sed quando a frigore subito irruente partes externæ *Pericranii* ita offenduntur, ut capilli sursum erigantur, atque ad levissimam accedentis manus pressionem condoleant: Sed quando, ut verbo dicam, pororum extus patentium, qui in externa encephali ora confertissimi sunt, immeabilitas præcesserit, eo præsertim tempore facta, quo maxima fieri solet trans capitis externi aream *Diaphoresis*. Inde enim numerosa *catharorum* species exurgit; inde collectus humor, & ab actuali frigore intra suos canales aggestus, non raro comprimendo nervos, stuporem inducit, præprimis in tunica calvariaë ossa convestiente, quæque *Pericranium* dicitur; inde si medelam cunctaris, in gelatinam summè tenacem coactus humor abibit, vel mora vitium capiens efferabitur. Quàm ergo in hisce casibus citissimè poterit, capiti opitulandum est. Et quamvis *Errhina*, *Sternutatoria*, atque liberior ab internis cerebri locis, per ossis *ethmoidis* foramina, in nares transitus humoris peccantis, therrapejam hanc *catharri* cerebrini, (a) aliquo modo absolvere videantur; atque observationibus practicis abunde constiterit, *Hemicraniam*, & *Chephaleam*, *Errhinis*, vel aquæ limpidæ ex naribus stillicidio fuisse curatam: (b) Attamen notum est, graves inde ortas succussiones, & spasmodicas nervorum contractiones, *Errhinorum* ope, majorem liquidi purpurei trajectionem ad *encephalon* concitasse; quod difficilius per arterias tractum aliquando in cerebri vasculis ita concluditur, ut exitum facilem non habens, capitis graviores affectiones accersat. Quando ergo hujusmodi mala a solemni capitis externi evaporatione, vel porosa integumentorum calvariaë frigoris efficacia, difflatione præpedita, natales traxerint, vel foveantur; tunc non inutile erit, attonso capiti, & detractis capillis, *laneum* pileum imponere ita, ut idemtidem subjectæ cuti affricetur, neque tam

(a) *Conf. Vvillis tom. 1. cap. xii. p. m. 60.* (b) *Conf. Bonnet. edition. Manget. tom. 1. l. 1. sect. 1. Append. p. m. 16.*

tam citò removeatur, quo nempe uberius feri, capitis externas membranas alluentis, proventus eliminetur, & quod jam impactū haret, excuti per insensibilē, simulque placidā transpirationis viam possit. Commoda quoque erit dormituris, ad partem *catharroso* decubitu obsessā cum pannis *laneis* instituta frictio; vel *cucuphe* in modū applicatum tegmen, sub quo per noctem exeuns confertim cutaneus vapor, morbos istiusmodi allevat.

XXIX. Neque opus est, ut observationes addamus; cum ea de re (xxvii.) vulgaris Feminarum valetudinarium, imbecilliumque, & aliorum quotidiana experientia abundē testetur. Ii enim ubi frigore adorientē, caput grave ad sensum percipiunt, in *lanæ*, vel similis lanuginosæ texture gestatione, appressuque, eo quo diximus modo, solatium quarunt. Et profectò vulgatum huiusmodi morem non possum non laudare, cum ex eo quod capiti superstata cutis tepore *lanæ* fovētis, leni calore frequenter fota incalescat, deinde aculeis pilisque asperioris panni, quasi strigilis, pestinisque cujusdam acie, repetitis ictibus dstringatur: accidit, ut ductuum perspirabilis humoris oscula a porrigine, & fure illa obstruente mudentur, quò eidem materiæ, quæ retenta, capiti infesta futura esset, liber aditus aperiatur; hinc amissa, instauratur salutaris excretio, atque humorum per externam capitis superficiem circulatio promovetur; sicque *catharri* præstantissima curatio obtinetur. (a) Simile quid eorum capitibus consulendum est, qui nimium sibi fidentes, annorum tempestates nihil faciunt, atque vel vestes tardius assument, vel citius deponunt. Maximè quod occlusa insensibili transpiratione, & constricto frigoris injuria universi corporis habitu, caput omnium partium Animalis primum opprimi, lædique incipiat. Utique si tunc temporis grave ferosa materiæ pondus Natura per alvum, vel vesicam non detrudat, *catharrus* in capite sedem figet, cui prudens *lanæ* calidæ applicatio medetur; hujus enim ope blandus calvaria calor, & facilius per insensiles cutaneos ductus perspiratio futura est; quo auxilio nullum aliud manifestius esse potest

(a) Gorter. de Insensib. perspirat. cap. xii. num. 47.

potest integræ, vegetæque sanitatis, vel propulsati morbi ex impedita tali egestionē profecti signum. Tanti est momenti ad sanitatem sola caloris partium custodia, precipuè dum sudore diffuunt. Igitur quando nec opus est neque animus singulas de *lanæ* utilitate in morboris corporis fluxionibus observationes scrupulosius congerere, unica *Nicolai Chesneau* Malsilienſis Doctoris Medici experientia contenti ſimus, qua in ſe ipſo multigenis olim doloribus vexato expertum *lanarum* beneficium ſcitè, proluxèque commendat; ut facilè inde cenſuerit, ſe jam a multis annis vita functum fuiſſe, niſi extrema capitis refrigeratio inhiberetur ope calantica, & xilini pilei. Cùm enim puer, ut ipſe memorat, ex capite, & reliquis partibus manante ſudore, prono ipſo, innumeris ſe vicibus in aquam imprudenter demitteret; atque depoſito galero, ſolitiſque thoracis globulis, quoties ſudor moleſtus erat, non tantùm infans, & adoleſcens, ſed & vir factus frigus incautè collegiſſet, non advertens, variis *fluxionibus* obnoxium ſe reddi; Imprimis gravi diuturnaue *odontalgia* vexari, mox genæ ſiniſtræ tumore corripi, tandem ingraveſcente malo, acerbisſimis *iſchiadicis* doloribus, proludente febre, conſiſtari. Cui cùm *phlebotomia*, & appropriatis auxiliis occuriſſet, ab eadem liber evalit: Anno dein ætatis ſuæ 45. Tertianam, quæ in Quartanam brevi ceſſit, paſſus, manfeſtè ſe agnoviſſe teſtatur, caput ſuum vel minimos frigoris ſentire appulſus: Quod illum primùm ad ſimplicem *Calanticam* ex corio geſtandam coegit; deinde invaleſcente ſemper refrigeratione, ad xilo parte interiore munitum, craſſiusque capidium confugit. Monet autem, tutamen hujusmodi malo amovendo parùm contuliſſe, quòd altiori actæ radice, & adoriens modò manum, modò coxas, modò pedem *arthritidis* ſub larva vagabatur, & in pleriſque corporis locis multa morboſa phenomena ſiſtebat, interdum ſevam *Pleuritidem*, aliàs *Nephritidem*, modò *Cardialgiam*. Multiplicis adeo, novique morbi atrociam perterritus ſtatuit, impoſterum thoraces ex linea textili non ampliùs geſtare, ſed Hiſpanorum more uti quocumque tempore craſſioribus, & *laneis* veſtimentis, quo peracto, tuſſis cum ſputis *Phriſicorum* ſimilibus,

libus, qua diu antea detinebatur, in totum desit. Imo addit, hoc sibi ex calantica illius capillatæ, (cujus loco textū *laneum* substitui commodé potest) & suppositorum tegumentorum, gestatione comodum accidisse, quod non tanta eidē visus debilitas remansit ut antea; ut qui ab octo jam annis sine specillis, quibus carere prius non poterat, scriberet, legeretque. Hæc ex laudato *Chesneau* excerpta. (a) Huic Paragrapho inferenda curavi, ut cuicumque veritatis indagandæ cupido innotescat, præcipua admotæ *lana* sub forma quarumcumque vestium, tegminumque laus, atque præstantia; sicubi in partibus carnosis, tendineisque humor noxius ita impactus affigitur, ut vel musculorum motu & contentione, vel naturæ conatu inde expelli gestiât, sed qui fractis morbo, aut senio naturæ viribus, per halitum digeri non valeat. Nulli equidem remedio, ut olim mihi benignè comunicavit Illustriss. ex Hierosolymitanis Eques de Modene Frater Ludovicus Franciscus Raymundus, Commendatarius Venerandæ, ut ajunt, Linguae Provincialis, sanationem affectus *rheumatici*, & vagi doloris, quo per multos annos laboraverat, simulque contumacissimæ febris, quæ per undecim menses duraverat, fugam, & corporis sui meliorem statum, omniumque functionum invigorationem quàm defenso, opertoque pectori & abdomini, mediante subucula levidensi ex *lana* contexta, qua a triginta, & quod ampliùs excurrit, annis nullo non tempore utitur, & prædictas partes probè cautèque contegere suevit. Sed ad reliqua.

XXX. In grassantibus *Epidemiis*, quæ ab aeris mutatis qualitatibus, vel ejusdem deleteria, & altius abscondita indole, quàm ut ratiocinio erui valeat, sobolescunt; inter cetera externa præsidia, *operiendum esse caput*, ut & cetera corporis loca ex aliorum observationibus erudimur. *Lancisius* loquens de Epidemia Romana ait: *Contrà verò Plebs egenà, nec vestibis satis protecta, nec ignibus, aliisque præsidiis adversùs frigoris inclementiam instructa, cum sub dio laboribus perfungi debuerit, aerisque rigiditati sub aperto cælo*
patue-

(a) *Nicolai &c. observat. xlii. Lib. 1. cap. 1. p. m. 51. seq.*

patuerit, gravius, & sevius afflicta est; (intellige tussi Rheumatica) Hinc Milites (pergit) ad Centum cellas novis vestibus induti, nulla epidemice damna senserunt; cum ceteri detritis, & obsoletis contecti, velut armis contra inpetum frigoris minus aptis, decumbant, & plurimi intereant. Simile autem quid etiam evenisse Romæ suis temporibus, narrat his verbis Joannes Baptista Donus (a) Morbus, quem ridiculo nomine Castronem vocant, multos ex debilioribus, ejusque qui non satis obtecti incederent afflixit, vel interemit; ad carceres verò Sanctissimæ Inquisitionis (b) repenti loco, & ab Aquilonaribus intò positò, epidemia nondum accessit. Hactenus Lancisius, ex cujus observatis, si corpus ritè vestitum, epidemici morbi impetum eludat, quantò magis ferendis aeris vulgaribus noxis aptum erit, si lana vel simili materia contextis tunicis opertum incedat? Quantò utilior laneum velum capiti futurum est, quod ceteris corporis partibus celerius graviusque affligi compertum est? Quæ de re consule supra. Cap. xii. §. vi. cum numeris ibid. cit. Idem cap. pref. §. 11. 111. seq. Certè in quampluribus epidemicis constitutionibus memini, rusticos & aratores immunes evasisse, quibus tunc cutem totius corporis rudissima & coacta nimis præcingere lana, tum caput auriculato laneoque pileolo munire consuevit, neque alia ratione capillamentum mundum capiti calvo, grassante apoplexia, Romæ anno 1706. a Bernabeo commendabatur, (c) atque varia simul perstringuntur damna, quæ ex coma falsa in Nobiles pariter ac Plebeos redundare solent; quamquod capillamentum mundum capitis perspirationem expeditius cieat. Quam ob rem cum in salubriori evocanda emissionem cutanea lanei vestitus major, quàm cuiuscumque generis tegumentorum palliorumque potior habenda sit ratio; Cap. xii. supra proposition. ad §. xix. videtur semper, in hisce morbis ad arcis hujusce animalis tutelam in usum inferenda esse. Fortè etiam la-

Xx

nea

(a) ibid. apud eund. (b) Lancisius ibid. tom. 1. section. I. §. xii. p. m. 112. 113. (c) apud Mauget Bibliothec. scriptor. tom. 1. p. m. 290.

nea texta quando non frigoris aeris, calorisque vicissitudo, sed ubi exotica sylvestria corpuscula morborum popularium feracia in aere latitant, sensu numquam dignoscenda, *lanato* capite prodire bonum erit; tum quod inconspicuis canaliculis per cranium ad cerebrum usque transeuns aer conceptam labem staminibus nerveis non amplius impertiri valeat; tum quod imbibendo viru, irretiendisque noxiis vaporibus compages *lanea* aptissima sit, quæque proinde ulterio-riorem ad *theca* cranii vascula seminii morboſi progressum inhibeat; juxta ea quæ nos supra passim protulimus. *Supra cap. xi. §. vii. viii. ix. sequent. item cap. xiii. §. xiiii. cum num. ibid. citat.* In febribus pestilentialibus, imò in ipsa Peste, post venæ sectionem, (quam in lecto institui curabat) cum jam omnia ad sudores proliciendos in promptu essent, ne vel minima interposita mora stragulis ægrum obrui, ac laciniam *laneam* sincipiti alligari jubebat Sydenhamus, quæ quidem capitis obtectio, ut eo loci fatetur insignis ille Vir, ad sudorem promovendum plus proficit, quàm quis facile crediderit. (a) Inde intelligitur, quare veteres Medici, quoties insolatione in curandis morbis profutura censerent, protegi pannis ægotantiũ capita voluerint; non quia, ut credidit *Mercurialis*, (b) capita detecta, si sub sole morã neceſsã, attractis a toto corporis ambitu vaporibus, catharros sibi adſciſcant; sed quia sic induta corpora radios solares rectã impetere, part. ue, quæ pollent, acie ferire non sinunt, eoquẽ mala omnia præcaveant, quæ ab æstuante cœlo profluunt, puta siccitatẽ nimia humorum, immodicam tubulorũ dilatationem, & laxitatem, & ex gemina hac de causa humorum in varias corporis membranas decubitus statim, & difficilem exhalationem.

XXXI. Accidit interdum ut sive vitio muscoli elevatoris, sive labe hærentium humorum, *Palpebræ* usque adeo insigniter vel intumescant, vel laxæ fiant, ut sponte sua super oculi bulbum deformiter procidant. Aliquando nec visu tumidiores, nec tactu flaccidiores depræhenduntur *palpebræ*. Sed ad motum ita torpent, ut egerrimè attollantur non aliter, quàm

(a) *Idem sect. ii. cap. ii. p. m. 72.* (b) *lib. vi. de arte Med. cap. i. p. m. 105.*

si post nimis protractum somnum oculos aperire velis; nescio enim quam difficultatem in elevanda palpebrarum cute percipias. Quòd sanè vitii genus Illis peculiare esse, praxi didicimus, qui post perpeffam gravem oculi inflammationem, vel alium ocularem morbum, ubi ad avertendam lucem lumina clauduntur, quàm diutissimè palpebras supra oculi bulbum quiescentes detinuerint; namque ubi ad solitum, post longam feriationem, elevationis exercitium palpebras suas niti volunt, hæ inertes resistunt, quasi eadem vela solitum sese contrahendi munus dedicisse putares. Demum palpebras non rarò videre est ædematosas, & digito præmenti cedentes. Verùm ea omnia quoties usu veniunt, tum interna, cum externa medicamenta adhibēda esse, non inficior equidē; licet inter decantata topica jucundissimæ esse virtutis lanuginem, vel inde pètita quæcumque petia, vel opércula expertus testari possim; vidi enim, ubi in hisce noxarum oculariarum generibus nec spirituosa, nec confortantia, neque *Digerentia* admota ulla ratione profecerint; xilum parti tumida, & quasi præserosa collectione rimas agenti superimpositum, ibique diu relictum, vel crudam impexanique lanuginem, nervorum palpebris inserventium origini appositam, medicaminibus tamen priùs fumigatam, perque vices fricatam, non modicè juvasse; Dum inde concitato celeriori Lymphæ nervalis gressu, in segnescentes, vel tardos palpebrarum villos, tum musculi, tum circumfita undique cutis ad officium redire, effusum inter membranarum loculos serum per cecos ductus, instaurata partis sudatione, feliciter evaporaretur: sed quod hætenus a me proposita magis confirmat, illud est, quod famigeratissimus *Valsalva* in suis dissertationibus; (a) ibi enim descripsit delineavitque concursū, & quasi detexit in unum corpus unionē omnium musculorū *Rektorum* oculi, & musculi palpebram *attollentis*, eo præsertim loco, quo nervus opticus orbitam ingreditur. Quam quidem nervi non solum *optici*, sed etiam *motoris* circumligationem muscularem, *annulos moderatores* passim vocitat, eosque variè

(a) ad *Traſſat. de aure humana annexis de text.*

constringi cenſet pro diverſa fibrarum muſculoſarum contractione; (a) inde convulſo, aut alio modo laſo alterutro prædictorum annulorum, diverſimodè turbandam fore viſionem, conſequens eſt; itaque certas vertiginum ſpecies oriri, & ſpectra oculis, ceterum ſanis apparentibus, obverſari: ſed quod ad rem noſtram propiùs facit, poſſunt carnoſa illa fila annulos hoſce ſubeuntia, & contextentia flacceſcere ita, nervi ut optici expansionem, quæ *retina* eſt, impreſſioni luminis ineptam, utpote emollitam, maximè reddant. (b) Quum autem ſuper orbitam utrobique nervus repit, cujus propagineſ nerveæ *annulis moderatoribus* implantantur, & cujus agitatio, atque friſtio viſum cæco cuidam reſtituerit: (c) quid impedit, quominus ex diverſa tomentofæ cujuſdam ſubſtantiæ applicatione ſimiles utilitates in quamplurimis viſus obtenebrationibus, ab ipſorum nervorum impedita functione pendentibus, ex analogia expectemus; ſicubi nerveis ſurculis ſolitum tonum, & elatiſcitiſ exercitium impertire animus eſt. Præclara ſanè iſtiusmodi localis virtus certiùs elucebit, ſi quæ nervi ſupra orbitam currunt per datam deſuper lanuginem, & vehiculò *ophthalmico* medicatam redditam prædicta loca idemtidem affricari curemus. *Vide Propoſitionem noſtram ſecundam §. x.*

XXXII. Quamvis in ſuperiori Capite (*ſup. Cap. x. §. ix.*) præproperam *lanæ*, vel lanuginofæ materiæ applicationem in pleriſque auditus vitiis improbavimus; eſt tamen ubi ad abſorbendam Aurium immodicam aquæ illuviem utiliter adhibetur, vel loco ejus bombycinum tomentum non infructuoſè intra eundem canalem inferitur. Dum enim meatus Auditorius externus impuro latice diſſluit, ut in pueris laxiſ, frigidiſque contingit; vel materiæ purulentæ, pulmonaliſ præcipuè decubitu (d) vexata Auris pus copioſiùs evomit; vel ſauciata interior canalis cavea ſanguinem continuiſ rivuliſ ſtillat, vel fluentem ab abdiſſimiſ cerebri reſceſſibus morboſam materiem per faultam *maſtaſim* excipit: Sicubi, inquam,

(a) *Idem ibid. diſſert. I. §. xxiv. xxviii.* (b) *Idem diſſ. II. §. vii. viii.* (c) *Id. ibid. §. xi.* (d) *Vid. Boer. aphor. 840.*

quam, hæc contingunt, Auris affectæ canalem gossipio, vel pari lanugine præmunire minimè vanum erit; modò turunda ex *lana*, vel alia consimili materia contexta identidem, sæpiùsque in die renovetur. Sic enim futurum est, ut qua ratione accedens extraneus humor in canalem auditorium depluit, eadem ab immixto cylindro villosa exsugatur, neque moram agere ibi permittatur, qua forsan vitium capiens tenella stamina *meatus* lædere posset. Ad hæc perenni mitique calore, quem indita similis materia internæ auri communicat, vascula laxa servantur, & quoquoversum meabilia liquida in transitu morosa, blanda resolutione fugantur, & si quis humor a cerebro derivandus, atque per signa amandari inceperit, feliciter quidem prolici pergat. Cavendum quàm maximè est, ne si pueris, & senibus, quibus aures ex *Hypocrate* (a) madere solent, in Turundas confectam *lanuginem* suadeas, externi ambientis frigus quoquomodo irrepat, quod fortunatam absorptionis *lanæ* operationem interpellat. Nec mirum; cùm non semel inde viderim, contractis tubulis, & coacto intus liquido, expurgationem *auris* cessasse, & alia corporis loca vicina, utputa cerebrum, oculos impetiisse, non absque certè periculo. Illud autem familiare est *Pueris*, qui omnis extranei corporis in aures immissi impatientes, quodcumque xilinum *laneum* obturamentum agrè ferunt, illudque semper, non absque fluxionis morbosæ incommodo, remonent. Quosdam novi valetudinarios, & auditus gravitati obnoxios, qui huic turundæ assueti, statim ac aures suas denudarent, illicò in auditus gravitatem, *murmura*, & alia id genus vitia incidebant.

XXXIII. Infantibus præsertim, qui crescunt, accidunt non rarò circa collum tumores nonnulli, qui spontè quasi sua, hoc est in secunda valetudine absque omni morbo contagioso, perinde ut *furunculus*, & *phlegmone*, plerumque tamen sine discrimine oriuntur. Est ubi impetu morbi, *Naturæ* bonitate, in colli glandulas converso tument illæ; quod post febres mitiores, & benigniores accidere plerumque solet.

Non

Nonnumquam hæc mala frigus incautè susceptum, & finibus excretoriorum meatuum applicatum concitat; Dum inde arteriarum exhalantium in corporis superficie oscula contracta perspirationem insensibilem imminuunt. Verùm omnes partes cervici adstantes perpetuo rore ex ultimis illis emissariorum orificiis halante madent, atque foveantur, quin longè plus perspirare videntur, quàm reliquum corpus. Dum ergo extrema isthac loca frigidum aera temerè allambit, illicò constringit, exhalationem cohibet, circa fines vasculorum, perspirabilium resistantiam auget, manet interea liquidi illac transitus, unde tumbunt partes istæ, & dilatantur. Evidenter hoc apparet in eo morbo, qui *catharrus* dicitur, qui- que pro diversitate partium, quas occupat, varia nomina adeptus, numquam frequentius affligit, quàm ubi calidam aeris temperiem instantaneum frigus excipit. Cùm itaque frigidi vis liberum exitum lymphatici, & *Sanctoriani* roris impediendo, tumorum istius generis causa communis esse consueverit; non difficile erit determinare, qua methodo tumores isti frigidi, pituitosi, viscerati, *œdematosi*, & circa col- lum oborti tractari, sanarique debeant. Quàm maximè inde laborandum est, ut stagnans in canalibus humor benigna resolutione evanescat, atque per insensibilem transpirationis viam omnium tutissima *therrapejâ* fugetur. Huic autem scopo favent naturalis in villis contractilitas restituta, liber, & satis copiosus ad partes obstructas spirituum influxus, liquo- rum transfluentium requisita quantitas, & ad fluendum ap- titudo, & denique vasa aperta, quæ bona a solis partium infirmarum frictionibus cum pannis *laneis*, ut & ratio dicat, ita ex experientia testatur, expectanda esse. Omni quidem per frictionem adhibitam momento liquida canaliculis im- pacta ad terga vasculorum affricantur, imprimis in angustis- simis tubulorum conis, ubi pauca fluidi elementa transire possunt. Hic autem attritus fluidi reciproco *frictionis exter- nae* motu creatus impedit, quominus concretio inter mo- leculas componentes nascatur, & simul summum auxilium est, quod concretionem natam tollat. Inde nempe fit, ut alternante illa, quæ in frictione accidit, vasorum constri- ctione,

atione; & relaxatione, eat, redeatque per easdem angustias canaliculorum hærens antea & lentescens humor; inde velociori facta circulatione per vasculorum tractum, lentum illud viscosum ulteriùs pelletur; inde fluidi obstruentes globuli, qui priùs tenaci viscedine inter se coherentes non partiebantur se ullatenus dividi, adtenuabuntur adeo, ut per invisibiles & strictissimos canaliculorum meandros currere possint; inde tandem futurum est, ut separata a concreta massa fluidior pars nunc in tenuatas solutasque molleculas sese iterum recipiat, iisdemque sese immisceat ad fluorem hærentis: Ex alia parte *frictiones* ad partem ubi fiunt, majorem liquidi copiam avocare nullus dubito. Ex hisce ergo causis conjunctis resolvetur brevi obstructio, tum ratione secessionis mollecularum, & acquisitæ fluiditatis, tum præprimis ratione ingeminati impetus a tergo cruoris, qui in residentes particulas vividius impetit, rapitque una, qua possit.

XXXIV. Audiamus interea experientiam. Quantum enim valeant *Frictiones* in referendis obstructionibus, docent observationes Medicæ. *Parotidem* glandulam induratum, plurimis, illisque efficacissimis remediis frustra tentatam, resolutam vidi, inquit *Gerardus Vansvieten*, (a) dum bis de die vaporibus aquæ tepidæ cum aceto exposita priùs parte *pannis laneis* perfricaretur per horam. Idem in *Strumosis* colli glandulis observatum est sæpiùs. Dum morbi fomes reconditus altè ossium cavis adhæret, & tenacissima concrementa, & *medullæ* læsiones parit, pulcherrimi usus est pannis ex *lanea*, inculta, decocto *Guajaci* calido saturatis, partem affectam fovere, simulque sic determinare vaporem accensi spiritus vini, ut hanc partem primò alluat. (b) Imò ausim dicere, *frictionis laneæ* efficaciam nullam futuram, nisi peracta frictione exute, & nudæ parti obvolvatur *eade*, ibique sic admota diutiùs adstet. Observavi enim, hisce in casibus, post finitam fricationem, æque tumida ac priùs mansisse loca glandulosa, quamvis linteis medicatis undique refocillata

(a) in *Boerhav. tom. 1. §. 133.* (b) *idem ibid. in §. 229. p. m. 923.*

tingerentur. Ubi autem, excepto a tumentibus partibus rorido, & benefico vapore, instituebantur frictiones cum paniculis laneis, ita ut lana cooperiens a contactu partium morbosarum nequaquam removeretur, tumorum molem sensibilibiter subsedisse comperiebam. Nec mirum: Quippe ea ratione non modò ullum periculum erit, ut frigidus aer corporis loca calida perluat; verùm etiam, quod omnium efficacissimum est, sudationes leves perenni laneæ incumbentis fortu eliciantur, simulque resoluta materies morbofa diffilari queat. Quin tutior successura est inde tumorum curatio, quàm si eandem spiritus vini accensione aggrediaris; qua aliquando tanta copia sudor exprimitur, ut quandoque robustissimi etiam homines in animi deliquium incidant, si diutius vapori illi exponantur. Docent observata Medica. (a) Tandem licet per frictionis motum sanguinis humorumque circulatio in districtis corporis membris augeatur, atque liquidi vitalis impetu, & copia in illis partibus adauctis dissipetur obstructionis impedimentum: nihilominus tamen cum frictiones venas deplendo, & arterias in venas vacuando efficiant, ut eodem dato tempore major laticum copia majori celeritatis momento per partes fluat; accedit in eodem intervallo violenta liquidi hærentis impulsio cum præter naturali vasorum majorum dilatatione, & minorum compressione. Ut sileam pergente frictionis motu per stimulum staminis lanei partibus inductum, vasa intertexta in celeriores contractiones cieri, & tunc materiam infarcientem magis compingi, & tantum non cum canaliculorum parietibus imperviis occalescere. E contra, dum laneam telam ad partes ægras diutius accumbere sinas, coercitus *Sanctorianus* halitus per bibula denuò cutanea vascula jam emollita depluit, & inter attritas fluidi morbofi particulas mixtus, cum illis movebitur atque miscebitur; unde subsequente fricationis impetu, vim liquidi in obstructa irruentis accellerante, massula concreta unà cum resorpto humido faciliiori appulsu repulsuque vasculorum angustissimas radices tranatura est, atque subsidencia Partium succedet felicissima. XXXIV.

(a) *Vanſuieten ibid.*

XXXV. Satis autem patere arbitror, longè præstantiorem esse *lanarum* in hisce noxis utilitatem quamplurimis in Arte remediis, quæ licet penetrantissima sint, intus tamen assumpta, difficulter ad partes, ubi malum hæret, derivari possunt: dum *strumosis* colli glandulis laboranti solventissima, per os ingeruntur remedia, nisi partibus affectis fomenta admoveantur, vix multum profunt. Possunt equidem in similibus casibus, *Repellentia* præscribi, quæ copiam morborum laticis per opposita loca extrudendo detrahant; verum, quæcumque fuerint illa, lympham, vel alium peccantem humorem universo de corpore subducunt quidem, sed non directè loca affecta levant. Quoties enim non, tentata morbi revulsione, funestissimos inde effectus subsequutos doluerunt Practici! Aquosus frigidusque *Angina* tumor, *hydragogis*, *diureticisque* tractatus infausam ad pulmonum vascula *metastasin* toties exhibuit. Senum corpora *cachetica* obruens ferrosa colluvies, Purgantibus laceßita, toties lethali suo decubitu pulmones oppressit. Nimirum requiritur hic, ut subita collectio lymphæ in vasculis partium stagnantis evacuetur ex ipsa partium substantia; vel ubi aquosi, & incocti succi moles redundat, in corpore siccis *Sudorificis* utamur, quæ nempe calore majori excitato, & aucta humorum velocitate operentur. Inter hæc autem externa topica præstat ad instar omnium pannos *laneos* assumere, quibus calidè corpori applicatis, vix jucundius, & magis salutiferum *Sudorificum* noscitur; dum & gratè innatum calorem intendunt, & simul corporis corticem mirabiliter laxant, eumque maximè perspirabilem reddunt. De qua re consulatur illa, quæ in nostris Propositionibus notavimus. *Cap. XIII. Proposit. Prima, Secunda.* Demùm in hisce Obstructionum casibus concreti stipæ tique humoris dilutionem, resolutionemque aggredi per *Derivantia*, & *Attrahentia* interna, quæ motum humorum ubique in corpore majorem cient, quid aliud esset, quam urgere loca infarcta majori circulantis liquidi acie, antequàm emissaria cutanea reclusa sint, proindeque validam inflammationem excitare? Quantò melius futurum est, si aperiatur coarctati excretoriorum fines, humores diluantur, & at-

tenuentur, vasaque sic disponantur, ut facillimè concretos succos transmittere possint, dum simul lenis frictionis usu ad blandam *diaphoresim* præparantur loca. Et profectò *lanæ* accubitu laxatis, & fotis blando calore vasis, quæ in cute sunt, diffilatur cum sudoribus noxium, quod in illis locis haberet, & memorati resolutionis effectus efficacius obtinentur.

XXXVI. Aggredimur jam eos *Pectoris* morbos, quibus suaderi *lanuginosa Topica* cum fructu possint. Atque quidem primum locum obtinent dolores laterum externi *Versatiles*, qui cum ab acri retento, & partes membranosas vellicante ortum ducant, flatuum instar, per musculosa & extima Thoracis spatia vagantur, quique evanescunt tandem, evacuato, & exhalato præprimis, tacita *Sanctoriana viâ*, morbo illo fomite. Similes sunt hisce, dolores, queis a parte vexata *Pleuritidis spuria* nomen inditum est. Nisi quòd posteriores non adeo tenuem, sed aliquantò crassiorum humorem, & in ultimis vasculis irretitum, pro causa agnoscant. Quod sanè sæpissimè in praxi comprobatum videmus: Dum morbus ille adultos corripere solet, exercitiis hyemali tempore, vel laboribus aere frigidiorè peractis exhaustos, aut fallaci potus gelidi, æstuante corpore, lenitate incautè delusos; vel aere frigidiori nudatum pectus utcumque exponentes; Enim verò sufflaminata tunc perspiratione ob admissum frigus ita humorum massa, & crassities præter modum crescunt, ut adaucta fluentis illiquidi resistentiæ, canales arteriosi, præsertim capillares, ampliuntur, & dilatentur. Prout autem debiliora magis fuerint nonnulla vascula præ aliis, accidit, ut ab eadè inflammationis causa modò internæ membranæ pectus succingentis canales, modò externæ thoracis claustra obvolvuntis tubuli laborent. Quamvis, ut fatear, aptissima illa inflammatoriæ hujusce obstructionis occasio omnium maximè in interioribus thoracis locis accadat; quia reliqua corporis loca, vestibis contra frigus munire possumus; aeris verò intra præcordia accessum impedire non possumus. Quidquid tamen sit hac de re, illud certum erit, dolores laterum externos suppressæ vaporosæ transpirationi ut plurimum deberi. Ipsa enim tumoris absentia in locis thoracicis externis, & dolore

affe-

affectis, quàm evidentissimè ostendit, minima vascula cor-
 ripi, quæ cum suo tranante liquido inflammantur equidem,
 & tument, & acerbissimos interim dolores inferunt, adsen-
 sus autem non augent partis affectæ molem. *Podagricus* pes
 non tumescit, nec dolentissimo *rheumatismo* detentæ partes
 corporis humani supra libellam naturalem ullatenus assurgunt.
 Quoties ergo in ea, de qua loquimur, affectione intenditur
 dolor a manus compressione, febris interea remissio obser-
 vatur, pulsus mollior deprehenditur, & tussis vel parùm,
 vel nullatenus ægrum torquet; præterea præcesserit aura frig-
 idior calenti corpori imprudenter immissa; toties de inte-
 granda partium transpirabilium insensibili difflatione seriò
 cogitandum Medenti est. Sic enim futura est certa, tuta, &
 efficax *Pleuritidis* sanatio. Huc fomenta, huc vapores, huc
 cataplasmata, huc attrahentia, & emollientia faciunt Topi-
 ca. Quæ nisi apto medio, quale *Lanigera* cuncta egregiè
 suppeditant, excipiantur, frustra eris in instauranda dolen-
 tis *thoracis* perspiratione. Fovent enim *lanea* omnia diu ac-
 cumbentia naturalem partium calorem; unde patentioribus
 redditis excretoriis, molleculæ antea coherentes, nunc au-
 tem solutæ, & divulsæ, singulæ in sua vasa recipiuntur, &
 iter pergentes per cutem, si quid morborum habent, compen-
 diaria via amandant. Sed & plus boni istius generis *therra-
 peja* pollicetur, dum emollientis alicujus remedii virtute,
 pollens *lana* affectis locis admovetur. Quamobrem *Gerardus
 Vvanfuvieten* ad hanc *Pleuritidis* speciem frequenter se usum
 fuisse testatur (a) solutione saponis Veneti in aquæ, & la-
 ctis dulcis partibus æqualibus; huic solutioni *pannos laneos*
 immergebat, illosque dolenti lateri applicabat impositis late-
 ribus calidis, cavens, ne refrigererent talia fomenta.

2. Porro eidem *Therrapeæ* (xxxv. num. 1.) insistendum es-
 se, nullum dubium est, dum acrior dolor profundissimos *Pleu-
 ræ* canales divexat, & omnibus veræ *Pleuritidis* notis stipa-
 tus incedit. Quid enim decantata & efficacissima hîc mis-
 sio sanguinis, eaque pro re nata repetita promittit? nisi quod

Yy

retu-

retusa liquidorum ad obstructa loca appellentium acie, remissiori facta canaliculorum infarctorum diductione, liberiùs quàm eundum est, liquor adeat, & ulterius progrediens resolutionem inflammationis natam jam significet. At verò, si quo tempore in *Pleuræ* ramusculis immeabilis hæret liquor, eodem data operâ ad partes externas derivetur quàm laudabilis, quàm efficax morbi futura est ab internis ad externas & musculosas pectoris membranas translatio. Et sanè hanc medendi regulam indicat Anatomie, qua communicationes arteriarum internarum *thoracis* cum externis compertæ hodie sunt, ut non mirum nonnullas *Pleuritides* ab externis in internos; nonnullas verò contra, ab internis ad externos *intercostales* musculos transferri videamus: (a) Innuit præterea quorundam felix praxis, incisis priùs extimis pectoris partibus cucurbitas siccas admovendi, quibus humorum copia & impetus in illa claustris spatia, quæ immediatè subjacent, deducuntur, sicque a vicinis & internis partibus revelluntur: quibus cucurbitis simul etiam nervi per illa loca dispersi irritantur, & dolent sæpè ut spasmodicas, & immanes internas contractiones omninò interdum tollant. Tandem præindicatam medendi rationem præstantissimus *Emollientium* externorum usus confirmat; quæ sæpè sæpiùs tumorem in extrema, & remota *thoracis* superficie cutanea advocando, humores ab internis vasculis, quæ impetituri essent, quàm felicissimè retrahunt. Notum enim est, mitiorem semper observari indolem dolorum internas partes obsidentium, quando partes vicinæ externæ mole augefcunt, humorum proinde decubitum salutarem testantes. Si paucissimis nostris Observationibus aliquam deberi fidem æquum est, candidè affirmare possum, *Pleuritidis* longè pulchriorem curationem vidisse, dum calidis fomentis emollientibus nocte & die tegeretur affectum latus, atque mollissimis *lanis* sedulò recrearetur. Ea enim ratione emollitis vasculorum parietibus, distendens illud immeabile liquidum faciliùs transit, simulque partibus externis largiùs perspirantibus, ab internis feliciter avertitur

tur

(a) *Lancisus de Vena azyga l. c.*

tur id, quod fortè irrefolubile magis cogeretur in vasis, & *Skirrum* produceret, vel funestam suppurationem alioquin produceret. Eam ob rem non infimus ex Vetustioribus Clinicis *Theodorus Priscianus* Auctor est, loco dolenti apponantur, præter alia remedia, succidæ, aut sulphureæ calefactæ *lanæ*: Verùm Lectorem monet *Trillerus*, (a) ne *latus omnes dolentes cum Pleuriticis promiscuè confundat*; cùm omnes *Pleuritici* sint *latus* quidem dolentes, sed non e converso; proindeque si ex *Celii* (b) consilio: jacere *Pleuriticos* conveniat mollibus stramentis, mitigeturque ex *Aureliani* sententia (c) *quodam blandimento straminum, pars in dolore constituta*; non absurdum videtur asserere, lateri afflicto, ex alia causa, quam quæ veram *Pleuritidem* sistit, conducibilia esse quæcumque calefactoria, asperiora, compactiora, operimenta sive ex *laneis*, sive plumis, sive gossipio contexta, & loco vexato cautè admota.

3. Diximus supra *Cap. III. §. viii. ex Cheyneo; Diapnoen* salutarem esse iis, qui vino, & similibus spirituosis liquoribus nimis indulgent. Aliquorum strenuissimorum Potatorum notitiam habemus, qui detracto thorace *laneo*, cui assueti jam a longo tempore erant, illicò in tussim inciderent. Corporis munitio juvat in tussi præcavēda, quæ ab externo frigidiori aere pendet, ex *Gorteri* sententia: (d) Nā vestimenta, arcendo frigus, detrahunt illam frequentissimam causam prohibitæ perspirationis, ita ut permittatur tunc liberè corpus transpirare, & ita hac evacuatione sese depurare ab humore acri, qui ad tracheam vectus *tussim* excitasset. Ergo si in tussientibus corpus non est denudandum, quanto potiori jure *lanæ* vel similes villosæ lorice commendari debeant iis, quibus acrioris humoris præprimis ob vitæ institutum largior, quàm in ceteris hominibus transpiratio fieri, exoptarique debeat. Non solùm enim contegens *laneus pannus* immediatè subjecta corpora, frigoris inclementiam summo perè arcet, sed & simul prohibet, ne exotici humoris, & mor-

(a) *Ibid. p. m. 143. not. A.* (b) *Cap. xviii.* (c) *de Morb. chron. cap. 1. p. m. 270.* (d) *Id. Medicin. dogmat. §. LXV.*

morboſæ materieï ulla ad tracheam, ejuſque glandulas *metaſtaſis* accedat. Itaque ſi quid ſimile *Bibaculis* acciderit, *lanæ* uſus curationem dabit. Poſtquam enim illi homines diutina meri potatione univerſalem villorum relaxationem contraxerunt, vix fieri poteſt, quin ſi nudato *thorace*, & in aere frigido, abſque conſueto villoſo operimento inceſſerint, ſummam tubulorum cutaneorum, & repentinam conſtrictionem experiantur, & *tuffi* corripiantur. Optimum tunc erit ad uſitatum *lanarum* auxilium redire, quibus conciliata meatibus in ſuperficie *thoracis* halantibus naturali mollitie, & revocata ſalubri perſpiratione, commodiſſimè curari iſthæ noxa ſolet. Quo quidem loco non omittendum, quod inſigne *Aſthmaticis* commodum geſtata *lana* præſtare poterit; ut quæ ſudorem inſenſibilem movendo, partem non exiguam craſſæ lymphæ *bronchialis*, viſcidique humoris veſiculas pulmonales obſidentis in externam *thoracis* aream accubitu, & tepore ſuo non ſolùm digerat, coquatque, verùm etiam ſubactam alliciat, allectamque per occultum vaporem diſpergat: Imprimis ſi ſimul corpus moderatè exerceatur, unde molli & leni motitatione concuſſi pulmones, & undulatione quadam interſitæ cellulæ identidem quaſſæ lentum illum humorem, qui ad contactum hæret, a ſuis finibus excutiant: hinc eſt, quòd *Theodorus Priſcianus* apud *Mercurialem* (a) ſcriptum reliquerit: *curſum cum veſtibus laneis peractum Aſthmaticis prædeſſe*.

4. Non rarum, nec inſolens eſt, anxium circa cordis ſcrobiculum dolorem cum frigore in dorſo, & horripilatione cutis, necnon inferiorum maximè partium inalgeſcentia, adeo ut etiam calidum ſatis vehemens admotum vix percipiatur, non rarum, inquam, eſt, dolorificam hanc affectionem in Praxi deprehendi. Præprimis autem iſtud vitium illos adoriſſe conſuevit, qui lentam pituitam, & difficilè per *Gaſtrica* vaſcula fluentem gerunt; vel quibus flatuoſa congeſta in locorum vicinia materies exitum ſibi, qua data porta, quærit. Quandoquidem qui hiſce *cardialgicis* paſſionibus obnoxii ſunt,

ex

(a) de Art. gymnaſ. lib. v. cap. vii.

ex ructuum ore prodeuntium frequentia dolorem nonnihil levare sentiunt; vel oborto viscerum cuiusdam vomitu manifestè levantur; ad hæc nonnisi calore redeunte in partibus extremis, calidoque tandem sudore nato per totum corpus, dolor omnino solvitur, atque discutitur. Calor enim præclarissimam vim habet dolorem sedandi atque fugandi. (a) Cum ergo in hisce casibus calor, & maior partium affectarum subacti, vel sese proripientis mali certissimum habeatur signum, atque implicita in tubulis ventriculi *etherogenea* materies eliminari per vias insensibiles gestiat, *lana* scrobiculo cordis calidè admota solatium spondet. Vidimus certè tale vitium in iis præsertim, qui ingruente *cardialgia*, stomachalem istam regionem extremo frigore tactam quererentur, quique sub spasmodum tortura pulsum contractum & nimis exiguum in carpiis haberent; pannis *laneis* calidis, sulphuris accensi fumo imprægnatis, in usum extrinsecus tractis sublatum feliciter fuisse: Dum inde regio *cardiaca* sensim incallescere, atque madescere; pulsusque major & mollior micare inciperet, quæ evanescentis morbi univoca signa censentur. Sed opus est in hocce præcordiali, & gravi dolore, ut *lancam* beneficam laciniam nocte dieque loca affecta sustineant, donec dolor penitus dispareat, atque convulsio, exeuntibus flatibus, vel soluta calore, & dissipata præternaturali pituita, omninò soluta fuerit: Quin per aliquod tempus ad ægram partem detinendum remedium est, quo non solum blando suo tepore villos demulceat, necnon fibras rigidas laxante ac emolliente facultate remittat; verum etiam contractæ partium a repetitis morbi incursum debilitati succurrat.

XXXVII. Si ullis in affectionibus magis elucet nostri Topici virtus, certè in iis, quæ viscera abdominalia malè habent, spectatissima censeretur merito debet. Quas quidem corporis humani noxas, *lana* auscultantes in tria conferre capita perspicuitatis causa juvat: nimirum ad eos morbos, qui vel dolorifici, & *colici sunt*; vel obstructionem viscerum multigenam comitem habent; vel *diarrhæa* habituali stipantur.

Ad-

(a) *Hippocrat. v. Aphor. 22.*

Adversus enim hosce affectus, non semel compertum est, solam *lanam* contextam, in fasciæ speciem, abdomini externo superinjectam profuisse. Proindè pannum *laneum*, tenuem, mollemque, eumque abdominis regioni extùs obvolutum, ibique diu affixum, in *colica* contumaci, cùm ab Antiquioribus Medicis, tum præcipuè a *Galeno* commendatum videmus. (a) Quidam mihi noti sunt, qui omnibus irritis, quæ in eo morbo adhiberi solent, remediis, compertissimæ utilitatis *lanam* sibi fuisse deprædicant, quàm regioni abdominali superincumbentem continuò gestant. Cùm autem plures dentur *colici* doloris causæ, quas tenera *lanarum* constructio, & tenuis ejusdem *localis* virtus nequaquam attingit; eas in sequentibus referam, quibus mederi *lana* circumspiciè tamen usurpata, posse, & debere videatur. Et

1. Quidem istiusmodi remedii genus indicatur, quoties dolores partes nervosas intestinorum obsidentes a sola *atonia*, motu & robore fistulæ intestinalis labefactato ortum ducunt; in senibus potissimum, & qui cibis frigidis instantibus nimium vescuntur; item in corporibus a prægresso morbo exhaustis. In similibus quippe circumstantiis præmissa crudorum evacuatione apponendæ *laneæ* sunt limpidae atque molles, tinctura aliqua, vel spirituofo vehiculo prætinctæ, atque abdomen circumdantes. Atque imprimis major curationis spes collocari in externo *lanarum* usu debet, ubi hæc omnia, ex *ventris* refrigeratione, vel externarum vicinarumque partium *Adiapneustia* traxerint originem. Neque deficit ratio. Quippe cùm frigoris ea sit natura atque conditio, ut nervosi generis morbos revocandi, & exacerbandi maxima vi polleat; si aliquando vitari non possit, vel improvidè ab obnoxiis huic morbo admittatur; prospici melius non poterit, quàm ut funesta ejusdem effecta amico naturæ calore discutiantur. Quoties enim non in vulgatissima praxi animadvertimus, pedibus diligenter calefactis, *Dolores Colicos*, si non in totum abigi, dissiparique, at saltem maximoperè remitti, atque sedari. Idem, imò efficacius molitur *lanea* vestis

Abdo-

(a) *Conf. Allen. Medic. pratiqu. tom. III. chap. VI. p. m. 65.*

abdomini arcuè circumlata, & calido aromatico fomento dives, Impacta enim intra tubum Intestinalem discutit, extenuat, & in fluorem calore resolvit; præter hæc totam Intestinarum longitudinem excrementis liberam perviamque reddit, atque universa viscera corroborando efficit, ut in posterum læsa dolore loca frigidum humorem præternaturalem colligere nequeant, imò ne aliunde influentem promptè intra se se recipiant.

2. Quoties dolores colici *flatulenti* potissimum sunt quorum generatio, & crebra invasio, imbecillitatem, & languorem intestinarum, eorumque toni ac roboris defectionem indicant, atque supponunt; & qui Obesis, Frigidis, Senibus, & Causariis admodum familiares sunt, ut scribit *Fridericus Hofmannus*: (a) Præsertim si frigidior aura Incautorum pedes, dorsum, & ventrem corripuerit. In quibus præcipuè casibus quàm maximè conducit, fomentis calidis, carminativis, ex laxantibus spirituosisque paratis totum abdomen contegere, cavendo tantùm, ne *panni lanei* refrigescant: tunc enim nocerent prorsus. Quantum autem boni ab hisce auxiliis expectari possint in educendo flatuoso spiritu per cellulas *Peritonei* oberrante, patere potest inde, quòd dum *lana* duplicata sæpè, & calido emollienti liquido repleta externo Abdominis ambitui accumbit, mollissimum fomentum vicino *Peritoneo* præbet, simulque poros cutaneos emolliendo summe aperiat; proindeque conclusum intra *Peritonei* laminas æra duplici de causa exitum tentabit per exteriora corporis; tum quòd patentiores in superficie meatus offendat, per quos foris detrudi possit; tum quòd majori concepto calore furens, varios cellularum anfractus fortiùs inpetat, & vicissim pressus, atque resiliens celeriori impetu foras abripiatur. Neque enim in ea versor opinione, ut cū *Littre* credam, morbum præsentem ab intestinarum, & ventriculi tunicarum flatulenta tumefactione pendere unicè, asserente: Quandoquidem novimus, quin & *Monspelli* olim vidisse re-

(a) Item tom. 11. sect. 11. cap. v. §. xvi. p. m. 286.

cordamur; (a) *Tympaniticorum* aerem in *Peritonei* cavo immediate nidulari. (b) Neque adstipulari possum *Gerardi Vvanfuvieten*, aliorumque opinioni, qua non illam esse aeris elastici indolem rentur, qua per intestinorum membranas, *Peritonei* laminas, musculorum tunicas, pinguedinem &c. transire possit: (c) Quandoquidem si non certum, at verisimile hodie habetur, aera corpus animalis ubique subire, indeque clanculum elabi; quam rem fusè tractaverat *Meryus*, atque clarè evicit *Keylius*. Certum tamen est, Flatus cum sanguine per venosum systema oberrare expatiarique posse: (d) Inde tumorum flatulentorum in corpore exorientium theoriā suam eruere conatus est laudatus *Littre* (e) Inde tandem non sine ratione protulisse *Hypocratem* in *Coacis* (f) lego: Tumores hypocondriorum recens obortos inflammationis expertes, & inde dolores natos solvit Borborismus fremens sub hypocondrio; maximè si aut ipse per se secedat, aut cum urinis, aut cum dejectionibus, quin juvat is ipse, si modo descendit: Neque mirum; quippe aer in lactea vasa adactus, (g) & sanguini mixtus *Diabetem* produxisse fertur.

3. Quoties incarceratum, in intestinis aera, ibique abundè congestum, atque aucto calore immaniter rarefcens, debilissimā fistulam summo nisu extrorsum impetit, atque hac illac vagans, flatulentiam favā excitat: Contactus enim *lanæ* non modò proficius censendus est, sed in simili casu consimili tela abdomen constringere oportet, ut expulsio flatuum felicius succedat: Utique si febris, & suspicio inflammationis abfuerit. Videlicet, cū nimia fibrarum intestinalium expansione dolores ingravescant, pressio *lanæ* mollior accumbentis, flatus æstusque ista parte assurgentes opportunè coercet, prohibetque nisu contrario, nè pro lubitu discurrant; aut ubi in latus evagandi copia non est, in longum pro-

(a) Anno 1743. (b) Confer *Combalusier Pneumatolog. p. m. 68. seq.* (c) *Idem tom. 11. p. m. 245.* (d) *Pecklin. Observ. LVII. p. m. 134.* (e) *Memoires de l'Accadem. &c. année 1714. p. m. 361.* (f) *11. cap. 11. lib. 11. &c.* (g) *Combalusier ib. p. m. 241.*

prorepant, adeòque diviso impetu una parte minorem inferant dolorem. Notum siquidem exemplo familiari cunctis esse debet, quantum inter cetera domestica præsidia valeat in doloribus sedandis *manuum* partibus dolentibus fortis applicatio. Dolores enim *Nephritici* sæpè & ipsi, si ad laterales, & inanes ventris partes convertantur magnum a manus compressione accipiunt delinimentum. In vesicæ calculo, qui *colis* glandem excruciat dolor, nullo alio quàm perpetui contactus, frictusque mitioris remedio temperatur. Quid? Quod in capitis, dentium, & aurium doloribus, quantum *manuum* validior pressio, ut pressio est, possit, etiam vulgò exploratum est. Qua de re, si plura desideres, *Pecklinum* adi. (a).

4. Quoties suspicio est, flatulentiam dolorificam, vel tormina ventris a materia sobolescere intra tunicas intestinales hærente, fero videlicet impuro, & acri; quale in corporibus *scorbuticis*, *arthriticis*, *Podagricis* sæpenumerò observatur, quodque non rarò deficiente naturæ vi, vel retinetur intus, vel infausta *metastasi* in intestina decumbit. Nam omni ope nitendum est, ut relegetur materia ad extimas, si fieri queat, partes; Indicante Natura, quæ in similibus noxis per expulsionem Purpuræ, vel macularum *Scorbuticarum* proventum in corporis habitu felicem curationem parat. (b) Id ipsum verò commodè, & tuto per lanarum, calidarum; & apto remedio liquido madentium admotionem fieri posse, non dubitamus; ut quarum auxilio, dum partibus ægris immediatè adstant, e profundis velut corporis loculis excussa calore materies elici, & per *diaphoresim* quàm felicissimè erumpere possit.

XXXVIII. De Obstructionum autem, quibus viscera abdominalia patent, *therrapeja* quid amplius excogitari, dicique in *lanearum* præprimis frictionum laudes possit, quod non certissimis, & quotidianis experimentis comprobetur in dies? Solet quippe, maximè in tenera infantium ætate aqualiculus sub costis nothis intumescere, & hypocondrium utrumque

(a) *Lib. 11. Observ. 30. p. m. 475.* (b) *Conf. Frider. Hoffmann. tom. 11. §. xxxii. p. m. 288.*

inflari, & elapso quodam tempore, tumentis abdominis moles notabiliter absque dolore assurgere; ad hæc prosterni appetitus, perire faciei color, atteri vires, pedes cruraque tumere, donec puer contabescat. Dum enim hæc patiuntur Pusilli, & glutinosis humoribus infarctum abdomen præferunt, a fricationibus cum pannis *laneis* asperis institutis præsentissimum levamen percipiunt. Sed debent manè perfricari partes somno peracto, & jejuno ventriculo, aliter si cibis repletus sit, non faciliè frictionem tolerant. Ea ratione si infarctus curandi methodum ingrediamur, laboris certè poenitebit numquam: Maximè si *laneas* lacinias aromatico, fumantique balneo priùs immergi curaverimus, & simul laxatus fibrarum tonus firmetur, & immeabilia liquida faciliùs circulentur. Testis est *Hallerius*, qui in *morbis chronicis omni alio auxilio*, inquit, *faciliùs careret* Boerhavius. *Habuit curandum hominem juvenem* [idem Boerhavius] *abdomine adeo duro, & skirroso, ut quasi diffractis lignis, plenum videretur Tangentibus: cum tamen hominem potu assiduo Mulsæ, & frictione aliquoties repetita, in firmam valetudinem restituit.* (a) Quantum autem conferat in frictionibus adorandis *lanarum*, vel similium texturarum selectus, patuit in Capite antecedenti. *Cap. xii. passim.* Ubi verò tumida viscera ingens comitatur dolor, vel omittendæ sunt prorsus frictiones, vel suspensa manu usurpandæ. Valent in eo casu fomentationes cum oleo, & decoctis emollièntibus; præprimis si dolor intolerabilis superficiem abdominis occupet, atque cum violenta corporis tensione, *phlogosi*, aut ad inflammationē dispositione conjunctus fuerit: aliter si in profundo nimis loco abdita fuerit torminum causa, exulent hujusmodi fomenta, quibus metus injicitur equidem, nè humores moveât, & inflammationē adaugeant, quòd non semel animadversum est. Est ubi id generis fomentorum vices sustinet pannus subtilis *laneus* in colica diuturna in specie, si causa fuerit frigus, aut intestinorum morbus; (b) absque eo quòd ad rudem frictionum mechanicam confugere interdum oporteat.

XXXIX.

(a) *Haller tom. iiii. p. m. 615.* (b) *Conf. Purcellum in ætæ Lips. anno 1715. p. m. 208.*

XXXIX. Non prætereunda hic est aqua inter cutem, qui sanè morbus, *Hydrops* audit, quique ut ab obstructionibus originem suam plerumque habet, sic *laneæ* incubationis comoda experiri solet; tum si liquidi marcescentis intus, per apertum cutis emunctorium evocationem; tum si inditam, majorem per stimuligeram villorum *laneorum* virtutem vasculis torpidis elasticitatem spectaveris. Hinc ergo universos opinor intellecturos, non contemnendo ausu, tomentum, quodque huic morbo adaptari mederique posse. Quod certè non in hocce inter initia morbo curando; verùm etiam in quamplurimis aliis corporis ægritudinibus per calorem externum solvendis, & additum stimulum abigendis, atque perfectam curationem promovendis præstare non semel satagimus. Et quidem ut istius generis parabile ubique *lanarum* præsidium ad *hydropes*, & imprimis aquarum in musculorum abdominalium textu residentium collectiones proficuum datam desuper, appositamque lanuginem commendem, majores tum Veteres, tum Recentiores viros habeo Duces, & Incitatores. *Asclepiades* enim, teste *Celfo*, (a) in eo qui ex *quartana* in *hydropem* inciderat, se *abstinentia bidui*, & frictione usum tertio die jam & febre & aqua Liberato cibum & vinum dedisse, memoriæ prodidit. Celeberrimus du *Hamel* (b) meminit curationis cujusdam *hydropis* factæ per cingulum, quod sale sicco, & in pulverem redactò, onustum Renibus & Regioni abdominali adolvebatur. Hisce ergo curationum exemplis insistentibus nobis, maximè ubi Pueri omnia interna, ut solent, remedia respuerent, *asciticum* abdominis habitum optatissimo semper cum successu prudens *lanarum* colligatio coram discussit, non aliter, quàm si *Arenatio*, & sicca balnea adhiberentur; *lanam* enim in memoratis casibus mirè præstitisse, lætus recorder. Quòd si lubeat, traditam hanc, atque a nobis sapiùs expertam, *lanarum* virtutem ulteriùs explanare, atque in evidentio rem veritatis lucem protrahere; animum, quæso, ad eas potissimùm causas adjiciamus, quibus serosus latex in partium fibrosarum interstitiis tanta copia

(a) lib. 111. cap. 21. (b) *Ragie scientiar. Academ. Paris. l.c.*

piâ colligitur, ut easdem in tumorem attollat. Illæ autem binæ statuendæ sunt: Debilitas scilicet, vel infirmitas laterum continentium liquida; atque posteriorum nimia ad motum difficultas. Priori enim causâ contingit, ut dilatatis solito magis tunicarum vasculorum poris, humor lymphaticus serosus sensum, ac sine sensu, vel insensibilibus deciduis guttulis per incilia tubulorum, vel pleniori ex abruptis vasculis gurgite intra partium corporis cavitates depluat. At verò, quod sæpius adnotatum est, longè frequentius hîc inculpan- dum liquidorum vitium est; quæ nisi priùs quantitate sua, & certo velocitatis gradu, vel compressionis momento robur & actionem tubulorum superaverint, moramque in canaliculis diuturniorem nexerint, vix seu mole, seu pressione canalium coercentium tunicas distrahere prætermodum vel morbosè perrumpere poterunt. Cùm itaque seri trans membranarum porositates effusio ab liquidi transeuntis inertia, orta inde pressione, atque vasculis solita elasticitate orbatis nascatur, sæpiusque obstat imbellis Infantum constitutio, ut convenientia exhiberi possint medicamenta ad movendas aquas, & restaurandam amissam solidorum elasticitatem: Eam ideo ob rem, extûs admota *Exsiccantia*, & absorbentia topica laudem merentur; quippe quæ profuerunt semper, obfuerunt numquam. Quamobrem *lanæ*, vel similis villi in nostro casu utilitas ut experientia mihi innotuit, sic & ratione fulcitur; ut, qua corporis partibus agris adstricta, præcipuè si fuerit asperioris, & durioris contextus, vix ullum aliud inveniri possit *locale* remedium, quod magis superfluas humiditates absumat, & sensibilem canaliculorum compagem fodicando exsuscitet. *Vide supra cap. XII. §. xv. xvi.* Id autem remedium diutiùs continuandum est, quousque jam evaporatis aquis, viscidis in halitum attenuatis, absorpto lymphatico, & morbofo humore, mutata solidorum in melius actione, Æger in pristinam sanitatem rediisse videatur.

XL. Superest (quod erat tertium examinandum supra §. xxxvii.) qua ratione tunica *lanæ* corpori induta *diarrhææ*, & fluxui ventris seroso conferat: Ea siquidem, qua sudores blandè in illis noxarum speciebus elicitî juvare consueverunt.

Agi-

Agitur verò hìc de talibus sudoribus, qui viribus integris, & naturâ, morbo prævalente, excitantur, & per quos irritans materia de corpore exit, vel impetus humorum ab Intestinis avertitur. Ubi enim, resoluta ob morbum vitali robore, sudores erumpunt, lethale potiùs signum habetur. Porò dum ad laxos intestinorum recessus, deficiente perspiratione, succorum moles abundantius confluit, tunc, aliorum determinatione facta per sudores, minùs urgentur debilitata intestinorum vasa, sicque faciliùs sese contrahere, & profluvium sistere poterunt. Huc spectat illud tritum *Hyppocratis: Cutis raritas, ventris densitas*: Huc pertinent equitationis cursus, balneationis in *diarrhea* commendata bona. Huc ratio curandæ constipationis alvi, dum summo mane confurgens, aeri frigido sese committens Infirmus, tantumdem liquidum excrementa emollientis sufficit, quantum a silente transpiratione detraxit. (a) Hinc est, quòd in hypocondriacis hominibus, meticulosis, sicubi pertinacem *diarrheam* inciderint, vel *dyssenteria* correpti diutiùs jacuerint, adeo proficua reperiantur *frictiones lanceæ*, cautè tamen adornatæ, quod non semel experiri nobis licuit. In hisce quippe, quoniam ob animi passiones tristes, & dejectum corporis robur minima *peripheria* corporis excretoria convulsa humoribus expellendis magis renitantur; evidens est, secretionem, & excretionem perspirabilis halitus imminuendam esse, parique passu adaugendam fore, quæ vel in Renibus, vel Intestinis peragitur. Quandoquidem secretiones istæ ita ad se converti solent, ut una illarum impeditâ, Natura reliquas augeat; sicque singulæ singularum vicariæ sint. Id ipsum summopere laudo in iis, qui scrupulosiori diligentia corpus suum ab aeris injuriis defendentes, multa veste utuntur. Quamdiu enim in hisce debilioris fabricæ hominibus Perspiratio ritè procedit, optimè se solent habere; & quamdiu impeditur, facili negotio in morbos relabuntur, a quibus non resurgent, donec in statum naturalem redierit. Quoties ergo suppressam hanc evacuationem, *diarrhea* consequitur, tutius erit, ad

so-

(a) Confer. Allen. tom. 111. *ibid.* p. m. 23. *sequent.*

solitum morem, providè contegendi corporis revertere, quàm ad splendida Pharmacopolarum auxilia confugere. Quod sanè obtinebitur, circũ debile abdomen *lanosa* veste inducèdo, si quandò suppletoria pharmaca defuerint. Hoc enim facto, motus humorum noxiorum ad superficiem corporis convertitur, & salutaris adeò excretio secundatur. Ea ratione *dyssenterias* olim curabat *Sydenhamus* a decubitu materiæ morbificæ in intestina profectas, dum solo tegumentorum pondere sudorem fortunatò alliceret: Ea methodo *sudoriferis* vomitũ tollebat *idẽ Auctor*; dum dimissis omnibus internis remediis, solam stragulorum molem juberet, donec maderet æger: (a) Ea abservata *therrapeja*, *dyssenterias* *epidemias* tandẽ sedabat, dum lectulo addicere infirmos satis habebat, ubi brevi sponte sua in madorem solvebatur. Verum ex dictis a nobis supra *cap. xiii. passim* patuit, inter operimentorum, & externè calefacientium genera, *lanam*, & quæ similem materiam intextam habent, longè nobilioris esse virtutis. Si ergo *sudoriferis* internè propinatis, & majorem motum concitantibus; si provocata aliqua sensibili evacuatione, quæ corruptos cum bonis succis una eliminet horum morborum curationem, aggressus, subductionem materiæ peccantis, ejusque ad corticem corporis diversionem molitus fueris. Anne tu culpandus eris? Minimè profectò, præprimis quia ipse in hisce affectibus sudor, si modò extortus, neque blandè invitatus fuerit, nocet semper. Vitamus autem hæc, dum superextensa tela *lanea*, eaque subtili, cavemus, ne laxatis velut habenis irruat sudoris sensibilis flumen; sed è contra efficiamus, sola ut paulò largiori insensibili evaporatione auferatur id, quod in Intestinis morbum faciebat, atque rorifero tacitoque habitu ad corporis corium feliciter avertatur. Huc pertinet *lanarum* delectus, atque discrimen *lanæ* usurpandæ, si hujus materiæ pili breviores fuerint, velleræque ex ovibus expilatis desumpta. Quod sanè phenomenon notatum olim ab *Aristotele* in Problematis lego. Ille enim (b) observavit, ovibus depilatis molliorem villum

(a) *Confer Sydenham. sect. 11. cap. 11. passim.* (b) *Ibid. section. x. num. 24. & 25. p. m. 409. & 410.*

subnasci homini duriolem; præterea ovium pilos eò esse compactiores, quò prolixiores; hominum contra molliores, quò longiores. Quamcumque apparitionis causam ibidem afferat Philosophus, certum est, rem ita se habere, ut planè liqueat, ubi in hisce casibus abdominis delicatuli lacerti distinguendi sunt, fricandos equidem esse *lana*, sed quæ ad præcavendam *lymphaticorum* minimorum ruptionem prædictis, vel similibus conditionibus molliorem rarioremque lanuginem recondentibus prædita sit. Quàm ergo laudanda est in talibus circumstantiis *lanei* convestitus ratio, qua morbis adeo periculosis tutò & efficaciter obviam itur!

XLI. Quantum in excitanda venere possit asperioris *lanei* lumbis idemtidem affricte contactus, diximus supra *Cap. x. §. xvii. xviii.* Quò ergo Juvenibus, villosa *laneaque* vestis magis nocitura est, hoc præstantius commendandum laetis tardisque Maritis videtur, qui ex cõjugii lege Uxoribus suis *debitum* solvere tenentur, & quorum languet venus, & lumbi frigent. Viros de industria nominavi, ut qui probè noverim, Feminas & calidioris esse temperamenti, & otio magis quàm viros indulgere, sub quo vaga libidine, multisque impudicis spectris mens humana plerumque illuditur. Viri autem cum ob solidius temperamentum, tum præprimis ob negotiorum multitudinem, & Reipublicæ seriam administrationem hisce lumbis carerent facillè, animumque non rarò gerunt a *Sacris* illis aversum. Ut planè rarissimè sint in sequiori sexu, quæ vel Viro maturæ Virgines votorum suorum summam non expectant, copulamque depereant; vel si Viduæ sint, orbitatem non lugeant ex animo; vel quæ connubii dulcedine fruenter, ex Maritorum suorum osculo non pendeant: Quibus proinde universis inutile & supervacaneum *laneum* incitamentum esset. Sic enim sentio, ut obiter dicam, de infirmo adeo luto, feminarum tenella præcordia finxisse Naturam, illasque insatiabiles adeo effecisse, ut ni pudor veta- ret, dareturque sermonibus locus, quosque obvios apertè provocarent ad pugnam. Non loquor feminas, quæ perfricata fronte viros undique quarunt, ut sui corporis copiam faciant:

Non eas, quæ pexis pectine comis, facie medicamine attrita, oculorum mobili petulantia, incessu tutè composito, & ne vestigiis quidem pedum extra mensuram aberrantibus, formam publicè prostituunt, ut amplexus vendant: Non eas, quæ sordibus calent, nec libidinem concitant, nisi aut servos viderint, aut Statores, ut loquitur *Petronius* (a) altius cinctos: Non illas demùm Matronas, quæ discordi, & infami libidine Ancillarum succumbentium humilitatem habent: Non, inquam, hæc feminas cōmemoro, quæ æstrum venereum, quo intus furiunt, Viris impudentissimè manifestant. Sed eas dico tantùm Feminas, quæ intra domesticos conclusæ parietes, Nuptæ, id unicè moliuntur Maritis suis, ut immoderatiùs placeant; quæ cultu eximio omnes tentare vultus solent, ut viris suis voluptatem commodent; quæ sapissimè quidem in maritis dolent, vel intermissos veneris jocos, vel frigiditatem fugillant, vel quærentes voluptatem robustam, laxatum velut Mariti corpus non excusant, modò quin, & non rarò ab eo contemptim oculos reflectentes, atque animi alterationem accusantes, jurgiis contentionibusque omnia complent, quasi Maritus vires, spiritusque alibi consumeret, Nimirum sunt hæc de illarū genere, quæ amoris morborum petulantia vanis hisce momētis prætexunt, atque occultant. Est ubi verò deposita sanctæ, *si diis placet*, honestatis larva, quin ullus eas pudor retineat, nec modestia regat, neque verecundia temperet, conjuges natura procaces viris suis carnis obligatæ jura audacter petant, maritosque si quādo officio defuerint, in venerē fractos elumbesque derideant. Durum profectò Maritorum fatum, quos adeo imprudens socia fascinavit, ut si quid virium habeant, justitiæ obtentu, cum tanta corporis animique offensa profundant! Verùm ne hic joco potius, quàm seriò dicere, & sequiorem amabilemque sexum inurbanè traducere videar, sancté, & candida, ut decet, historiæ fide enarro, qui mihi opportunè in memoriam redit, casum, & qui hactenus de connato, eoque in feminis, insatiabili veneris appetitu a nobis prolata testatà abundè faciat; simulque indicaverit

quan-

(a) *Satyric.*, l. c.

quantum boni tutamen *lanæum* asperum impotentibus viris afferre valeat.

XLII. Superiori, & qui se proximè convoluit, & elapsus est, anno 1753. memini, dum in agrorum praxi versarer, nobilem, & honestam Nuptam vidisse immanissima *hysterica* affectione vexatam. Proludens enim cujusdam globi ab utero ad superiora faucium ascendentis motus, comitans cordis tremor, extremorum algor, ventris strictura, spiratio difficilis, delirium tacitum, & succedens paroxismo demum limpidissima ad instar aquæ micturitio, morbi genium, de quo loquimur, luculentissimè testabantur. Nihil de toto illo remedium genere dicam, quæ morbo debellando Mulier assumpserat. Invalescebat verò, omnibus irritis auxiliis, mali convulsivi vehementia, atque nova in dies phenomena depromebat: usque adeò ut animum despondens *Matrona*, morbo velut victa sileret attonita, & omnem curationis spem adjiceret prorsus; nobis verò pertinacis affectus diurnitatem mirantibus, abstrusioris, & remediis *anthystericis* longè superioris alicuius causæ in corpore latentis non levem suspicionem injiceret. Hinc acciti in consilium Medici, atque frustraneam pharmacorum expectationem cum affectus obstinati violentia, æqua judicii lance librantes, *hydrargirossim* matronæ multis suadent. Quod sanè præscriptum non tristi modò vultu accepit Infirma, verùm ira subito percita detonuit: *Mihi ne*, inquit, *turpe adeò medicamentum præscribitis, & illibatae meæ pudicitiae sempiternam ignominiae aphrodisiacæ labem adspergitis!* Ut verò incandescentis feminae mentem coetus Medicorum sedaret, declaraverunt, se non sola luis venereæ causa illitiones mercuriales ut plurimum in usum trahere solere: ad hæc istud remedii genus ordinari, & præcipuè in hac Civitate, in qua ad omne morbi genus, dummodò vulgari methodo restiterit, cum fructu adhiberi. Noluit tamen Medicorum parere jussis, atque dimisso consilio, cum malo suo per intervalla ingruente colluctabatur. Elapsus autem aliquot diebus, accidit, ut ferocissimo morbi insultu correpta omni penitus sensu & motu ex improvviso orbaretur, atque me præsentem oculis apertis, & coelo affixis, sta-

tuæ velut immobilis truncum, & omnem excitationem eludens offerret adstantibus. Nec ulla mora, quin infaustam adeo scenam mucidi, glutinosique humoris ab utero manantis effluxus clauderet, quo & menti serenitas, & corpori robur accessisse videretur. Stupentibus interea nobis, turpem adeo Tragœdiæ finem, simulque a nobis sciscitanti feminæ, quid istud rei esset, respondimus: paroxysmum *hystericum*, quem in Viduis, Virginibusque, viro maturis præsertim, fluor ille salutaris excipere solet. At illa paululum erubescens, *nubui equidem viro, inquit, sed non intelligo virum esse, non sentio*: Tum rursus adjecit, se cum marito equidem consuescere, sed hætenus in umbra voluptatis luisse; ut pro Virgine censeretur meritò posset: Viduas semper exegisse notes, ut *Socratica* tantum fide ab viro suo diligi, nec tam intactus *Alcibiades* in Præceptoris sui lectulo jacuisse videretur. Tandem in furorem versa, & audacior facta, gravem injuriam a marito sibi usque illatam conquerebatur, ut qui diversum thorum premeret, & languorem de industria simulare non desistit, quo erga conjugem parcissimus, erga autem alienas feminas liberali manu vires prodigeret. Cum autem quid hominis illa virum haberet, & quibus moratum moribus scirem, ad avertendam omnem ægrè suspicionem, blanditiis respondere, animumque ejus conceptissimis verbis de viri honestate ac continentia restituere conabar, donec, arrepta occasione, sincerè marito cuncta referrem, atque ab eodem acciperem: *Amorem erga conjugem semper eundem fuisse; sed rationem feminarum solita ad libidinem incitamenta vicisse; vulneratam ad hæc partem illam corporis habere, quam achilei certè roboris corporis olim vegeta temperies pollicebatur: Instrumenta in eo peccare tantum: Paratum militem esse, arma verò non habere*. Inde sedulò collegi, latere aliquid in organis Viri genitalibus, quod in opere venereo perfectum leporem turbaret; atque hinc cassam, evanidam, & levem voluptatem efficiens, omnium quarum uxor causa esset. Jubeo ergo denudari illico corporis loca, (quæ ne ad cogitationem quidem admittere severioris notæ homines solent;) quæ cum perlustrassem sedulus, alte-

alterum corporum *cavernosorum* *Penis*, altero magis complatum offendi, nec iustæ magnitudinis. Ad hæc in ani confinio nescio quid tumidi laxique conspiciebatur. Interroganti autem mihi, an in veneris promulside perfectè erigeretur *mentula*; ad *erectionem*, inquit, *parari genitalia*, sed *media in tentigine nervis adeo destitui, ut nec ipsa pulchræ Matronæ præsentia ad completum trahere opus*; nec pluribus *osculis collisa mutuo labra incitare*; nec *implicitæ utrimque manus excutere venerem torpidam*; neque *denuðm alligatæ mutuo ambitu corpora animarum mixturam facere umquam potuerit*. Sed inter hæc gratissima conjugii primordia viribus *semen expellentibus subito prostratis*, mollis, debilis, lassusque fiebat illico, & *anhelitus, sudoresque perdebant, quin umquam ad voluptatis apicem se pervenire potuisse meminere*. Adjungebat autem, *sibi in vano illo erectionis apparatu sæpissimè animum crepitus edere solitum esse*: ut planè nulli dubium esset, quin huic *paralytica* quadam mollitie laborarent *Pudenda*. Aderat tandem quadam *lumborum frigiditas* ab frequentibus *nephritidis* paroxysmis antea perpessis. Itaque offerebatur mihi morbus, de quo iudicium ferre mihi non adeo difficile esset: maximè cum ex contemplatis partibus *Viri genitalibus*, & *phenomenis extus apparentibus* jam didicisse, mihi viderer, quam curationem noxa isthæc admitteret. Suasi ergo, ut *lumborum regionem* is de die imposterum *fricari pannis laneis rudissimis calidis* curaret, eosque spiritu aliquo imbutos eidem regioni diu adhærere vellet. Ad hæc totum spatium, quod *podicem*, & *radicem colis* interjacet, eadem repetita frictione spirituosâ diu exerceret, & continuo *lanæ* incumbens usu foveret. Paruit ille consiliis meis; atque transactis aliquot diebus rediens, & gratulabundus me convenit, quòd felicissimo quidem exitu ejus lassitudinem traxerim, & annos primo florentes vigore reddiderim languenti *Priapo*, quòd tristissimas *hystericæ* Uxoris tragoedias procul arcuerim; quòd tandem simplici *laneo* remedio, toto corpore, & integris nervis in amplexum Uxoris immissus, expetentis usque ad satietatem osculis frui impunè posset.

XLIII. Discimus ex præcedenti observatione multa, quæ

hic

hic fileri non debent. Nam 1. si in tam atrocium symptomatum originem inquiramus, quibus nostra Ægra vexata diutius fuerat, varia momenta se offerunt, quæ clarè commonstrant affectionem istiusmodi a nulla alia causa, quam a copiosiori sanguinis ad vasa *spermatica*, & *Testes Muliebres* affluxu; has partes vasculosas, & nervosas nimium distrahente subortâ fuisse: Hinc stimuli, & desideria ad venerem ineundam proficiscuntur; quæ fortè in matronis, feminisque divitibus idè exardescunt, quòd multò sanguine, eoque optimo, præditæ victu calido utantur, in otio vivant, vino generoso, multisque calidioribus ferculis *venerem* proritantibus ad satietatem fruuntur. Quare non mirum si virosæ huiusmodi mulieres jam diù continentes & viro orbæ, acribus copiosis spermatis igniculis pruriant, & desiderio consuescendi cum viris suis frustratæ, in sava *hysterica* pathemata incurrant.

2. Quoniam ergò retenta illa spermatica lymphâ, & morâ in suis conceptaculis corrupta, origo tanti mali habetur, præcipuè si prius consuetus concubitus denegetur; rectè in Virginibus huic noxæ subditis non aliud auxilii genus superesse existimarunt vel ipsi Vetustiores Medici, quam conjugium, cuius incomparabilem vim, ad expugnandam frequentissimam istam *hystericæ affectionis* causam, multa experimenta, & ratio luculenter suffulciunt: (a) Hinc historiæ illarum *hystericarum*, in quibus finito paroxismo, ex relaxatis muliebribus copiosus humidus liquor extillasse dicitur. Certè in nostro casu (XLI.) ut ostensum est, non prius cessabat insultus *hystericus*, quàm ex Matrone pudendis feliciter erumperet crassus viscidusque, albumini ovis similis, humor. Id autem præstat Vir, ut retenta & morbosa ab utero naturæ tunc latè operantis conatibus, & gratissima titillatione extundantur.

3. Aliter autem in viris contingit, in quibus nimia seminis retentio tantum abest, ut morbos inferat, ut vulgò
puta-

(a) *Conf. Frider. Hofmann. tom. III. sect. 1. cap. v. p. m. 53. §. XII, & p. m. 56. §. IX.*

putatur, ut potiùs refusa in sanguinem parte subtiliori, perpirationi faveat salubriori, corporique vigorem reddat. Semen enim, ut ait *Borellus* (a) est *potentissimum elixir, seu balsamum nedum prolificum, sed etiam animam, & corpus Generantis augens, & perficiens*. Femine autem, quæ humorem uterinum, non verò propriè dictum *semen* majori copia secernunt, hujus impensam facillimè ferunt; quin ab eodem excreto melius se habent absque ulla subsequente virium debilitate. Qua de re legi meretur *Gorterus* (b).

4. Sicubi verò res agitur, cum salacibus juvenibusque, quibus utpotè *hirtis* interdum, Veneris desiderium familiare est, (c) & quibus solitum antea id seminis excerni retinetur; tunc enim verò congestum sperma aliqualem molestiam creare machinæ poterit. Quod in casu præcitato experti sumus. Siquidem apparuit, musculorum *Penis* erectorum vitium fuisse, qui ab *ischii* tuberibus, & ferè ad perpendiculum descendentes ad *urethram* nerveo corporum spongiosorum, involucri inferuntur; hinc si hi muscoli languerint, nulla erectio obtinebitur, neque venerea cogitatione, neque voluptuaria attrectatione partium, neque alia ulla ratione. Accessit etiam viro nostro in instanti desideratæ ejaculationis *Ani sphincteris* relaxatio; quod apertè testatur, ex hac etiam causa erectionem imperfectam fuisse. (d) Demum in eo subjecto deficere videbatur, ob prægressos *nephriticos* paroxysmos, vel naturalis sanguinis per arterias spermaticas circulatio; vel vegetus earundem arteriarum, qua parte *Testem* obvelare solent pulsus; vel naturalis spirituum animalium, ad testiculos irradiatio, quibus de causis, semen, ut verbis *Hallerii* utar (e), coqui & perfectus elaborari solet, & cujus præsentia ad venerem facit.

5. Quamobrem intelliges, in hocce rerum statu optimum, & efficacissimum remedium præbuisse *lanam* partibus

[a] *Lib. II. Cap. XII. proposition. LXXI.* [b] *De insensib. transpirat. Cap. XVII. §. II. III. IV.* [c] *Aristoteles problem. section. x. num. 26. p. m. 410.* [d] *Confer. Haller. tom. v. parte I. p. m. 428. not. E.* [e] *Ibid. p. m. 315.*

bus musculis identidem affricatam. Frustra enim conjux, quin interdum non sine noxa, famigeratissima etiam, *spermato-poietica*, & similia medicamenta pharmaceutica in usum adhibebat. Nec enim post spirituosum concinatum balneum instituta modica Genitalium unctio, nec ciborum validiorum, ut *bulborum*, & *Erucæ* esus continuatus, nec potentissimi meri haustus vitium istud emendare unquam potuerunt: donec accedens *lanæ* virtus sanitatem partibus, & conjugatis oblectamentum attulerit. Fortè per frictionem illam in paralitica genitalium loca spiritus a vicinis nervorum lumbalibus renalibusque plexis affluentius irruerant; atque irritationem mechanicam in canalibus semen eructantibus efficiendo, erectionem *Mentulæ* promovebant. Quam fortè egregiè adjutam reor a *lanæ* affricu ad musculos *transversales Renis*, unà cum musculo *dilatatore postico urethræ*; quippe *hi musculi, egregii sunt usus*, inquit *Boerhavius*, (a) *in dilatanda parte inferiore urethræ*. Certè in momento ejaculationis in *urethræ* interno orificio fremitum voluptuarium equidem, sed velut liquidi difficile, meantis sentiebat, qui postquam *lanam* adhibuit, prorsus evanuit.

6. Mirabile fanè in nostro Ægro animadverti, quòd nempè dum morbo descripto laboraret, pudenda gereret paucissimis ornata pilis, iisque glabris, mollioribus, canescentibus; cum tamen recuperata salute iidem pili, confertiores, duriores, rigidiores, nigrioresque emicare depromique ceperint. Expertum enim est, *Spadones* calvos nunquam fieri; accedit, hominum caput pilosius quàm reliquum corpus esse: Tandè unum omniū animantiū hominem canescere. Quorum omnium phenomenorum causas, qualitercumque adubraverat *Aristoteles* (b). Quidquid tamè sit, negari illud nō potest, inter signa tēperamenti calidi pilos flavos, crassos, copiosos toto corpore; & viceversa frigidi temperamenti notas inter recenseri pilos glabros, tenues, coloris pallefcētis (c). Hinc in
omni

[a] *Institut. medic.* §. 658. [b] *Problem. section. x. num.* 56. 61. 62. p. m. 423. 424. [c] *Boerhav. institut.* §. 890. 801.

omni Puero, quando adolevit, & calidior factus est, simul pili prodeunt; & ipsæ demum robustiores puellæ (a) genis sunt lanuginosis. Quamobrem cum per nostri Ægrotantis genitalia frictionis quotidie institutæ calor major fieri cœpisset, non mirum si partes illas pilis copiosioribus magis coactis confertas viderimus.

XLIV. Inter reliquos vesicæ urinariæ morbos, quibus contactus *lanarum* salutaris esse potest, præcipuum obtinet locum, qui musculorum *pyramidalium* noxam, & adventitiam vesicæ labem in consortium tracta complectens, sub specie oppositi morbi, incontinentiæ scilicet, & *retentionis* urinæ sese manifestat. Non novum est enim, musculos *pyramidales* abdominis in junioribus vesicam, quæ & pro ratione molis corporis, & pro ratione altitudinis supra os pubis pressioni magis patet, comprimere, & urinæ fluxum incitare. (b) Neque incompertum est, vesicæ urinariæ corpus fibris muscularibus copiosissimis, fortioribus instrui, eamque contrahi absque ullo adminiculo respirationis; necnon urinam sola fibrarum contractione cum impetu expellere, & cavitatem suam penitus delere. Si ergo a nimia dilatatione vesicæ infirmantur fibrarum componentium manipuli, ut *sphincteris* etiam vis superetur; tunc enim verò perpetuum *stillicidium* urinæ habetur, seu *Incontinentia*, dummodo a potentiis superincumbentibus validè, ut decet, comprimatur saccus. Quod si præ summa tum musculorum *pyramidalium*, tum vesicæ inertia fibrarum tonus ita labefactatus sit, ut nec hilum facultati expellenti cedant, atque auscultent; in simili casu ne guttula quidem lotii effluxura est. Cognito igitur flacciditatis vitio in illis partibus, *regionem vesicæ* oleo *lauri*, *rustæ*, *scorpionum Matthioli*, vel pulveribus variis serositates exundantes absumentibus inungere, vel adspargere, utile erit. Sic non nocebit aliquo siccante, & calefaciente tegmine pubem, & vicina loca probè munire, datis desuper la-

Bbb

nugi-

(a) Haller. tom. vi. p. m. 274. (b) Confer. Haller. in Boerhav. tom. i. p. m. 316., & tom. iii. p. m. 262. nat. D.

*auginosi villosisque panniculis. Imò nullū efficacius commenda-
ri in praxi istā remediū stupa, vel lana adhibita potest. Audia-
mus Aqua pendentem, & ejusdem verbis hīc opportunè commo-
dèque appositis, lanosæ, vel similis materiæ usum in præsentibus
malis jure extollamus. Quod si tandem, inquit, urina (a)
detineatur, quia urina sit nimium repleta vesica, & ex-
pultrix facultas resoluta sit, ut pueris accidit, eo casu ego
soleo ad claram flammam Pectinem calefacere; interea verò
oleo calido de capparibus supra vesicam inungere, & stupam
pexam calidam supra ponere: Ita enim pueri ferè omnes min-
xerunt. Hoc Venetiis erat cujusdam secretum, quo omnibus
pueris; urina hac de causa suppressa ciebatur; quod luben-
tissimè vobis communico. Hactenus ille.*

XLV. Communis, quamvis pessimus, mos apud Nostrates
invaluisse videtur, ut si quis circa regionem lumbarem, vel
circa quamcumque corporis partem articulari quodam dolo-
re corripiatur; statim *rheumatismo*, vel *lumbagine* affectum
esse existiment: Cùm tamen, ut de *lumbagine* loquar, fixus
ille in lumbis dolor non semper *rheumaticam* verè fluxio-
nem denotet. Est enim ubi flexuosus intestini *duodeni* finis,
neque minus *Sygmoidæ coli* flexura, morbum contrahens
medenti etiam, nedum agris imponit; est ubi instantium in
Feminis mensium, vel fluxuri sanguinis *hæmorrhoidalis* si-
gnum in viris habetur. Quamvis ubi immaniter vexat do-
lor, & corpus vegetum, maximè post exercitia majora, ag-
greditur, a sola sanguinis quantitate, circa plexum *mesente-
ricum*, ligamenta vertebrarum lumbalium nervea, musculos
externos lumbales stagnante, ortum certò certius ducit. Cui
proinde scopo attingendo, solam eamque repetitam venæ
sectionem parem esse, nullus dubito; *Sed hoc opus, hīc
labor*; obstinatis egrotantium animis tantum a sanguinis
missione beneficium suadere: Jam enim altè, ut sibi vi-
detur, persuasum habent, veneficam esse in tali morbo san-
guinis omnem detractionem; morbum ideo sibi esse sinen-
dum. Est ubi ingenti, & inflammatorio dolore lumbis quasi
per medium *sectis*, incurvatus incedere debet homo, nec

furgere potest, & tamen si huic *phlebotomia* præstantiam inculcas, *surdo loqueris*. Hinc est, quod aliquando observant Clinici, prorumpente ex hemorroidalibus venis cruore, salutari naturæ conatu dolorificus effectus abscedat, vel copiosiori superveniēte locali sudatione, omnia symptomata remittant. Quoties ergo obrepit *lumbago*, sed ob frigus susceptum antea, vel repulsam aliquam venenatam materiem, vel virium lapsus, vel intemperatam humorum *Dyscrasiam*, inflammationis notas non exhibet; non omissis, si fieri potest, aliquot missionibus, commodum ex *lanæ* velamen suadendum est. Illud lumbis suis admoveat cautè, & providè Ægrotus, ne frigori externo ullus accessus detur. Illam molliorem eligat, & fotu appropriato imbuat, & locis morbosus aptet sedulo. Illam demum numquam deserat, quousque a diris cruciatibus penitus convaluisse videatur. Mirum enim quantum ad hujusce mali præsertionem vilis *lanugo* possit. Hinc est, quod plerique loca ægra, & dolentia animalium exoticorum villosis, & ad tactum tenerimis pellibus fulcire consueverunt. Novi Monialem *lumbagine* vexatam, cum frigoris in partibus dolentibus sensatione molesta, quæ nescio a quonam edocta, ut lumbalia loca piloso lanuginosque vinculo circumdaret, spiritu vini madido bis de die renovato, cum hac medicina per mensem usa fuisset, optimè ex illo morbo evasit. Ingens enim pustularum, velut cunicum morficum agmen erupit per regionem lumbarem, quæ, amoto dolore, apertè designarent causam *lumbaginis* in acrimateria, & musculosis nervosisque lumborum partibus impacta resedisse, quæ dein *lanarum* adcumbentium fotu ad corporis *peripheriam* traducta est. Pharmacopola nobis notus est, qui cum diutissime atrocem *lumbaginem* perpessus fuisset, neque ullas emplastrorum formulas fugando morbo idoneas invenisset; tandem cujusdam Medici consilio *lanæ* de materia femoralia de industria sibi confici curavit, quibus continuò gestatis, a morbo antea pertinaci liberatus est, vivitque adhuc incolumis.

XLVI. Illud multiplici observatione in artis salutaris exercitio compertum est, Virgines floridas, & tenellas mul-

tiplici ciborum acidorum abusu, necnon frigido aere liberius paulò ad inferiora admissò, dum sæpè nudis ferè oati-
bus frigido solo insident, vel incautè pedes frigida lavant;
difficulter sanabilem, & obstinatā mensium suppressionem si-
bi adsciscere. Indè enim non tantum circa muliebria, ve-
rùm & in toto corpore salubris perspiratio intercipitur, aut
maximè imminuitur; humores torpidi, & jam concreti ad
motum minus habiles fiunt: Quare ut ab glutinosa, & acida
aërimonia ad cutim delata obstructions ad subcutaneos im-
primis folliculos prurientes nascuntur; sic ab eadem pituito-
sa, qua gravatur, *cacochimia* sanguis in vasis uterinis substi-
stet, cum menstrug scaturiginis emanatione. Ad hæc pallet
frigetque virgo, cui fluxus ille silet non ob jacturam san-
guinis rubri, sed ob majorem circumduktorum viscidorum
molem potentiè pellenti ad uterum reluctantem. Pastacea de-
inde universi corporis mollities, atque inertia ad levem,
quemque motum anhelatio quid aliud arguunt, quam quod
ex nimia sanguinis glutinositate, & conceptaculorum uteri-
norum laxitate, absit ea vis muscularis, quæ effluxum men-
struum determinat? ubi ergò in praxi nobis occurrunt cu-
rande virgines *chloroticae* mensium suppressione laborantes,
quæque laxiorem corporis compagem natæ; præterea otiosæ
vitæ nimis deditæ, si ditiores fuerint, vel quæ sedentario
labore victum sibi quærunt, ut quibus angusta domi res est,
& quæ tandem acidorum, dulcium, farinaceorum, lacticinio-
rum, aliorumque similium abusu maximè delectantur: In ta-
libus calibus ad præscindendas causas morbificas ab omni
ævo suaserunt Medici, corporis exercitationem, laborem,
motum, vel horum loco *Martialia*, quæ non tantum *ca-
cochimia* genesi resistunt, sed & tonum partium roboran-
do excretionem uterinam promovent. Verum & *Topica* re-
gioni uterinæ extus apposita, vel in uterum data, miram
opem pollicentur, aliquando, præprimis cum jam monuerit
Riverius (a) medicamenta menses moventia in majori copia
esse exhibenda; quia eorum virtus retunditur in via a ven-
triculo

triculo ad uterum. Inter hæc autem numerantur fomenta, balnea pedum, crurumque, missio sanguinis a *saphena*, & alia a *Boerhavio* recensita (a): Inter quæ sua laude non defraudanda est *lana*, quæ in tegmen uterinarum partium aptum efficta, & aromaticis uterinis roborantibus odorata ad vulvæ labia cum fructu adhærere solet. Sed oportet frictiones iisdem pannis exercere in pedibus, cruribus, femoribus, *hypogastrio*: quem morem *Hypocratis* tempore viguisse lego, & qui dein posterioribus temporibus a Practicis commendatus est, hodieque laudatur. Soleo equidem, non omisis generalioribus remediis, non modò per semihoram fricare partes interiores pedum ad genua usque cum asperis pannis *laneis* (b); verùm etiam egrotantis lumbos, & vicina loca, eadem frictionis actione percurrere, qua parte repunt uterinæ arteriæ. Imò fetosis & paulò rudioribus *laneis* petiis sensibilia vulvæ labia atterere, quò nata in nervulis grata titillatio, & uberior ad partes sanguinis provenus concitatus, torpentem excitare uterum, inertix & flaccida erigere stamina, & fluxum menstrualem ciere tutò valeant. Neque ob aliam causam, frictionibus carniū moles adaugetur, atque præprimis si sicciores fuerint, partium soliditati conferant (c); quam quod assiduo vasculorum attritu collapsa antea vascula stimulo quodam tendantur; oscula canalium in sese contracta ampliuntur, & pristinam diametrum recuperent: Præterea sanguis in capaciosiores redditos alveos abundantius fertur, spiritus in nervos affatim, quoque impetunt, & suborta vividiori partium pulsatione, quidquid vitiosum corpori inest, per aspiratiorem, & laxiorem cutis fabricam, vel per lateraliter patefactos canaliculos feliciter abripitur: Unde eadem ratione futurum est, ut in deside vasculorum, uterinorum systemate, & languidos uteri canaliculos validiori momento & sanguis, & cetera liquida per motum frictionis incurrant, atque in laterales, hiantesque

(a) *Instit.* §. 1225. (b) *Confer Haller. tom. VI. in §. 1226.*
 (c) *Confer Aristotelem Problemat. section. xxxvii. num. 3. 5. sequent. p. m. 633. sequent.*

que sectiones ad effluxum instaurandum secedant, vel ex peculiaribus excretoriis in cavum conceptaculi tacito ploratu depluant.

XLVII. Ceterum nec adeò infelix, & noxius putandus est *lanæ* usus ad evocanda menstrua, modò ratione dicta (XLVI.) exerceatur, ubi scilicet spasmo affecti sunt uterini canales: in mulieribus preterea, quæ temperamento bilioso donantur, vitam degunt sedentariam, aut immoderatiùs veneri litant; in quibus omnibus accedente convulsionis stimulo, vel venereo *astro*, vel sanguinis intumescencia canales sanguinei justo magis propriæ dilatationi obsistunt, ut aperiri nequaquam possint. Illud suppressionis vitium exasperari præcipue solet in *Biliosis* per calida intus adhibita remedia, in quibus pulsus natura major est celerior, & consequenter intra idem tempus plus sanguinis congerendi ad vasa uterina defertur: in Pletoricis feminis, per siccarum *lanarum* spirituosam frictionem imprudenter adornatam, in quibus naturaliter exsuperanti humorum copia magis citiùsque turgentes uteri sinus æquabili ad fluxum menstrualem circuitui viam adimunt prorsus; In salacioribus demum per stimulantem asperiores *lanarum* superficiem; in quibus naturaliter ad genitalia plus humoris derivatur, quàm meare possit. Itaque non semel expertus sum, incidente istiusmodi mensum restitutione plus profluisse simplicem mollemque lanuginem Pudendis admotam, & simplici emolliente decocto humectam, quàm celebria adeò *Pediluvia*. Hec enim ex *Friderici Hofmanni sententia* præsertim eo, quo tempore fluere menses incipiunt, magis eos sistunt, quàm urgent; dum sanguinis motum ad uterum revocant, inque porosa pedum substantia blando humido calore majus pro diversione ipsius spatium parant. Sic quoque pergit (a) in affectibus quibusdam spasmodicis observare licuit, quod ab usu *Pediluviorum* horripilatio, & frigus universum corpus pervadat. Et sanè horror excitatur, quoties aliquid ingratum applicatur nervis, sit calidum, sit frigidum, sit acre quodvis imò, & ab animi pathemate, & nimia evacuatione.

(a) *Idem tom. vi. de remed. benign. &c. §. xxxvi. p. m. 336.*

Ita Gorter (a). Aqua siquidem frigida æquè ac calida infusa inhorrescimus : Pili in cute inhorrescere solent, tamquam in loco aeris frigidioris incurfui objecto siti : Pilorum parva moles horrore affecta rigescit, constipatis violento affectu porulis, meatibusque pilorum. Quid plura? Hyeme cum currimus, magis rigemus, quàm cum stamus; cum aer nostra corpora ambiens, dum currimus, continuò mutatur, & *atmosphæram* nostri corporis calidam aufert: Similiter *exercitati* frigus vehementiùs sentiunt; & tempore matutino frigus acrius est, cum tamen *Sol* propiùs adsit; quia nimirum calentia vel exercitio, vel tepore lecti corporum foramina *peripherica* frigoris injuriis obnoxia magis redduntur; undè deambulatio matutina, & in vento horrorem inducit. Hæc, & alia effecta (b) horroris Pediluviorum usui supervenientis rationem in affectionibus convulsivis innuere id circo videntur, quod cum repetitis illis motibus, villi nervei majorem tensionis gradum acquisierint, vix a calore paulò immoderatiore, qui & acre quoddam est, impeti se sinunt, quin illicò in abnormes, tremulos, & horrificos motus cieantur.

XLVIII. A mensium intermissione ad *hæmorroidalem* in viris fluxum silentem devenimus; cui evocando multa pharmaca non intùs modò præscribuntur a Medicis; verùm etiam non minora locis affectis Topica supradari solent, ut dura, & constricta vascula *hemorroidalia* emolliantur, & relaxentur, ut obstructio removeatur, atque viæ ad beneficam excretionem expediantur; cui intentioni *Sanguisugarum* morsus infidus plerumque animadvertitur, ut quæ animalia stimulo canales potius ardeant, quàm referent; ut quibus post saturationem decidentibus, nisi partes hæ vapore aquæ tepidæ foveantur, cohiberi soleat fluxus, unà cum sanguinis ad partes superiores infausto plerumque repulso. Curiosa sanè est historia cujusdam Mercatoris hemorroidibus a longo tempore obnoxii; sed cui numquam tamen varices solutæ profuso

fo

(a) *Compend. tractat. 29. II. p. m. 114. tom. I.* (b) *Confer Aristotel. Problemat. section. v111. num. 6. 7. 8. 9. 11. 12. 13. p. m. 393. sequent.*

so sanguine fuerant, nisi in auxilium vocatis foliis ficuum, quibus tumores varicosi circa *Anum* fricabantur ad ruptionem usque. Cum enim instituta circa illud tempus, quo *hemorroides* ipsi emicare solebant, huiusmodi fricatione evacuatio moderata sanguinis hærentis ita succederet, ut postea dolor, rubor, pruritus circa sedis loca, aut irritus alvum deponendi conatus pertinaciter manerent, cum levi subsequente vertigine addubitare coepi, an tentata ea ratione hæmorrhoidum laxatio naturam irritando potius ad fluxum cogeret, quàm leniendo dulciter invitaret. Hinc huiusce fluxus prolectionem necessariam arbitratus, Infirmo ea topica suadeo, quibus non lacescitis, sed refocillatis hæmorrhoidalibus venis, feliciter contingeret stasis temporibus cruoris profluvium. Huic scopo commendavi laxantium, & emollientium vaporem blandum ano excipiendum; item *Pediluvia* cum prægressis partium infernarum frictionibus. Sperabam equidem indè fore, ut lotis pedibus, & obsequiosis fibris subcutaneis, & porositis per vaporem humidum facilius liquidorum ad imos canalium truncos fieret, & e quibus *hemorrhoidales* venæ proficiscuntur. Verùm sive ob inductam fluidis subitam rarefactionem, liberum eorumdem exitum inhibentem; sive ob nimium, tepida humiditate flaccescentes, & patulas venulas, quæ proinde conclusum intra suos surculos cruorem minùs exigerent, pellerentque (nisi enim a tergo sanguinis succedens columna antecedentem urgeat, nulla succedet evacuatio); Id unum scio prælaudata topica parum, vel nihil ægrotanti profuisse; donec nescio quo sydere tibialia ex stamine, & crassiori *lana* parata continuò usurpans sponte sua sanguinem ex prædictis venularum orificiis statò tempore manare animadverterit. Pergit verò ista expurgatio, nec ullum detrimentum ægrotanti affert, cum antea levi vertigine succedente stiparetur semper. Pergit, & quoque eger iisdem tibialibus *lanceis*, infimas corporis sui partes ad usque crura cautè contegere, quorum efficaciam per experientiæ fidem, nulla autem ratione prævia, edoctus est. Quid autem illud sit, quod in isto Tibialium genere omnium remediorum localium virtutem in ciendo hæmorrhoidali fluxu superaverit,

raverit, equidem non video. Nisi malueris, numquam intermissum per appositionem hujusce tegumenti totum partium inferiorum tacitam cruoris in venas sedis derivationem advocasse, quæ determinato dein tempore intra venas accumulata, eadem manente vi vitæ, hærentem humorem feliciter adeo protruderit.

XLIX. Postremò nonnullis hominibus solent peculiari vitio pedes affligi, præcipuè autem post cursum, exercitationē, continuam ambulationem: Scilicet initio torpent artus, levi fugacique horrore idemtidem redeunte torquentur, succedit frigoris sensus cum quadam *Formicationis* perceptione comitatus, pallor pedum sese adjungit, & notabilis ad motum tarditas. Cui vitio si non maturè occurratur, periculum est, ne noxa, in principio levis, in *paraliticā* dein partis affectionem transeat. Quem affectum cum comperissem, iis Religiosis familiare esse, qui mendicatò vivunt, atque *a Solis ortu*, ut ajunt, *usque ad occasum* ambulando, victum querunt; sciscitatus idcirco ab iisdem tantæ indispositionis auxilium, accepisse recordor medelam certam, tutam, & efficacem in eo morbo, panniculam præbere *lancam* imprimis, siccam, calidam, reversi domum, vel coenobium pedibus advolutam. Illicò enim oborta sudatione, quod frequenti fibrillarum motitatione comprehensum immotumque erat, liquatur, & patentioribus factis cutaneis meatibus, patenti de superficie egreditur. Jam dudum enim observaverat Vetusissimus Author *Alexander Aphrodisæus* (a), quòd tam pili pedum, quam *Pectinis* serò canescant, quia nimirum albor pilorum ab immeabilitate pororum æquali robore lucis radios reflectente enascitur, atque materiem pinguem ductulos obturantem non temerè agnoscere videtur. Porro pedes per continentem ambulationem crassum pilorum nutrimentum absument, & pubis calidiora loca in veneris campo collocata lentum illud crinium pabulum digerunt. Quod si canitie causam in succum pili fabricam interiorem perlustrantem refundere velis, qui coagulatus, vel spumescens, vel quo-

Ccc

quo

(a) *Problemat. lib. 1. num. 147. p. m. 698. 699.*

quo modo alteratus (a) albedinem efficiat, habebis probabilem rationem, quare corporis infima, pubesque raro incanescent: Fortè quòd præ exercitio, & calore partis succus e bulbo capilli emergens, nec iustò densior, neque rarior cum sit, poros æquabiliter repleat, uniformi nisu spatia distendat; undè emissariorum oscula debite ampliata, superficies æqualis, & mollis paucorum radiorum reflexioni inducendæ aptiora futura sunt, seu, quod idem est, color naturalis pilorum niger in prædictis partibus diu mansurus est. Haud ergo sine causa divinus ille *Cous* Medicos monuit, ne quibusque in febribus *pedes sint reliquo corpore frigidiores*, utque ne perfrigerentur, *vel ceratis integendos, vel fasciis obvolvendos* iusserit; (b) quidquid enim *Baglivius Hypocratis* Magni scimiola de semper laudando pedum calore in morborum medicatione, eoque promovendo in scriptis suis inculcat, & eruditè commonstrat, ut quorum plantæ mirum cum toto sistemate nervoso, & membranosis partibus commercium, & arctam unionem præferant, (c) illud omne bonam, laudabilem, ac salubrem fore ostendit, tutam parabilem, & facilem *lancam methodum*, quæ nativum illarum partium calorem suo contactu ac appensione foveat: Planè ut constet, fascias villosas, & similes corporis amictus ubi pedibus de industria, & semper cum Medica limitatione induuntur, obstringunturque, numquam propria carere laude, quin eam pollere virtute, quæ deducendis ad ima nimis furentis sanguinis fluctibus capitique infestis, digerendisque in pedibus, impactis materiis, fomitique noxiis cuique sufficiat, nec umquam a scopo Medici aberret. Equidem, ut vitium pedes invadens, & cum incredibili tortura tenens commemorem in ipsa Podagricorum insultum violentia, levamen artis poscente, vix inter externa remedia quicquam prestantius esse inquit *Vverlhof* (d) *levi tegmine laneo, & patientia*. Legantur, & conferantur quæ supra dicta sunt (e).

CAPUT

(a) *Chirach. sur les cheveux p. m. 317. 318. sequent.* (b) *De acut. num. 10. 30. 42. 43.* (c) *Specim. lib. 1. p. m. 261.* (d) *De laudib. medel. §. vi. p. m. 29.* (e) *In præf. cap. §. xxxvii. num. 2*



C A P U T XIV.

CONCLUSIO OPERIS.



Uæ adorandi Conditoris nostri mira sagacitas in Naturæ minimis ad pompam usque ostentationemque elucet ; eadem domesticis remediis jam plebi notis , & quotidie evalescentibus , in Humani generis salutem incredibilem efficaciam concessit . Hinc est , quod famigeratissimus *Fridericus Hofmannus* peculiari dissertatione de remediis domesticis agens , eorumdem præstantiam adstruere aggressus sit (a) . Experientia enim suffultus ille , confidenter adfirmat vernacula , parabiliora , & domestica omnibus nota auxilia medica viribus , usu , atque utilitate varia composita pretiosa , & magno labore conquistata arcana longissimè antecellere , & in sanando longè certiores , & tutiores effectum illis promittere . Simile quid demonstrandum susceperat singulari tractatu illustris *Boyleus* (b) . Qua re permoti præsentis nostri labore oculos ponere , quid in *lanearum* vestium usu commendari ; quid rursus noxæ periculosus earundem abusus afferre posset , conati sumus : Ut quantum homines a remediorum farragine sibi cavendum sit , & qualè in purganda a sordibus in-

Ccc 2

heren-

(a) Tom. v. p. m. 363. sequent. (b) De simplic. medicam. &c. apud mangett Bibliothec. scriptor. tom. 1. l. c. littera. P.

herentibus cute per adhibitam frictionem *laneam*, tuendis-
que ab noxio frigore corporibus, curam impendere debeant,
ex adductis pluribus Vetustorum, & Recentiorum exemplis,
atque nostris historiis, & animadversionibus intelligant. Et
quamquam id vitio *laneis* pannis verti ab omnibus videamus,
ut miasmatum pestilentialium, & succorum corpusculorum-
que extraneorum per aera vagantium aptissimum promptua-
rium existant: Indé tamen potius argumento deducendum
arbitror, Naturæ consilio factum esse, ut lanigera cuncta per
susceptum, indeque sparsum in Mortales virus certó certius
nocitura; ita demum omni virulentia spoliarentur, si venti-
lentur, & sedula vigilantia ad publicæ incolumitatis tutelam
suffiantur, sicque labi adventitiæ, & absconditæ seduló oc-
curratur. Quemadmodum enim recipiendis venenatis radiis
præ cæteris omnibus corporis integumentis aptissima *lanea*
censetur; ita quoque fugendis beneficæ suffumigationis haliti-
bus omnium opportunissima habentur. Nemo igitur post-
hac de *lanei usus salubritate* dubitabit, modò intaminatæ
simplicissimi remedii simplicitati credere velit; ubi nimirum
laxantem unà, & stimulantem velleris corpori superstrati vir-
tutem; cohibitam insensibilem transpirationem morborum
occultissimorum etiam feracissimam; innoxium *lanæ* incum-
bentis vaporem, & gratum pruritus, titillationisque nervo-
rum cutaneorum sensum; tum sequuturam indè divisionem,
& attritionem materiæ transpirabilis, cujus morbosa spissitu-
do chronicos morbos sustentat; tum alia *laneorum* pannorum
salutaria effecta, ductuum sudoriferorum, transpiratoriorum-
que obstructorum infarctorumque reserationem, atque san-
guinis circulum per tubulos extimos equabiliorem, & faci-
liorem inde redditum candida, & ab omni alieno *hypothese-*
sum casta contagio mente intueatur.

Sed quid me in *lana*, ut fertur, *caprina* insudantem in
colligendis fructibus Medicis nimium, in hisce digerendis
lassatum penè, in commendandis exhaustum; Osoribus, qui
pro sua quam superciliosè sibi arrogant autoritate, & licen-
tia aliorum opera fastidiunt, deridentibus, ipse regeram?
Quî quæso illis, quibus tam vasta pompas ostentatio-
nis materies medica, tam laboriosa pharmacia, tædiosa

adeo pharmacorum preparatio, tam demum operosa placet chemia, qui Arabum sequuti morem, dedita id agunt opera, quo artem salutarem ex se longam nimia remediorum *Galenicorum* farragine opprimant, supervacanea industria auxiliorum nativam indolem deturpent, sordida auri cupidine, quæ arcana sua *thraſonice* jactitant, celent; qui demum remediorum formulis nimium confusi, magni erroris flagitio corruerunt Artem, atque confectis suis *Armamentariis*, *Dispensatoriis*, *Pharmacopeis* largi tribuunt, quam simplicissimis, & ex nuda natura petitis, nec personatis præliis Medicis ademptam læti ferunt gloriam: Quæ, inquam, ratione hisce hominibus satis nostris hætenus exantlatis laboribus fieri possit? Non est hic tractatus, fateor, talis, qualem vellent; fastidiosa remediorum supellestile onustum, atque decantatis multiplicium pharmacorum formulis splendidum: Verùm qualem certè exigebat Sancta nostræ Artis simplicitas, quæ ubi integra puritate colitur, ab omni admirabili abhorret, & vilissimo in speciem, eoque facillimo, remediorum apparatu vitam tuendo atque sanitatem, ab injuria morborum tutos præstare mortales unicè ambiat: Sed qualem Principum in Arte Virorum, quos gloria eximios vel ipsa clamat invidia, medendi ratio commendat, cujus ope expurgata compositorum remediorum face, & abrogatis fictis omnibus pharmacis, inutilem medicaminum scientiam generosè repudiarint: Sed qualem demum sinceri candidique Professores Medici desiderarent, qui duce Medicinæ Parente, & saniorum Vetustiorum facilè principe *Hypocrate*, sic in fastitanda exercendaque sese gerunt, ut auxiliorum paucitate contenti, & inanem medicamentorum copiam respicientes, alternam balneorum, frictionisque vicem in omnibus ferè morbis cautè adhibitas omne punctum ferre confiteantur.

Huic ergo communiori in sanandis ægrotantibus methodo, quæ in præcedentibus Capitulis de usu, & abusu villosè in cuiusque vestis re medica fusè prosequutus sum, super struxi; ratus agendi *Gnaro* raram remediis penuriam; ratus cum *Sanctorio* ex cohibita salubri perspiratione, multos eoque facie diversos succrescere morbos, qua radice succisa se-

pissi-

pissimè evanescere; ratus cum *Antiquis, & Sydenhamo* in
 morbis nihil agendum, nihil esse tentandum, nisi natura
 monstrante viam; huic in universum opitulari medentem; ubi
 laxa stringit, adstricta laxat, spissos, & impactos humores
 diluit, atque humectat; ratus demum ex nostris supradictis
 experimentis, moderatum laneorum indumentorum usum, se-
 tis prurientibus solida stimulare modò, modò verò coercito
 transpirabili, constricta fovere, & emollire; sicque concussio-
 ne mechanica per frictionē adjuta, torporem, indeque varias
 morborum species enatas excutere; interdum tamen electa
lanæ specie tenerrima & mollissima, subjectam cutem, hu-
 mectari tantum, & stricturas, si quæ sint, solidorum in cor-
 poris habitu vapore humido removeri. Quare omnium huc-
 usque dictorum a nobis summam paucis hisce tene: quòd ha-
 beamus alimenta, & operimenta, satis abundè esse; abje-
 ctam proculcatamque in speciem *lanam*, similemque mate-
 riam, quibusque aliis pretiosis indumentis præferendam me-
 ritò esse, imò longè extimabiliorem ipso ciborum delectu
 in praxi habendam; ut quæ sine Sellæ usu nullo negotio,
 monente sensu, necnon corporis ita compacti consarcinati-
 que sequente levamine dietam sola præscribat, exercitia
 definiat, somnum, & vigiliam moderetur, & præclarissimo
perspirationis usu in Medicina gaudens, non modò ad acqui-
 rendam longevitatem, aut sanitatem constantissimam obti-
 nendam, sed & morborum cognitionem indagandam, &
 curationis indicationes multò faciliùs eruendas utilissima sit.
 Hæc, & alia ex periculis nostris spontè fluunt, praxi Re-
 centiorum saniori quadrant, Antiquorum monumentis ap-
 primè conveniunt. Quæ si morosi Lectoris judiciis non ad-
 probentur, at sudoribus nostris, conatibusque interim æqui-
 bonique consulant, humaniores viri, quibus compertum est,
 quàm tardum quàmque difficile sit intricatum, obscurum,
 magna parte opus, & a nemine hætenus excultum polire
 ita numeris, ut omnibus absolutum, satisfaciens emergat,
 Universis. Non ignarus aliquid molientium verissimæ lau-
 dis felicitatem eorum, quantum potui, æmulari studui, de

quibus scripsit *Hallerius*: *Felices illos*, inquit, (a) *qui unam minutam de hystoria rerum creatarum portionem sibi decerpunt, in hac laborant unicè, eam undique versant; torquent ratione, experimentis scrutantur, donec veritatem fateatur nudata conando Natura*. Hanc si aliquando perdidimus ducem, non illius, sed ingenioli nostri vitium est. Hujus enim calcare ubique vestigia prudentis est; penitissima in agendo mysteria rimari velle audacis hominis est; simplicissimam, pulcherrimamque ejusdem operandi rationem in medendo scrutari, Medici sanioris est. Itaque hisce nostris lucubrationibus fuere L. B. & quam inceptis, ausisque tribuere nolis; candidis tamen nostris in publicam utilitatem conatibus laudem ne dedigneris; quippe eo unicè conspirantibus, ut *utilitatem juvandi præferre* maluerimus gratiæ placendi (b), & illa quidem nihil jucundius, nihil antiquius veritatis Indagatori; hæc verò aut silentio aut dissimulatione, aut obliqua obtrectatione potest imminui.

FINIS.



(a) *In præfation. tom. v. part. 1.* (b) *Plin. in præfat.*

JOSEPHI DE MARCO

Medici Melitensis Philosophiæ, & Universitatis Monspelliensis

MEDICINÆ DOCTORIS

DISSERTATIO

DE COCHOLATA,

Ejusque Usu, & Abusu

IN MEDICINA,

Ubi inquiritur etiam:

An Potione COCHOLATÆ Jeju-
nium Ecclesiasticum fran-
gatur .



JOSEPH

DEMARCO

MEDICINAE DOCTORIS

DSSERTATIO

DE COCHOLATA

Esquipo Lm, de Abula

IN MEDICINA

Libri inscriptionis eiusque

An. 1810. COCHOLATA Lm
An. 1810. COCHOLATA Lm
An. 1810. COCHOLATA Lm
An. 1810. COCHOLATA Lm



1810. COCHOLATA Lm

PRÆLOQUIUM.

QUOD olim Macedonibus Alexandri Militibus in Babilonia consistentibus; quod subsequenti inde sæculorum serie *Annibali*, ejusque exercitui in Campania hybernantibus accidit: illud Hispanis novum Orbem ingressis contigisse mihi videtur universum. Inter enim Babilonica flagitia exercitus ille Domitor Asiæ per triginta quatuor dies faginat^[a] se cum moribus Babiloniorum corruptissimis, perditoque ingenio ita temperatè composuit; vestitum, Gentis more, sermonem, ceterum cultum, imò nefandas Illorum illecebras ita adamavit, ut quem ferro priùs, æreque tantum fulgentem suscipiens expaverat Asia, muliebriter deinde cultus Hostis, luxuque ener-vatus, ad subeunda belli discrimina debilior fieret: Ex altera parte delinierat militum *Carthaginensium* animos *Capua* instrumentum omnium voluptatum, averteratque a memoria Patriæ; jam illa ubertate cam-porum fruenter lasciviebant, jam intempestivis epulis, & perpotandi licentia dies noctesque effrenis consumebat miles; quandò Marius Romanorum Consul percunctando solùm hostem vincere decreverat. [b] In summa, nullus locus disciplinæ Militari *Carthaginensium* magis nocuit, qui in peregrina, victarumque gentium mala eisdem impulerat. Ita nihil *America* moribus corruptius, neque ad irritandas, illi-ciendasque immodicas delicias instructius umquam *Europæis* fuit. Dum enim bello parti novi Imperii potiti Indorum Domitores Hispani commune conculcatumque ubique in illis Regionibus, argentum, occurrentes passim auri fodinas admirantur; dum Indorum Reges aurea lecticâ margaritis circumpendentibus recubantes; Regiæ auratas columnas; tapetes auratos, intextas auro vestes, efficta in auro Idola, laquearia laminis aureis; Deumque simulacra ex auro obrizo conflata, aureas Palatiorum venationes, soleas Equorum auro quoque puro; universa denique loca vel auro lita, distincta gemmis, unionumque conchis, vel intra vastissimas specus abditum metallum gerentia, illudque eruendum parvula molientium operâ, vel in montes aureos, collesque assurgentia oculis percurrunt: [c] Dum, inquam, indicibilem hujusmodi opulentiâ, inexplicabilem luxus magnificentiam, & Populorum invisam ad usque illa tempora, bonorum omnium affluentiam stupent, divitiarum sacra fames, tantaque cupido incessit, ut Indis, invicti priùs, nunc auro eorû vincerentur, totique in conquirendis,

[a] *Quint. Curtius de reb. gest. &c. lib. v. cap. v.* [b] *Titus Liv. histor. decad. lib. cap.* [c] *Conf. varios hoc de re Auctor. ut Gomara bisioire des Indes livr. 4. chap. 120. Nouveaux memoires &c. tom. 11. l. c. par Louis le Comte de la Toubere du Royaume de Siam ann. 1687. 1688, Relazion des Amazones Journal &c. ann. 1673. 1687. &c.*

& accumulandis opibus incumberent, qui prius novas hæc Mundi oras subacturi gloriôsè tantum venisse viderentur. Sed ut sunt ubique hominum ingenia in vitia quæque facilia flecti, omnia Hispanis in externum lapsa sunt morem. Domita enim Indorum Gens omnis luxuriæ commercium in Europæos vulgare; varias Gulæ illecebras ostendere; condimenta peregrina jactare; *Zinziberata, Piperata*, & alia id genus aromatica irritamenta offerre; *Thè, Caffè*, inaudita prius verba, sorbitionis ad instar usurpata prædicare; & quod ad rem nostram magis pertinet, *Cacao* semina, Cinnamomum, Saccarum, & ex iis vel solis, vel aliis commixtis pharmacis varias confectiones in usum nostrum invehere. Inde factum est, ut postremo loco indicatis rebus confurgens mixtura [*Cocholatam*, vel *Succolatam* vocant] non solis Americanis, sed & Europæis jam sit familiaris. Jam quæ apud *Indos Cocholata* pasta vigeat, quæque Snibus saginandis, quàm hominibus alendis aptior esset, hodie ab Hispanorum industriosa in hac re luxuria reformata fuit, adeo ut [a] salubriorem, & suaviorem ex illa potum reddiderint.

Itaque de hac potionis specie in præsens acturi, ut ordo dicendorum clarescat, totum negotium in tria capita dividemus. I. Compositionem *Succolata*, quantum ad sanitatem pertinet, ejusque principiorum virtutes aperiet, detegetque inde ortam mixturæ efficaciam. Alterum, seu II. usum, & abusum *Cocholata*, tam in tuenda valetudine, quàm in nonnullarum affectionû medela enucleabit. III. denique: Quid sorbitio hæc ad Jejunium Ecclesiasticum solvendum conferre soleat, vel quibus Ecclesiæ finibus in jejunio Fidelibus præcipiendo obstat, præmissa jejunii excellentiâ, & dilutis Adversariorum objectionibus, enodabit. Quæ etsi partim ab Auctoribus præstita, partim sub aliorum fide narrata, partim ab Nonnullis adumbrata leviter sint, qui de *Cocholata* scripserunt; Tanti tamen esse minimè videntur,

ut nostras, qualescumque fuerint, de hoc argumento,

assertiones in medium proferre abstinemus,

atque in lucem eductas elencticis peri-

tissimorum Virorum meditatio-

nibus lubèter, & absque in-

vidia subjicere; Vt

quod mancum fortè, suppleant; quod desit,

addant; quod inutile tollant; sicque

Veritari, quam semper

quærivimus, ple-

nissimè satis-

faciant.



CAPUT PRIMUM

De modo conficiendæ SUCCOLATÆ, deque virtute, & qualitate principiorum ejus, & de compositiæ inde Pastæ præstantia.

I. **M**ittimus statim in limine Auctorum circa *Succolatæ*, vel *Cocholatæ* ethimologiam scrupulosius versantium disquisitiones, atque inutiles nomenclaturas. Sive enim *Cocholata* vocabulum Indicum, a sono, quem effervescens decoctum efficit, quique apud Americæ Accolas *Coco* audit, & ab aqua, nomine *Atte*, vel *Atle* veniente, cum nonnullis efformaveris: (a) Sive cum *Du Four Cocholatam* appellaveris, quasi *Cacao-aquam* diceres; (b) perinde ad rem nostram esse videtur, ut quibus denominationibus tamquam pomposa potius, quam utili eruditione, nihil bonæ frugis in Artem Medicam redundare valeat.

II. Vulgaris, & usitatus apud omnes Regiones modus *Cocholatam* præparandi sequens est: Recipiantur nuclei *Cacao* excorticati, tolli, & in mortario in pastam ductilem, sequacemque redacti; huic pastæ parum sacchari unâ coquendi admisceatur. Hæc est *sunitaris*, ut ajunt, *Cocholata*. (c) *Parisienses* cinnamomum, & *vanillam* addunt: sed posterior in desuetudinem abiit. Hinc est, ut confectio *Cocholata* odoribus, vel acrioribus condimentis refertæ, vel apud Americanos, vel in quibusdam Hispaniæ plagis tantum vigeat. *Indi* enim, si Historicis adhibenda fides est, non solum *Cacao*, saccharum, cinnamomum, & *vanillam*, ut moris est, usurpant; verum etiam pipere Mexicano, *cariophyllis*, arboris cujusdam Indiæ succo inspissato, & coccinei coloris, amygdalis, Corili cujusdam fructibus, aliisque rebus pastam inficiunt. [d] Quod ad Hispanos attinet, eos *cariophyllorum*, *ambriæ*, & aliorum aromatum usui in *Succolatæ* præparatione nimium indulgentes lego. [e] Quemadmodum autem unica est, & valetudini accommodata *Succolatæ* confectio, quam supra indigitavimus; sic coquendæ ejusdem, & sorbendæ methodus præ reliquis, quæ apud Auctores prostant, (f) unica quoque eligenda esse videtur; quæque in eo consistit, ut certa mensurâ inditæ in specialis figuræ olla, & eo loci ebullienti aquæ; pastæ nostræ determinata dosis in scobem, vel pulverem redactæ adjiciatur; adjecta bulliat; ebulliens instrumento ligneo denticulato agitetur, donec spumescat: quo non fervens, non frigida, sed tepida propinanda potio sit.

III.

(a) *Le Fevre de Cocol. cap. VII. p. m. 27.* [b] *Traité du Chocolat. p. m. 309.* [c] *Spétiacle de la nature entrer: XV. tom. II. p. m. 406.* (d) *Vid. du Four ibid. chap. 1. p. m. 312. sequent.* [e] *Spétiacle de la nature tom. I. p. m. 491.* [f] *du Four ibid. p. m. 362. sequent.*

III. Quandoquidem *Cacao*; *saccari*, *cinnamomi*, & aliquando *vanilla* compositionem *Cocholata* ingredientium meminimus: Exigit rei dignitas, ut de singulis aliqua tradamus; initium ab intrinseca hujusce velut basi fumentes, ab nucleis, inquam, *Cacao*. Non loquor de arbore, quæ semina hæc in America producit. Neque verbum addam de multiplici *Cacao* differentia; de hisce enim consulatur *du Four*. (a) Illud tantum dicam: Nucleos hosce pingui oleosaque substantia abundare, præprimis si maturi de arbore colligantur, inde terantur, exprimanturque. Ita enim inquit *Boerhavius*: (b) Si *Cacao* optimi libra trita cum octo libris aquæ cocta ad crassitiem pulvis fuerit; ablata, pinguitudo collecta & frigefacta sebi instar, uncias dabit septem talis olei: unde mira in semine hoc pinguis copia præsens intelligitur. Sed & scitur etiam, quare foliis exarescentibus deciduisque, floribus jam emarcidis, fructus *Cacao* maturus, perfectusque collectus ferè spontè dilabatur; Quare, inquam, dum fructus ille ita de arbore cadit, tunc, & non alio tempore pingui materia turgeat, itaut nativum oleum aggregatum emineat, ceterisque partibus prædominetur? Quia nimirum, virente planta, motus aquosorum humorum promovetur, salia circulantur diluta, terræ partes interponuntur, unde olea ab unione, & miscela suarum partium arcantur. Demum largior oleosæ substantiæ ex *Cacao* tosto, & in igne agitato quam ullo alio tempore, habetur copia; propterea quòd inter torrendum, terendumque intermixti oleosi globuli, avolante aquosiori parte, sui juris fiant; partes terræ, & ponderosæ frangantur, & a se mutuò ita divellantur, ut nidulans & incarceratum pingue detrudant, expellantque sursum. Hinc est, quòd ebulliens *Cocholata* pinguem spumam suæ superficiei inhaerentem copiosorem fundat, præcipuè si eo, quo diximus, instrumento (II.) moveatur perpetuò. Hinc est, ut finita ebullitione, terrestrior *Cacao* substantia crateris fundum petat, ubi hic potus paratur, & eo loci resideat, velut abjecta feminum pars. Non albescit verò *Cacao* feminum in aqua coctorum mixtlo; non quòd oleum deficiat, vel quòd illud aquæ connubio destituatur ad consiciendam saponis candidam spumam; sed quòd spontè flavescat, atque flavedinem præ ceteris coloribus vehiculo impertiat. Notum enim est, quòd quotiescumque olea minutim divisa, hinc latentia, miscentur aquæ, toties albus color exoritur; (c) Verum flavedo in oleo *Cacao* indicat vel crassitiem partium pinguium, vel earumdem ad ranciditatem majorem dispositionem: Antiquiora quippe olea ut flavescunt, ita rancescunt: recentia verò dulcia sunt, & alba.

IV. Nunc autem de virtute *Cacao* edifferentes, dicimus, eam in oleosa eadem largiori substantia sitam esse universam. Quippe terrea feminum pars nequaquam forberi solet, sed veluti fex in fundo ollæ residua negligitur. [III.] Inde *Cacao* crudum, crassum suppetit nutri-

tri-

(a) *ibid.* p. m. 312. *sequent.* [b] *Cbem. tom. II. processu XIII.* [c] *Boerhav. chem. ibid.* p. m. 61. num. 4.

grimentum, sanguinem inspissat, ut humores crassiores efficiat, obstructions gignat, & pallidum virginibus colorem inducat [a]. In genere autem sapor amarus, & oleosa *cacao* portio ignis effecta sunt, quo defectus probæ mixtionis inter principia fructus *cacao* immaturi suppletur, oleum separatur, accumulatur, butyri in speciem emergit, & insipidus fructus, sapidus redditur. Quamobrem si gustus, criterium est efficacix vegetabilium, (b) sequitur, *Cacao* nucleos, quales ad *Succolatam* adhiberi consueverunt (III.) inter amara, & oleosa remedia recensendos esse; ob nimiam scilicet, & crassiorem pinguedinem, quam fundunt, & propterea quod accedente in Biliosis, ingenti ventriculi calore, in rancidum vergant, & hominum sanitati perniciem afferant. Novi micas aliquot olei, seu butyri, quod e pulte nucleorum *cacao*, in aqua ebulliente aliquandiu decocta colligitur, plurimum ab nonnullis laudari in leniendis pruriginosis papulis, quæ ab affricu unguenti *mercurialis* (c) ad loca pilosa contingere solent. Verum inde non colligitur, recentissimum licet & blandissimum *cacao*, oleum, ignis tamen adminiculo, tritu, & bilis effervescencia in acre, & rancidum degenerare non posse. Saltem illud nobis ultrò dent *cacao* pinguedinem, in hominibus otiosam, & umbratilem vitam degentibus stomachum gravare, vires ponderosiori nutrimento potius opprimere, quam instaurare. Calidis autem, & bilis æstu turgentibus visceribus affusam, indeque in sanguinem remeantem pinguedinem illam alia ratione nocere posse constat; dum illud oleosum sanguini impensè calenti admixtum, & unà cum eo per corpus circulans, vascula minima suo lentore obstruit, & impedit quominus ceterorum liquidorum moles per suos canaliculos æqua ac prius facilitate pererret: unde sæpe post *Cacao* ita præparati sumptionem levis fugaxque dyspnea utentes veniat, quod in memetipso non semel observavi, obstructis scilicet earum ratione pulmonalis arteriæ ultimis angustis, dilatatis earundem principis, compressis adjacentibus cellulis, coarctata harum capacitate, & intercluso irruenti aeri libero intra præcordia aditu; Inde factum est, ut post *Cocholatam* aquæ cyathum sumant, quibus cordi est valetudinem sartam tectamque tueri, ne forè quod glutinosius in ea sortitione est, ullibi ad pulmonum plagas cespitet, & noxiè offendant, difficilem respirationem concitaturum. Non ergo improbandum quod *Antonius Colmonerus* Medicus Hispanus (d) de feminis Indis meminit, eas crebra *Cacao* masticatione viscerum obstructions contrahere; eo enim abusu, quod de oleo amygdalarum dulcium in omnibus morbis a vulgaribus Medicis promiscuè adhibito, alibi quærebat *Baglivius*, [e] idem contingere potest, nimirum similium laxantium imprudenti methodo, ut defecto solidorum fluidorumque tono, & retardato humo-

(a) du Four *ibid.* p. m. 325. [b] *Abercrombious*, *Clavis* &c. in præfat. lib. cap. (c) *Astruc. de morb. vener. lib. iv. cap. vi. p. m. 465.* [d] *Apud Joann. Bapt. Felici, Parere intorno all'uso della Cioccolata* &c. p. m. 17. 18. [e] *de Morb. solidor. p. m. 312. & dissert. 11. p. m. 317.*

humorum ubique decursu, ad morbos chronicos, cachexiam, hydro-
pem, latum pandatur iter.

V. Verum, quum constans opinio sit, *Cacao* inter *Nutrientia* nu-
merandum esse, Tabidis, emaciatisque plurimum favere; videndum,
(u) quomodo iis opem ferat. Enim verò, quamvis per *Stubbi* experi-
menta constitit, [b] ex unica nucleorum *Cacao* unciam plus oleosi,
quàm ex libra integra carnis bubulæ elici; inde tamen minimè confi-
citur, ut voluit ille, semina hæc plus alere, quàm carnem bovillam.
Distinguendum namque est, inter *nutritionem*, & *impinguationem*. Ad
priorem requiritur, ut continuò tantum & tale corpori addatur, quan-
tum & quale decessit: (c) quod fit, dum ingesta propriam naturam
exuunt, & induunt naturam liquidorum humanorum, ut primò in chi-
lum, mox in sanguinem, inde in liquida tenuiora convertuntur. In
posteriori autem casu accedit quidem ad naturale pondus corporis *pin-
guedo*, sed ea sanguini laxè commixta, & velut fluctuans in cellulis
deponitur, & ibidem allervatur, absque eo quod in sanguinem abeat:
unde paucus sanguis *Obeſis* inest. Si igitur homini pallido, & exan-
gui oleosa ingeras, replet quidem, sed non nutries; tantum fortè ad-
des, quantum absumptum est, sed non tale: cibus enim non est ne-
cessarius ut vasa repleat; neque nutritio canalium repletionem perfici-
tur, ut voluit *Deidierius*. (d) Quamobrem *Cacao* pinguefaciendi po-
tius, quàm nutriendi concessa videtur facultas: Jusculis autem car-
nium vera & genuina alendi potestas debetur, ut quæ succum omnes
nutrimenti dotes in se habentem [e] suppedient; blandum nempe lym-
phaticum, gummi soluti ad instar adhærentem, levem, mutilaginosum, &
in substantiam animalium facile mutabilem. Quod autem ex seminibus
Cacao exprimitur, amarum est, [iv.] vel saltem præparatione tale
fit, rursus salinum est, [f] oleosum, resinum, & intiammabile; pon-
derosum præterea, & vehementia ignis, violentoque tritu attollen-
dum; & demum in cellulis membranæ adiposæ, tamquam in propriis
receptaculis, coercendum: Quare valentibus saltem hominibus opti-
mum præbere potest nutrimentum. Quid ergo? An omnibus promi-
scuè conveniat? Vt sentit *du Four*. [g] An semina *Cacao* calidi tempe-
ramenti homines refrigerent, frigidi autem temperamenti calefaciant?
ut nonnullis visum est. [h] An eadem adstringant, an verò laxent?
[i] An alimentum calidum unà, & humidum corpori suggerant? [k]
An refrigerent, & leniant, ut amygdalæ? [l] Hæc, & alia quæſita
ex enarratis modò satis elucescunt, patetque ad ea responsio.

VI. Succedit examinandum *Succarum*; [vide supra lli] quod an sit
sal

(a) *Conf. le Fevre ibid. cap. viii. p. m. 30.* (b) *Journal des Sçavans ann. 1666. tom. 111.* (c) *Sanctor. static. Aphor. 1.* [d] *de Nutris. lib. cap.* (e) *Memoir. de l'Academ. Sc. ann. 1730. tom. 1. p. m. 312.* [f] *Grosfroi Mater Medic. tom. 11. p. m. 412.* (g) *ibid. p. m. 395.* (h) *Journal. supra.* (i) *du Four ibid.* (k) *Hesquet ibid. p. m. 351.* [l] *Barbeyrac Formules l. c. du Chocolat &c.*

sal essentialis pinguis, & oleosus, [a] vel oleum, vel neutrum ex hisce, [b] parum impræsentiarum nolle juvat, ac refert: Dummodo per experimenta circa *Saccarum* capta, & ab ejus assumptione nimia, in corpore nostro observata abunde consiterit: 1. *Saccarum* salem esse singularem, & sui generis in aqua perfectè diluendum; imò cum aqua facilè in vinum fermentandum; Cum oleis mixtum, saponem evadere; dum illa sic dividit, ac eorum tenacitatem frangit ita, ac si ferè fermentata forent cū illo *Saccaro*. Hæc autè omnia intelliguntur de *Saccaro* albo, poroso, siccissimo, levissimo, friabili, quod in conis habetur; quodque proinde omni aquoso latice privatū, & ab humore melleo expurgatū ritè sit. Nam ubi pinguedinē illā nativā fovet, quæ in *Saccaro* sponte suis e calamis exsudante, & in Moscovato rufo observatur; (c) Tunc enim verò longè diversam obtinere videtur virtutem, quam ubi omni oleo spoliatum, in verum & solidum sal concreverit. Nam pingue *Saccarum* & crassum, laudabile pabulum subministrat, pituitæ acrimoniam demulcet, tussim sedat gutturis, & pulmonum asperitatem emendat, partium laceratarum parietes obducit, acerrimum humorem obolvit, & expectorationē foras educit, pungentem *dolorem colicum* a volatili, & sylvestri humore productum irretiendo compescit, & mitigat. Quòd si verò 2. in usum adhibeatur *sal siccum Saccari* omni pingui orbatum, tunc more ceterorum salium agens, extra corpus, oleolis commixtum immaniter effervesceat: In corpore verò nostro olea, quibus se interposuit, reddit equidem cum aqua miscibilia, sicque æquabili nexu deducere illa potest viribus integris ad destinata loca. Verumtamen, latici nostro confusum, vi vitæ adjuvante, non solum pituitam dissolvit, verum etiam pinguedinem humanam nimis solvendo morbosam, macilentiam inducere potest; ut & attenuatione nimia humorum debilitatem producit, & laxitatem solidorum nimiam: hinc est, quòd *Scorbuticis*, & *Rachiticis* plerumque noceat, [d] quidquid dixerit *Friedericus Salare* apud *Geoffroy*. [e] Nam observavit *Rayus*, (f) *Scorbutum* populariter Londini grassantem non in aeris humiditatem, sed in *saccari* abusum referendum esse; cum in aere *Lusitanicæ* calidissimo *Scorbutica*, lucet vigeat, ab nimio *saccari* esu producta. Dulcia enim, ut mel, & *Saccarum*, de quo loquimur, dentibus non ideo inimica sunt, eos scilicet corrodingo, & cariosos reddendo, quòd sal acidum in se recondant, ut credidit *Moebius*: (g) Quippe, ut rectè animadvertit *Geoffroy*, (h) in hordeo, cerevisia, lacte, in fructibus etiam quibuscumque latet acidum hoc implicitum, & irretitum silet, quin prava illa alimenta exinde censeantur. Itaque *sal Saccari*, & omnia mellita cariem dentibus inducunt, quòd salina spicula antea in *saccaro* v. g. sopita, nunc autem prævia præparatione a particulis oleosis locis segregata,

B

in

[a] *Geoffr. mater Medic. sect. 1. tom. 11. p. m. 732. art. 1X.* (b) *Boerhav. chem. 11. p. m. 100.* [c] *Conf. Geoffroy ibid. p. m. 734. 740.* [d] *Boerhav. ibid.* (e) *ibid. p. m. 748.* (f) *apud Republique des lettres. tom. 1X. art. VI. auri.* [g] *Fundament. Medic. cap. 1X.* [h] *Ibid. p. m. 749.*

in libertatem afferantur, & prædominium teneant, eaque ratione dentibus inhærentia, eorumque poris immixta, solutionem fibrillarum minari possunt. Hoc adeo probabile mihi videtur, quod saccharata, intacta gingivarum carne, solos dentes plerumque afficiant, quod observatum olim legimus in *Zodiaco Medico-Gallico*: [a] Quia nempe viscido gingivarum humore obducti sales levem impressionem, eo loci exerunt; e contra verò, toto suo nisu in dentium stamina impetentes, cuneorum ad instar villos ossæos discindunt, & detrita exteriori dentium lamina, cariem tantò faciliùs creant, quòd ossis interiora nudo aeri, omnisque corruptionis genitori immediatè pateant.

VII. Non temerè ergo *Cacao* pinguedini abundanti (iv.) albissimi *Saccari* certam dolim immiscent, qui *Cocholatham* confecturi sunt. Pinguis enim & *Cacao* seminibus expressa materies tenax, ope; saccari salinita dividitur, discerpitur, ut per venas lacteas in sanguinem, ex hoc per omnia corporis loca meare possit; quin in cellulis otiosa congeratur, (v.) quemadmodum contingeret, si sola fumeretur. Cùm verò *Saccaro*, ut diximus (vi.), oleo inflammabili, & sale quodam constet, & juxta alterutrius principii prædominium, diversas virtutes in liquidis nostris producat: Patet, *Saccarum* pingue, & crassum oleo *Cacao*, eoque viscido, etiam confusum minima obturare vascula corporis, *Scorbuticorum* salibus admixtum magis fermentescere, & morbi symptomata graviora efficere. Quod si candidissimum *Saccarum*, & salium spiculis dives eligatur, ut oleosum *Cacao* principium crassum, & iners innata suorum angulorum acie dissolvit in saponem mirum; sic ventriculo, intestinisque receptum, & cum bile effervesces, hujus attenuationem & fluiditatem promover: Quare acrior motu redditibilis æstus non solum in fistula intestinali accendit, verum etiam dum in massam sanguineam transvehitur, per totum, quò latè patet corpus, incendium molitur. Inde flatus in primis viis *borborigni diarrheæ biliosæ*; in summa autem corporis cute excrucians ardor, pruritus, imò pustulæ. Itaque diversa ratione Biliosis, Macilentisque *Saccarum* sive siccum, sive pingue, nocere comperitur: pingue enim particulas bilem, componentes adiposas calore exaltando; siccum verò cum illis fermentando (sit verbo venia) Ideoque utrumque alibili blando mucilaginato suppeditando, (v.) impar prorsus videtur.

VIII. *Cinnamomum* cortex aromaticus est, balsamicus, oleosus, resinofus, suaveolens, atque diu admodum propriæ fragrantie imprimis tenax; gustui, & ventriculo gratus, visceribus conferens, totam denique animalis œconomiam recreans. Vnicum solamen feminis ad frigidi pituitosi *Uteri mucus*; (b) unicum in virium imbecillitate præsidium. Inde *Cinnamomum* vulgò habetur tamquam summum aperiens, siccans, discutiens, nervos excitans mirè. Eadem sua aromaticitate intempestivè, vel immodicè sumptum, tantum abest, ut concoctionem ciborum juvet, ut vulgò putant, quin potiùs ventriculum ad inflammationem, dispo-

[a] *Ann. 1680. mense Febr. q. 14. p. m. 52.* (b) *Boerhav. chem. ibid. p. m. 76.*

disponat, hujus fibras crispet, sanguinem hæc fluentem cogat, perque totum corpus diffusus *spiritus*, ut ita dicam, *rector Cinnamomi* inftar veri ignis omnia consumat, ortasque inde ægritudines accersat. (a) Hinc est, quòd in arte ejusmodi conficiendæ *Succolata* parca quidem manu *Cinnamomum* aliis rebus adjungatur; quo summa indomita & acerrima virtus ejusdem olei retundi queat. Sed hæc intellige de vero, acuto *Cinnamomo*, non autem de adulterato, & evanido, sub nomine *Cassia lignea*. (b)

IX. Accedimus ad vires *Vaniglia*, vel *Vanilla* indagandas. Sapore autem hæc subdulci, subacri, & aromatico donatur; plurimum ad hæc olei essentialis aromatici fundit, & iisdem penè, quibus *Cinnamomum*, viribus (VIII. supra) pollet: nili quòd vaporoso suo sulphure soporem inducat, capitique, nervisque inimica habeatur. Apertæ enim *Vanilla* siliquæ halitum mox emittunt, qui naribus acceptus, & ad cerebrum delatus, speciem quamdam fugacis ebrietatis inducit. Hinc factum est, ut in nova Hispania Aroma hocce exoleverit prorsus, & ab Artificibus negligatur. (c) Quamprimum autem ex novo orbe in Europam invecta est, de illo tetro, & nocivo odore ita deperdit, [d] ut usui absque noxa esse possit. Vtcumque autem sit, certum est, rarioris eam esse in Medicina usus; (e) etsi ab nonnullis in *Cocholata* processu usurpatur, id sit ut gratiam sorbitioni nostræ conciliet, tamquam aliquod pretiosissimum nectar additum [f], & *opobalsamum vitæ*.

X. Liqueat ex dictis, *Cocholatam stomachicam*, & *cardiacam* esse; Et hæc tantum titulis in praxi adhibendam esse. Equidem nullus dubito *Cocholata* compositionem ingrederentia, uniformi mixtione sibi unita, coctione, præparatione prævia, massam constituere verè aromaticam, oleosam nervos excitantem; Quæ proinde intus sumpta ingestaque, intimiora partium etsi contractarum ventriculi repagula subit, permeando villos lubricat; spasmos (a durescentibus stomachi flaminibus, & brevioribus factis) removel; Oscillationem fibrillarum concoquentium segnescentem restituit; ductus glandularum ad contractionem proclives referat, & expandit; languidiores tubulorum ventriculi succum effluentium expressiones promovel; succis glandularum lenteſcentibus fluiditatem, dulcedinem aceſcentibus, torpentibus agilitatem impertitur: in summa sanguinem per ventriculi canales circumferentem calida cinnamomi virtute instaurat ad motum, humoris stomachici in ventriculi cava defluxum proritat; sale suo saccharato, & amico halitu nervos illac discurrentes titillat, hinc viscus velut a somno excitatum alacrius ad coquenda alimenta insurgit. Quoniam verò tres *cardiacorum* elastes dantur: Aliqua enim aromatico tantum spiritu volatili, & elatere repleta, spirituofas, & elasticas particulas sanguini, lymphæ, & succo nerveo impertiunt, quarum auxilio motus cordis,

(a) *Geoffroy ibid. section. 1. articul. 1. p. m. 170.* (b) *A cosa p. 2.* (c) *Experient. de Physique tom. 111. p. m. 498.* (d) *ibid.* [e] *Geoffroy ibid. p. m. 363.* (f) *Hæquet dispens. du carême tom. 11. p. m. 352.*

cerebri, & cerebelli aptè augetur, & conservatur; Nonnulla autem lactiginosa materia tantum donantur, ut *emulsiões*, materiam spiritibus generandis præbentia; Quædam tandem simul, & semel motum, & elaterem, & nutritionem tribuunt machinæ nostræ (a): Quoniam, inquam, in hisce effectis vertitur tota *cardiacorum* remediõrum efficacia, æquis istiusmodi potui *Succolatæ* vim confortantem denegabit; Equis deinde, quamvis non multum nutrientem, at saltem modicè restaurantem, & pinguefacientem *Cacao* præparato virtutem non largiatur? (*vide supra* iv. v.) Quis est qui igneam *cinnamomi*, & summè æcrem naturam non mirabitur? Ut *Saccarum* omittam, quod ad temperandam, frangendamque olei *Cacao* excussi per ignem tenacitatem jure adhibitum, [*vii. supra*] altilem magisque naturæ nostræ potum *succolatæ* aptum reddere natum est.

CAPUT SECUNDUM

De usu, & abusu Cocholatæ in Re Medica.

I. **Q**Uandoquidem nullum in rerum natura sive alimentum, sive remedium reperire est, quod per se innoxium, licet præposterè tamen usurpatum non noceat: E re, & Instituti nostri est, singillatim percurrere morbos, & casus, in quibus *Cocholatam* præscribere solent Medici; atque circumstantias sedulo rimari, quibus in eodem casu potio hæc iusta, sed inconsideratè, vel perperam usurpata sanis incommodum, ægris noxam inferre queat. Et quidem diximus Capite antecedenti [*C. i. § x.*] *Cocholatam* in classẽ stomachicorum roborantium referendam meritò esse; undè in ventriculi atonia, debilitate, languore summum remedium audit. Hinc ad specifica stomachica, (verba sunt Etmuleri Oper. tom. II. de chilof. lésion. p. m. 187.), etiam pertinet *Succolata* succus inspissatus factus ab Indis ex fructibus *Cacao* conditus cum cinnamomo, & pipere, quæ *Succolata* in vino cocta, & pota est egregium stomachicum, & si mul antiscorbuticum. Hactenus ille: ubi verò siccis, biliosisque hominibus datur; Ubi ventriculo inanito, & redundante inde a duodeno bile turgenti *Succolata* committitur; Tunc enim verò tantum abest, ut in succum placidum homogeneous mutetur, atque pastam pacatè fluentem constituat, ut potiùs addito velut camino oleo, ex partibus pinguibus *Cocholatæ* cum bile exaltata colluctantibus, chylus emergat, qui imperfectè subactus, ex parte tritus & effervescens, nec planè comminutus vasculorum meandros, & anfractus offenso pede pereret:

(a) *Mozini, mechanich. medicament. dissertation. II. de cordial. p. m. 100. sequent.*

erret: Ita futurum vellicati ut stomachi nervi, & præterlabentium succorum acrium transitus moniti, in spasmum cieantur, canaliculos, quibus intertextuntur, constringant, abnormes intestinorum oscillationes concitent: Hinc *Diarrhæa biliosa*, hinc morsus ventriculi, *borborigmi* oriuntur, quemadmodum Nonnullis bilioso temperamento præditis, post sumptam *Cocholatam*, non raro contigit memini.

II. In inappetentia autem ex copiosiore evacuatione oborta, qualis vomitui frequenti, alvi fluxui, *hæmorrhæa dæberi*, nimix lactationi accidere solet, *Cocholata* decoctum, minimia quantitate sæpius de die sumptum, egregium *analepticum* est. Cum ex una parte, utpote levis nutrimenti, (Cap. 1. §. v.) non magnam requirit vim, ut humori nostro assimiletur, neque digerenti ventriculo molestiam ullam creat: ex altera verò, lenibus aromatibus, quibus conditur, referta *Cocholata*, lapsam ventriculi facultatem excitat, roburque fœneratur. Referri huc meretur Observatio nostrum avertum luculenter ostendens. Delicatus, & debilissimi temperamenti Vir cum suspitione latentis in pulmone puris, sed ventriculo languido adeo donatus, ut vel tenuissimos cibos, & facillimæ coctionis ferre nequiret, in cibi fastidium, incidit, omnibus reluctans auxiliis. Accitus Medicus *Cocholatam* præscripsit, quam numquam Infirmus antea degustarat: mox refocillatas sensit vires, rediit appetitus, mutatus faciei color, & omnis pulmonis affecti timor evanuit. Mirum autem quod in eodem animadversum est, quodque Doctor Universitatis Medicinæ Monspelliensis *Nicolas Fournier*, ex quo historiam præsentem excerpimus, in sua matière Medica manuscripta enarrat (a), scilicet qui antea ex uxore nullum liberum susceperat, postea remedii hujusce usu Infirmum nostrum multa prole beatum fuisse. Res quidem digna inquisitione. De cætero illud phenomenon non aliam agnoscere causam videtur, quam continuatum *Cocholatæ* potum; hanc enim solam, vel paucis lacte dilutam sumebat.

III. Non immerito ergo Auctores laudant (b) *Succolatam* tamquam completum, & optimum remedium *aphrodisiacum*. Hinc egregiam esse, inquit *Etmulerus*, pro usu [c] *augendi genituram*. Id enim fieri suspicor, quod cum *Cocholata* stomachum roboret, & alimentum facilis digestionis, & perspirationis suppeditet; neque corpus novis ingestis gravat [Suprà cap. 1. num. v. & cap. 11. num. 11.] neque naturam opprimit; Quæ sponte in se semen cōficiet, si sit possibile. Seminis enim confectio sola corporis virtute perficitur, nec ex quibuscvis optimis alimentis medicamentisque *spermato-pojeticis* generari potest; multò minus a stimulantibus (d) volatilibus, quæ salacitatem equidem inducunt, sed quam brevissimè immanis consequitur debilitas. Non sic autem *Cocholata* nostra, quæ licet condimentariis calidis componatur, pastam tamen uniformem temperatamque refert (Cap. I. num. x.) grato blandoque stimulo nervis comi-

(a) Chapitr. ix. de *Stomachiques* l. c. p. (b) Vide le *Fevre* ibid. p. m. 32. num. 3. (c) Ibid. tom. 11. dissertation. 1. p. m. 877. (d) *Gorter. de insensib. transpirat. cap. vxii. §. xvi.*

camicam; quæque proinde acoris expers; acëscit numquam, licet calida non effervesceat; Aromatica non exiccat (a); Oleosa non inflammatur.

IV. Abutuntur autem sorbitione ista, quicumque *anorexia* vel inappetentia laborantes [supra hic §. 11.] inter ipsius morbi initia continuis cyathis *Cocholatam* sorbent; quicumque massam sanguinis, & humorum valde impuram habeat; quicumque acido fortiori in primis viis stabulante turgent: Inde enim multiplex malorum exoritur hydra, fluunt ructus, ciborum desiderium pessundatur, torquent flatuus, dolor circa præcordia cruciat, & intolerabilis spiritus premit angustia. Quæ, sed præprimis anxietas, *Hypocondriacis*, meticulosis, melis, deque morbis ventriculi conquerentibus familiaris esse consuevit; Quibus proinde nocivam fore sorbitionem istam credimus; contra id quod promiscuè dicit *Barbeyrac* (b). Namque fieri potest, ut oleosa, & terrea substantia *Cocholata* congregiens cum acido internorum viscerum multa mala producat: (vide supra in hoc §. 1.) Hinc eo casu emeticum mite præsentaneam opem tulisse vidit *Fridericus Hofmannus* (c). Eadem ratione ad *prophylaxim*, atque ad infringendam energiam fermentationis, quam *Cocholata* biliosa pingues inter, & inflammabiles in itinere per corpus succos concitare poterit, receptum est, ut post assumptum decoctum nonnulli cyathum aquæ hauriant; aliquibus autem

Insudisse juvat spumanti in nectare osellas

panis, & intinctu mollitas frangere morsu (d)

sunt qui biscoctum valè fumanti immittunt: Tandem quoniam *Cocholata* mixtum ex diversis componentibus compaginatū, quò recentior ea, eò fermentationi magis obnoxium est; [c] patet inde, cautè procedendum esse & in ejusdem confectioe, & in ejusdem sorbitione, proindeque in genere vim, & effecta hujus alimenti determinari non posse; pro varia siquidem ingredientium proportione, & pro vario apud diversas nationes conficiendi modo; Nunc *Cachau* prævalet, ejusque oleosa pinguedo bilioso ventriculo intensa, & in accensionem prona, liquida incendit; modò prædominium tenet *Cinnamomum*, & alia aromata, quibus sanguine abundantes, torrentur potiùs quàm reficiuntur: (Capite 1. supra §. VIII. IX.) Unde miræ sanguinis *stasis*, *febres*, *pruritus*, inflammationes: Interdum Saccarum nimia, & largiori copia intrita *Cocholata* inter desendum admiscetur; In quo casu dulcis sacchari indoles, eaque oleosa ventriculum (Cap. supra 1. §. VII.) fortasse a morbis, vel sponte sua languidum, plus labefactat digestionem, & chilificationem pervertit, & ad plures morbos hominem disponit. Est ubi sacchari candidissimi exuberans portio admittitur, quæ in *Scorbuticis* strages edit notabiles, & tunc *Cocholata* iisdem nocitura est. Vides ergo quanta prudentia opus sit, alimentum ita paratum, atque suspectæ notæ, neque omnibus convenientibus condimentis emergens, præ-

(a) *Le Monnoyer question. quodlibet* Paris: anno 1739. (b) *Formules du chécol. lib. cap.* [c] *Tom. vi. de remediis Nox. &c. p. m. 333. num. 17.* (d) *Strozza apud Ecquet. ibid. part. 111. chapitr. XI. p. m. 356.* (e) *Ecquet ibid.*

præscribere omnibus ita, ut huic proſit, alteri non officiât: ſed perge, alias *Cocholatæ* vires enarremus.

V. *Hæſticis*, *Phthiſicis*, *Tabidis*, *atrophia* laborantibus *Cocholatam* apprime convenire ajunt: (a) & merito quidem, nam inter medicamenta alibilia, & coctû facilia, non infimum tenet locum, ut in præſenti Capite ſuperius dictum eſt (§. 111.) Porro in hiſce egrotantibus nimia imbecillitas adeſt, effectæ ventriculi vires pluſculum ingeſti in *homo-geneum* chilum convertere vix poſſunt; unde iis concedenda ſunt edulia, quæ facile ſubiguntur, quæ exiguum & proportionatum cum ventriculi robore concoquente nutrimentum habeant: Quantæ enim ſiunt anguſtiæ, dum *Phthiſici* in aſumptorum quantitate excedunt, & minorem licet, quàm in ſanitate optimi nutrimenti copiam ingerentes novo chilo debilem pulmonem gravant nimis! Quid fiet igitur, ſi *Cocholatæ* decoctû non probè fermentatæ, (*ſupra* §. iv.) hiſce Infirmis propinetur? Neque enim motu ventriculi, inteſtinorum, & reliquorum vaſorum; neque ſaponacitate, aliave indole humorum languentium facile ſuperari poterit, ejuſque partes ita attenuari elaborarique, ut in inquilinorum laticum indolem commutetur: Verùm indigeſto crudoque onuſta ſucco inteſtina pererrans, vel obturatis lacteis ſubſiſtere, & in corruptelam degenerare; (*hic* §. iv.) vel ſuperatis vaſculorum illorum oſcillis, & in ſanguinem abeuns, circulationi reſectari cogitur, quæ in pulmone peragitur, hujusque ſtriſtiſſimos arteriolarum compaginantium fines miſerrimè opplet. Statuendum ergo eſt, *Cocholatam* noſtram in *Phthiſi* a nimia ſanguinis evacuatione orta locum habere poſſe; ut & in *Atrophia* ab ingenti bonorum ſuccorum penuria: Non autem in quocumque *phthiſeos* apparatu, & indiscriminatim in quacumque *hæſtica* præſcribendam eſſe. Plerumque enim ſub hiſce noxis accidit, ut ſtomachus, vel errore dietæ, vel vi morbi cruditatibus turgeat; Unde non poteſt non ægrè ferre decoctum *Succolatæ*, quo tunicæ villoſæ, ex oſculis ductuum in ipſa obſtructis inflatio indueitur; Cui decocto tamquam cauſæ, & anguſtia ſpirandi, & præcordiorum anxietas, & dolor vagus pectoris, & inquietudo ſuccedens tribui ſolet.

VI. Si ullis certè ſenibus omni ratione conferre videtur *Succolata*, unde *lac Senum* jure vocatur [b] Quum enim morbi ſenes idemtidem afficientes non ex alia cauſa, quàm virium lapſu, ſolidorum rigiditate, & defectus ſalutaris excretionis per ſpiracula cutis enaſci ſoleant; Illis omnibus ſuavem, & utilem medelam *Cocholata* præbebit; quæ fibras in tot annorum decurſu rigidiores, & denſiores factas parte ſua butiroſa emollit; vaſcula *neuro-lymphatica* nutritioni dicata, & in illis hominibus anguſtiora reddita, parte ſua volatili, & pingui reparat; tubulos ſecretioni fluidi nervei vacantes, parte ſua aromatica fovet, & cum parciorem cibum, eumque concoctû facilem ſubminiſtret, deperditam inſenſibilem tranſpirationem inſtaurat, qua de re conſule ſuperius a nobis dicta (*ſupra* §. v.). At verò moderatorem

nem

(a) Vide le Fevre ibid. p. m. 32. num. 4. & 5. (b) Le Fevre ibid.

nem ubique laudabilem esse, probè tenendum est; adeoque si? *Cocholata* haustum phthisicæ sanguinis dissolutioni, & succorum acrimoniæ ad summum apicem evectæ proficuum, productis in hanc rem testimoniis, & Joannis Baptistæ præsertim experimentis (a) edocti probavimus, non absque ratione eundem potum improbandum censemus in solidorum spastica strictura, & fluidorum orgasmo, in senio exiecatissimis maxime organis, effectisque; cum adnotante, cujus postremo loco meminimus, Auctore *Cocholata* componentia, acuta, pungentia, acris, & volatilia cum sint, non insolitam modò agitationem firmis labilibusque nostris partibus imprimere [b], sed & quoque ultima vascula, & nervos fontes corrugare, atque coarctare, eoque subtilissimi laticis cursum turbare, sistere apta habentur merito.

VII. Verum cavendum est, ne Senum plethoricorum corpora, & impuris succis redundantia eadem immoderatus utantur. Quoniam enim *Cocholata* sanguinem incrassat, forsan ratione oleosæ, viscidæque naturæ fructus *Cacao*, & ipsa liquida circulationi reddit inepta, (Confer cap. 1. §. IV. v. & hic §. IV.) fit, ut inde nascantur in Senibus temperamento sanguineo præditis inflammationes viscerum, febres longæ *mesentericæ*, & aliquando *apoplexiæ*, olim Romæ frequentiores testantibus eximiis in Arte nostra Viris, praximque in Urbe exercentibus, *Lanciso* (c), & doctissimo *Baglivio* (d); Grassantes, inquam, non ob aliam, ut videretur, causam, quàm quòd *Succolata* usus frequentissimus esset: Cum enim causæ *apoplexiæ* in sanguine *phlegmonoso*, & inflammatorio, vascula cerebri opplente, & supra modum extorsum agente ut plurimum sitæ sint; patet diuturnum *Cocholata* assatum sumptæ abusum, minùs ob copiam nutrimenti, quàm ob copiam volatilium, sulphurearumque partium quas in sinu recondit, [Cap. 1. §. IV. v. VI. sequent.] Succos fermentantes, rarefacientes, & sese moventes in sanguinis massam infundere, qui exindè majori solita mole, impetu per *encephali* meandros abreptus resistat, suoque cursui insuperabilem obicem ponit, liquida illicò remoraturum, vitæque scintillam extincturum.

VIII. In quæstione positum id esse ab aliquibus video; sit ne *Cocholata* potus refrigerans, an verò sanguinem calefaciens? Plures asserunt, illam refrigerantem, & simul calefacientem suggerere potum, qui sitim extinguat, atque languori ventriculi succurrat; Inter quos numerantur, *Colmenero*, & *Du Four* (e). Alii nimiam olei copiam in hacce sorbitione contentam onerare naturam, atque vires, adeo ut nec motus regere, neque ritè domare materiam possint, arbitrantur; proindèque *Cocholatam* ad obstructions calidas, vel inflammationes disponente censent, ut *Baglivius*, & *Lancisus* vide [Suprà hic §. VII.] & *Felicius* (f); sed eximenda hujusce rei controversia est. Plurimi, qui eam po-

tant

(a) *Ibid.* p. m. 43. 45. [b] *p. il m.* 27. 34. [c] *Giornale de Letterati d'Italia tom. 11. p. m. 397.* [d] *Prax. Medic. p. m. 76.* (e) *Ibid. di Chocolate p. m. 386. 388.* (f) *Ibid. p. m. 5. 9.*

tant *plethorici* sunt, & quia parum exercent corpus, & sub tranquillo animo, pleno lautoque victu plus sanguinis generant, quam ipsis utile est: tali utique in casu *Cocholata* repudianda sorbitio est, ut qua impensius sanguis caleat, bilis exaltetur, & citatius circulantia liquida multa mala invêhere valeant, & quidem sanctè testari possum, hisce hominibus ab assumpta *Cocholata* pulsus elevari, manifesto circulationis adauctæ argumento, quidquid in contrarium scripserint, *Hecquetus* [a] & *dù Four* [b]; Quorum prior, ut humanum est, doctorum oblitus, paginis inde sequentibus [c] *Cocholatam* pulsus accelerare conceptis verbis, & disertè pronunciat. In iis verò, qui jam imbecilles sunt, vel valetudinarii, & parum cibi sumere consueverunt; Quique ex morbo aliquo laborant, modò autem stomachum omni fucorum immunditie expertem habuerint, istud esculenti potulentive genus prorsus probandum esse judicamus.

IX. De cætero Regionis habenda hac in re quoque ratio est. Audio quippe in America *Cocholatam* tutò ægris indiscriminatim offerri [d]. Sed oportet in Europa noxas ab hoc potu dependentes ritè notare. Certè in illis, quorum sanguis nimius vel motus citius peccat, *Cocholatam* ingerere piaculum esset, quæ cum

..... Purum potiori è sanguine florem.

Assiduò circum præcordia turbine versat [e]
periculosam efficeret ægritudinem. Audio etiam, quin & lego inter eosdem Americanos, nonnullis impunè sorberi *Cocholatam* stomacho licet putri cacochilia scætente [f]; Quod quidem Europæis nostris vix consuluisse, cum debilitati potius, quam oppletioni ventriculi nata sit *Cocholata* [hic §. 1. & 11.] opitulari. Præterea Americæ Incolæ, cum copiosissima fiat cutis exhalatio, & chilo-pojeticorum organorum, potentia indè mirum frangatur, magis, quam Europæi portione hac indigere videntur: Namque cibi copiosum, sed tenue nutrimentum, & promptæ solutionis habentes, ut est nostra *Succolata* perspirationem insensibilem adaugent, ut demonstravit *Gorterius* [g], non sic autem ratiocinandum est de Accolis, qui moderato sub Cœlo degunt, quique nec multum dissipant, neque nimis debiles sunt.

X. Corpora igitur nimia detractione, caloris vi excitata, *Marcescentia* plurimum suppeditant negotii Medenti in faciendis Dieteticæ legibus: vires enim simul exhaustæ sunt, & humores in talibus morbis quasi exusti in corpore supersunt, ut de *Americanis* mox dictum est: [§. ix.] Quæcumque induntur illis *etherogenea*, augent pondus movendorum succorum, & vires parum, vel pro instanti, erigunt: Quæcumque spirituosæ assumuntur, superstites humiditates naturales absumendo, humorum massam magis figunt, sistuntque. Si ergo *Cocholata*

c

lis

[a] *Ibid.* p. m. 352. [b] *Ibid.* edition. Lugduni p. m. 388. (c) *Ibid.* p. m. 358. [d] *Mappus* apud *Ecquet* *ibid.* p. m. 361. [e] *Sirozza* apud *Ecquet* *ibid.* [f] *Vide* *dù Four* *ibid.* p. m. 386. cap. 111. [g] *De insensib. respirat. dissipation.* cap. XI. 11. & cap. XIII. num. 3.

Iis præscribenda est; simul tunc tepida propinanda, ut sensim tenuioris defectus suppleatur; & multum quidem diluta, ne laborare cogantur viscera; & mediocri condimentorum quantitate referta, ut volatilibus *Cinnamomi*, & *Vanilla* [Cap. 1. §. VIII. & IX.] elementis vires lapſe quodammodo insurgant, solida reborentur, & æquabilis humorum eieatur motus. Nam quod de *cardiacis*; idem de *Cocholata* æquè verum est. [1. §. x.] Damnatur quippe non usus, sed abusus hujusce sorbitionis, quæ quantò præstantior & utilior est, cerebro, cerebello, & cordi præcipuè in senio confectis; [hic §. vi.] item Emaciat; (hic §. v.) tussis ferina laborantibus (a), & febris carentibus (hic §. ix.) præcipuè cum moderata quantitate, qualitate, [Cap. 1. §. iv.] ac tempore debito assumitur: Ita pernicioſa ellè poterit, quotiescumque citra senectam in usum quotidianum eadem abutuntur Juvenes, & in flore ætatis constituti; quoties plus æquo sagineati, & otio torpentes huic decocto indulgent; Quoties corpora impura ab *Cocholata* usu gravari potiùs, quàm refici, opprimi, quàm restaurari scimus.

CAPUT TERTIUM

De jejunii Ecclesiastici salubritate, ejusque præcipuis finibus; ubi de Cocholata, quantam ad jejunii observantiam spectat Judicium offertur.

I. **P**Arum quod ad valetudinem tuendam facit, ingerendum est. Paucis natura contenta. Multum autem est, & diversis saporum illecebris conditum, quod ventriculo committunt. Neque satietatis gulæque hodie finis habetur. Mater satietatis abſtinentia est; Aegritudinis autem voluptas est. Aſſequimur plerumque, & amplexamur quod nimium nocet; spernimus, & rejicimus quod modicum est. Proh dolor! Quibusdam Populis ipsa voracitas quasi connascitur. Infantum tenellos ventriculos ad vomitum usque iteratis buccellis infarciunt. Non attendunt inde ortum languorem, non gravamen visceris, non ructus, non odores, non insomnia, non peregrinos oris saporos, & sexcentum mala solius luxuriæ partus. Obtentu sustendandæ machinæ, prætextu refocillandarum virium, quas brevi ab inedia resolutum iri expavescunt: his, inquam, aliisque conceptibus Mortalium coactæ mentes, Sanctæ continentiæ, laudabilisque frugalitatis præcepta deferunt, & gulæ impetu abrepti, brutorum ne dicam, an Infanientium more, omnium pretiosissimum naturæ donum, *sanitatem* pessundant. Dum exindè incredibilem eduliorum molem languenti visceri perpetim ingerunt; membranaceum fæccum immaniter distendunt; Hinc *tylorum* summo opere arctant, & liquidis licèt per *Janitorem* transfluxum aliqua ratione cedant,

cedant, durioribus tamen chili partibus viam intercludunt omnem. Quanta inde mala oriuntur, noverit non gulæ homines, isti servientes, ejusque incitamenti allecti; sed qui tantum escarum modicitate contentus, divi Senis oracula sedulò attenderit: *Optima sunt ad sanitatem, quæ modicè ingesta sufficiunt, ut & fames, & sitis* (a) *sint medela.*

II. Enim verò, vix mediocritatem alimentorum egredi licet, quin sanguis inde unaque confusa liquida mole nimium excrescant, atque equilibrium inter liquores, & vasa cessaverit; in quo fartam tectamque positam esse valetudinem universus Medicorum chorus confitetur. Quid dubitas? Respice quàm parum sanguinis vasculis coerceri in statu sano natura voluerit; robustissimo quidem si plusquam libras viginti quatuor concesseris, jam ægrum efficies. Quàm ingens oritur inde disparitas inter vitale flumen permeans, & machinæ molem! Ea nempe, quæ inter 1. & 8. intercedit (b). Itaque adulto homini, de quo hic loquimur, cum jam ad incrementi apicem pervenerit, cò inutilis, imò periculosius sanguinis superpondium futurum est, quò minus opus habet corpus augere. Inde ergo cavendum, ne nimia assumptorum sarcina plus solito turgentibus vasis, in ægritudinem *Athleticis* prædictam incidamus. Qui ergo impendentem hisce hominibus corporis ruinam avertas? Intra victui tantum necessaria te cohibe, furentem, sibi que multum ablandientem appetitum frœna, prudenterque coerce, facque ut e mensa famelicus recedas. Quamvis enim vegetam vim digerenti stomacho natura largita est, ope ejus ex diversis eduliis tritis, & humectatis uniformem chilum eliceret; Alia verò organa ulteriori ejus rudis adhuc, elaborationi defecationique substituit. Quemadmodum ergo immodicæ escæ, superatis officinæ ventriculi viribus, malè comminutæ elaboratæque fluunt, sic chili succorumque inde emergentium distributiones, secretiones, depurationes imperfectæ manebunt. Quod nimirum succi in organa abundantius confluentes, & nimiam suæ triturationi resistantiam opponentes, crassiores, & impuri evaserint, malorum *cohortem* imposterum suscitaturi: Quando autem stomachus modicè plenus est, parciolem fermenti vim suppeditat; ad hæc onus partium, vasorumque oscillatio promptior liberior futura est; superflua è corpore facilius eliminantur, neque succorum additamento gravata natura insensibilem transpirationem ex partibus per solius corporis vim attenuatis constantem ullatenus inturbat. Præterea verò servanda non genium, non consuetudo, non gulæ blandimenta consulenda sunt; (*hic* §. 1.) sed fidelior dux ille appetitus naturalis audiendus est, per quem, inquit, *Gortherus* (c) *tempus & ingerendi quantitas accuratissime determinantur.* Quare consulatur animadversio nostra (de *Esculentis* XIII. in *Vvainright*).

III. Cum itaque conservandæ sanitati, necessaria adeo sit sobrietas, [§. 11.] & huic adeò contraria reperiatur vesana ingluvies; [§. num. 1.]

(a) *Lib. de affectibus, lib. cap.* (b) *Hecquet dispençe tom. 11. partie 11. chapitre. 111. p. m. 26.* (c) *de insensib. transpirat cap. 11. §. XII. p. m. x.*

Neminem Physiologiæ, pathologiæque præceptis vel levissimè imbutum fore existimo, qui de *Jejunii* excellentia, imo pro tuenda valetudine, necessitate decertare velit. Quò enim constans maneat corpus oportet, ut quotidie tanta, & talis materiæ sumatur quantitas, quanta, & qualis deperditur. Quòd quidem privilegium nulli conceditur, cum ineluctabili fato continuo, & plus de corpore absumatur, quàm ad deperditorum instaurationem ingeritur: Vis enim vitæ cum ætate sensim labascens, senectæ frigus usque ad intima corporis gliscens, nullo auxilio, nulla humana prudentia restitui, evitarive possunt. At verò quantacumque facilitate, corpus nutriri videatur, succorum tamen impensæ nonnisi ægrè recuperantur; cum elateria solidorum recreationi, & succorum nutritiorum depurationi præfecta jugi continuaque vitæ motitatione elangueant, deterantur, fatiscant, materiamque nutritionis vel parciolem, vel crudiolem solidis aptent. Abstinencia ergo in Jejunantibus, quæ virium digerentium ventriculi dispendio perparcit, & recrementorum perfectioni ultimam velut manum imponit; nihil est quòd magis vitam tueatur, atque ad longevitatem condicibilibus esse videatur. Sanitas enim inde viget, & constantior fit; namque ut vitia primæ digestionis raro corriguntur in sequentibus; sic è contra a perfectione primæ coctionis ceteræ pendent universæ. Hisce rationibus factum est, ut a Prudentioribus hominibus sobrietas coleretur; A Medicis autem præciperetur ubique dieta; atque demum jejunium non ad naturæ destructionem, sed corporis macerationem, sine sanitatis detrimento ab Ecclesia Catholica sapienter institueretur. Sic debes, inquit, *D. Bernardus (a)*, nutrire corpus tuum, ut non superbiat; [*loquitur de Jejunio servando*] & iterum sic debes reprimere, ut non cadat; Sic enim debes reficere carnem tuam, ut serviat; & sic eam debes castigare per abstinenciam, ut non pereat: si carnem tuam (*pergit idem*) supra modum affligis, civem tuum occidis; & iterum si eam plusquam oportet reficis, inimicum cum tuum nutris. „

IV. Hactenus de bonis effectibus, quos in corpore jejunium præstat, satis superque diximus. (hic §. 1. II. III.) Quæ autem, & quanta in anima emolumenta producit, non Medici, sed Theologi edisserant. Addam tamen, cogitationum, animique passionum species diversas fieri, ac promoveri medio nexu corporis cum anima per diversas implicationes, divulsiones, corruptiones, tensiones, crispationes, aut oscillationes, aut aliter factam in fibrillis sensorii communis mutationem: Quæ omnia spirituum, atque humorum *diathesi*, necnon penes organorum dispositionem, ut diversimodè inter se discrepant, dispari quoque ratione in corpus agunt, dissimilesque edunt effectus. Porro hisce omnibus prædictis moribus, & indolis mutationibus peragendis Symbolum suam conferunt alimenta. Innumera recenseri hic possent phenomena de stupendis effectibus, qui passim deteguntur

(a) *Ad sororem de modo bene vivend. cap. xxiv.*

Pages XXI-XXIV missing

quod corpus nutriet, *jejuniumque* Ecclesiasticum labefactet. Certè eam locum habent, & mero potui aqueo convenire omnino videntur, quæ ad sublevandam tantum sitim assumuntur. Quid autem dicam de *Cocholata*? Audes ne eam inter potus aqueos recensere, eò quod summis velut labiis potari soleat? Vel eò quod adinstar *calide* ratione potus hauriatur? Numquid habens solidam nutriendi substantiam, si aqua liquefiat, rationem potus habet? Nequaquam respondet *Zacchias* (a): Sed in tantum dici poterit non abluere rationē potus a natura, in quantum non masticando, sed sorbendo deglutitur, ut ovum jure distemperatum, succus carnum contusarum, & alia, quæ licet potus larvam obtendant, pascunt tamen, & augent, obtinentque *rationem cibi* (b). Quæ omnia, ut ille, & cum eo omnes opinantur, integritati *jejunii* obstant. An ergo tollendæ siti exhibitur *Cocholata*? Potius dixeris, eam adhiberi ad corpus sustentandum, & libidinem fovendam, „ Sitim „ istam esse putas? inquit, *Seneca* (c) *febris est* (voluptuosa intellige) & „ quidem eò acrior, quod non tactu venarum, nec in cutim effuso „ calore deprehenditur; sed cor ipsum excoquit luxuria, invictum „ malum, & ex molli fluidoque durum, atque patiens. „

XI. Cum ergo, ut exploratum in dies habemus, tali *cocholata* potu corpus insigniter nutriatur, [*supra cap. 11. §. v.*] vel pinguescat, adeo ut ea utentes, ex observatione *Thomæ Gagæ*, fiant *quadrati*: Cumque ea vires recreentur, spiritus exhilarentur, corpori concilietur robur, & stomachus adeo vigeat, ut non semel uno *cocholata* poculo iter agentes perseverent ad vesperam usque validissimis viribus: (d) Cum demum istiusmodi potus sorbitio corporis vigorem acuendo, carnis stimulo serviat, & caloris impetum excitet: (*Cap. 11. supra §. 111. & VIII.*) Videtur sanè nec more potus usurpari, neque cum *jejunii* lege, unica scilicet comestione, & corporis molesta inedia [*hic supra §. v. VI. VII.*] consistere posse. Vbi nam *Ambrosiæ* huic dediti de corpore afflicto conqueruntur? Qui nec veneris aculeos obtundi *Cocholatæ* vident, neque (e) libidinis effervescentis ictus remitti inde experiuntur.

XII. Frustra *Americanorum* consuetudinem advocas *Cocholatam* simplicis ad instar potionis allumentium, vel enim falsum est apud illos Populos, *Cocholatam* ut potum assumi; quia numquam illam adhibent ad sitis solatium, [f] cui tantum fini potus conceditur: (*hic §. x.*) vel & si *Americæ* Incolis portio sit, Italici non item, quorum singuli tali luxuria non bibunt: [g] vel Regionum attendenda ratio est. [*Cap. 11. §. 1x.*] melius tamen dixeris, *Americanos* esse stomacho debiliores; [*hic §. x.*] adeoque illis *Cocholatam* tamquam medicamentum nutriens, vel potius electuarium, absque violatione *jejunii*, ex sententia *Divi Thomæ* [h] concedi posse.

XIII.

(a) *Question. medic. legal. lib. IX. question. 1. titulo VIII.* (b) *Sanchez lib. IV. cap. 1. dubio 23. num. 1.* (c) *Natural. question. lib. IV.* [d] *Berti de disciplin. Theolog. tom. IV. proposition. 111. cap. ultimo p.m. 587.* (e) *Bravo consult. XIV. p.m. 732. sequent.* (f) *Zacchias ibid.* [g] *Berti ibid.* (h) *Ibid. articul. VI. ad 3.*

XIII. Saltem cum *Branchacio* regerere poteris, *Cocholatam* forberi posse, intacta *jejunii* unitate, ab iis, qui robore caloris naturalis, generatione purioris sanguinis, flatuum dissipatione &c. indigent. Infirmis ergo, & Senibus tutò præbetur. Illud autem non nego: (*Cap. 11. §. 1. & vi.*) Verùm ægrotantes, & senes ad *jejunium* non tenentur. Neque *electuarii* tantùm *Cocholata* vires sibi arrogat, quæ vim esculenti habet corpus mirè sustentantis; [*Cap. præsent. §. xi.*] cùm è converso medicamenta numquam in nostram naturam convertantur, sed in corpus agentia, & a natura victa foras per diversa corporis loca expellantur. Quomodo deinde, ait *Berti* (a), stomacho valentes, & naturali calore divites servabunt *jejunium*, ideò ab Ecclesia indictum, ut Fideles se ab alimentis arcentes carnem subigant, & corpora sic mulctata, rationis sub ditione coerceant?

XIV. Illudunt porrò nobis, dum parvam *Cocholatæ* quantitatem *jejunio* non adversari contendunt (b); Si uni *Cocholatæ* uncix tantum, inest pabuli, ut dictum est suprà. (*hic §. xi.*) Præterea non minus considerata est hujusce decocti copia, quàm nutrimenti, quod subministrat indoles, atque natura. Ovum forbile paucum carniùm jure dilutum parvam quantitatem sistit equidem, sed summè altilem, quæ proinde *jejunium* omnium consensu frangit. Et cùm animalium carnes, & ex iis expressa juscula ideo Jejunantibus vetantur, quòd magis conformentur humano corpori, plus delectent, & copiosorem nutritum suppeditent; sicque ex eorum assumptione plus in corpore supersit, ut convertatur in materiam seminis, cujus multiplicatio maximum est ad luxuriam *incitamentum* (c): Nonnè liquido patet, *Cocholatam* interdicens seriò esse Jejunantibus? Cùm operationes effecta non absimilia, similia imò ad venerem fovendam, pungendamque aptiores in corpore nostro [*suprà Cap. 1. §. xi. xii. Cap. 11. §. 111. viii. & Cap. 111. §. xi.*] producat. Demùm perperam creditur, largiorem cibum magis alere: (*Cap. 111. §. 1.*) *Qui comedit magis quàm oportet, alitur minus quàm oportet*; verba sunt, *Sanctorii* (d). Superabundans namque alimenti portio sua sponte corrumpitur, & corporis vires lautioris pabuli onere præstas magis premit (e). Verùm qui *Cocholatam* avidè bibit, plus in die alitur, quàm requiritur ad sustentandum corpus; minori adeò sub mole ingentem vim nutrientem, vel opimantem acquirit; nec quantum ad salutarem mediocritatem ipsi ingerendum in prandio sit, scire possit; simplici potiùs, & luxuriosæ libidinis instinctu, quàm naturæ fidelissimo famis duce permotus.

XV. Fateor, gulæ deditos, & ad *Cocholatam* propensos minùs sanctam cibandi moderationem advertere; illosque nullam ab hujus succi excessu (*hic §. xiv.*) noxam aliquandò percipere: Verùm hi, si potui

(a) *Ibid. p. m. 589.* (b) *Brancacius apud Berti ibid. ad argumentum 4.* [c] *Divus Thomas ibid. articulo viii. in corpore, & nos suprà cap. 11. §. 111.* (d) *De medic. static. aphor. 255. edition. Gortzer.* (e) *Gortzer. in aphor. de insensib. &c. p. m. 216.*

tui huic nimis se assuefecerint, poenas luent seró, dum corpus acutioribus cinnamomi, & vanillæ spiculis; (*supra cap. i. §. viii. & ix.*) & calidissimis oleosisque *Cacao* partibus; præterea sale sacchari, ejusque summè exaltatis atomis, [*ibid. §. v. vi. vii.*] implent, & accendunt, atque continuò calidum *Cocholatæ* decoctum sorbendo, [*Cap. ii. §. iv. & vii.*] ea ratione vires dissipant, & spiritus spargunt. Quin non ab- similem illis labem tacite contrahunt, qui spirituoso alicui liquori dediti, eodem largè sese invitant: Adaucto enim liquidi vitalis motu, & crescente diutina tubulorum stimulatorum contractione, quod subtilius fluidiusve in liquoribus adest, avolat; Quod in solidis laxè coheret, tenuiusve est, facile deteritur; tardius Indè residua humorum malla crassior per vasa fluat; Indè molestæ fluidorum decurrentium stases; Indè variæ in partibus obstructions; Indè solidorum laxitas, atque inertia, & ex iis infinita mala spirituosius partibus continuò corpori, & imprudenter ingestis debita. Quæ quidem pravi effectus eò magis metuenda videntur, ubi larvata dulcedine *mulsum* igne dives quotidie exhaurimus, quàm ubi conspicuo & aperto stimulo manifestas insidias, machinæ instruere videatur. Sed de his satis.

XVI. Vt ad medicamenta, sic ad alimenta accedere oportet, inquit *Sæntus Augustinus*. [*a*] *At edendi & bibendi voluptas nulla est, nisi præcedat esuriendi, & sitiendi molestia*: [*b*] videlicet in alendo animali corpore placuit Summo & Adorando Conditori nostro, in gustu delectationem ad capienda alimenta nobis concedere non ut simplex & animale oblectamentum ex cibo potuve assumptis haberemus, & gulæ indulgeremus; sed ut sustentaremus vitam & sanitatem, capientes alimenta, cum grata sensatione sequente. Multi tamen, ne dicam omnes, quibus consueta jam a longo tempore *Cocholata* arridet magis gustui, quàm sanitati incumbunt; intenduntque; cùm nimis eam sorbendo, inutiles, & nutritione residuos humores temere in venis congerant; vel voluptuosè nimis & mille luxuriæ inventis eam, delibando, non aliud, quàm saporum delitiis unice facinati videantur. Utroque igitur modo ab severa, & recta *jejunii* meta aberrant, si ob concupiscentiam solam *Cocholatam* istam bibunt; atque ob gratum solam dulcedinem excessum in ea capienda committunt. (*hic §. i. ii. iii.*)

Hæc hæctenus de *Cocholata*, ejusque usu & abusu, ut candidè sensimus, enuntiavimus. Maximè vellem, homines isti gulæ epularumque inventionum aliquando finem fecissent, severiorem longè *Jejunantiū* legem introspexissent, & crebris in esurialibus feriis *Cocholatæ* potiunculis modum adhibuissent. Neque enim erit qui jure mihi succenseat, si vel ipsa Animadversionis hujusce lectione remissam, labantemque istius, quo vivimus, ævi disciplinam, *nectarii potus* illecebras ex una, & ex altera parte Nonnullorum, ut ajunt, *Moralistarum* nimiam facilitatem, & philautiæ faventes opiniones ingemuerit. Inde enim profectum esse puto fumen-

dæ

dæ *Cocholatæ* abusum in diebus Jejunii; Inde nimiam Auctorum indulgentiam; Inde triumphantem ubique potum. At quid hos commemorem, qui salutis causâ *Cocholatam* forbillant? Quid Medicorum quorundam officia, & obsequia erga ægrotantes suos, vel quoscumque valetudinarios, vel quod pejus est, cunctos erga obvios amicos, quibus in jejuniis ab Ecclesia severè indicto, bona fide, & indiscriminatim eam præscribunt; atque spretis, ne dicam conculcatis, Ecclesiæ legibus, sancta abstinencia impunè dispensant? Sciant, quod cum salus sit causa edendi, & bibendi, adjungat se tamquam pedissequa periculosa jucunditas & plerumque præire conatur, ut ejus causa fiat, quod salutis causa facere vel dicunt, vel volunt (a). Abusum ergo potandæ *Cocholatæ* in jejunii diebus ferio coerceant, quibus cura est; nam semel inductæ corruptelæ modum servare non possunt. Atque caveant, & iterum caveant, quibus istiusmodi potus illecebra in consuetudinem abiit, ne dum novo huic epularum liquidarum generi nimium auscultent, atque palato, & sensus delectationi studiosè, & silente conscientia indulgeant, corpora, æternam ad victimam saginando conservent, & animæ suæ detrimentum patiantur (b).

(a) D. Augustinus *ibid.* lib. x. cap. 31. (b) Confer *Epistol. encyclicam super jejuniis* a Benedicto Papa XIV. dat. 10. Julii 1747.

FINIS.

ERRATA SIC CORRIGE.

P. 111. in Præfat. lin. 15. *aderant* legatur *aberant*. Pag. 46. l. 7. *possem* l. *posset* P. 65. l. 24. *adfricaturas* l. *adfricatueros*. P. 102. l. 29. *aptæ* l. *aptè*. P. 104. l. 20. *ruptionibus* l. *eruptionibus* P. 112. l. 8. *se* l. *sed*. P. 139. l. 18. *halitus* l. *balitibus*. P. 167. l. 5. *axius* l. *laxius*. P. 203. l. 6. *faces* l. *sæces*. P. 204. l. 32. *Poros* l. *Polos*. P. 232. l. 17. *venenosos* l. *venosos*. P. 239. l. 25. *vexaverint* l. *vexaverit*. P. 253. l. 9. *pervenisse* l. *perrexisse*. P. 272. l. 10. *laudat* l. *laudatur*. P. 345. l. 5. *distinguendi* l. *disfringendi*. P. 347. l. 16. *adjiceret* l. *abjiceret*. P. 349. l. 11. *potuerit* l. *potuerint*. P. 352. l. 15. *Renis* l. *Penis*

Differt. de *Cocholata*. In Præfat. Pag. iii. lin. 29. *venationes* l. *cænationes*. P. xiii. l. ult. *comi-* l. *ami-* & in seq. pag. xiiii. l. 1. *leg. ami-* *cam*. P. xv. l. 7. *effectæ* l. *effatæ*. P. xix. l. 33. *onus* l. *conus*.

Quod si alios parvi momenti, candide Lector, errores legendo inveneris, ut benignè corrigantur, occurrat Prudentia tua.

W2 260 D374; 1759.

